


বিঃগুঃ পাণ



কাম্বীকুমার চক্রবর্তী



ত্রিবেণী প্রকাশন
প্রাইভেট লিমিটেড
২, শ্যামাচরণ দে স্ট্রীট, কলিকাতা—১২

RR

১২২.৩৪৬০২
সংস্করণ

প্রথম সংস্করণ আষাঢ় ১৩৬০

প্রকাশক

কানাইলাল সরকার

২, শ্যামাচরণ দে স্ট্রীট

কলিকাতা—১২

মুদ্রাকর

অজিত মুখোপাধ্যায়

রেয়ার প্রিন্টস

৪বি, সীতানাথ রোড

কলিকাতা-৬

প্রচ্ছদ

পূর্ণেন্দু পত্রী

প্রচ্ছদ ব্লক

স্ট্যাণ্ডার্ড ফটো এনগ্রেভিং

ব্লক মুদ্রণ

চয়নিকা প্রেস


বাধাই

ওরিয়েন্ট বাইন্ডিং ওয়ার্কস

দাম চার টাকা

STATE CENTRAL
ACCESSION NO.
DATE...

১১-১২০৬৪
৬.২.০৭
BENCOA



কৈকিয়ত

‘হিরণ্যয়েন পাত্রেণ সত্যস্ফাপিহিতং মুখম্’—‘হিরণ্য পাত্র দ্বারা পরম সত্যের মুখ ঢাকা রয়েছে। ‘হিরণ্য পাত্র’ আবরণ, সত্যের সঙ্কোচাবরণ। সূক্ষ্ম তাত্ত্বিক দৃষ্টিতে ব্যাকৃত্য মায়াব সত্ত্ব-রজঃ-তমো গুণগুলিই এই আবরণ। অতি উজ্জ্বল চোখ ধাঁধানো এদের রূপ, অতি মনোরম এদের প্রকৃতি। সত্যের পরম সুন্দর, শুচিশুভ্র মুখখানি এরাই আবৃত করে রাখে, এরাই সত্যের আবরণরূপ হিরণ্য পাত্র বা Glittering disc :—মানুষের সত্য দৃষ্টিকে আচ্ছন্ন করে রাখে ওই ‘নিষ্কৃতি’, ওই ‘বাকুণী’, ওই ‘মহামদ’। অসত্যের এই পাত্র অপসারিত হলেই নির্বিশেষ সত্যের আনন্দঘন স্বরূপদর্শন ঘটে।

এই অসত্য মূর্তিকে আমাদের পুরাণে অস্বীকার করা হয় নি। সৃষ্টির প্রথম লগ্ন থেকেই এরা আছে। এরাই ‘তামসী-সৃষ্টি’ বা ‘রুদ্র-সর্গ’। এরা ধর্মের চিরবৈরী হলেও একই লোকপিতামহের অঙ্গজ সন্তান। সৃষ্টির ভারসাম্য রক্ষার জন্তু এদের উৎপত্তি। ‘মৃত্যু’ যদি না থাকত, জড়বস্তুর ভারে ও স্বার্থ লোভীর অত্যাচারে জগৎটা চিরকালের নরকে পরিণত হত। তা ছাড়া আলোর পাশে অন্ধকারকে রেখেই আলোর মহিমা দেখাতে হয়, কখনও দেখা যায়—অন্ধকারই হয় আলোর দূতী—যমন ‘দুর্ভগা’ (জয়া), ‘অস্তক’ (মৃত্যু), ‘নরক’ নবজীবনের অভ্যুদয় সূচক।

অসৎ বৃত্তিগুলোকে অসৎ ভেবে আমরা চিরকাল অবজ্ঞা করে এসেছি। কিন্তু আমাদের দেশের সত্যদ্রষ্টা ঋষিগণ এভাবে এদের বর্জন করেন নি। তাঁরা দেখেছেন, যে ‘বাকুণী’ বিশ্বে মদমত্ততা সৃষ্টি করে, সেই বাকুণীই আবার কুণ্ডলী শক্তির উদ্বোধক। পঙ্কের কুৎসিত মূর্তিকে দেখানো এই আখ্যায়িকাগুলির উদ্দেশ্য নয়—এদের বিচার করতে হবে অন্য দৃষ্টিকোণ থেকে—সামগ্রিক সৃষ্টির পটভূমিকায় রেখে এদের মূল্য যাচাই করতে হবে। চার্বাকের কথাই বলি, ‘কাম একৈকঃ পুরুষার্থঃ’—এর অর্থ ব্যভিচারী কামনার প্রশ্রয় দেওয়া নয়—কামকে প্রেমে পরিণত করা—যা বৈষ্ণব, পাণ্ডপত ও শাক্তধর্মের মূল কথা। অধর্মও আমাদের সাধনার অঙ্গীভূত—মহামায়ার মহান্নানে পণ্যাঙ্গনা ভবনের ধূলিকণারও স্থান রয়েছে। সাংখ্যসূত্র (৪।১১) বলা হয়েছে,—‘নিরাশঃ সুখী পিজলাবৎ।’

এই আখ্যায়িকাগুলি সংগ্রহ করে আমি ভয়ে ভয়ে 'দেশ'এর কাছে এসেছিলুম।
 শ্রদ্ধেয় সম্পাদক এগুলি প্রকাশ করে আমাকে কৃতজ্ঞতা পাশে আবদ্ধ করেছেন।
 'দেশ'-এর সহ-সম্পাদক শ্রীসাগরময় ঘোষ মহাশয়ের উৎসাহ আমাকে প্রেরণা
 দিয়েছে সর্বাধিক। তিনি আমাকে প্রিয় বন্ধনে বেঁধেছেন। গ্রন্থখানি তাঁর নামে
 উৎসর্গ করে অত্যন্ত তৃপ্তি বোধ করছি। 'দেশ' পত্রিকায় প্রকাশ কালে, ভারত-
 বর্ষের বিভিন্ন অঞ্চল থেকে—বোম্বাই, মাদ্রাজ, দিল্লি, আসাম প্রভৃতি অঞ্চল থেকে
 আমি প্রবাসী বাঙ্গালীর অকুণ্ঠ প্রশংসা পত্র পেয়েছি, কতিপয় বন্ধু এর দু-একটিকে
 হিন্দীতে অনুবাদ করে ও প্রকাশ করে আমাকে উৎসাহিত করেছেন। তাঁদের
 সকলকে আমার আন্তরিক ধন্যবাদ জানাই। আর ধন্যবাদ জানাই আমার প্রিয়
 বন্ধু স্মৃতিসাহিত্যিক নারায়ণ গঙ্গোপাধ্যায়কে, যার বন্ধুত্বপূর্ণ সমালোচনা আমাকে
 এগুলি গল্পাকারে গ্রহণের ইঙ্গিত দিয়েছে। গল্পগুলির প্রকাশমূলে বন্ধুবর শ্রীপশু-
 পতি চট্টোপাধ্যায় মহাশয়ের দান আমি কোনদিন ভুলব না। বিখ্যাত প্রকাশক
 'ত্রিবেণী প্রকাশন'—এই আখ্যায়িকাগুলি সযত্নে ও সতর্কতার সঙ্গে গ্রন্থাকারে
 প্রকাশ করে আমাকে বাধিত করেছেন।

হিরণ্ময় পাত্রের আখ্যায়িকা রচনায় আমাকে বিভিন্ন পুরাণ অনুসন্ধান করতে
 হয়েছে এবং তার জ্ঞান গবেষণা-জনিত যে পরিশ্রম করেছি, দেশবাসীর কাছ থেকে
 তার স্বীকৃতি পেলে, শ্রম সার্থক জ্ঞান করব।

পোঃ গড়িয়া
 ২৪ পরগনা
 বিশ্ব সংক্রান্তি
 ১৩৬৬


}

নিবেদক
 শ্রীজাহ্নবীকুমার চক্রবর্তী

সাগরময় ঘোষ
প্রিয়বরেষু

সূচীপত্র

নিষ্কৃতি	১
দর্পক	১১
বারুণী	২৪
মহামদ	৩২
সালকটকটা	৫১
চার্বাক	৬৭
দুর্ভগা	৮১
অস্তক	৯২
স্মৃতিহরা	১০৭
নরক	১২২
ভয়া	১৩৭
পিঙ্গলা	১৪২



এই লেখকের

ঝাঁসীর রাণী বাহিনী (নাটক)

শাক্তপদাবলী ও শক্তিসাধনা

সাহিত্য দীপিকা

॥ निष्कृति ॥

सायन्तन सूर्येण शेषरश्मि स्तमिते ह्ये एत, पूर्वं दिग्दले नामल सङ्कार
घोर । गोधूलिण रहस्यधन आलो-छायाम से दंडिडे रईल एका ।

सम्मुखे विशाल प्रान्तर—निर्जन, निरुक्त । दक्षिणे वामे असुहीन शृंगता ।
एकटा वृक्षु राक्षस येन विस्तार करेछे कराल ग्राम, अक्षकार येन तारई
मुखगह्वर । आतङ्के पलायनपर पक्षिकूल, पलायनपर तपनदेव ।

भये निडरे ँठे तारु अन्तरात्मा । स्वभावतई शुक् तार वदन, विभुक्
अधर । एखन येन आरु शुक् । शुक् वक्, शुक् रसना । शक्तातुर दृष्टिडे एकटा
सशक् व्याकुल जिज्ञासा, 'केडे तो आसछे ना एखनु ? से कि ता हले
परित्यक्ता !'—ह-ह-करा सङ्कार समीरणे छडिडे पडे तार वार्थतार हाहावास ।

नाम तार निष्कृति । महद्वय उद्युत वार क्रुद्धे, सेई विधातार आर-एक
सृष्टि—पापेर सहचरी, कल्याणेर अरि, धर्मेर वैरी । असतेयर वक्र-कुटिल
पथे तार गति, गोपन तार पदक्षेप, भ्रांतिस्मृष्टिडे से अद्वितीया । छलनामयी,
अति भयङ्करी । अलक्षी से, विश्वेर अशांति । निरुक्ति से भीषणा विभ्रान्ति ।

तिमिरादर्शे निजेण स्वरूप देखे निजेई निडरे ँठे से । निरुक्त अक्षकारेर
महातमिषा तार देहे, सिडकालीण मत रुक् केश । रुक् नयने थणोतेण मत तीव्र
कर्ताक् । से येन स्वयं रुद्राधिकारभुक्त सङ्कार । बुद्धिडे अबुद्धि—से संसारत्रास ।

किन्तु आज निजेई से सद्गुण । निष्कृति प्रतीक्षा करछे अनेकक्षण ।
कोथाय ऋषि-सतुम उदालक, तार भावी स्वामी ? फिरे आसवेन वले,
गिडेछेन बहुक्षण । एखनु तो एलेन ना ! महाप्रान्तरेर अतिवृक्त एक
अशुखतले से एका, प्रान्तरेर मतई परित्यक्ता । सङ्कार घोर वत निविडतर
हय, तत गभीर नैराशे तार अन्तर पूर्ण ह्ये ँठे । शक्ताकुल चिन्ते चले
श्रुतिण रोमन्धन ।

आजन्म स्वेच्छाचारिणी, उच्छ्रूल निष्कृति । अधर्म तार जनक, हिंसा तार
जननी । आशैशव अधर्मे आर हिंसाय तार मन्त्रदीक्षा । नियमहीन विभ्रुणार

পথে স্বাধীন তার গতি। তাদের বংশের চিরশত্রু ধর্ম; বংশের একমাত্র লক্ষ্য ধর্মের নির্ধাতন ও উৎসাদন। নিষ্ঠুরিও সেই এক লক্ষ্য,—ধর্মের রাজ্যে সে সৃষ্টি করবে উপগ্রব। নীড় বেঁধে গৃহধর্মের পবিত্র বন্ধনে আবদ্ধ হওয়ার ইচ্ছা তার হয় নি কোনদিন। অলক্ষী সে, চিরচঞ্চল। চঞ্চল চরণে সে বিশ্ব পরিক্রমণ করে, সুযোগ পেলেই অলক্ষ্যে আক্রমণ করে ধর্ম-মিত্রকে।

নিষ্ঠুরির সহোদর অনৃত। সে মিথ্যার বিগ্রহ, মূর্তিমান ব্যভিচার। কৃষ্ণকায়, বিরটি দেহ। যেমন দুর্নীতিপরায়ণ তেমনি কুটিল। চির কামাবচর। শৈশব থেকেই সে নিরুদ্দেশ। নিষ্ঠুরি তাকে দেখে নি কোনদিন, কিন্তু শুনেছে তার কথা। নিষ্ঠুরির একান্ত আগ্রহ, অনৃতকে সে খুঁজে বের করবে। ভ্রাতা ও ভগ্নী—দুইজনে মিলে বিপর্যস্ত করবে ধর্মের রাজত্ব।

কোথায় অনৃত? অনৃতকে সে খোঁজে, সন্ধান করে গৃহে, গৃহান্তরে। যেখানে শাস্তি ও সংযম সেখানে নয়, যেখানে তুষ্টি ও পুষ্টি সেখানে নয়। অনৃত সেখানে থাকে না। অধর্মের ক্ষেত্রজ সন্তান, হিংসার নয়নানন্দ—স্থিতি তার পাপে, মিথ্যা ভাষণে, কুটিল কর্মে। ইন্দ্রিয়-মিত্র চঞ্চল অনৃত, আসক্তি তার পঞ্চেন্দ্রিয়ের ভোগলোকে।

নিষ্ঠুরির অনুসন্ধিৎসা তাই তাকে আকর্ষণ করে উচ্ছ্বলতার সর্পিল সরণিতে। সে ঘুরে বেড়ায় স্বার্থপর, লোভকুটিল, প্রমত্ত মানুষের গৃহে—উদ্গ্রীব হয়ে সে বিচরণ করে রূপাসক্ত রিপু-কিঙ্করের প্রমোদ-ভবনে। অসত্য যেখানে পদে পদে প্রমাদ সৃষ্টি করে, সে অনৃতকে সেইখানে খোঁজে; শাস্তির রাজ্যে যেখানে অশাস্তি প্রলয়শিখা বিস্তার করে, নিষ্ঠুরির সেখানে সোৎসুক পদক্ষেপ। কিন্তু কোথায় অনৃত, নিষ্ঠুরির প্রিয় সহোদর!

অনৃতকে সে পায় না, বিরতও হয় না তার কামচারী গতি। সে বহুরূপিণী। বহু রূপ ধারণ করে সে বিশ্ব সঞ্চরণ করে। অধার্মিকের ভবনে উন্মুক্ত তার প্রবেশদ্বার। কখনও দৃষ্টির অগোচরে মানুষে মানুষে সে বৈষম্য সৃষ্টি করে, কীটরূপে কেটে দেয় বন্ধুত্বের বন্ধন; কখনও প্রেমের পাত্রে কামনার বিষ ঢেলে রাখে। নিজে সে বিকৃত, কদাকার—সৃষ্টির বিকৃতি ও কদাচারে তার উৎকট উল্লাস। জঘন্য কাম, দুর্জয় ক্রোধ, দুঃস্থ লোভের রাজত্বে সে বিজয়িনী সম্রাজ্ঞী। সেখানে স্বরূপে তার আত্মপ্রকাশ। সেখানে সে মূর্তিমতী নিকৃতি।

সর্বাপেক্ষা বিভ্রান্তিকর তার শুষ্ক মুখের স্মিত হাসি। স্থলোদরী সে, স্থলোষ্ঠী। রক্তাক্ত লোচনে মদিরেক্ষণ। সসজ্জ হয়ে সে যখন হাস্ত করে, কথা বলে—

তখন কী জানি কেন, তাকে অসামান্য সুন্দরী বলে মনে হয়। অনন্তসাধারণ তার উক্তির পারিপাট্য, বচনে মধুর ধারা। মিথ্যাকে সে প্রত্যক্ষ সত্যের মত প্রমাণ করে, অকাটা যুক্তি, অপ্রতর্ক্য সিদ্ধান্ত। কে বলবে, সে ছলনাময়ী? কে বলবে, সে বিষকুস্ত পয়োমুখ? মনে হয়, সত্যের প্রতিমা নিষ্কৃতি।

কিন্তু নিষ্কৃতির এই নিকৃতি-জালে আবদ্ধ হয় তারাই, যারা লোভী, কামুক, স্বার্থাঙ্ক। মুখ্য লক্ষ্য যে ধর্মরাজ্য, শত চেষ্টা সত্ত্বেও নিষ্কৃতি সেখানে প্রবেশপথ পায় না। পঞ্চযজ্ঞে প্রতিষ্ঠিত গৃহের দ্বার তার কাছে রুদ্ধ। সংঘাতাত্মা পুরুষ মুহূর্তে তার কৌশল বুঝতে পারে। সত্যসঙ্কী মানুষ তাকে দেখে উপেক্ষার হাসি হাসে। নিষ্কৃতির অন্তরে সে হাসি বৃশ্চিকদংশনের জ্বালা ধরিয়ে দেয়। ধার্মিকের নিকট তার চির পরাজয়। শাস্ত, স্থির তপোবনে প্রবেশ করতে নিজেই ভয় পায় নিষ্কৃতি।

এই পরাজয় তার অন্তরে সৃষ্টি করে ক্ষুব্ধ আক্রোশ। রক্ষ, কৃষ্ণ কেশপাশে আবৃত তার মেঘপ্রভ আননের আরক্ত নয়ন দ্রুকুটি-কুটিল হয়ে ওঠে। ভয়ঙ্কর আকার ধারণ করে সে। স্থূল ওষ্ঠ স্থূলতর হয়, শুষ্ক বদন হয় আরও বিকট। নিষ্কৃতি প্রতিজ্ঞা করে, অনৃতকে সে খুঁজে বের করবেই। ভ্রাতা ও ভগ্নীতে মিলে তারা তপোধনের তপোবনে সৃষ্টি করবে ঘোর আলোড়ন। কে জানে, অনৃত হয়তো ছদ্মবেশে প্রচ্ছন্ন রয়েছে ধর্মের ওই আশ্রমেই, হয়তো অধিকার খুঁজছে গোপনে।

কল্পনাকে বাস্তব রূপ দেবার জ্ঞান উন্মাদ হয় সে। নিকৃতির আশ্রয়ে নিষ্কৃতি কী না করতে পারে! ছলনার যাবতীয় কৌশল তার করায়ত্ত। অতি ক্ষুদ্র ছিদ্রপথে সে তীব্র কালকূট ঢেলে দিতে পারে। তার মিথ্যা চক্রান্তে শ্রামল ভূমি মুহূর্তে উষর মরুভূতে পরিণত হয়। ভীষণ, অব্যর্থ তার ষড়যন্ত্র।

ছলনার অভিসন্ধি নিয়ে ছলনাময়ী তাই উপস্থিত হল বিধাতার নিকট। কৌশলে করায়ত্ত করতে হবে সৃষ্টি-কুশলী কমলযোনিকে। অন্তরের কুশ্রী ইচ্ছাকে গোপন করে, স্থূল ওষ্ঠে যতটা সম্ভব সুস্মিত হাস্যরেখা টেনে, সে বিধাতাকে জানাল, 'জন্ম থেকেই স্বেচ্ছাচারিণী আমি, অতি চঞ্চলা। আজ আমি ক্রান্ত। স্বেচ্ছা-বিহারে বীতস্পৃহ আমি, আমি গৃহ চাই। অবিবেকী মিথ্যাকে সমূলে ধ্বংস করব। দয়াময়, আমাকে তুমি এমন একজন সত্যসঙ্কী ঋবিসত্ত্বের সঙ্গ দাও, যার সাহচর্যে আমার স্বভাব পরিবর্তিত হতে পারে।'

কল্পনাময় বিধাতাপুরুষ। নিষ্কৃতির কাতর প্রার্থনায় তাঁর অন্তর বিগলিত হল,

চোখ দুটি অশ্রুসজ্জল হয়ে উঠল। তিনি ভাবলেন, 'হায়, ওর মত দুঃখী কে ! চির-অশান্ত, তাই ক্লান্ত। শান্তি যদি চায় নিৰ্ঝতি, শান্তি হক ওর জীবনে ; নীড় বেঁধে যদি সুখী হয় নিৰ্ঝতি, নীড় হক ওর।'

উদার দৃষ্টি মেলে বিধাতাপুরুষ দেখলেন বিরাট সৃষ্টির রূপ। তাকালেন উর্ধ্বে, অধোদেশে; দক্ষিণে, বামে ; ওই সপ্তলোক—ভূলোক, ভুবলোক স্বর্লোক, মহর্লোক জনলোক, তপোলোক, সত্যলোক ; সপ্ত-লোকে স্থাপিত চতুর্দশ ভুবন। কে আছেন এমন ঋষি, যার করুণাছায়ায় নিৰ্ঝতি আশ্রয় পাবে, জীবনের জ্বালা ভুলবে সে স্নেহের স্নিগ্ধস্পর্শে ?

সহসা স্মরণ হল ঋষিসত্তম উদালকের কথা। আরুণি উদালক—জ্ঞানী, নিরহঙ্কার, সত্যে প্রতিষ্ঠিত তাঁর ধর্ম, যজ্ঞে প্রতিষ্ঠিত তাঁর আশ্রম। শুদ্ধ সত্ত্বের প্রতিমূর্তি—শান্ত, উদার, স্থিতধী। তাঁর নিকট সমান সুখ-দুঃখ, সমান শীতোষ্ণ। শত্রু-মিত্রেও তাঁর সমজ্ঞান। নিৰ্ঝতির মত অলক্ষ্মীকে আশ্রয় দিতে পারেন সেই তপোধন।

কাতর নিৰ্ঝতির প্রতি করুণাঘন দৃষ্টি মেলে নির্দেশ দিলেন বিধাতাপুরুষ, 'ঋষি উদালকের স্নেহস্পর্শ তোমার শান্তি হক নিৰ্ঝতি, অঙ্ককার বিদূরিত হক সাধন-মত্যের জ্যোতির্ময় আলোকে। তুমি তাঁর তপোবনে যাও, তিনি তোমায় গ্রহণ করবেন।'

অস্তর্ধান করলেন বিধাতাপুরুষ। উল্লাসে নেচে উঠল নিৰ্ঝতির অন্তর। পরাজয়ের প্রতিশোধ গ্রহণের মহা সুযোগ উপস্থিত। অনৃতকে যদি সে খুঁজে না পায়, নিৰ্ঝতি একাই নিমূল করতে পারবে ধর্মের আশ্রম। এতদিন রুদ্ধ ছিল যে প্রবেশদ্বার, আজ বিধাতার নির্দেশে তা উন্মুক্ত। চলনায় সে মতিভ্রষ্ট করবে ধার্মিককে। কৌশলের অসাধ্য কী ? জগতে নিকৃতির জয়জয়কার। উৎকট উল্লাসে সে এসে উপস্থিত হল তপোঋদ্ধ ঋষি উদালকের আশ্রমে।

তখন সন্ধ্যা অতীত হয়ে গেছে, সমাপ্ত হয়েছে সায়ংসন্ধ্যার ক্রিয়া। স্তব্ধ ব্রাহ্মগগণের কলকলধ্বনি। শান্ত আশ্রমপদে নিবিড় প্রশান্তি, যেন উচ্চারিত শান্তিমন্ত্রের ক্রিয়া বিস্তার করেছে প্রত্যক্ষ প্রভাব। চতুর্দিকে 'ওঁ শান্তি' বাণীর অনুরণন। উল্লসিত নিৰ্ঝতির উৎসাহ যেন স্তিমিত হয়ে আসে। তবুও প্রাণপণ শক্তিতে সাহস সঞ্চয় করে সে ধীরে প্রবেশ করে আশ্রমে, মুখে মধু ঢেলে ঋষিকে জানায় বিধাতার অভিপ্রায়।

ঋষি উদালক দ্বিধা করলেন না। অসঙ্কোচে তিনি নিৰ্ঝতিকে গ্রহণ

করলেন। সত্যের স্পর্শে অসত্য যদি সত্যসন্ধী হয়, কোন্ কল্যাণ-মিত্র তাতে প্রতিবাদী হয়? ঋষির তপস্যা সত্যের, কল্যাণের। স্বার্থান্বেষী, লোভী মানুষের মিথ্যাচারে যে পাপ পুঞ্জীভূত হয়, ঋষির তপঃশক্তিতে হয় তার বিনাশ। সংশিতব্রত তাপসের তপস্যার ষষ্ঠাংশ কররূপে গৃহীত হয় বলেই রাজ্যের কল্যাণ অক্ষুণ্ণ থাকে। তপোবানর প্রভাব অসামান্য। এ প্রভাব তো মানুষের মঙ্গলার্থে। আরও ভাবলেন ঋষি উদালক, নিষ্কর্তি মূর্তিমতী অলক্ষ্মী, নিষ্কর্তি মিথ্যা ব্যাভিচার। তাতেই বা ক্ষতি কী? উত্তমের অধম-সংস্পর্শেই বা ভয় কোথায়? ‘ঋতঞ্চ সত্যঞ্চ’ ঋষির জীবনের ধ্যান, তিনি যে সত্যের স্পর্শমণি; সে মণি চির অমলিন, তার স্পর্শে কুম্ভায়সু স্বর্গে পরিণত হয়। বিনা দ্বিধায় তাই ঋষি উদালক নিষ্কর্তিকে গ্রহণ করলেন, মুখে শোনালেন, সত্যের দুর্জয় বাণীঃ ‘ধৃতির সাহচর্যে তোমার মতি স্থির হক নিষ্কর্তি, সত্যের সংস্পর্শে তোমার মিথ্যাচার সত্যসন্ধানী হক, পুণ্যের পবিত্র স্পর্শে কলধৌত হক তোমার কলুষিত হৃদয়, তুমি উজ্জ্বল হও।’

ঋষি উদালকের আশ্রমে সে রাত্রির মত আশ্রয় পেল নিষ্কর্তি। স্থির হল, পরদিন অগ্নিসাক্ষী করে যথাবিহিত নিয়মে সে হবে ঋষি উদালকের ধর্মপত্নী।

কিন্তু এ কী হল নিষ্কর্তির! তিমিরঘন রাত্রি, নিষ্কর্তির মহাসুযোগ। অথচ কিছুই করতে পারছে না সে! অন্তরে উৎকট পাপ ইচ্ছা, কিন্তু নিস্তেজ তার কর্মেন্দ্রিয়। প্রচণ্ড একটা অগ্নি-উচ্ছ্বাসকে প্রকাণ্ড একটা পাষণ যেন চাপা দিয়ে রেখেছে। বিনিত্র নয়ন, দেহময় নিদারুণ উত্তেজনা। কুটিরভ্যস্তুর অসহ মনে হয়। অস্থিরভাবে সে এসে দাঁড়ায় কুটিরদ্বারে।

শান্ত আশ্রমপদ। গভীর নিদ্রায় আচ্ছন্ন তপোধীর ঋষিবৃন্দ। ঘুমন্ত পৃথিবী— সুপ্তিমগ্ন জীবজন্তু। হিংস্র সর্প-ব্যাঘ্র হিংসাহীন। অন্ধকারে সদাজাগ্রত নিশাচর প্রাণী নিশ্চিন্ত আরামের কোলে আশ্রয় নিয়েছে। স্তব্ধ বনস্পতি-ওষধি, নিস্তব্ধ গ্রহ-তারকা। অব্যক্ত-চৈতন্য বিশ্বচরাচর নিশ্চেষ্ট। অমনি একটা নিশ্চেষ্টা আশ্রয় করেছে নিষ্কর্তির উদ্দাম প্রকৃতিকে, যেন মন্ত্রবলে স্তব্ধ হয়েছে উন্নতফণ এক কালনাগিনী। অপূর্ব সুযোগ, কিন্তু নিষ্ক্রিয় ক্রিয়াশক্তি।

অস্থির নিষ্কর্তি—অস্থিরচিত্তে পদচারণা করে। মস্তিষ্কে অগ্নিজ্বালা। ছিদ্রপথে ছিদ্রান্বেষণ ব্যর্থ হয়েছে তার। ছলনা এবার যেন প্রত্যাঘাত করছে তাকেই। প্রশান্ত আশ্রমের প্রশান্তি তাকে উন্মাদ করে তোলে। আর বাইরে দাঁড়াতে পারে না। আতঙ্কে দ্রুত পদসঞ্চারে সে কুটিরভ্যস্তুরে আসে, কম্পিত বিবশ দেহকে সে এলিয়ে দেয় শয্যায়।

উত্তপ্ত মস্তিক, ক্লাস্ত দেহ, শ্রান্ত নয়ন। নিৰ্ঝঁতি ঠিক বুঝতে পারে না, কী সে চায়? তার কামনা কি প্রেম, না প্রতিশোধ! প্রেম যদি, কেন এই উত্তেজনা! প্রতিশোধই যদি তার কাম্য, কেন এই নিষ্ক্রিয়তা! বিচ্ছিন্ন চিন্তার সূত্রকে সে জোড়া দিতে পারে না। এক সময় ধীরে ধীরে মুদ্রিত হয়ে আসে ক্লাস্ত নয়ন। মুদ্রিত নয়নপল্লব স্বপ্নঘোরেও উত্তেজনায় কাঁপতে থাকে।

রজনী প্রভাতকল্লা। শুভ ব্রাহ্মমূহুর্তে জাগ্রত হল ঋষি উদ্যালকের আশ্রম। 'এই সমিধ, এই হবি, ওই যে অরণি' প্রভৃতি শব্দে মুগ্ধ হয়ে উঠল তপোবন। অগ্নি প্রজ্জ্বলিত হল, 'কশ্মৈ দেবায় হবিষা বিধেম' বলে যজ্ঞাগ্নিতে আহুত হল হবি। হোমধূপের সৌরভে আমোদিত সমীরণ, পদক্রমে উচ্চারিত সুগম্ভীর বেদধ্বনিতে মন্ত্রিত অরণ্যভূমি। সুন্দর দৃশ্য, সুন্দর গন্ধ, সুন্দর গীত।

ঘুম ভেঙে গেল নিৰ্ঝঁতির। চকিতে চোখ মেলে চাইল সে। সে যেন আতঙ্কগ্রস্ত। নয়নে ত্রাস, সর্বাঙ্গে স্বেদ, মুখে আর্তচিহ্ন। উন্মাদের মত লাফিয়ে উঠল নিৰ্ঝঁতি। অসহ, অসহ! হোমধূপের সৌরভ অসহ, অসহ গম্ভীর বেদধ্বনি। মাতালের মত ছুটে বেরিয়ে এল সে, কম্পিত অঙ্গ—স্থলিত চরণ। কিন্তু অবরুদ্ধ আশ্রমের নির্গমনদ্বার। উত্তেজিত হয়ে সে এসে উপস্থিত হল ঋষি উদ্যালকের সম্মুখে, বলল ত্রস্তকণ্ঠে, 'আমি থাকব না, থাকব না এ আশ্রমে। আমাকে দূরে নিয়ে চল, ঋষি। এক মূহূর্তও অপেক্ষা করা অসম্ভব।'

বিস্মিত, স্তম্ভিত উদ্যালক। এ কী বলছে নিৰ্ঝঁতি! কোন কথা উচ্চারণ করার পূর্বেই ঝড়ের বেগে নিৰ্ঝঁতি তাঁর হাত জড়িয়ে ধরল—চোখে মিনতি, কণ্ঠে ভয়ান্তি : 'আমায় পথ দেখিয়ে দাও, আমায় বাইরে নিয়ে চল।'

'কিন্তু, কেন?' প্রশ্ন করলেন উদ্যালক।

'এখানে নয়, এখানে নয়—তুমি আমায় দূরে নিয়ে চল, আমি সব কথাই বলব তোমায়।'—এক নিশ্বাসে কথাগুলি বলে নিৰ্ঝঁতি। দ্রুত আকর্ষণ করতে থাকে ঋষিকে। উদ্যালক বাধ্য হন তাকে নিয়ে আশ্রমের বাইরে আসতে। যতবার বলেন ঋষি, 'বল, কেন এলে'—ততবার বলে নিৰ্ঝঁতি, 'চল দূরে, আরও দূরে।'

বিদ্যুৎবেগে ছুটেছে নিৰ্ঝঁতি, ঋষিকে সঙ্গে নিয়ে, ছুটেছে ঠিক ভূতগ্রস্ত আতঙ্কিতের মত। সারাদিন ঘুরেছে, থামবার মত স্থান পায় নি কোথাও। কণ্টকে ক্ষত-বিক্ষত হয়েছে চরণ—ক্রক্ষেপ নেই, উচ্চাচ ভূমিতে হয়েছে পদস্থলন—বোধ নেই, উর্ধ্ব মধ্যাহ্ন-ভাস্করের প্রথর দীপ্তি—আতপ্ত পদতল, তবু জ্ঞান নেই। সঘন নিশ্বাস, পরিশ্রান্ত দেহ। তথাপি চলেছে বিরতিবিহীন পথপরিক্রমা। অবশেষে

অপরাজে সে এসে দাঁড়িয়েছে দিগন্তবিস্তৃত এক পরিত্যক্ত প্রান্তরে নির্জন অশ্বতলে। এইখানে মুক্তির নিশ্বাস ফেলেছে নিষ্কৃতি। আশ্রম নয়, আশ্রম থেকে দূরে—বহুদূরে এই জনশূন্য প্রান্তরই তার যোগ্য বাসভূমি।

‘কেন চলে এলে?’—শুধালেন ঋষি। বিশ্বয়ের ঘোর কাটে নি তাঁর।

বুকভরে উন্মুক্ত প্রান্তরের বাতাস টেনে অনর্গল বলে চলে নিষ্কৃতি, ‘যেখানে বেদধ্বনি ছন্দিত হয়, সেখানে আমি বাস করতে পারি না। যেখানে হয় যজ্ঞ, দেবপূজা—তা-ও আমার বাসযোগ্য নয়। সংঘম, শুদ্ধি, সত্য আমার চোখের বিষ। যজ্ঞহীন, দানহীন, অতিথি-সংকারহীন স্থান আমার আবাসভূমি। আমি অলক্ষী, আমার উল্লাস শূন্যতায়, শ্রীহীনতায়, ধূমল ধূসরতায়। আমি নিষ্কৃতি বিশ্বের অসত্য—মিথ্যাচারে কুটিলতায় বাভিচারে আমার স্থিতি। আমি নিকৃতি—হিংসায়, ছলনায়, ষড়যন্ত্রে আমার আনন্দ।’

বিশ্বয়ে হতবাক হয়ে গেলেন ঋষি উদালক। সৃষ্টির এ কী অনিয়ম নিষ্কৃতি! ধর্ম-কর্মের বিরোধী, আচার-নিয়মেব অরি, পাপ-সহচরী সে। একে নিয়ে কী করবেন, কোথায় যাবেন তিনি? বিধাতার কী অভিপ্রায়? ধর্মাঙ্গ ত্রিবর্গ সাধনের সহায়িনী ভাষা, পুরুষের অর্ধাঙ্গিনী স্ত্রী। যে পত্নী সেই ধর্মাচরণের প্রতিবন্ধক, ধার্মিকের গৃহে কোথায় তার স্থান?

বিচলিত হলেন মুনি উদালক, যেন ভূকম্পনে ঈষৎ চঞ্চল স্থির ভূধর। ঋষিকে মৌন দেখে নিষ্কৃতিও অস্থির হল। পূর্ণ কি হবে না তার মনস্কাম! ব্যাকুলভাবে প্রশ্ন করল সে, ‘আমাকে কি তা হলে তুমি গ্রহণ করবে না, ঋষি?’

‘না, না—তা নয়।’—বললেন স্থিতধী উদালক, ‘তুমি অপেক্ষা কর, তোমার বাসযোগ্য ভূমি কোথায়, আমি শুনে আসি বিধাতার নির্দেশ।’

গমনোন্মত্ত উদালককে বাধা দিয়ে কাতরভাবে বলল ক্লাস্ত নিষ্কৃতি, ‘তুমি তো সত্যি ফিরে আসবে আবার!’

‘মিথ্যা হয় না ঋষি-বাক্য। সত্যে প্রতিষ্ঠিত তার আচরণ, সত্যে প্রতিষ্ঠিত তার বাণী। তুমি অপেক্ষা কর, আমি শুধু জেনে আসি বিধাতার নির্দেশ—ধার্মিকের নিলয়ে কোথায় নিষ্কৃতির স্থান?’

ধীর চরণে চলে গেলেন ঋষি। আদিত্যপথে যেমন যাত্রা করে রাজহংস, তেমনি আকাশপথে অস্তহিত হলেন যোগ-সিদ্ধ উদালক। নিষ্কৃতির কর্ণে জেগে রইল একটি অনুরণন, ‘আমি আসব, আসব, আসব।’

সেই থেকে প্রতীক্ষা করছে নিৰ্ঝতি, প্রতীক্ষা করছে জনহীন পরিত্যক্ত প্রান্তরে
 শুকশাখ অশ্বখতলায় চরন-শ্রান্ত দেহ, ক্লান্ত নয়ন। তবুও চক্ষু তার মুদ্রিত হয় নি
 ক্ষণেকের তরে। আরক্ত লোচনে শ্রান্তিহীন প্রতীক্ষা, উৎকণ্ঠিত দৃষ্টি।
 অপরাহ্নের বিদায়ী সূর্যের শেষরশ্মিপাতে আরক্ত হয়েছে দিগন্ত, আরক্ত হয়েছে
 সূর্যবিরহে; প্রতীক্ষাব্যাকুল নিৰ্ঝতির রক্তে জেগেছে শিহরণ। ধীরে মিলিয়ে
 গেছে সোনালী কিরণ, মিলিয়ে যায় নি নিৰ্ঝতির আশার দীপ। তারপর নেমেছে
 সন্ধ্যা, তিমিরাঙ্কলে আচ্ছাদিত দিগন্ত। তখন কেঁপে উঠেছে নিৰ্ঝতির অন্তর,
 ঋষি কি আসবেন না!

ঘোর রাক্ষসী মুহূর্তে নিৰ্ঝতি ভয় পেয়ে গেল। সমীরণে যেন প্রেত-পিশাচের
 হাহাখাস! তার শুক বদন শুকতর হয়ে উঠল। যৌবন-দর্পিতা, মদ-বিহ্বলা আজন্ম-
 স্বেচ্ছাচারিণীর অন্তরে সভয় কম্পন। গভীর নৈরাশ্রে যেন ভেঙে পড়ল নিৰ্ঝতি।
 বড় সহায়হীন, বড় একা সে। পাপমতি সে, নির্বাসিতা। এ নির্বাসন থেকে মুক্তি
 নেই, চেষ্টা করলেও মুক্তি পাবে না। বিধাতা ধরে ফেলেছেন তার চলনা, ধরে
 ফেলেছেন কুহকিনীর মিথ্যা কৌশল। ওই গাঢ় অঙ্ককার বিধাতার উগ্ৰত বজ্র,
 এই নিঃসীম নীরবতা প্রলয়ের পূর্বাভাস।

কে যেন কণ্ঠ চেপে ধরেছে নিৰ্ঝতির। একটা ক্রন্দন অন্তর বিদীর্ণ করে উত্থিত
 হয়, কিন্তু স্তব্ধ হয়ে যায় কণ্ঠেই। সভয়ে নিমীলিত হয়ে আসে অক্ষিপুট।
 প্রাণপণ চেষ্টায় সে চোখ মেলে রাখে। একটা অতি ক্ষীণ আশা, মিথ্যা কি হয়
 ঋষিবাক্য! সত্যে প্রতিষ্ঠিত তাঁদের ধর্ম, সত্যে প্রতিষ্ঠিত তাঁদের বাক্য—
 ঘনতমিস্রার দিগ্‌দর্শন তাঁদের শব্দজ্যোতি।

নিরাশ হলেও নিৰ্ঝতি প্রতীক্ষা করে। উত্তরঙ্গ সমুদ্রে নিমজ্জমান ব্যক্তির
 শেষ আশা, কোথায় ঋষি, কোথায় সত্যবাদী উদ্দালক!

সহসা সেই গাঢ় তমসায় পরিত্যক্ত প্রান্তরে একটা শব্দ ওঠে—কার যেন
 গোপন পদ-সঞ্চারণ। ঋষি কি এলেন তা হলে? ভর্তা কি এলেন ভীতা ভার্যাকে
 আশ্রয় দিতে? কস্মকণ্ঠে প্রশ্ন করে নিৰ্ঝতি, ‘তুমি কি এলে ঋষি!’

অঙ্ককারে কিছু দেখা যায় না, কিন্তু শোনা যায় কার যেন উত্তর, ‘আমি এসেছি।’
 এসেছেন, তিনিই এসেছেন। আনন্দে উল্লাসিত হয় নিৰ্ঝতি। কী গভীর
 আশ্বাস! নিৰ্ঝতির যেন নবজন্ম হয়েছে আজ। নৈরাশ্যের তীর্থনীরে স্নান করে
 পাপমতি নিৰ্ঝতি আজ শুভ্র, পবিত্র। আজ সত্যিই সে প্রেমার্থিনী। আজ
 আর সংশয় নেই, দ্বিধা নেই। লোভকে, লালসাকে, মিথ্যার ব্যভিচারকে সে

নিঃশেষে বিসর্জন দেবে, নিবিড়ভাবে গ্রহণ করবে সত্যদ্রষ্টা ঋষির প্রেমালিঙ্গন।
সে আর-কিছু চায় না। আজ একান্তভাবে সে কামনা করে সত্যের স্পর্শ।

নির্ঝতি ভাবতে চেষ্টা করে, এও কি ভান? এও কি ছলনা?—হয়তো ভান
নয়, ছলনা নয়। লোপ পেয়ে গেছে তার বিচারবুদ্ধি। বিমূঢ়া নির্ঝতি।

সহসা কে তাকে আলিঙ্গন করল, উষ্ণ—জ্বালাময় আশ্লেষ। রোমাঞ্চিত
নির্ঝতি। সর্বাঙ্গ অবশ হয়ে আসছে, চোখের পাতায় কী নিদারুণ ক্লাস্তি! আবেশে
মুদ্রিত হয়ে আসে নয়ন। নির্ঝতি ভাবে, সত্যের স্পর্শ বুঝি এমনই উত্তপ্ত, এমনি
প্রচণ্ড, এমনি আবলা-সঞ্চারী। কথা বলতে পারে না সে। অনির্বচনীয় আনন্দে
হৃদয় পূর্ণ হয়ে ওঠে; নিঃশেষে নিজেকে সে সমর্পণ করে কামনার নিবিড় বাত্মপাশে।

আকাশে কি ঝড় উঠেছে? উন্মাদ প্রলয় যেন আজ নির্বাধ। সমুদ্র-
মন্ডনের ঘোর গর্জনে যেন বধির শ্রুতিমূল। সবাক্কে রক্তকণার উত্তোলন নৃত্য।
আজ নির্ঝতির রভস-রজনী। আজ নির্ঝতির উল্লাস। নির্মম ঋষিকে সে জয়
করেছে, ধর্মধীরের তেজকে সে গ্রহণ করেছে নিজের মধ্যে। আজ তার জয়,
ঋষির পরাজয়—নির্ঝতির বিজয়, সত্যের পরাভব। নিঃসর্জন প্রাপ্তিরে অঙ্ককারে
দণ্ডায়মান এই শুষ্কশাখ, নিষ্পত্র অশ্বখবৃক্ষ অলঙ্কারী নির্ঝতির জয়গৌরবের সাক্ষী।

রজনী প্রভাত হল, শান্ত হল যেন প্রলয়ের মদমত্ততা। তমঃপ্রচ্ছাদিত দিগ্বলয়
প্রথম আলোর শুভ্রকিরীট মাথায় পরে ঘোষণা করল জ্যোতির্ময় সত্যের আগমন
বার্তা। উষার গোধূলিতে চোখ মেলে তাকাল রমণক্লাস্ত, তৃপ্ত নির্ঝতি। কিন্তু
মূহূর্তেই আতঙ্কে চিৎকার করে উঠে বসল সে। এ কী! কার আলিঙ্গন-পাশে
ধরা দিয়েছে নির্ঝতি! এ তো স্বর্ণকাস্তিকাস্ত ঋষিসত্তম উদ্দালক নয়। এ যে
তারই মত ভীমদর্শন, কৃষ্ণকাস্ত—আসক্তলোভী, লালসাকুটিল, কদর্ঘ! আতঙ্কে
আর্তকণ্ঠে পাগলের মত চিৎকার করে ওঠে নির্ঝতি, ‘কে তুমি! কে তুমি!’

উত্তর আসে, ‘আমি অনৃত।’

অনৃত! অধর্ম-নন্দন, নির্ঝতির সহোদর অনৃত! হৃদয়-বিদারক আর্তনাদ
করে মাটিতে লুটিয়ে পড়ল নির্ঝতি। এ কী সর্বনাশ হল তার! সত্যকে
আঘাত করতে গিয়ে, ধর্মকে জয় করতে গিয়ে, অসত্যের লুতাতঙ্কতে নিজেকেই
আবদ্ধ হয়েছে সে। ভীম ভল্লাহতা বরাহীর মত মূর্ছিতা হল নির্ঝতি।

বিমূঢ়, হতবাক অনৃত। সভয়ে পালিয়ে গেল লম্পট। দূরে শোনা গেল,
ঋষি উদ্দালকের আশ্বাসভরা গম্ভীর মধুর কণ্ঠ: ‘কোথায় নির্ঝতি! এই যে
এসেছি আমি।’

তখন সংজ্ঞাহারা নিষ্কৃতি ।

অনৃত ও নিষ্কৃতি—অসত্য আর মিথ্যা । অধর্ম ও হিংসার পুত্র ও কন্যা তারা—
বিশ্বের ব্যভিচার ও অলক্ষী । তাদের অসত্যসাধনার বিষময় ফল সর্বাস্তক মৃত্যু ।
মৃত্যু ব্যভিচারী কামনার কালকূট, মহাভয় । বিশ্বব্যাপী তার সদস্ত নিষ্ঠুর আশ্ফালন ।
জ্ঞানী তার ঋত-রিপু নিকৃতি-নিপুণ নিষ্কৃতি ।*

পদ্মপুরাণ, উত্তর খণ্ড, ১১৬ অধ্যায়]

॥ दर्पक ॥

दर्पक सदर्पे उपस्थित हल राजर्षि विश्वामित्रेण आश्रमपदे । देवराज इन्द्रेण आदेश, विश्वामित्रके तपोब्रष्टे करते हवे । अमिततेजा विश्वामित्र— दर्पित, उग्र, क्रोधाग्नि । तनि प्रतिज्ञा कवेछेन, नूतन स्वर्ग, नूतन इन्द्र सृष्टि करवेन । स्थिरासने अतुग्र तपस्य तनि आसीन ; निश्चल देह, निमीलित नयन, निरुद्ध निःश्वास । धृतव्रत तपसेर देह धेके दिच्छुरित हच्छे उग्र तपस्यार उग्र दीप्ति ।

शक्ति हयेछेन वज्री इन्द्र । स्वर्ग-वाञ्छेण एकाधिकार वृत्ति विपन्न हय ! विश्वामित्रके पदब्रष्टे करार आयोजने क्रांति करेन नि तनि । पाठियेछेन भूत-प्रेत-पिशाच, छद्मवेश धारण करे एसेछे प्ररोचक क्रोध, लोभ । वार्थ हयेछे तारा, वार्थ हयेछे इन्द्रमाया । निरुपाय हये देवराज कामदेवेर शरणपन्न हयेछेन । मिनति करे वलेछेन ताके, 'अपराजेय तेमांर विक्रम, त्रिजगतेर दर्प मुहूर्ते चूर्ण करते पार तूमि । कन्दर्प, तूमि आमार सहाय हव ।'

वज्रधारी ये इन्द्रेण भये समुत्त हय त्रिभुवन, तार करुण मुखच्छवि देणे हेसे उठेछे कन्दर्प । गर्व पूर्ण हयेछे अस्तुर । सार्थक तार कन्दर्प वा दर्पक नाम । विश्वामित्र कोन् छार, स्वयं विधाताकेण से विव्रास्य करते पारे ।

पुष्कर तीर्थेण रमणीय प्रस्थे ध्याने वसेछेन विश्वामित्र । आदित्यतुला तेज, समुद्रेण मत्त गान्धीय—मन निर्विकल्प समाधि लाभ कवेछे ब्रह्म-तन्मयताय । धीरे एगिये एल दर्पक, येन विश्वविजयी वीर । अलक्ष्ये से लक्ष्य करल ऋषिके, लक्ष्य करल चतुष्पार्श्वसु अरण्याभूमि । इन्द्रेण निर्देशे आश्रमपदे एसे उपनीत हयेछे स्वरप्सरी मेनका । अपरूप रूप—अनिन्दित कांति । विभ्रम-उत्पादनेण कुशली से । किञ्चु ससङ्कोचे दाडिये आछे एक पाशे, येन प्राणहीन एक रूपपिण्ड । मेनकार शक्ति क्री, ऋषिके से पदब्रष्टे करे ! ऋटिका यत्त प्रचण्डे हक, अचल हिमाचलके विचलित करे—कार साध्या !

नर होक, नारी होक—स्थायी रतिभाव सकल हृदयेइ वर्तमान । किञ्चु उद्वेधनेण कारण ना घटले, रति कथनण स्वयंक्रिय हय ना । काष्ठ आहिताग्नि ;

কিন্তু কাঠে কাঠে ঘর্ষণ না হলে সে অগ্নি প্রকাশিত হয় না। তিমির গর্ভে নিম্প্রভ সূর্যকাস্তুরমণি। সৌরকর স্পর্শেই তার দীপ্তির প্রকাশ। বিশ্বলোকে দর্পক মদন সেই রতি-ভাবের উদ্বোধক। মদন আছে, তাই পুরুষের প্রকৃতি-সম্ভোগেচ্ছা, মদন আছে, তাই নারীর প্রতি নরের সান্নুরাগ আকর্ষণ ও সংসর্গ। প্রজাপতি হয়ে মদন পুংকেশরের পরাগ মাথিয়ে দেয় গর্ভকেশরে। তাই সুন্দর হয়ে ফোটে সৃষ্টির ফুল।

মদন যদি না থাকত—ভাবল মদন, ব্যর্থ হত প্রজাপতির প্রজাসৃষ্টির কামনা। অকাম হত নর, অকামাহত নারী—ব্যর্থ হয়ে যেত নারীর হাব-ভাব, বিলাস-কটাক্ষ। ওই তো বিশ্বামিত্র, ওই তো বিশ্বমোহিনী মেনকা। ধ্যানমগ্ন ঋষি, ক্রীড়া-চঞ্চলা নারী। কত তার কৌশল! নূপুরে শিঞ্জন, কঙ্কণে ঝঙ্কার, কিন্তু মৌন, নির্বিকার তাপস। এত চেষ্টা করেও মোহিনী তো পারে নি মৌনীর মৌন ভঙ্গ করতে।

বিদ্রুপহাস্তে মুখর হয় দর্পক। নীরস তরু কি মঞ্জরিত হয় কখনও? মদনহীন সৃষ্টি অনূর্বর মরুভূমি। আত্মদর্পে উল্লসিত হয়ে সে অগ্রসর হয় অলক্ষ্যে। অলক্ষ্যচারীই সে—তাকে কেউ দেখতে পায় না। চক্ষুর অন্তরালে গুপ্ত শায়কের মত গোপন তার সঞ্চারণ, অনিরুদ্ধ তার গতি।

তখন প্রভাতকাল। এদিকে তপোমগ্ন মৌনী তাপস, ওদিকে স্বাধ্যায়ঘোষ-মুখর ঋষির আশ্রম; এদিকে নিবিড় নীরবতা, ওদিকে মধুর ঝঙ্কার। দূর থেকে ভেসে আসছে পদক্রমে উচ্চারিত মধুর গীতধ্বনি। হয়তো ঋষি বিশ্বামিত্রেরই শিষ্য তারা। গুরুর অন্তরে ব্রহ্ম-ধ্যানের একতানতা যেন মধুর লয়ে ঝঙ্কত হচ্ছে শিষ্যদের কণ্ঠে :

অপানিপাদো জ্বনো গ্রহীতা

পশুত্যচক্ষুঃ স শৃণোত্যকর্ণঃ।

নিরাকার, নির্বিশেষ ব্রহ্মের স্তুতি। তিনি আকারহীন, অপানিপাদ—তবু তিনি গ্রহণ করেন, চলেন; তিনি অচক্ষু, অকর্ণ—তবু তিনি দর্শন করেন, শ্রবণ করেন। বিশ্বয়ের বিশ্বয় তিনি, তাঁকে কেউ জানে না—কিন্তু তিনি সকলকেই জানেন।

কী মধুর সঙ্গীত, কী সুমিষ্ট কণ্ঠ, কী উদার রহস্যঘন ভাব! কিন্তু মুহূর্তে ক্রোধে আরক্ত হয়ে ওঠে দর্পক। এ কী ব্রহ্মের স্তুতি, না তারই প্রতি বিদ্রুপ কটাক্ষ! সে-ও দেহহীন, অপানিপাদ। তাকে কেউ দেখে না, কিন্তু সে সব

দেখে—সব শোনে। তাকে লক্ষ্য করেই কি—! ক্রোধ উদ্দাম হয়ে ওঠে অন্তরে।
দর্পাক্ষের ক্রোধ, অতি ভয়ঙ্কর তার মূর্তি।

সে দেখবে, দেখাবে—অপাণিপাদ হলেও কী প্রচণ্ড তার বিক্রম! সে
অচক্ষু হয়েও বিশ্বচক্ষু, সে অকর্ণ—কিন্তু অতি সূক্ষ্ম ধ্বনিও তার কর্ণগোচর
হয়। তার অব্যর্থ সঙ্কানে বিভ্রান্ত হয় স্বর্গের দেবতা, মর্ত্যের মানুষ, পাতালের
অসুরসভ্য। চতুর্দশ ভুবনে নির্বাধ তার পরাক্রম।

ভীকু বামোরু মেনকা। হতে পারে সে ভুবনমোহিনী রূপসী। কিন্তু
বিশ্বামিত্রের অতিবলা শক্তির নিকট সে অ-বলা। মর্ত্যে দ্বিতীয় বিধাতা
বিশ্বামিত্র। হতাশনের মত চিরদীপ্ত তাঁর ক্রোধ, সে ক্রোধাগ্নির আহুতি হয়েছে
ব্রহ্মর্ষি বশিষ্ঠের শত সস্তান। তাই তো ভয়ে সঙ্কুচিত মেনকা। উভয়-সঙ্কট তার।
একদিকে আহিতাগ্নি ঋষি, অন্যদিকে বজ্রধারী ইন্দ্র—মধ্যে ভীতা, কম্পিতা অপ্সরী।

কিন্তু নির্ভয় দর্পক। বিশ্বামিত্র দ্বিতীয় বিধাতা, জ্যোতিষচক্রের বহিভাগে
সপ্তর্ষিমণ্ডল তাঁর নবসৃষ্টি। তাতে দর্পকের ভয় নেই। অমিতদ্যুতি ভাস্করের
তেজে ঘেমন নীহার বিগলিত হয়, তেমনই সে বিগলিত করবে উগ্রতপস্বীকে।
ত্রিভুবনে নিরঙ্কুশ তার ক্ষমতা, সে অজেয়।

অজেয়? একটা জিজ্ঞাসা-চিহ্ন তীক্ষ্ণ খড়্গের মত উন্মত হয় যেন দর্পকের
সম্মুখে। হৃদয়ে এ কী সভয় কম্পন! কোন্ দূর দিনের একটা স্মৃতি দুঃস্বপ্নের মত
জেগে ওঠে তার মনে। ও কী! কিসের বহুশিখা ওই! কল্পাস্তরের কালানল,
কার যেন প্রদীপ্ত ক্রোধ! স্মৃতির গতি, অত্যাগ্র জালা—বিদ্যাববেগে ছুটে আসছে
তারই দিকে। এ কী প্রচণ্ড দাহ! কোথায় তার দেহ? আগ্নেয়নিঃস্রাবে
নিশ্চিহ্ন তার অবয়ব!

শিউরে ওঠে দর্পক। অচক্ষু দৃষ্টি মেলে তাকায় নিজের দিকে। সত্যই সে
দেহহীন অনঙ্গ। দারুণ বিতৃষ্ণায় তার অন্তর পূর্ণ হয়। সে কি রাহুর মত কদর্য,
কবন্ধের মত কুৎসিত?

আবার ভেসে আসে ঋষিকণ্ঠের সঙ্গীত, ‘অপাণি পাদো জ্ববনো গ্রহীতা’—
দর্পকের ধৈর্যের বাঁধ ভেঙে যায়, মধুর সঙ্গীত মনে হয় বিবতিলু। অসহ্য শ্লোমোক্তি।
দেহহীন, সে দেহহীন। সে অনঙ্গ—অপাণিপাদ, অচক্ষু, অকর্ণ। দেহহীন একটা
সত্তার পিণ্ড—কেবল অমুভূতিপ্রবণ, স্পর্শকাতর। সে কিন্তু তকিমাকার কিংপুরুষ।
নিজের প্রতি ঘৃণায়, ধিক্বারে পূর্ণ হয়ে ওঠে সে। সঙ্কে সঙ্কে মনের অতলে জাগে
পুঞ্জিত প্রলম্ব। দেহ কি ছিল না তার? দেহ ছিল, অনিন্দ্যাসুন্দর দেহ—রূপ

ছিল, ভুবনমোহন রূপ। কেন তবে সে অজহীন? আনমনা হয়ে যায় মন, আচ্ছন্ন হয়ে যায় মেনকা-বিশ্বামিত্রের কথা। দূর দিনের একটি প্রতিবিম্ব পড়ে মনের মুকুরে।

তখন কল্লাস্তকাল। চতুর্দিকে অনন্ত শূন্যতা। ব্রাহ্মী নিশার গাঢ় তমসায় আচ্ছন্ন শূন্যতল। নিম্নে সীমাহীন অতলান্ত কারণ-সলিল। প্রচণ্ড বাত্যায়ে বিক্ষুব্ধ উর্মিমাল। সেই গর্জনমুখর নিঃসীম কারণজলে অধিশয়ান বিরাট পুরুষ। তাঁর দেহে তিরোহিত সমগ্র সৃষ্টি।

বিরাট পুরুষের নাভিকমলে প্রসুপ্ত বিধাতা ব্রাহ্মী নিশার অবসানে নয়ন মেলে তাকালেন। ধীরে তাঁর অন্তরে জাগল সৃষ্টির ইচ্ছা। তাঁর অভিধ্যানে ক্রমে প্রকাশিত হল রাত্রি, দিবা, সন্ধ্যা, জ্যোৎস্না—প্রকাশিত হল মুখ্যসর্গ স্বাবর-জঙ্গম—তির্যকশ্রোতা পশু, উর্ধ্বশ্রোতা দেবতারুন্দ, অর্ধাকশ্রোতা মানুষ। সুন্দর সৃষ্টি, সুন্দর তার শৃঙ্খলা।

তবুও পরিতৃপ্ত হল না পদ্মযোনি ব্রহ্মার হৃদয়। প্রজাপতি তিনি—প্রজা তো সৃষ্টি হয় নি তেমন! রাজ্য আছে প্রজা নেই, আবাস আছে আবাসিক নেই। আছে মানসপ্রজা ভৃগু, পুলস্ত্যা, পুলহ, ক্রতু, অঙ্গিরা, মরীচি, দক্ষ, অত্রি ও বশিষ্ঠ—মিথুন সৃষ্টিও হয়েছে অনেক, কিন্তু হয় নি আশানুরূপ প্রজাসৃষ্টি।

করণাঘন কামনায় পূর্ণ হয়ে উঠল কমলযোনির মানস-কমল। দেখতে দেখতে সৃষ্টি হল আরক্ত। পুষ্পসম্ভার নিয়ে প্রকাশিত হল ঋতুরাজ বসন্ত—প্রস্ফুটিত হল রক্তাশোক, শুভ্র হাসি ছড়িয়ে ফুটে উঠল নবমল্লিকা। বকুলগন্ধে আমোদিত সমীরণ; কান্তিরসের ধারায় অভিন্নাত প্রকৃতি।

সেই মুহূর্তে বিধাতার সকাম সঙ্কল্পে আর্বিভূত হল কমনীয় অথচ তেজস্বী, পূর্ণ-যৌবন মনোহর এক মনসিজ পুরুষ। অনিন্দ্যসুন্দর তার রূপ। সুপুষ্ট, সুঠাম, সুবলিত দেহ—উন্নত গ্রীবা, সুচারু নাসিকা, সুবিশাল নীলনয়ন। সে নয়নে আশ্চর্য দৃঢ়তা। কাট, উরু, জজ্বা—নিটোল, নিখুঁত। রক্তাভ অঙ্গবর্ণ, আরক্ত কর্ণ ও পদতল, যেন সত্ত্ব প্রস্ফুটিত শিশিরধোর তল্লকমল।

রূপসজ্জাও তার রূপের অনুরূপ। চাঁচর-কেশে মীনকেতন মুকুট, অঙ্গে বসন্ত পুষ্পের পুষ্পাভরণ। রক্তাশোকের অঙ্গদ, কুরুবকের চূড়া, চম্পক কুসুমের কর্ণহার—চরণমঞ্জীর তার মঞ্জুল পুষ্পমঞ্জরী। দেহ-ভরা বকুল গন্ধ। হস্তে তার পুষ্পধনু। পৃষ্ঠে পুষ্পময় তুণীয়ে অরবিন্দ, অশোক, আম্র, নবমল্লিকা ও নীলোৎপল-নির্মিত পঞ্চ পুষ্প-শায়ক।

মদমত্ত গজেন্দ্রের মত পদবিক্ষেপ করে, কমলনয়নে বিভ্রম বিস্তার করে, অন্ধের বকুল গন্ধে দিগ্বাণুল সুরভিত করে দর্পিতের মত সে এসে দাঁড়াল প্রজাপাত বিধাতার সম্মুখে। আশ্চর্য তার প্রভাব। সৃষ্টি-সভায় উপস্থিত ছিলেন ঋগা— স্বর্গের দেবতা, অস্তরীক্ষের সিদ্ধ-চারণ, মর্ত্যের মানুষ, পাতালের অসুর—মুহূর্তে উন্মথিত হল তাঁদের চিত্তপ্রদেশ। ‘কে এই মনোভব পুরুষ’—ভেবে বিস্মিত হলেন কিন্নর, গন্ধর্ব। অসুরের সুরার নেশা ছুটে গেল, স্বরঙ্গরী নিম্পলক নয়নে তাকিয়ে রইল সেই সুবেশধারী সুন্দর পুরুষের প্রতি। শুধু তাই নয়, সহস্র মিথুন মন্ত্রমুগ্ধের মত সামুরাগে পরম্পরের সন্নিহিত হল। সকলেরই নয়নে কৌতূহলী জিজ্ঞাসা।

বিলসিত চরণে দর্পিতের মত বিধাতার কাছে এগিয়ে এল সে, তাকাল সুবিশাল নয়ন মেলে। কণ্ঠে মধুর ঝঙ্কার তুলে বলল, ‘জানি না, কী আমার নাম—আশ্রয়ই বা কোথায়? আমার নাম ও ধাম নির্দেশ করুন।’

বিধাতা তন্ময় দৃষ্টিতে এতক্ষণ তাকিয়ে ছিলেন নিজের মনোভব সৃষ্টির প্রতি, সবিস্ময়ে ভাবছিলেন, ‘অহো রূপম্ অহো রূপম্!’ প্রশ্ন শুনে সন্ধিং ফিরে এল তাঁর। নিমেষে হর্ষোদ্ভাসিত হল তাঁর বদনমণ্ডল। সিসৃক্ষ তিনি। কিন্তু ভূরি সৃজনেও পূর্ণ হয় নি তাঁর সৃষ্টি। মিথুন সৃষ্টি হয়েছে, প্রজা সৃষ্টি হয় নি। নারী ও পুরুষের পরম্পর সংসর্গে যে সৃষ্টি সম্ভব, পদ্মসম্ভব বিধাতার ঋতুধানে তার প্রকাশ ঘটে নি। সপ্রশংস দৃষ্টিতে তিনি তাকালেন মানসজাত নূতন সৃষ্টির প্রতি, দেখলেন তার অপূর্ব সম্মোহন রূপ, দেখলেন তার মনোমথনকর প্রভাব, দেখলেন চতুর্দশ ভুবনের সামুরাগ চাঞ্চল্য। এই নবসৃষ্টিই নিগিল নরনারীর হৃদয়ে জাগাবে সহর্ষ সৃষ্টিকামনা, কোটি কোটি সৃষ্টির বীজ ছড়িয়ে দেবে মিথুন-সমাজে। আনন্দে উৎফুল্ল হয়ে উঠলেন ব্রহ্মা। সচোজাত সন্তানের নাম নির্দেশ করবার উদ্দেশ্যে জিজ্ঞাসুনেত্রে তাকালেন উপস্থিত মরীচি, অঙ্গিরা, অত্রি প্রভৃতি ঋষির প্রতি।

মনঃস্ববিদ ত্রিকালদর্শী ঋষি। ধ্যানবলে তাঁরা জানলেন বিধাতার অভিপ্রায়। একে একে তাঁরা নামকরণ করলেন অনন্তর্যোবন নবজাতকের। হর্ষোৎফুল্ল হয়ে বললেন ঋষিপ্রবর মরীচি, ‘ত্রিভুবনের চিত্ত মথিত করে উৎপন্ন হয়েছে তুমি, মনোমথনকর তোমার প্রভাব। তোমার নাম হোক মনুথ।’

ষোড়শ প্রজাপতির অন্ততম প্রজাপতি অত্রি সহর্ষে বললেন, ‘ত্রিলোকের মন্ততা সম্পাদনেও তুমি অধ্বিতীয়—তাই, মদন নামেও অভিহিত হবে তুমি।’

সহাস্যে বললেন প্রজাপতি অঙ্গিরা, ‘মুকুটচূড়ায় তোমার মকর প্রতীক, করে

কুসুমধনু আয়ুধ পঞ্চবাণ । তুমি মকরচূড়, কুসুমধন্বা এবং পঞ্চশর নামে ভুবন-
বিখ্যাত হবে ।’

এতক্ষণ নীরব ছিলেন মহর্ষি ভৃগু । তিনি বললেন, ‘সর্বোপরি তুমি খ্যাতিলাভ
করবে কামদেব নামে । মিথুন-সমাজে সৃষ্টির কামনায় তোমার জন্ম, তুমি মূর্তিমান
কাম । পঞ্চশরে স্ত্রীপুরুষের মনে কামসঞ্চার করে তুমি সনাতন সৃষ্টির প্রবর্তক
হবে । কিন্তু অধর্মতমুজ্জ কদর্য কাম থেকে তুমি হবে স্বতন্ত্র ।’

বহু নামে অভিহিত, অভিনন্দিত হল মনোভব মদন । প্রজাপতি দক্ষ হৃষ্টচিত্তে
তার হাতে সম্প্রদান করলেন স্বীয় মানসকণ্ঠা রতিকে । সর্বাঙ্গসুন্দরী, অসিতেক্ষণা
রতি । এমন পতিলাভ করে নিজেকে সে কৃতকৃতার্থ জ্ঞান করল ।

মনোভব মদনের কিন্তু বিন্দুমাত্র বিকার লক্ষিত হল না ঋষিদের বাচনে কিংবা
রতিলাভে । আননে সদর্প এক গাঙ্গীর্ষ, অধরে স্মিত হাসি—যেন বজ্রসূচক বিদ্যুৎ ।
বিধাতার দিকে স্থির দৃষ্টি নিবন্ধ করে সে বলল, ‘এবার নির্দেশ করে দিন আমার
আশ্রয়স্থল ।’

‘তোমার আশ্রয়স্থল?’—মুহূর্ত দ্বিধা না করে ঘোষণা করলেন প্রজাপতি ব্রহ্মা,
‘চতুর্দশ ভুবনেই তোমার অবাধ অধিকার বিস্তৃত হবে । হে মন্থথ ! পাতালে, মর্ত্যে,
স্বর্গে তোমার গতি হবে অনিরুদ্ধ । ইচ্ছা করলে তপোলোকেও আশ্রয় নিতে
পারবে তুমি, মূনি-মানসেও তোমার সঞ্চারে বাধা থাকবে না । এমন কী সত্য-
লোকেও—’

কী ভেবে একটু থামলেন বিধাতা পুরুষ । স্তব্ধ বিস্ময়ে তাঁর প্রতি তাকিয়ে
আছে সিদ্ধ-চারণ, তাকিয়ে আছে তপোঋদ্ধ ঋষিবৃন্দ । বিষ্ণু, মহেশ্বরেরও সোৎকর্ষ
দৃষ্টি । ব্রহ্মা বলে চললেন, ‘এমন কী সত্যলোকেও—বিষ্ণুলোক কিংবা মহেশ্বর-
লোকেও ক্ষুণ্ণ হবে না তোমার গতি । এই যে সৃষ্টিকর্তা আমি, ধীর হৃদয়ে সৃষ্টির
তপস্যা, বাক্যে ধীর অস্থলিত সত্য, সেই আমাকেও সম্মোহিত করবার ক্ষমতা
তোমার থাকবে ।’

নীরব হলেন কমলযোনি প্রজাপতি । বিধাতার বাক্যে মদন উল্লসিত হল,
শক্তির দর্পে আত্ম-অহঙ্কারও হল ভয়ঙ্কর । আলোহিত আননে মদোদ্ধত উল্লাসের
দীপ্তি ছড়িয়ে পড়ল কি না বোঝা গেল না—কেবল একটা সদাপ টঙ্কার জাগল
তার পুষ্পধনুতে । সে টঙ্কারে ভুবন মোহিত হল, মিথুনসমাজ হল বিহ্বল ।
কোমলাঙ্গী নারী কম্পিত কলেবরে বিবশার মত আলিঙ্গন করল পুরুষকে ।
নিবিড় কামনার সে আলিঙ্গনে পুরুষ অবশ হল—দূরে গেল তার পৌরুষ ।

মুনিমানসও চঞ্চল হয়ে উঠল, সর্বাঙ্গে শিহরণ। অবশ আবেশ সঞ্চারিত হল বিশ্বলোকে।

এই মদ-বিহ্বলতায় শুধু স্থির রইলেন কমলযোনি ব্রহ্মা, জিষ্ণু বিষ্ণু আর যোগীশ্বর মহেশ্বর। বিশুদ্ধ, স্থিতধী তারা। মোহাতীত অকল্প তাঁদের মানস, নিশ্চল দৃঢ়তা।

ক্ষণকালের জগৎ ক্ষণ হল মদন। ব্রহ্মার বরে সে অজেয়, অবার্থ তার শক্তি। ত্রিভুবন মোহিত, তাপিত, স্তম্ভিত তাব ধনুব টঙ্কাবে। কিন্তু অবিচলিত কেন এই ত্রিমূর্তি? অজেয় কি সৃষ্টিকর্তা? মিথ্যা কি সত্যমূর্তি বিধাতার বাক্য?—তার সকল আক্রোশ গিয়ে পড়ল পদ্মসম্ভব ব্রহ্মার উপর।

দর্পভরে সে তূণ থেকে তুলে নিল পুষ্পময় পঞ্চশব্দ। অবিন্দ, অশোক, আম্র, নবমল্লিকা আর নীলোৎপলে নির্মিত পঞ্চশাবক—সম্মোহনে উন্মাদনে, শোষণে, তাপনে, স্তম্ভনে যারা দ্বিতীয় রহিত। শুধু পরীক্ষার উদ্দেশ্যেই—সত্য কিনা কমলযোনি ব্রহ্মার বাক্য, মদন স্মিতহাস্তে ব্রহ্মাকে লক্ষ্য করে নিষ্ফেপ করল সেই কুসুমশর।

পলকে প্রমাদ সৃষ্টি হল ব্রহ্মার মনে। প্রথম সম্মোহিত হলেন তিনি। মুগ্ধ হৃদয়, মুগ্ধ দৃষ্টি, অবশ সর্বাঙ্গ। পব মুহূর্তেই অনুভব করলেন অস্থির উন্মাদনা। বিঘর্ণিত মস্তক, মনে মাদকতা, দেহে বিদ্যুৎ শিহরণ। শোষণবানে লোক-পিতামহের বক্ষ থেকে কণ্ঠ পর্যন্ত বিশুদ্ধ হয়ে গেল; বসনা, ওষ্ঠাধর হল শুষ্ক মরুর মত পিপাসিত। সঙ্গে সঙ্গে তাপন নামক তীব্র প্রভাবে দেহে সৃষ্টি হল অসহ জ্বালা। স্তম্ভীর উত্তাপ—যেন কোটি স্বর্গের দাহন। স্তম্ভন শায়কে স্তম্ভিত হলেন পদ্মসম্ভব—বিভ্রান্ত বুদ্ধিবৃত্তি, লুপ্ত সত্যের তপোবল।

সম্মুখেই উপস্থিত ছিলেন চিরস্থিরকান্তি সর্বশুক্লা সরস্বতী। তিনি ব্রহ্মার অঙ্গজ সন্তান। হতচেতন ব্রহ্মা মুহূর্তে কালাকাল, পাত্রাপাত্র বিশ্বৃত হলেন। মস্তমুগ্ধের মত কণ্ঠা বাণীর প্রতি ধাবিত হলেন তিনি।

প্রজাপতির ভ্রাস্তি দেখে উচ্চ ব্যঙ্গহাস্য করে উঠলেন বিষ্ণু-মহেশ্বর। নিয়মের শৃঙ্খলা ভঙ্গ হয় দেখে মরীচি প্রভৃতি মানসপুত্র করজোড়ে নিবেদন করলেন সবিনয় বচন, 'শাস্ত হোন, শাস্ত হোন পিতা! যতাত্মা বিকারহীন পুরুষ আপনি, আপনি কণ্ঠাগমনে উদ্ভূত। এ কাজ ধর্ম-বিরুদ্ধ। আপনার মত সত্যসন্ধী পুরুষের পক্ষে এরূপ কাতর হওয়া অশোভন, বিশেষত এ কামনা অসামাজিক, সৃষ্টি-শৃঙ্খলার ব্যাভিচারী।'

আত্মপুত্রদের বিনয়নয়ন কুশল বচনে সঙ্ঘিৎ করে পেলেন প্রজ্ঞাপতি।
লজ্জায় আনত হল তাঁর মস্তক। ছিঃ ছিঃ, কি করছেন তিনি!

ব্রহ্মার লজ্জা দেখে কোঁতুক বোধ করলেন মহেশ্বর। তিনি উচ্চ ব্যঙ্গহাস্য
করে উঠলেন। বিধাতা পুরুষের লজ্জা এবার পরিণত হল ক্রোধে। ললাট-
ফলক হল ক্রুকুটি-কুটিল, কণ্ঠে ধনিত হল বজ্রনাদ। মদনকে উদ্দেশ্য করে
বললেন তিনি, 'দর্পিত কাম, সনাতন সৃষ্টি পতনের জন্ম আমার সঙ্কল্প থেকে
উৎপন্ন হয়েছ তুমি। প্রীতিমুগ্ধ হয়ে আমি সর্বলোকে তোমার আশ্রয় নির্দেশ
করেছি, তোমাতে সঞ্চার করেছি অমোঘ শক্তি। কিন্তু আত্মদর্পে স্ফীত হয়ে
তুমি কামশর নিক্ষেপ করেছ আমার প্রতি। এর প্রায়শ্চিত্ত করতে হবে
তোমাকে।'

শঙ্কিত দেবসম্বৎ, কম্পিত সমগ্র সমাজ। আতঙ্কে শিউরে উঠল রতির
হৃদয়। কিন্তু নির্ভীক মদন। স্থির কঠিন দৃষ্টি নিয়ে সে তাকিয়ে রইল বিধাতার
প্রতি।

বজ্ররবে প্রচারিত হল বিধাতার অভিশাপ, 'চন্দ্রে কলঙ্কের মত, তোমার
ভুবন-মোহন সৌন্দর্যে কলঙ্ক-চিহ্নরূপে জেগে থাকবে কদম্ব কামনার কুটিলতা।
প্রেমের অধিদেবতারূপেই সৃষ্টি করেছিলাম তোমাকে, অধর্মজ কাম থেকে তুমি ছিলে
স্বতন্ত্র। আজ থেকে অধর্ম-প্রভব কামের কলঙ্কও তোমাকে বহন করতে হবে।
গুরুতল্ল গমনাদি ব্যাভিচারী কামনার প্রেরকরূপে সমাজে নিন্দিত, ধিক্কৃত হবে
তুমি।'

একটু ধামলেন বিধাতা পুরুষ, আননে-নয়নে রোষের অরুণিমা। নিস্তরু
সমগ্র সৃষ্টি। আতঙ্কে যেন চক্ষু মুদ্রিত করেছে চতুর্দশ ভুবনের জীব। ঝাটিকার
সূচনা হয়েছে, এবার হবে বজ্রপাত। ভয়ানিত সৃষ্টিতে তারই শঙ্কাকুল প্রতীক্ষা।
কিন্তু অবিচলিত দর্পিত মদন। নিরাতঙ্ক তার হৃদয়, চোখে স্নকঠিন দীপ্তি,
উদ্ধত অপূর্ব দেহভঙ্গী।

বজ্র পতিত হল। সরোষে বললেন ব্রহ্মা, 'হে দর্পীক মনুথ, যে দর্পে
আত্মহারা তুমি, যে দর্প লুপ্ত করেছে তোমার লঘুগুরু বিচারবন্ধি, সে দর্প চূর্ণ হবে
তোমার। ত্রৈলোক্য-মোহন তোমার রূপ, অঙ্গ-কান্তির গৌরবে তুমি আত্মহারা—
কপর্দীর রক্তরোষে সেই রূপ, সেই অঙ্গ ভস্মীভূত হবে। চার্বঙ্গ, তুমি হবে
অঙ্গহীন, অনঙ্গ।'

ব্রহ্মার অভিশাপে বেদনাতুর হল সৃষ্টি। মনোভাবের জন্মক্ষেণে জেগেছিল

যে আনন্দ-বিহ্বলতা, তা পূর্ণ হল অশ্রু-উচ্ছ্বাসে। শোকে ভেঙ্গে পড়ল মদনপ্রিয়া রতি। তার ছনয়নে নামল বাদলের অশ্রাস্ত ধারা, কণ্ঠে রণিত হল করুণ উতরোল। রতি-বিলাপের মুছনায় মুছিত হল জীবকুল। সতী অরুন্ধতীর নয়ন ছলছল, স্নান সাধী অনসূয়ার বদন-কমল।

দর্পিত মদন মর্মাহত হল, কিন্তু ক্ষুণ্ণ হল না তার দর্প। বিধাতাকে লক্ষ্য করে অকম্পিত কণ্ঠেই বলল সে, ‘আমাকে অভিশাপ দেওয়া উচিত হয় নি বিধাতার। রুষ্ট হয়েছেন লোক-পিতামহ, অবশ্য কারও তুষ্টি বা রুষ্টি নিজের নিজের ইচ্ছাধীন। কিন্তু আমি নিরপরাধ।’

মদনের স্পর্ধা দেখে বিস্মিত হলেন ঋষিবৃন্দ, স্তব্ধ হয়ে রইলেন উপরশ্রোতা দেবতা-সমাজ। ব্যর্থ কামনাব বিক্ষুব্ধ ব্রহ্মা উচ্চৈঃস্বরে গর্জন কবে উঠলেন, ‘কি! নিরপরাধ!’

‘নিরপরাধ বই কি?’—গাঙ্গু অথচ দৃঢ়কণ্ঠে বলল দর্পিত কুসুমধন্বা, ‘আপনার বাক্যের সত্যতা পরীক্ষার জগুই আমি আপনার প্রতি শরাঘাত করেছি। প্রমাণ পেয়েছি, সত্য বিধাতার বাক্য, তিনি মতোব বাস্তুতি। কিন্তু আমার এ কাণ্ড আপনার ক্রোধোদ্বেগ করবে—এ আমি ধারণা করতে পারি নি। পরীক্ষা দ্বারা ই গুরুপ্রদত্ত মন্ত্র বা শিক্ষাব ফলাফল নির্ণয় করা হয়। পুত্রের সাফল্যে পিতা আশীর্বাদ করেন না, অভিশাপ দেন—এ অভিজ্ঞতা হল এই প্রথম।’

নীরব হল মন্থথ, নীরব নিখিল ভুবন। বিস্ময়ে হতবাক হয়ে গেছে কলমুখর সৃষ্টি। চমৎকৃত হলেন বিধাতা পুরুষ, ‘পুত্রাদিচ্ছেৎ পরাজয়ম’—এ বিধান তাঁরই। মানসপুত্র মদনের দৃঢ়তা দেখে তিনি তুষ্ট হলেন। কিন্তু প্রদত্ত অভিশাপ জ্যা-মুক্ত তীরের মত, একবার নিষ্ফল হলে প্রত্যাহৃত হয় না। আন্দোলিত হল চিত্তপ্রদেশ।

বিধাতার কিংকর্তব্যবিমূঢ়তা দেখে আবার হাশ্ব করে উঠলেন মহাদেব। সে বিদ্রূপহাশ্ব মদনের শরাঘাতের মতই জ্বালাকর। একদিকে দর্পিত পুত্রের দৃঢ়তা, অন্যদিকে কপর্দীর হাশ্ব-কটাক্ষ। অশেষ দস্ত মহেশ্বরের! প্রতিকার প্রয়োজন। মদনকে উদ্দেশ্য করেই বললেন বাক-চতুর ব্রহ্মা কিন্তু লক্ষ্য হলেন বিদ্রূপকারী মহেশ্বর : ‘তোমার দৃঢ়তা দেখে আমি তুষ্ট হয়েছি। প্রশংসনীয় তোমার দর্প। তোমার আর এক নাম হবে দর্পক। নিখিল সৃষ্টিতে সকলের দর্পনাশেই তুমি সমর্থ হবে। এমন কি, যোগদর্পে দর্পিত যে কপর্দী, তাঁরও দর্প চূর্ণ হবে তোমার হাতে। যোগীশ্বর মহেশ্বরের দর্প চূর্ণ করে জগতে তুমি কন্দর্প নামে বিখ্যাত হবে।’

বিমর্ষ হলেন মহেশ্বর, তাঁর ললাটস্থ অর্ধচন্দ্র হল দীপ্তি-স্নান। পরিতৃপ্ত হলেন প্রজ্ঞাপতি, প্রশংস দৃষ্টিতে তিনি তাকালেন, গ্রীবভঙ্গাভিরাম দর্পোদ্ধত দর্পকের প্রতি। এমন ত্রৈলোক্যোন্মাদক অঙ্গ তাঁর অভিশাপে অঙ্গহীন হবে ভেবে কঙ্কণাদ্র হল তাঁর অন্তর। শাস্তকণ্ঠে তিনি সাস্তনার বাক্য উচ্চারণ করলেন : 'রুদ্ররোধে' অঙ্গহীন হলেও ক্ষোভের কারণ নেই। হে কন্দর্প! শস্ত্র তোমার দেহ হরণ করলেও বল হরণ করতে পারবেন না। ত্রিভুবনে তুমি হবে অব্যর্থবীর্য, অপ্রতিহত হবে তোমার বজ্রসার পুষ্পশরের লক্ষ্য। অলক্ষ্যচারী হয়ে তুমি তোমার অমোঘ প্রভাব বিস্তার করবে। সৃষ্টির প্রত্যেক নর, প্রত্যেক নারী হবে তোমার অব্যর্থ পঞ্চশরের অর্ধীন।'

অদূরে দাঁড়িয়ে ছিল অধর্মপুত্র কাম। সহসা বিধাতার দৃষ্টি পড়ল তার প্রতি। কদাকার দেহ, লালসা-কুটিল জঘন্য দৃষ্টি, বিকৃত বক্রগতি। বাভিচারী কামনার প্রেরক সে। শিউরে উঠলেন বিধাতা। ক্রোধে আত্মহারা হয়ে তিনি এই কদর্ঘ কুটিল কাম-কলঙ্কে অভিশপ্ত করেছেন মনোভব মন্থকে? কাম আর প্রেমকে তিনি করেছেন একাকার।

অনুশোচনায় কাতর হলেন বিধাতা। মনসিজ মদনের প্রতি সহানুভূতিতে তাঁর অন্তর পূর্ণ হয়ে উঠল। শাস্ত্রস্বরে তিনি বললেন, 'তুমি দুঃখিত হয়ো না দর্পক। কামনায় ভ্রান্তচিত্ত আমি, রোমাবিষ্ট হয়ে কাম-কলঙ্কের ভার বহনের অভিশাপ দিয়েছি তোমাকে। কামের কদর্ঘ কলঙ্কে কলঙ্কিত হলেও আমি বলছি, কামে ও প্রেমে স্বাতন্ত্র্য থাকবে। তুমি হবে প্রেমের অধিদেবতা। কামগন্ধহীন, অতীন্দ্রিয় প্রেমের সুধাপাত্র অদৃশ্য হস্তে তুমি নিখিল বিশ্বের নরনারীর অধরে তুলে ধরবে, তোমার অলক্ষ্য পদসঞ্চারে বেজে উঠবে শুদ্ধ, সস্বময় সৃষ্টিব সুর। কাব্যে ও শিল্পে থাকবে তোমারই অগ্রাধিকার। হে অতনু, তনুহীন হয়েও অখিল ভুবনে তুমিই নব নব রোমাঞ্চ সৃষ্টি করবে, কল্পকলায় ছন্দিত হবে তোমার জয়গাথা। লোকে তোমাকে নমস্কার করবে এই বাক্যে—

কর্পূর ইব দংশোহপি শক্তিমান্ যো জনে জনে ।

নমোহস্ত্র অব্যর্থবীষায় তস্মৈ কুসুমধনুনে ॥

নীরব হলেন লোক-পিতামহ। নীরবে সভাভঙ্গ হল। দর্পিত বন্ধিম ভঙ্গীতে রতিকে সঙ্গে নিয়ে, নীরবে বিধিনির্দিষ্ট কার্ঘ্যে অগ্রসর হল দর্পক মদন। অভিশাপে বা আশীর্বাদে সমান তার মনোভাব।

বিধাতার অভিশাপ ব্যর্থ হয় নি। রুদ্ররোধে দগ্ধ হয়ে গিয়েছিল মদন। দক্ষযজ্ঞে

দেহত্যাগ করেছিলেন পতিব্রতা সতী। সতীশোকে উন্মত্ত ভৈরব মৃত্যু পত্নীর দেহ স্কন্ধে নিয়ে ভ্রমণ করছিলেন ত্রিভুবন। বিষ্ণুচক্রে ছিন্ন সতীর অঙ্গে সৃষ্টি হয়েছিল একাঙ্গী পীঠস্থান। তারপর আত্মভোলা যোগীশ্বর হিমালয়ের সান্নিধ্যে কল্লাস্তব্যাপী ধ্যানে মগ্ন হয়েছিলেন। তখন তারকাসুরের প্রতাপে উপক্রান্ত স্বর্গলোক। তারক-নিধনে প্রয়োজন হয়েছিল 'কুমারসম্ভব'। সতী জন্ম নিয়েছিলেন হিমরাজগৃহে কন্যা পার্বতীরূপে। তাঁর গর্ভে, মহাদেবের ঔরসে যে কুমার সম্ভব হবে তিনিই হবেন তারক-নিহস্তা। বিপন্ন ইন্দ্র বিধাতার নির্দেশে মদনের শবণাপন্ন হয়েছিলেন। যোগীশ্বর মহেশ্বর। তাঁর তপোভঙ্গ করতে হবে, তাকে আকৃষ্ট করতে হবে পার্বতী গৌরীর প্রতি। এই কঠিন কর্মেই ব্রতী হয়েছিল দর্পক মন্থথ। যোগীশ্বর মহাদেব যখন নিবাত-নিষ্কম্প দীপের মত ছিলেন ধ্যান-মিলীন আর পুষ্পাভরণে সজ্জিত, গৌরাক্ষী গৌরী যখন নতজানু হয়ে প্রণাম করছিলেন সেই যোগীবরকে, তখন হিমালয়প্রস্থে অকালবসন্তের উদয় হয়েছিল, মদনের ক্রিয়া চলছিল অলক্ষ্যে। জিতেন্দ্রিয় মহাদেব নখন মেলে তাকিয়েছিলেন, কিন্তু তখনও বিন্দুমাত্র বিকারগ্রস্ত হয় নি তাঁর অন্তর। সহসা মদন-কৌশলে পার্বতীর কেশস্থিত কর্ণিকার ভূমিতলে স্থলিত হল। যতাত্মা মহাদেব ঈষৎ চঞ্চল হলেন, যেন চন্দ্রোদয়ে ঈষৎ চঞ্চল হল সাগরের অনুরাশি। হিমরাজ-কন্যার অনিন্দ্য অঙ্গলাবণা যেন চকিতে চমক সৃষ্টি করল বিরূপাক্ষের নয়নে। বিরক্ত হয়ে তিনি আকস্মিক চিত্ত-চাঞ্চল্যের কারণ নির্ণয় করবার জন্তু চতুর্দিকে বিস্তার করলেন তার রোধ-রক্ত নয়ন, দেখলেন, অদূরে অলক্ষ্যে রয়েছে 'চক্রীকৃতচাকুটাপ' শরনিষ্ক্ষেপোদ্ভূত মদন। ক্রুদ্ধ হলেন রুদ্র। ললাটস্থ নেত্রে ধকধক করে জলে উঠল ভীষণ বহির্শিখা। 'ক্রোধ সংবরণ করুন'—বলার পূর্বেই নয়ননিমেষে রুদ্রের নয়নাগ্নিতে দগ্ধ হয়ে গেল দর্পক মন্থথ, শুধু পড়ে রইল একটি নিস্প্রাণ ভস্মের স্তূপ।

সেই দগ্ধ ভস্মস্তূপ আবার প্রসন্নাক্ষ বিরূপাক্ষের অনুগ্রহে প্রাণ ফিরে পেয়েছিল। কিন্তু সে প্রাণময় একটা সত্তামাত্র, অনুভূতিপ্রবণ কিন্তু দেহহীন—ক্রিয়াশীল, কিন্তু অপাণিপাদ। অনঙ্গ নামের কলঙ্ক ঘোচে নি অতঃপর।

স্বস্তির ছায়াছবি মুছে যায়। বিশ্বামিত্রের আশ্রয়পদে উদাস দৃষ্টি মেলে খানিক স্তব্ধভাবে দাঁড়িয়ে থাকে অনঙ্গ। ঋষিকণ্ঠে তখন নীরব হয়ে গেছে 'অপাণিপাদো' মন্ত্রের কলি। কিন্তু এখনও যেন ঘণ্টাধ্বনির শেষ অনুরণনের মত তার রেশ ছড়িয়ে আছে তপোবনে; এখনও যেন ঘোষণা করছে অনঙ্গ নামের কলঙ্ক। সহস্র বৃশ্চিকদংশন অনুভব করে দর্পক।

মুহূর্তে প্রদীপ্ত হয় সেই দর্প, দেখা দেয় স্মিত হাস্যরেখা। ই্যা, 'অপাণিপাদো জ্বনো গ্রহীতা' স্বয়ং অনঙ্গ। তার প্রমাণ এবার দেবে সে। দৃঢ়সঙ্কল্পে প্রস্তুত হল অর্ধাধিবীর্ষ দর্পক। তপোমগ্ন বিশ্বামিত্রকে লক্ষ্য করে চাপে শর যোজনা করল সে। বজ্রসার তার পুষ্পশর, অতিশয় কোমল—অতীব কঠিন।

সহসা আরক্ত হয়ে উঠল পুষ্পবতীর্থে অরণ্যভূমি। মধ্য বসন্তের রক্তিম ছাড়িয়ে পড়ল স্থলে—অশোক-পাটলের বক্ষে; ছাড়িয়ে পড়ল জলে—অরবিন্দ-দল যেন বনলক্ষ্মীর অঙ্গধোত অলক্তরাগ। সমীরিত হল বনভূমি, নিষ্পন্দ অরণ্যে জাগল বিহঙ্গের সঙ্গীত স্পন্দন। অদ্ভুত প্রাণ-চেতনায় পূর্ণ হয়ে উঠল অচেতন পদার্থ।

ধ্যানমগ্ন কৌশিকের অন্তর হল চঞ্চল। ব্রহ্মধানেব একতানতা যেন বিচ্ছিন্ন হয়ে গেল আর একটি স্বগভীর সুরঝঙ্কারে। তাঁর নিমীলিত নয়ন ধীরে উন্মীলিত হল, যেন প্রথম প্রভাতে পাপড়ি মেলে বিকশিত হল একটি নীলপদ্ম। বিমোহিত অন্তর, বিমোহিত নয়ন। বনভূমিতে আজ প্রাণের এ কী চঞ্চল লীলা! পুষ্পিতা লতিকা আবেশে জড়িয়ে ধবেছে মস্তীকুহের কণ্ঠদেশ—প্রিষতমা যেন কণ্ঠলগ্ন হয়েছে প্রেমিকের; বিনমসশাপ তরু আনত হয়ে যেন চক্ষন কবছে দয়িত ধরণীব রোমাঞ্চিত অঙ্গ; চূত-মঞ্জরীতে প্রণয়ের পূর্ববাগ। ভ্রমরপংক্তি, পক্ষিকুল, মৃগ-কদম্ব, চক্রবাক-মিথুন আজ বিলাস-চঞ্চল। পুষ্পে পুষ্পে মধুপের মধুর গুঞ্জন, শাখায় শাখায় পক্ষিকুলের সুমিষ্ট কাকলি। গুঞ্জে, কূজনে, কেলিকলোচ্ছ্বাসে মুখরিত যতির তপোভূমি। শুধু তাই নয়, সম্মুখে বিশ্ব-বিমোহিনী কামিনী। অপক্লপ রূপ, চারু অঙ্গে রূপের তরঙ্গ, নয়নে মোহময় আকর্ষণ। রাজর্ষি বিশ্বামিত্রের সান্নিধ্য দৃষ্টি মুহূর্তে নিবদ্ধ হল মোহিনীর চারু-অঙ্গে।

সেই মুহূর্তে অনঙ্গ নিষ্ফেপ করল তার উন্মাদন শর। বিদ্যুৎ-তবঙ্গ খেলে গেল ঋষির শোণিত কণায়। মদমত্তের মত সিদ্ধাসন ত্যাগ করে কল্পিত পদে তিনি অগ্রসর হলেন মোহিনী মেনকার প্রতি। তাঁর নয়নে রক্তের বোষারূপ নয়, অনুরাগের স্নিগ্ধ দীপ্তি।

বিজয়ী দর্পক। অন্তরে তার বিজয়ের দৃপ্ত উল্লাস, বাইরে প্রকাশিত দর্পিত স্মিত এক বক্রকুটিল হাসি। গর্জ-মুখর উর্মিমুখে শুভ্রফেনার মত ক্ষণদীপ্ত সে হাসি যেন দর্পভরে ঘোষণা করল, 'কোথায় বিশ্বামিত্র, দর্পিত রাজর্ষি? বিলুপ্ত-ধৈর্য দ্বিতীয় বিধাতা, যেন চক্ষোদয়ে চঞ্চল প্রশান্ত সাগর! কোথায় বিশ্বামিত্রের অর্ধাচীন শিষ্যবৃন্দ? তারা দেখুক, অপাণিপাদ দর্পকেব দর্পসীমা। অতনু সে, কিন্তু অপরাঙ্কেয় তার বিক্রম।'

বজ্রগোঁরবে অলক্ষ্য পদবিক্ষেপ করে অগ্রসর হল অনঙ্গ দর্পক। তখন মেনকার বাহুবেষ্টনে আবদ্ধ হয়েছেন রাজর্ষি বিশ্বামিত্র, যেন রাহুগ্রাসে গ্রস্ত হয়েছেন দীপ্ত দীধিতি, যেন উত্তরঙ্গ সমুদ্র নিস্তরঙ্গ হয়ে ধরা দিয়েছে বেলাভূমির বলয়বেষ্টনে।

দর্পকের এই দর্প আজও বিশ্বভূবনে এমনি অপরিম্মান। মিথিল নরনারীর অস্তরে অব্যর্থ তার শরসঙ্কান। সত্য হয়ে আছে যেমন বিধতার আশীর্বাদ, তেমনি সত্য হয়ে আছে তাঁর অভিশাপ। প্রেমে ও নন্দনতত্ত্বে দর্পকের অগ্রাধিকার বিস্তৃত হয়েছে বটে, কিন্তু ব্যাভিচারী কামনার কলঙ্ক আজও তাকে বহন করতে হয়। সনাতন সৃষ্টিতে তির্যক কাম-কন্দর্প দিক্ন্ত হয়, নিন্দিত হয়, তবু লাজ্জিত বা নিষ্ক্রিয় হয় না দর্পিত দর্পক। ত্রিভুবনে অপবাজেয় তার হৃদয়-প্রমাথী বিক্রম।*

- (১) কালিকা পুরাণ ১, ২, ৩
- (২) রামায়ণ বালকাণ্ড ৬৩ সর্গ

বারুণী ॥

বিশ্বব্যাপী অপরিসীম প্রভাব তার। দর্পিনী বিজয়িনী—নাম বারুণী। আলোহিত অঙ্কবর্ণ, প্রত্যঙ্গে স্তবলিত স্তম্ভমার রক্তিম দীপ্তি। পূর্ণা শ্রোতস্বিনীর মত পূর্ণযৌবনা, উদাম—যেন উচ্চল তারল্যে দৃশ্য ঐক্য। যৌবনমদে সে মদবিহ্বলা, চঞ্চলা, স্থলিতচরণা।

পিতা তার বরুণরাজ। উরুচক্ষু ব্যোমদেবতা তিনি। অন্তরীক্ষপতি মিত্র দেবতার পরম মিত্র, সৃষ্টিলোকে একসঙ্গে উচ্চারিত ‘মিত্রাবরুণ’ নাম। সপ্ত-সমুদ্রেরও অধীশ্বর বরুণ। উপরলোকে ও অধোলোকে সমান বিস্তৃত তাঁর বিক্রম।

বীৰ্যবান পিতা বরুণের ঔরসে বারুণীর জন্ম—পিতার মতই সে প্রতাপশালিনী। ব্যোমচারী অসংখ্য প্রজা তার প্রস্রোতা, সাগরাশ্রয়ী সংখ্যাহীন প্রাণী তার বন্দী। উদ্ধত রত্নাকর মস্তনুষ্ক ভৃঙ্গের মত তার ইঞ্জিতে মস্তক আনত করে। নিয়ত অবিণ্ডিত তার মেঘনিভ কেশকলাপ—প্রলয়কালীন মেঘের মতই মুহূর্তে ফুলে ওঠে, মুহূর্তে দোল খায়, আবার মুহূর্তে পিঙ্গল আনন আচ্ছন্ন করে ঘনকৃষ্ণ অঙ্ককারের সৃষ্টি করে। সেই ঘন-নীল কেশপাশে চপলাসদৃশ তার আনন, রক্তাক্ত লোচনের স্মৃতি শাসন। মহাসমুদ্রের সহস্র উর্মিশীর্ষে মদমত্ত পদবিক্ষেপ করে সদর্পে বিচরণ করে বরুণ-নন্দিনী বারুণী—যেন সসাগরা বরু-রাজ্যের রাজরাজেশ্বরী।

পিতার প্রকৃতি যেমন সন্তানে আত্মপ্রকাশ করে, তেমনি আত্মপ্রকাশ করে মাতার স্বভাব। বারুণীর মাতা শুক্রা। স্বামীর মতই সে বীৰ্যবতী, অভিমানে স্ফীতা। মোহকর তার রূপ, মোহিনী তার শক্তি। তিল তিল বিষপানে যেমন বর্ধিত হয় বিষকণ্ঠা, জননী শুক্রার স্নেহদর্পে তেমনি লালিতা হয়েছে বারুণী। মাতার স্নেহের ছলানী, তার আদরের নাম সুবা। স্বামী পাশী বরুণ, সুরসভ্যে প্রতিষ্ঠিত তাঁর মর্যাদা। জননীর সাধ, তাঁর নন্দিনীও হবে সুরভোগ্যা।

বারুণীর মনেও অহঙ্কারের শেষ নেই। তার রূপবহিতে পতঙ্গের মত আকৃষ্ট হয় জীবকুল। তার একটিমাত্র অপাঙ্গ দৃষ্টিতে গজেন্দ্র ঐরাবত মদশাব করে, স্বর্গতুরগ উচ্চৈঃশ্রবা হয় অস্থির। অতুলনীয় রূপ, অপ্রমেয় ঐশ্বর্য, অপরিমিত

মোহিনী শক্তি—বিশ্বে কোন্ নারী তার সমকক্ষ? তার ধারণা, ত্রিলোককে সে হেলায় পদানত করতে পারে।

দর্পিনীর এই দর্প আহত হল সেই প্রথম, যেদিন সুরাসুর অমৃতলাভের উদ্দেশ্যে প্রবৃত্ত হলেন সাগরমন্ডনে। মন্দর-পর্বত দণ্ড, বাসুকি নাগরজ্জু। সেই রজ্জুর পুচ্ছাংশ ধরেছেন দেবতা, শীর্ষাংশ ধরেছে অসুর-দানব। পরিচালক স্বয়ং প্রভবিষ্ণু বিষ্ণু। ভীষণ শব্দে সন্ত্রস্ত বিশ্বলোক, আকর্ষণে ও ঘর্ষণে টলমল বরুণ-রাজ্য। প্রমথিত বরুণালয় থেকে একে একে উত্থিত হচ্ছে তিমি, তিমিন্দি, তিমিন্দি-গিল রাঘব—কত রত্ন, কত ওষধি! ক্রমে উত্থিত হলেন বিষ্ণুবল্লভা লক্ষ্মী, ইন্দ্রাশ্ব উচ্চৈঃশ্রবা, মেঘবাহন ঐরাবত, অমূল্য রত্ন কৌস্তুভ, কামদুধা সুরভী। বিষ্ণু সেই মন্বনজাত দ্রব্য বণ্টন করে দিলেন দেবতা ও দানবদের মধ্যে। উৎকৃষ্ট যত দ্রব্য, সবই হল দেবভোগ্য। ক্ষুধ আক্রোশে পূর্ণ হল অসুর-দানবের অন্তর, তবু প্রতিবাদ করল না তাবা। যে দুর্লভ অমৃতের জন্ম সমুদ্রমন্ডন, তা যদি হস্তগত হয়, তা হলে তুচ্ছ লক্ষ্মী, তুচ্ছ উচ্চৈঃশ্রবা ও ঐরাবত। দ্বিগুণ উৎসাহে মন্বন-রজ্জু আকর্ষণ করল তাবা।

এদিকে শ্রমক্রান্ত হলেন দেবতা। নিশ্চেষ্ট হলেন বর্জী ইন্দ্র; সূর্যের দীপ্তি ম্লান হয়ে এল; চোখে অন্ধকার দেখলেন দেববৈষ্ণব দম্ব ও নাগত্রয়। ব্রহ্মা মনে মনে প্রমাদ গণলেন। তিনি বিষ্ণুকে দেবদেহে বলাধান করতে নির্দেশ দিলেন। রসাধার সোম। বিলোড়িত সাগরজল থেকে ইতিপূর্বেই তার উদ্ভব হয়েছিল। শ্বেতশুভ্র কাস্তি, স্নিগ্ধ দীপ্তি, অঙ্গে শুদ্ধ সাত্বিক রসের উচ্ছল তরঙ্গ। বিষ্ণু এই সোম বণ্টন করে দিলেন দেবতা-সমাজে। সোমরস পান করে সাত্বিক শক্তিতে বললাভ করলেন দেবতা।

দানব-শক্তিও এদিকে স্তিমিতপ্রায়। পর্বতের মত তাদের বিশাল দেহ থেকে ঝর্ণাধারার মত স্বেদ নির্গত হচ্ছে, ঘনশ্বাসে অগ্নির উচ্ছ্বাস। তবুও সমস্ত শক্তি সঞ্চয় করে শ্রান্ত দানব আবার প্রাণপণে আকর্ষণ করল মন্বনরজ্জু। প্রবলবেগে ঘূর্ণিত হল মন্বন-দণ্ড মন্দর; পরিশ্রান্ত বাসুকি-নাগের মুখ হল আরক্ত। উত্তপ্ত দৃষ্টি, ব্যাকুল প্রতীক্ষা।

সহসা প্রমথিত বরুণালয় থেকে উত্থিত হল প্রমাথিনী বারুণী। আলোহিত অঙ্গ-কাস্তি, মদিরান্ধরা নয়ন, ঘন-নীল কুটিল কুস্তল। পরিধানে রক্তান্বর, কণ্ঠে পদ্মরাগ রত্নহার, কটিতটে রত্নময় মেখলা। সর্ব-শৃঙ্গার বেশাঢ্য মূর্তি।

রূপের ছটায় বিভ্রম সৃষ্টি করে চঞ্চলা তটিনীর মত এগিয়ে এল নটিনী।

চলচল কাস্তি, টলমল স্থলিত গতি। মদবিহ্বল দেহ, মোহমদির বিলোল
কটাক্ষ যেন চঞ্চল লোহিতসাগরে সচঞ্চল উর্মিদোলা।

স্তুম্বিত দেবতা ও দানব, স্তুম্বিত যেন কর্মশক্তি। মন্থন-রজ্জু হস্তে ধারণ করে
প্রথমে চিত্রাৰ্পিতের মত দাঁড়িয়ে রইলেন তাঁরা—যেন মন্থবলে ক্ষণেক স্থির হয়ে
রইল অশাস্ত সাগরতরঙ্গ। কিন্তু পরমুহূর্তেই বিতর্ক উঠল বিমুগ্ধ দেবতা ও
বিমূঢ় দানব-সমাজে।

দেবরাজ ইন্দ্র ভাবলেন, 'কে ইনি? ইনি কি দ্বিতীয় কমলা? সর্বাঙ্গ-
সুলক্ষণা অপূর্ব শ্রীমণ্ডিত দেহ, ইনি কি সর্ব-কল্যাণের আকর সর্বমঙ্গলা ষোড়শী?'

কামমোহিত দানবপ্রধান ভাবল, 'মদিরেক্ষণা, লাশ্রময়ী কে এই সমুদ্রোদ্ভবা?
অঙ্গে কাঞ্চন-দীপ্তি, অসম্পৃত কটিমেথলায় মদনের স্মবালাপ। ইনি কি স্বয়ং রতি,
না মূর্তিমতী উদ্দীপন-শক্তি?'

বিচার-বিমূঢ় যখন সুরাস্বর, তখন মদ-বিহ্বলা বারুণীর কণ্ঠে উচ্চারিত হল
মদস্থালিত বচন—যেন মধুবৃষ্টি কবল কিল্পর-কণ্ঠেব অক্ষুট গান : 'বরুণকন্যা আমি
বারুণী। আমি বলদায়িনী শক্তি। মাতা আমার শুক্রা। শুক্রা-তেজের
বহ্নিদীপ্তি আমার দেহে। আমার স্পর্শে অসীম উদ্দীপনা।'

নির্বাক দেবতা, শুক্র দানবসমাজ। বারুণী দেখল, তার রূপের বিভ্রমে
সম্মোহিত সুরাস্বর। রূপগর্বে উৎফুল্ল হয়ে উঠল সে, অধরকোণে ফুটে উঠল
সদর্প এক স্মিত হাস্যরেখা। বিশ্বমোহিনী সে—কে তার রূপে মোহিত না হয়?
কিন্তু সুরা সে, সুরভোগ্যা। সুরসমাজেই সে হবে ববর্ণায়া। কী সুন্দর
দেবতার রূপ—যেন স্বপ্নলোকের একখানি মোহময় স্বপ্ন। তারা মন্থন-ক্লাস্ত,
তব দেহে অপূর্ব দীপ্তি! সুন্দরকে জয় করেই তো জয়েব গৌরব! লোকে
বলবে, সুরবিজয়িনী সুরা।

সুদৃঢ় আত্মবিশ্বাসে বারুণী উপস্থিত হল দেবতাদের সম্মুখে। নৃপুরে শিঞ্জন,
কাঞ্চিতে ক্রগন তুলে—কটাক্ষে মদিরাবেশ মাথিয়ে গদগদভাবে বলল রূপ-গর্বিতা,
'বল দেবসমাজে কোন্ দেবতা গ্রহণ করবে আমায়? সুরপ্রধান বরুণেব ঔরসে
দেবগোত্রে আমার জন্ম। আমার আব এক নাম সুরা। লক্ষ্মীর চেয়েও আমি
রূপবতী, শক্তি-সঞ্চাবে সোম অপেক্ষাও অধিক যোগ্যতা আমার।'

বারুণী-বাক্যে চঞ্চল হলেন ইন্দ্র, চঞ্চল বিশ্বদেব-মরুদ্গণ, দেববৈষ্ণ অশ্বিনী
কুমারদ্বয়ের অন্তরে অশাস্ত উন্মাদনা। স্বয়মাগত সুদূর্লাভ সামগ্রী, মধুর চেয়েও
মধুমত্তর, বৃষ্টি অমৃতের চেয়েও স্বাদু। সোমপায়ী দেববৃন্দের নিকট তুচ্ছ মনে

হল শুক সত্ত্বগুণের উদ্দীপক সোমরসের আশ্বাদন। কোথায় শুভ্রকান্তি নিধি
সোম, আর কোথায় এই অরুণ-দীপ্ত সুরা! কিন্তু সম্মুখে উপস্থিত প্রভবিষ্ণু
বিষ্ণু। মন্থনজাত দ্রব্যের বণ্টনকারী তিনি। তাঁর নির্দেশ বাতীত কোন দ্রব্য
স্বেচ্ছায় গ্রহণ করবার অধিকার নেই তাঁদের। তাই পিপাসু দৃষ্টি মেলে তাঁরা
একবার তাকালেন মনোমোহিনী বারুণীর প্রতি, আরবার জিজ্ঞাসু নেত্রে
তাকালেন বিষ্ণুর দিকে। কেবল আদেশের অপেক্ষা।

মায়াধীশ বিষ্ণু। তিনি বললেন বারুণীই মায়া। গভীর অন্তর্দৃষ্টি মেলে
তিনি দেখে নিলেন তার স্বরূপ। পুষ্পদ্রব তরল কান্তির নিযাস তাব লাবণ্য—
অঙ্গে তারল্য-তরঙ্গ। অতি উপভোগ্য এই কান্তিবস। বলসঞ্চারে অদ্ভুত
ক্ষমতা। কিন্তু সর্বনাশা এই লোহিতাঙ্গী। কল্লাস্তের রঞ্জিত সঙ্ক্যাত্র—
নয়নমোহন, কিন্তু প্রলয়সূচক। সংজ্ঞানাশ করে সেবকের সর্বনাশ করে সে।
সোমপায়ী দেবতাদের সাবধান করে তাই সংক্ষেপে জানিয়ে দিলেন বিষ্ণু, 'বৈরি-
মিত্র বিষকণ্ঠা এই বারুণী বৈরিপক্ষেই বলাধান করুক, তোমরা ওকে প্রাত্যাখ্যান
কর।'

বিষ্ণুর ইঙ্গিতে দেবতাগণ স্তব্ধ হয়ে রইলেন—নির্বাচিত যেন উৎসাহ-দীপ।
দেবতাদের নিরুৎসাহ মুহুর্তে বারুণীকে চঞ্চল করে তুলল। বার্থ তাব রূপ?
নয়নপাতে সে দেখে নিল অঙ্গসজ্জা, তাবপর অপাঙ্গে দেব-অঙ্গে বিলোল কটাক্ষ
বিস্তার করে, নয়নাভিবাম গ্রীবাভঙ্গী করে আবার বলল দপিতা অনঙ্গমোহিনী,
'স্বয়মণ্ডলে সমুদ্ভূতা আমি সুরা, সুরগম্যা। সুর-লক্ষীর মতই আমার ঐশ্বর্য,
সনাতনী শক্তির মতই আমার শক্তি। বল, কোন্ দেবতা গ্রহণ করবে আমায়?'

আবার বিচ্যুতরঙ্গ খেলে গেল দেবতাদের অঙ্গে। কিন্তু অপ্রমত্ত রইলেন
জিষ্ণু-বিষ্ণু।

তিনি বাক্চতুর। সুর ও সুরা উভয়কেই লক্ষ্য করে বললেন তিনি,
'সোমপায়ী দেবতা সোমরস পান করেই শক্তি সঞ্চয় করে, বারুণীতে তারা নিস্পৃত।'

'আমি শুধু বারুণী নই, আমি সুরসম্ভব সুরা—সুরভোগ্যা।'

'সুরসম্ভবা হলেও রাজসিক তোমার প্রকৃতি, তামসিক তোমার আচরণ।
দেবতার ভোগ্যা তুমি নও।'

আঘাতে আরক্ত হল রক্তমুখী। আজন্ম স্বেচ্ছাচারিণীর ইচ্ছায় এই প্রথম
বাধা। পুঞ্জিত হল মনোদ্রুত অভিমান। পরুষদীপ্ত কণ্ঠে বলল সে, 'তা হলে কার
ভোগ্যা সুরা?'

অসুরদের প্রতি অঙ্গুলি নির্দেশ করে শাস্তকণ্ঠে বললেন অস্তর্ধামী বিষ্ণু, ‘ওগো সুরা, ভুবনমোহন তোমার রূপ—প্রচণ্ড তোমার বলদায়িনী শক্তি। তোমার শক্তি অসুরদেহে বলাধান করুক। ক্লাস্ত দৈত্য-দানবও তোমার রূপমুগ্ধ, তাদের ভোগ্যা হও তুমি।’

অপমানে আহতা কণিনীর মত কণা তুলে দাঁড়াল বারুণী। তার সঙ্কল্প প্রতিহত হতে পারে, এ কল্পনাও কোনদিন করে নি মদোদ্ধতা। গর্জন করে উঠল দর্পিতার অহঙ্কার, ‘এত স্পর্ধা! সুরসম্ভবা, সুরগম্যা সুরা আমি। আমাকে প্রত্যাখ্যান!’

প্রলয়কালের দুর্নিমিত্ত সূচিত হল তার চোখে-মুখে। আলোহিত আননে পিঙ্গল মেঘদ্যুতি, রক্তাক্ত স্তব্ধ লোচনে মদঘূর্ণিত বিদ্যুৎ-কটাফ, প্রমুক্ত কেশপাশে সহস্র শকুনের মত্ততা। কল্পান্তের ভূকম্পন দেখা দিল অন্ধে, স্থলিত চরণে মুহূর্ছ স্থলন। দেবতা কি এতই শক্তিশালী? সে কি নিতাস্তই শক্তিহীনা? দৃঢ়সঙ্কল্পে মন স্থির করে অগ্রসর হল প্রলয়-ঝটিকা। যেমন করেই হোক, এর প্রতিশোধ গ্রহণ করবে সে। সে জানে, দেবতার চিরশত্রু দানব, অনাদিকাল থেকে সুরবিরোধী অসুর। তাদের প্ররোচিত করে সে চূর্ণ করবে দেবতার অহঙ্কার।

ক্লাস্ত বাসুকির বিষাক্ত ফণামুখে দাঁড়িয়ে আছে দর্পিত দানবদল, দাঁড়িয়ে আছে শক্তিপ্রমত্ত অসুর—যেন উন্মত্ত বজ্রমুখে উদ্ধত মস্তক তুলে স্থির দাঁড়িয়ে আছে মূর্তিমান মদ। বারুণীর রূপে তারা সম্মোহিত। এই মুগ্ধতাকে কোটিগুণ বর্ধিত করে, আলোল কটাফে শিহরণ জাগিয়ে বলল মোহিনী বরুণ-নন্দিনী, ‘অসুর, দানব, তোমরা শোন। অমিত শক্তিদর পাশী বরুণের কন্যা আমি বারুণী। জননী গুক্রার বহ্নি-দীপ্তি আমার সর্বাঙ্গে। আমি শক্তি-সঞ্চারিণী সুরা। স্বেচ্ছায় বরণ করছি তোমাদের, আমাকে গ্রহণ কর।’

ব্যকুল হৃদয়ে এই বাক্যেরই প্রতীক্ষা করছিল অসুর ও দানব। এতক্ষণ অশাস্ত ক্রোধভরে তারা প্রত্যক্ষ করছিল বিষ্ণুর আচরণ। চিরকালের চক্রী চক্রধারী বিষ্ণু। সমুদ্রমন্ডনে যত উত্তম দ্রব্য উত্তিত হয়েছে—বিষ্ণুর নির্দেশে সবই অধিকার করেছে দেবতা। সত্ত-সমুখিতা এই মোহিনী রূপসী—এ থেকেও যদি বঞ্চিত হয় তারা, তা হলে বিপর্ষয় ঘটবে এই ক্ষীরোদসাগরের কূলে, প্রলয় সৃষ্টি হবে প্রমদার তরে। আশ্চর্য-সুন্দর এই বামোরু নিতম্বিনী। এর রক্তিম আননে সত্ত-প্রস্ফুটিত অরবিন্দের দীপ্তি, মদবিহ্বল নয়নে ইন্দীবরের নীলিমা, স্থলিত চরণতলে স্থল-পঙ্কজের শোভা। এর হাস্তে সৌন্দর্যের লহরী, লাস্ত্রে মদনোৎসব।

কাম-মোহিত দানবরাজ মন্ত্রমুগ্ধের মত নতজানু হল বারুণীর চরণতলে, কামাৰ্ভ অসুর আজ্ঞাবহ ভূত্যের মত করজোড়ে দাঁড়াল বারুণীর সম্মুখে। উল্লাসে জয়-ধ্বনি করে উঠল দৈত্যসজ্জ। অসুরপুরীতে হল সুরার অভিষেক।

সেই থেকে বারুণী অসুর, দানব ও দৈত্যকুলের ভোগ্যা। সে একবীরা নয়, বহুবীরা। বারুণী-সম্ভোগে অমিত শক্তিধর দৈত্য-দানব। তারা মদোদ্ধত, অভি-মানে স্ফীত, অহঙ্কারে উন্নত। বারুণীর বহিজ্জালা তাদের সবাঞ্চে, তাই সতত উত্তপ্ত, চঞ্চল, মোহাক্ষ। তাদের উন্নততায় পষাকুল দেবসজ্জ। সুরাসুর-সংগ্রামে ইন্দ্র ও অরুণি—দুই-ই সুরা বারুণী।

কিন্তু এতেও তৃপ্ত হয় নি দর্পিনী বরুণকণ্ঠা। অসুরভোগ্যা হলেও সে সুর-প্রত্যাখ্যাতা—এ অপমান শেলের মত তার অন্তর বিদ্ধ করে। স্বর্গের দেবতাকে সে পদভ্রষ্ট করতে চায়, পারে না। স্বর্গের সীমানায় তার প্রবেশ নিষিদ্ধ। সে ধিক্কৃত হয়, ব্যর্থ হয় তার চেষ্টা—তবু অন্তরে অনির্বাণ জেগে থাকে সুর-সম্ভোগের কামনা।

বহুদিন পর উপস্থিত হল সুর্যোগ। দেবগুরু বৃহস্পতির পুত্র কচ সঞ্জীবনী বিদ্যা শিক্ষার উদ্দেশ্যে এসেছিল দৈত্যগুরু শুক্রাচার্যের নিকট। সুরার প্রবোচনায় সুরাসক্ত দানব নিহত করল সেই সুন্দর ব্রাহ্মণসন্তানকে। রক্তজবার মত কচের দেহরক্ত, উগ্র নিম্পলক দৃষ্টিতে পৈশাচিক উল্লাসে তাকিয়ে দেখল বারুণী। ওই রক্তই না তারও দেহে। তবু সে সুরলোক-ভ্রষ্টা।

পিশাচীর মন্ত্রণায় স্থির হল, কচের অস্থিচূর্ণ দিয়ে গুরুর তর্পণ করবে দানব। কচের চূর্ণাস্থিরূপ আহাষ পরিবেষণের ভার গ্রহণ করবে স্বয়ং বারুণী। দৈত্যগুরু শুক্রাচার্য, দেব-অংশে তাঁর জন্ম। তপোবলে তিনি সঞ্জীবনী বিদ্যার অধিকারী। সুরার কামনা—সুরাংশে জাত এই ঋষিকে মোহিত করে সে পূর্ণ করবে সুর-সম্ভোগের অতৃপ্ত বাসনা।

নিমন্ত্রিত হয়ে দৈত্যপুরীতে পদার্পণ করলেন দৈত্যাচার্য ভার্গব। উৎসব-প্রমত্ত দানবপুরী। চতুর্দিকে মোহময়ী সুরার প্রভাব। মদমত্ত হাসি, মদোন্নত গর্জন, স্থলিত বচনের হুঙ্কার—যেন দানবগৃহে আজ তাল-বেতালের তাণ্ডব। আলোক-সজ্জায় সজ্জিত প্রমোদ-ভবন, সহস্র দীপের দীপ্তিতে সমুজ্জ্বল মণি-মাণিক্যখচিত কক্ষ। বিস্মিত শুক্রাচার্য। শিষ্য ময়নানবের অদ্ভুত এ কীর্তি বিশ্ব-কর্মার কারু-শিল্পকে লজ্জা দেয়। শিষ্য-গর্বে গর্বিত দৈত্যগুরু—নয়নে তাঁর কল্পনার স্বপ্ন। ইন্দ্রপুরীর কি এত ঐশ্বর্য? নন্দনকাননে কোথায় এত আনন্দ?

মোহিনীর বেশে বারুণী এসে উপস্থিত হল প্রমোদকক্ষে, প্রণতা হল গুরু চরণে স্পর্শে চমকে উঠলেন মহর্ষি শুক্রাচার্য। কল্পলোক থেকে তাঁর দৃষ্টি নেমে এল নীচে, স্থিরবদ্ধ হল কামিনীর কমনীয় অঙ্গে। কী অপরূপ রূপ! আলোহিত অঙ্ককাস্তি, রূপের তরঙ্গে উচ্ছলিত অঙ্গ। পরিধানে রক্তাধর, বিষস্ত ঘন-নীল কুটিল কুস্তল—যেন ইন্দ্রকাস্তমণিতে ঠিকরে পড়েছে মরকতছাতি। কটাক্ষে মোহময় মদিরাবেশ, অধরে রহস্যময় হাসি। সন্ত-প্রস্ফুটিত যেন বিশ্বকামনার রক্তকমল।

মুগ্ধ হয়ে যান শুক্রাচার্য উশনা। ইন্দ্রজালনিপুণা ভানুমতী বারুণীকে চেনেন তিনি। অসীম তার শক্তি, অশেষ তার দর্প। তবুও কী দীপ্তি ওই ফুল আননে, কী অনমনীয় দৃঢ়তা ওই তরল কটাক্ষে! মরালের মত উন্নত গ্রীবাভঙ্গি, মদমত্তা করিণীর মত দৃষ্ট পদক্ষেপ। কবি তিনি, ‘কবীনাম্ উশনা কবিঃ’—তিনি সুন্দরের উপাসক। সুন্দর কি কেবল নারীর নমনীয়তা? সুন্দর কি কেবল কোমলাঙ্গের কমনীয় মাধুরী? এই যে রুদ্র কাঠিণ্ড, এই যে সন্নত ভীমকাস্তি—এ কি সুন্দর নয়?—সুন্দর, সুন্দর! কবির শিল্পদৃষ্টি খুলে যায়, বিশ্বমাধুরীর সৌন্দর্য ছড়িয়ে তাঁর নয়নে জাগে করালীর রুদ্ররূপ। ঢলঢল আসবমত্তা মনোমোহিনী! সে রূপের তুলনা কোথায়?

স্থূল সৌন্দর্যে সকলেই মুগ্ধ হয়, ভয়ঙ্করের ভয়াল মূর্তি সকল মনেই ত্রাসের সঞ্চার করে। কিন্তু অঙ্ককারে সৌন্দর্য দেখেন কে? উত্তমফণা বিষধর সর্পে পরম-পদের চিহ্ন কার আবিষ্কার? সে আবিষ্কার শিল্পীর। কবি সেই শিল্পী। তাঁর অন্তরে রুদ্রের শিবময় দক্ষিণমুখের অনুধ্যান। বারুণীকে যেন নূতন করে আবিষ্কার করলেন কবিপুত্র উশনা। রূপরাগে অনুরাগের রক্তিম ছটা, ক্রমে তীব্র আকর্ষণ। মুগ্ধ কবি চকিতে স্পর্শ করলেন বারুণীর অঙ্গ।

স্পর্শমাত্র চিত্ত বিক্ষিপ্ত হল, মস্তিষ্কে ভীষণ উত্তেজনা, সর্বদেহময় প্রদাহ। উগ্রতেজা ঋষি অন্তরে অনুভব করলেন বিচিত্র মদন-বিহ্বলতা—যেন চন্দ্রস্পর্শে উচ্ছ্বসিত সাগরানু।

অর্ধমূর্ছিত চেতনা, মদিরা-বিহ্বল আঁখিতে তন্ত্রার ঘোর। স্বপ্ন দেখছেন যেন কবি-পুত্র উশনা : সুরাসঙ্গে দেহময় পুলক শিহরণ, জাগ্রত দীপ্ত কুণ্ডলিনী, কোটি সূর্যের মত সমুজ্জ্বল, কোটি চন্দ্রের মত স্নিগ্ধ। কী আশ্চর্য দীপ্তি! যেন সমুজ্জ্বলিত বিদ্যুৎ। বিদ্যুৎবেগে সেই কুণ্ডলিনী-সহায়ে তিনি উর্ধ্বে উঠছেন, নিমেঘে লুপ্ত হয়ে যাচ্ছে নিয়ন্ত্র ভুলোক। ওই বরুণালয়, ওই অগ্নিময় কাশভবন, এই অনাহত নাদলোক।

পলকে নিরালম্ব শূন্যলোকে উপস্থিত হলেন তিনি। নিঃসীম নীলা। শব্দতরঙ্গ যেন বিপুল কম্পনে আত্মহারা। ওই যে জ্যোতিশ্চক্রে সীমা ছাড়িয়ে তপোলোক। কী অতল প্রশান্তি! লুপ্ত বুদ্ধি, লুপ্ত অহঙ্কার, লুপ্ত প্রাকৃত প্রকৃতি, শুদ্ধ একটি চেতনার উল্লাস। এই যে পরম শিবধাম—অমেয় প্রশান্তি, প্রশান্ত বসন্তোল্লাস। শুচ্ছে শুচ্ছে প্রস্ফুটিত পুষ্প, পুষ্পে পুষ্পে গুঞ্জরিত মধুপ ঝঙ্কার। দিব্য গন্ধে আমোদিত দিগ্‌মণ্ডল। সহস্র গন্ধর্ব, কিরুর দাঁড়িয়ে আছে করজোড়ে। পুলক-বিস্ময়ে দেখলেন ঋষি, সহস্রার কমলের কর্ণিকাবিন্দুতে মনোময় স্বর্ণপথকে শিবসমালিঙ্গিতা উল্লাসময়ী পরানাদ। কী মধুর কেলি-কাকলি! অব্যাহত যেন মধুর উৎস। সহস্রার কমলে ক্ষরিত কোটি লাক্ষ্যারসের সমারুণ সামরসুধারা। সেই ধারায় অভিন্মাত দেহ, রোমাঙ্কিত অঙ্গ, পবমানন্দে আচ্ছন্ন চৈতন্য। আবেশে নয়ন মুদ্রিত হল দৈত্যগুরুর।

সেই স্বপ্ন-বিহ্বলতার সুযোগে মোহিনী বারুণী শুক্রাচাযের মুখে তুলে দিল কচের অস্থিচূর্ণমিশ্রিত আহাষ। সুরাসঙ্গে অপূর্ব স্বাদু সে ভোজ্যদ্রব্য।

কিন্তু ভার্গবের এ মোহমুগ্ধতা মূর্ত্তের মাত্র। সত্যদ্রষ্টা ঋষি উশনা—শম, দম, তপস্শাই তাঁর আচরণীয়। বারুণীতে বিহ্বল হওয়া সংশিতব্রত ভার্গবের প্রকৃতি-বিরুদ্ধ। ধ্যানবলে সেইক্ষণেই বুঝতে পারলেন তিনি, মূর্ত্তের বিভ্রান্তিতে ভয়ঙ্কর অঘটন ঘটে গেছে। মোহমুগ্ধ হয়ে তিনি পানীয়ের সঙ্গে পান করেছেন প্রিয়শিষ্য কচের অস্থিচূর্ণ, ব্রহ্মপাতকের ভাগী হয়েছেন তিনি।

এ বিভ্রান্তি সৃষ্টি করেছে কে? ক্ষুর দৃষ্টি মেলে তাকালেন ভার্গব। সম্মুখে দাঁড়িয়ে আছে নিকৃতি-নিপুণা, প্রমাথিনী বারুণী। রক্তাঙ্গরা রক্তবর্ণী রূপসী—তীব্র তার আকর্ষণ, জ্বালাময় তার স্পর্শ, উন্মাদক তার আলিঙ্গন। সে আলিঙ্গনে রক্তকণায় অগ্নিস্ফুলিঙ্গ নৃত্য করে, চুষনে ওষ্ঠাধর, রসনা, কণ্ঠ, বক্ষ জ্বলে যায়। সঙ্গে সঙ্গে জ্বাগে দুর্দম দম্ভ। কামতরঙ্গও উদ্বেল হয় সেই মূর্ত্তে—কালাকাল, পাত্রাপাত্র বিচারহীন সে কামবেগ। স্তূতীব্র আবেগের পরিণাম প্রচণ্ড আত্মবিস্মরণ। উল্লাস না উদ্ভ্রান্তি, আনন্দ না বেদনা, আরাম না অস্বস্তি—এ বোধ লুপ্ত হয়ে যায়। অস্তরে উদ্বেগ, মস্তিকে উল্লোল—শতধাখণ্ডিত চিন্তার সূত্র। সূত্রহীন সংলাপ প্রলাপে পরিণত হয়। স্থলিত বচনে কখনও প্রমত্ত হুঙ্কার, কখনও গদগদভাষ। স্মৃতি ও বিস্মৃতির সে এক মোহকর অবস্থা। মহাভয়ঙ্করী এই লোহিতবর্ণী বারুণী, সংজ্ঞানাশে নিপুণ তার নিকৃতি।

উত্তেজিত ও ক্রুদ্ধ হয়ে উঠলেন উগ্রতেজা ভার্গব। দর্পিনী বরুণ-নন্দিনীকে

লক্ষ্য করে তিনি উচ্চারণ করলেন অভিশাপ-বাণী : ‘সূরা হয়েও আত্মদর্পে তুমি হয়েছ সুরপরিত্যক্তা ! তাতেও দর্প চূর্ণ হয় নি তোমার । অসুর দানবের ভোগ্যা হয়েও সন্তোগ-কামনায় তুমি অস্থির । তোমার কদর্য লালসাবিস্তার দেবধর্মী ঋষিব্রাহ্মণের ওপর । আমি অভিশাপ দিচ্ছি, আজ থেকে যে-কোন ব্রাহ্মণের পরিত্যাগ্য হবে তুমি । যতাত্মা ব্রাহ্মণ ঘৃণায় তোমায় দেখে মুখ ফিরিয়ে নেবে । হে দর্পিতা, অশেষ দর্পও চূর্ণ হবে তোমার । ধৃতব্রত বীর সাধকের হস্তে নিঃশেষে খর্ব হবে তোমার দর্প ।’

নীরব হলেন ভূরিতেজা ভার্গব—যেন নীরব হল কল্লাস্তের বজ্রনির্ঘোষ । স্পর্ধিতা বারুণী মৃত্তর্তের ঋণ চঞ্চল হল, কিন্তু ভেঙে পড়ল না । প্রাংস্ত শাল বজ্রে বিদীর্ণ হয়, তবু নমিত হয় না । বরুণনন্দিনী সে বারুণী, জননী শুক্রার বহির্দীপ্তি তার দেহে ও মনে । তার দর্প খর্ব করে কার সাধ্য ?

বিস্মিত হয়ে যান মহাতেজা শুক্রাচাষ । ষাঁর ভয়ে সন্ত্রস্ত বজ্রী ইন্দ্র, তাঁরই ছতাসনসম ক্রোধের মুখে নির্ভয়ে দাঁড়িয়ে আছে দর্পিনী । এ কী অনমনীয় দর্প ! এ কী কঠিন তেজ ! তাঁর বাগ্‌বজ্র যেন তাঁকেই প্রত্যাঘাত করে ।

কবির কল্পনায় কোমল আলোচন, সমবেদনার সিন্ধু অন্তর । ক্রোধশাস্ত ভার্গব ভাবেন, বারুণী তো কেবল মদাক্ততাই সৃষ্টি করে না, কান্তি ও পুষ্টি বর্ধন করে । বিষের সূচিকাভরণের মত বহু বিষবীজ বিনষ্ট করে সে । দুঃখের আঁধার-ঘরে স্ফূতির দীপশিখা জ্বালিয়ে রাখে বারুণী ; কত ক্রান্তি, কত শোকের কালিমা মুহূর্তে মুছিয়ে দেয়, ক্রান্তিহরা, শোকহরা সূরা । সূরা নিজে সুরলোকভ্রষ্টা, কিন্তু এ মরলোকে সুরাই অমরলোকের সুখা বর্ষণ করে । নিজেই অনুভব করেছেন কবি উশনা, সুরাসঙ্গে দীপ্ত কুণ্ডলিনীর কী সে সুখকর জাগরণ !

নরম হৃদে আসে ঋষির অন্তর । ঋষি বজ্র-কঠিন কিন্তু কুসুম-কোমলতাও তাঁদেরই । করুণাঘন কবি গভীর অনুকম্পায় সুরাকে লক্ষ্য করে বলেন, ‘সূরা, তোমার মদাক্ততায় ক্রুদ্ধ হয়েই আমি তোমাকে অভিশাপ দিয়েছি, কিন্তু তুষ্ট হয়েছি তোমার দৃঢ়তা দেখে । অশেষ তোমার রূপ-দর্প, প্রবল তোমার ভোগবাসনা । প্রজাপতির সৃষ্টির ভারসাম্য রক্ষায় তোমারও প্রয়োজন আছে । তোমার ভোগ-কামনা ক্ষুণ্ণ হবে না । দানব ও অসুর-রাজ্যে তুমি বহুভোগ্যা, মর্ত্যালোকেও অক্ষুণ্ণ থাকবে তোমার অধিকার । ধৃতব্রত ব্রাহ্মণের ওপর তোমার অধিকার থাকবে না বটে, কিন্তু দানবধর্মী মানুষ হবে তোমার ইন্দ্রিতের দাস । ইহলোকে ষারা কামাসক্ত, মৃগয়াসক্ত ও অক্ষক্রীড়ামত্ত—তাদের হৃদয়ে অবাধে

বিচরণ করতে পারবে তুমি। অহঙ্কারী যারা, দাস্তিক যারা, অজিতেন্দ্রিয় দুর্বলচিত্ত মানুষ যারা—তাদের গৃহে তুমি হবে একেশ্বরী। কিন্তু—’

বলতে বলতে উদাস হয়ে যান ঋষি। প্রমোদকক্ষে শান্ত হয়ে গেছে মদমত্ত উল্লাস, নীরব হয়েছে স্থলিত বচনের হুকার। উজ্জ্বল দীপারলী মনে হচ্ছে যেন বড় স্নিগ্ধ। ত্রিযামার শেষ যামের সমীরণ শান্তির স্পর্শ বলিয়ে যাচ্ছে অশান্ত, দর্পোদ্ধত দেহে। করুণায় রুদ্ধ হয়ে আসে ঋষির কণ্ঠ, তিনি বলেন, ‘কিন্তু, এ দর্প কি ভাল, ভাল কি উগ্র ভোগ-কামনা? সুবা, তুমি সুরনন্দিনী, সূর্য-মণ্ডলে তোমার জন্ম, দেহে তোমার সৌর-দীপ্তি, নয়নে সূর্য-প্রভা—কিন্তু তুমি সুর-পরিত্যক্তা। ইতরভোগে অশুচি তোমার দেহ, তামসিক ভায় অপবিত্র তুমি।’

ক্ষণেকের জগ্নু নীরব হন কবি উশনা, নয়নে স্নিগ্ধ কোমলতা, বদনে জ্যোতির্ময় প্রভা। কঠিন হয়ে দাঁড়িয়ে আছে দর্পিতা বারুণী। তেমনি উদ্ধত ভঙ্গি, তেমনি বন্ধিম গ্রীবাভঙ্গি—যেন রাত্রিশেষের দীপ্ত শুক্র-তারকা—তমোময় নিশাস্তের প্রদীপ্ত উদ্ধত্য। নয়নে কি ভাব পূর্বাশাব স্বপ্ন? করুণায় বিগলিত কণ্ঠে বলেন সত্যের বাণ্ডুম্বর্তি কবি, ‘আমার আশীর্বাদে শাপমুক্ত হতে পারবে তুমি। যে বীর্যবান বীর সাধকের হস্তে দর্প খর্ব হবে তোমার, তার বাণ্ডুম্বর্তেই হবে শাপ-মুক্তি। অশুচি লৌকিকী সুরা তুমি, মন্ত্র-সংস্কারে হবে শুচিস্মিতা। সেদিন তুমি অমিত দাস্তিক শক্তির অধিকারী হবে। তোমার স্পর্শে সাধক হবেন সুর, সার্থক হবে তোমার সুরা নাম।’

শুক্লাচাষ আর অপেক্ষা করলেন না। ব্রাহ্মগৃহভর্তের শুভ্র জ্যোতিরেখা দেখা দিয়েছে পূর্ব দিগ্বলয়ে। সুরাসঙ্গে ব্রহ্মপাতকের ভাগী হয়েছেন তিনি। তাঁকে শুদ্ধ হতে হবে, মুক্ত করতে হবে বৃহস্পতিপুত্র প্রিয়শিষ্য কচকে। দ্রুত দানবভবন থেকে বেরিয়ে এলেন ভার্গব।

তেমনি স্তব্ধ হয়ে দাঁড়িয়ে রইল স্পর্ধিতা বরুণ-নন্দিনী। এ কি তার পরাজয়, না বিজয়ের পুরস্কার? স্তিমিতপ্রায় আলোকে চকচক করে উঠল তার রক্তাক্ত স্তব্ধ লোচন। গর্জন করে উঠল অমিত দর্প, চায় না সে স্বর্গলোক, চায় না সে ভীকু ব্রাহ্মণের স্পর্শ। পিতার শক্তিদর্প তার রক্তকণায়, মাতার বহি-দীপ্তি তার দেহে। ত্রিভুবনে কে রোধ করবে তার গতি? প্রজ্জ্বলিত হতাশনের মত জ্বলে উঠল তার আরক্ত আনন, তারপর স্থলিত চরণে প্রমত্তা করিণীর গ্ৰায় অগ্রসর হল মদোদ্ধত দর্পিতা, কামোন্মত্তা ক্রুদ্ধা কামিনী।

সেই থেকে বিশ্বলোকে শুরু হল বারুণীর প্রচণ্ড আক্রমণ। সুর-সন্তোগের ব্যর্থ কামনায় সুরা হল রুদ্ধ-ভয়ঙ্করী। স্বর্গে সে প্রবেশাধিকার পায় না, কিন্তু তারই প্ররোচনায় প্রমত্ত অসুর স্বর্গলোক আক্রমণ করে, মদোন্মত্ত দানবের হিংস্রতায় শিউরে ওঠে সুরলোক। ভূগর্ভস্থ কালাগ্নি তারই ক্ষুব্ধ হৃদয়ের জ্বালা-করাল শিখা, সে শিখা সুর-সীমস্তিনীর মহাভয়। অসুর-দানবের পুরে পুরে দর্পিতা বারুণীর দৃষ্ট পদক্ষেপ। তাদের রক্তচক্ষুতে বারুণীর রক্তলোচনের রোষ-কটাক্ষ, তাদের ভীম ক্রকুটিতে তারই কুটিল ক্রকুটি, তাদের হুকার-গর্জনে বারুণীরই ক্রোধাক্ত হুকার।

মর্ত্যালোকে বারুণীর স্বাধিকার-প্রমত্ততা আরও ভয়ঙ্কর। দানবধর্মী মানুষ তার করতলগত। তাদের বিকট দাপটে তটস্থ মেদিনী। দুর্বলের ওপর শক্তের অত্যাচারে, শোষিত মানুষের প্রতি শোষকের মর্মান্তিক অবিচারে বারুণীর উৎকট উল্লাস। কামাসক্ত দ্যুতাসক্ত, মৃগয়াসক্ত নরনারী বারুণীর কটাক্ষের দাস। অজ্ঞিতেন্দ্রিয় মানুষকে ব্যভিচারী কামনায় উন্মত্ত করে তোলে বারুণী, পৃথিবীব্যাপী শক্তির দ্যুতক্রীড়ায় প্ররোচনা দেয় বারুণী, মানুষ হয়ে যারা মৃগয়াসক্ত ব্যাধের মত মানুষকে আক্রমণ করে, তাদেরও প্ররোচিকা বারুণী। সে বিরোধিনী, বিশ্বের বুকে বিরাট অক্ষমা। হিংসায় ও হত্যায় সে বিজয়ের অটুহাসি হাসে, গৃহে গৃহে জ্বালায় ধ্বংসের অগ্নিশিখা। অতি ভীষণ লেগিহ তার রসনা, পুরষ্কী নারীর অশ্রু তার পানীয়। সতী নারীর সীমস্ত-সিন্দূর তার রক্তাধরের মঞ্জিষ্ঠা রাগ।

হিংসায় ও কুটিল কামনায় বুদ্ধিব্রষ্টা বরুণ-নন্দিনী যেন উদ্ধত অন্ধ দস্ত। ব্রাহ্মণের অস্পৃশ্য সে—শুক্লাচার্যের অভিশাপ। অহঙ্কারে হাসে উন্মত্তা, দুর্বল ব্রাহ্মণ—সে নাকি বারুণীর প্রতিস্পর্ধী! কালাস্তর মেঘে যে রক্তাক্ত বিদ্যুৎশিখা, ফেনিল উর্মিমুখে যার দর্পোল্লাস—তার প্রতিস্পর্ধী ভীকু ব্রাহ্মণ! সে চায় না, তাই মুক্তি পায় আতপান্নভোজী, শিখাধারী ব্রাহ্মণ। ‘লৌকিকী সুরা সে’—বলেছেন দৈত্যাচার্য ভার্গব, অসুর-দানবের ভোগে সে নাকি অশুচি, তাকে নাকি মঙ্গুপুত করবে বীর সাধক—তার হাতেই নাকি দর্প চূর্ণ হবে বারুণীর! প্রমত্ত হাসিতে ফেটে পড়ে বারুণী, একটা সশ্লেষ বক্রোক্তি উচ্চারিত হয় মুখে। ‘ভণ্ড কাপালিক! রক্ত গৈরিকের অস্তুরালে তার ব্যভিচারী কুটিল কামনা। সুরাসন্তোগের লালসায় তারা সাধু, কামিনী-ভোগের কামনায় তারা কাপালিক। বারুণীর একটিমাত্র চুষনে চলিতচিত্ত হয় তারা—তারা বীর! তারাই জয়

করবে বারুণীকে !' সশ্লেষ হাস্তে মুখর হয় বারুণী, দস্তে আত্মহারা হয় দর্পিতা ।
সে অপরাজিতা, ত্রিভুবন তার ভোগের পাত্র । 'লৌকিকী সুরা'—মর্ত্যালোকে
সে একেশ্বরী ।

কিস্তি এত ভোগেও তৃপ্তি কোথায় ? প্রমুক্ত শ্রোতস্বতীর মত উদ্দাম ভোগ
কামনা । এত বিজয়, তবু অতৃপ্ত বিজয়-নেশা—যেন মরুৎ-সংযুক্ত চণ্ড বহির্শিখা,
চির অগ্নি-মান্দ্য তার উদরে । স্বস্তি নেই, শাস্তি নেই । অস্থির, উন্মাদ বারুণী—
অস্থির মস্তিস্ক, অস্থির স্থলিত পদক্ষেপ । নিদ্রা নেই—বিনিদ্রা, চঞ্চল তার আরক্ত,
মদঘূর্ণিত নয়ন । গভীর নিশীথে পণ্যাঙ্কনা ভবনে সে অতন্দ্র জেগে থাকে, অঙ্ককারে
চক্রীরূপে সে চক্রাস্ত করে । রক্তাক্ত লোচনে আরক্ত দৃষ্টি, বিপযস্ত বুদ্ধি । সে
কি উন্মাদ হয়ে গেল ?—উন্মত্ততা নয়, মদাতঙ্ক—অতিমদের ভীষণ প্রতিক্রিয়া ।
সর্বদেহময় প্রদাহ, রসনার মরুর তৃষ্ণা, কণ্ঠে অনন্ত শুষ্কতা । ছুরস্ত মদাত্যয়, ঘোর
বিকার । সে কখনও ক্রোধে গর্জন করে, কখনও অট্টহাসি হাসে, কখনও নীরব
হয়ে থাকে । উত্তপ্ত কল্পনায় বিচ্ছিন্ন স্মৃতির মালা : কে সে ? বরুণ-নন্দিনী ?
না, সে সুরা । কোথায় রূপকুমার অশ্বিনীকুমার ? এ যে প্রভবিষ্ণু বিষ্ণু !
কে ও ? সুন্দর ব্রাহ্মণ সন্তান—কচ ? শিশুর দেহে এত রক্ত ! হৃদয়ে উল্লাস,
নিম্পলক বারুণীর দৃষ্টি । ওই যে মহর্ষি শুক্রাচাষ । কী বলছেন ? এত দর্প
ভাল নয় ?

কঠিন হয়ে ওঠে বারুণী । সৃষ্টির মূল-কমল কামনা, মহনীয় দর্প-শ্রী । ওই
দূরে দেখা যাচ্ছে, অন্তগমনোত্তম স্বর্ণভানু—কী প্রচণ্ড তাঁর তেজ ! বাসনার
সহস্রকিরণ, সহস্রমুখে বিশ্ব-রস আহরণ করে । অগ্নান তাঁর গরিমা । ওই
সূর্যমণ্ডলে বারুণীর জন্ম, তারও দেহে সৌরমণ্ডলের দর্প-দীপ্তি !

সহসা সূর্য অন্তমিত হল, যেন অন্তমিত হল একটা জ্বলন্ত শক্তি-দর্প ।
নিজের অজ্ঞাতসারেই কেঁপে উঠল বারুণীর অন্তর । কী বললেন মার্তণ্ডদেব ?
—'এত দর্প ভাল নয়, অতি দর্প চূর্ণ হয় !' মহর্ষি ভার্গবের কণ্ঠস্বর যেন অন্তঃকর্মে
গর্জন করে ওঠে । মস্তিস্কে আগুন জ্বলে বারুণীর, সংযত কল্পনা যেন প্রবঞ্চনা
করে তাকে ।

সঙ্ঘ্যা নেমে আসছে । অম্পষ্ট গোধূলি । সম্মুখে অমারজনী । সহসা
বারুণী যেন গুনতে পেল একটা দুরাগত পদধ্বনি । কে যেন আসছেন, মুখে
বলছেন, 'শিবোহহম্ সুরোহহম্' । কী গভীর কণ্ঠনাদ ! বিস্মিত হয়ে দেখে
বারুণী—অম্পষ্ট সঙ্ঘ্যালোকে সম্মুখে এসে দাঁড়িয়েছেন—পর্বতের মত বিরাট,

বিভীষণ এক জটাধারী : বলিষ্ঠ দেহ, লোহভীম বাহু, বিশাল বক্ষ । পরিধানে রক্তাশ্র, ললাটে রক্তপুণ্ড্র, কণ্ঠে রুদ্ধাক্ষমালা, হস্তে কপালপাত্র ।

ভয় পাচ্ছে কি ভয়ঙ্করী বারুণী ? উগ্রতেজা শুক্রাচার্যকে যে পরাভূত করেছে, তার আবার ভয় ? মদস্থলিত চরণ স্থির করতে চেষ্টা করে সে, মদবিহ্বল কণ্ঠকে যথাসম্ভব সংযত করে প্রশ্ন করে, ‘কে ?’

‘শিবোহহম্ ন চৈবান্যো হস্মি—আমি বামাচারী কাপালিক ।’—গম্ভীর কণ্ঠে বলেন কপর্দী ।

অন্ধকার নেমে আসছে বারুণীর রক্তলোচনে । দিনের অমন রক্তপিণ্ডটাকে তমসার আবরণে আবৃত করে দিল কে ? ‘বামাচারী কাপালিক’—সোচ্চার হল কি উগ্রতেজা ভার্গবের কণ্ঠ ? কি ঘোর বজ্রনাদ, কর্ণ যেন বধির হয়ে আসে বারুণীর ।

জলদ-গম্ভীর স্বরে বলেন রক্তগৈরিকধারী, ‘আত্যা শক্তি চামুণ্ডা আমার উপাস্তা দেবী । আজ অমাবস্তার নিশীথে শবসাধনায় তুষ্ট করব তাঁকে । তোমাকে আমার প্রয়োজন ।’

‘আমাকে ?’—কণ্ঠ যেন শুষ্ক হয়ে আসছে বারুণীর । বিঘূর্ণিত মস্তিষ্ক, ঘূর্ণিত রক্তলোচন । আতঙ্কে অর্ধস্থলিত কণ্ঠে সে বলে, ‘আমাকে কেন ? না, না—আমি বারুণী, দেবভোগে অধিকার নেই আমার ।’

‘কে বলে অধিকার নেই ?’—উচ্চহাস্তে চতুর্দিক উচ্চকিত করে বজ্রস্বরে বলেন কাপালিক : ‘তুমি শুধু বারুণী নও, তুমি সুরা ।

দেবানামমৃতং ব্রহ্ম তদেব লৌকিকী সুরা ।

সুরত্বং ভোগমাত্রেন সুরা তেন প্রকীৰ্তিতা ॥’

কী বলছেন বীর সাধক ?—সে সুরা ! ব্রহ্মলোকে যেমন অমৃত, মর্ত্যলোকে তেমনি সুরা । তাকে ভোগ করে সাধক সুরত্ব লাভ করেন । বারুণী যেন আর ভাবতে পারে না কিছু । চেতনা যেন প্রতারণা করছে তাকে । শক্তিও যেন লুপ্তপ্রায় । তবুও প্রাণপণে শেষ নিকৃতির আশ্রয় গ্রহণ করে মোহিনী : ‘আমি সুরা হলেও লৌকিকী সুরা । শুক্রাণাপে পতিতা আমি, দানব-মানবের ভোগে অশুচি—সাধকের অস্পৃশ্যা ।’

‘অশুচিকে আমি শুচিশুদ্ধ করব’—প্রাণখোলা হাসির উচ্ছ্বাস ছড়িয়ে বলেন বীর সাধক : ‘আমার ধর্মে কেউ অশুচি নয়, কেউ অস্পৃশ্য নয় । মায়ের কোলে শুচি-অশুচি স্পৃশ্যাস্পৃশ্যের ভেদ নেই, এস—’

বীরবাহু প্রসারিত করেন বীর কাপালিক । বারুণী আত্মগোপন করতে চেষ্টা

করে। পদতলে কম্পিতা ধরনী, স্থির হয়ে চলতে পারে না সে। স্থলিত গতি। সাধক মুহূর্তে দৃঢ়হস্তে ধারণ করেন তাকে। কী বলিষ্ঠ বাহু! বারুণীর শক্তি নেই বাধা দেয়, সাধ্য নেই চিৎকার করে। জাহ্নমস্ত্রে নির্জিত সর্পিণীর শক্তি। অমানিশার অঙ্ককার তার চোখে।

কথা বলেন না কাপালিক। বারুণীর দেহটাকে একটা ক্ষুদ্র ক্রীড়নকের মত গ্রহণ করে কপালপাত্রে স্থাপন করেন। জল হয়ে গেছে সেই শক্তিমত্ত দেহ। অমেয় শক্তির অধীশ্বরী বরুণের নন্দিনী বারুণী, অভিমানে স্ফীতা গুক্রার কন্যা বারুণী, স্পর্ধিত দানবাসুরের রাজরাজেশ্বরী বারুণী—আজ খব তার দর্প। কপালপাত্রে স্তব্ধ নিস্তরঙ্গ লোহিতসাগর। সম্মুখে উদ্ভূত রক্তপুঞ্জরূপ করাল খড়্গ। আতঙ্কে অর্ধমূর্ছিত চেতনা। প্রাণপণ শক্তিতে বারুণী অবশিষ্ট চেতনাটুকুকে আঁকড়ে ধরে থাকে।

বীর কাপালিক বারুণীকে নিয়ে আসেন অঙ্ককারঘন নির্জন শ্মশানে। মহাশ্মশান, অমা-অঙ্ককারে মহাভয়ঙ্কর। অদূরে ক্রব্যাদ অগ্নির শিখা, বিকট শিবাধ্বনি। নির্ভয় কাপালিক দৃঢ় হয়ে বসেন, পূর্বনির্দিষ্ট এক শবাসনে। সুন্দরাদ্ধ শব, এখনও নিমীলিত হয় নি তার চক্ষু—হয়তো সচ্য বজ্রবিদ্ধ হয়েছে সে। নির্ভীক কাপালিক, বজ্রসার তাঁর হৃদয়, বজ্রদৃঢ় দেহ। মুখে একাক্ষরী শব্দমন্ত্র। ভাল বুঝতে পারে না বারুণী। অতি অস্পষ্ট মন্ত্র। অস্পষ্ট হুকার-মূর্ছনা আরও অস্পষ্ট হয়ে অর্ধচেতন বারুণীর কর্ণে ধ্বনিত হয়। বারুণী-পূর্ণ কপালপাত্র হস্তে ধারণ করে মন্তোচ্চারণ করছেন বীর কাপালিক :

ওঁ সূর্যমণ্ডলসম্বৃত্তে বরুণালয়সম্ববে।

অমাবীজময়ি দেবি গুক্রশাপাৎ প্রমুচাতাম্ ॥

এ কী হল বারুণীর! মুহূর্তে অদ্ভূত পরিবর্তন। অপহৃত গুক্র-শাপ। গুক্র সে, গুচিগুত্র। আলোহিত অঙ্কবর্ণ কলধৌত কাঞ্চনের মত উজ্জ্বল, রক্ত-আননে সূর্যমণ্ডলের জ্যোতির্ময় দীপ্তি। সে যেন নির্মোকমুক্ত একটি রক্তপ্রবাল। সর্বদে আনন্দ শিহরণ। কোথায় কামনা? নিস্তরঙ্গ কামনা-সাগর। কোথায় তার মোহিনী মায়া?—নিজেই সে মোহিতা। মূর্ছিতচেতনা যেন গুক্র চৈতন্যের গুত্র দীপ্তি—স্বল্পস্পন্দিত, বিপুল পুলকে পুলকিত। সে বারুণী নয়, সে সুরা : লৌকিক সুরা নয়, রসসার কুলামৃত।

গুক্রগুচি এই সুরাকে আপন দেহের কুণ্ডলিনী-মুখে অর্পণ করলেন বীর সাধক। সাধত্রিবলয়াকৃতি সুপ্তা কুণ্ডলিনী নিমেঘে স্তম্ভিত জাগ্রত হলেন। সূক্ষ্ম

কেশাগ্রের কোটি ভাগের এক ভাগের মত সূক্ষ্ম—অথচ আশ্চর্য কাস্তিমতী । যেন সমুদ্রসিত কোটি বিদ্যুৎ । যে শেষ দর্পটুকু ছিল বারুণীর তাও নিমেষে নিঃশেষ হয়ে গেল । কোথায় বারুণীর রূপ-গর্ব ? কোটি অরুণ-কাস্তির মুখে নিশ্চিত সুরার দেহ-দীপ্তি । কোথায় তার শক্তির দর্প ?—সূক্ষ্ম ভূজগীর অমিত শক্তির মুখে—সুরা যেন আত্মগোপন করার পথ খুঁজে পায় না ।

বজ্র কুণ্ডলিনী দণ্ডের মত ঝল্‌ঝল্‌ হয়ে বিদ্যুতের মত সূতীর বেগে উর্ধ্বে উঠিত হচ্চেন । সুরা সে বেগ সহ করতে পারছে না । কোথায় উর্মিশীর্ষে বিচরণশীলা স্পর্ধিতা ? শক্তি-বেগে যেন শুষ্ক হয়ে যাচ্ছে সে । শেষ চৈতন্যও বৃষ্টি লুপ্ত হয়ে যায় । এ পরাজয়, চরম পরাজয়—তবু মনে হয়, এ আনন্দ, বিপুল আনন্দ । কোটি লাক্ষারসের মত দীপ্তারুণ পরমানন্দধারায় নিঃশেষে বিলীন হয়ে যায় দর্পিতা মদোদ্ধতা ।

কিছু লৌকিকী সুরার এই শুদ্ধি সাময়িক—এর ক্ষেত্রও সীমাবদ্ধ । বিশ্বলোকে বিস্তৃত দর্পিতা বারুণীর কামাঙ্ক শক্তি-দর্প । তার আক্রমণে অস্থির মনুষ্যলোক । দেবধর্মী মানুষকে বুদ্ধিব্রংশ করার উৎকট লালসায় সে সুর্যোগ অনুসন্ধান করে । নিদারুণ বিভীষিকার মত ভুবনে ভুবনে বিচরণ করে—রক্তাশ্বরা, রক্তবর্ণা, রক্তাস্তস্তক লোচনা, মদস্থলিত-চরণা বারুণী ।*



পাত্র মিত্র নিয়ে সভা করে বসেছে মহামদ। 'ধন মান-মদান্বিত' মহামদ—
দস্ত, দর্প ও অতিমানিতার মূর্ত বিগ্রহ। প্রকৃতির অনুরূপ আকৃতি। মন্দর-
সদৃশ মহাকাব্য। গাঢ় রক্তের গায় কৃষ্ণবর্ণ দেহ, যেন তমোময় রজঃছটা। অতি
ভয়ঙ্কর বদন—সে বদনে অগ্নিগোলকের গায় অগ্নিবর্ষী দুই নয়ন। কৃষ্ণ, পিঙ্গল
কেশ—অসহিষ্ণু রোষে কুঞ্চিত ললাট।

মহামেঘে বজ্রনির্ঘোষ—সদস্ত হুকারে বলছে মহামদ, 'এ জগতে আমার সমকক্ষ
কে? শক্তিতে, ঐশ্বর্যে ত্রিলোকে কে আমার প্রতিস্পর্ধী?'

'কেউ নয়, কেউ নয়'—সমস্বরে সমর্থন করল মহামদের স্তাবকদল। যেমন
রাজা, তেমনি প্রজা, তেমনি পার্শদ। কেউ কুটিল, কেউ ক্রোধবশ, কেউ
অভিমানী, কেউ মদাক্ষ। হেতুবাদী সভাপণ্ডিত, কামশাস্ত্র-নিপুণ সভাকবি,
স্বার্থাশ্বেষী সদস্ত। তাদের মুখে অঙ্ক স্তুতি।

প্রভুর বাক্য সমর্থন করে মন্ত্রী বলল, 'বিশ্বের বসু আপনার ভাগ্যে,
মৃত্যুর উৎক্রান্তিদা শক্তি আপনার দেহে। ত্রৈলোক্যে আপনি অতুলনীয়।'

'হবে না? যেমন বংশ, তেমনি কীর্তি'—মস্তব্য করল সভাপণ্ডিত, 'অহঙ্কার-
কুলের ধুরন্ধর মহারাজ মহামদ। মাণ্ডলি মন্দতে মদঃ। কে তার প্রতিস্পর্ধী?
ত্রিভুবনে অদ্বিতীয় উনি।'

বাধা দিয়ে বলল বাক্চতুর কবি, 'উহু, কথাটা ঠিক হল না। শকালকার,
আর অর্থালকারের মালাকর আমি, আমাকে বলতে দাও। দ্বিতীয় দিয়েই
অদ্বিতীয়কে প্রতিষ্ঠা করতে হয়। অগ্নি আছে, সোম আছে, আছে সূর্য। তাদের
চেয়ে অনেক, অনেক বড় মহারাজ মহামদ। অগ্নি সপ্তজিহ্বা—অমন সপ্তসপ্ততি
অগ্নি মহারাজের রসনায়; চন্দ্রের মাত্র ষোড়শ কলা—চতুঃষষ্টি কলায় পরিপূর্ণ
আমাদের প্রভু; সূর্য মাত্র সহস্ররশ্মি—মহারাজের কোটি কর। প্রভুর পণ্যা
মদিরেক্ষণা বাকুণী। পশুমতী বসুমতী স্বেচ্ছায় মহারাজের অঙ্কলক্ষ্মী।'

স্তুতিবাদে তুষ্ট হয় মহামদ। আশ্রু-প্রশংসায় অতি আনন্দ দাণ্ডিকের।
তুষ্টিতে বিকশিত হয় কৃষ্ণবদনের সিত দস্তপংক্তি—যেন মহামেঘে করালী বিদ্যুৎ।

স্মিতহাস্তে বলে সে, 'তোমাদের উক্তি অত্যাক্তি নয়। মহামদ আমি, মহাবল। বিশ্বে অজ্ঞেয়। তোমরা বোধ হয় জ্ঞান সেই পুরাণ-বিশ্রুত কাহিনী, বজ্রধারী বাসবের বজ্রকেও আমি প্রতিহত করেছি।'

নিজ্জন্দের অজ্ঞতায় সঙ্কুচিত হয় স্তাবকদল, কিন্তু সে সঙ্কোচ মুহূর্তের মাত্র। দক্ষ অভিনেতা স্তাবক, ক্ষণে ক্ষণে নূতন অভিনয়ে চিরাভ্যস্ত তারা। দুঃখে যেন ভেঙে পড়েছে—এমনি ভাব দেখিয়ে বলে, 'কী দুর্ভাগ্য আমাদের! মহারাজের এমন গৌরবময় ইতিহাসটা আমরা জানি না!' আবার পরক্ষণেই অগ্নি সুর ধরে, 'সাগরের অনন্ত তরঙ্গভঙ্গের গায় মহারাজের কীর্তিময় জীবন, সামান্য মানুষের সাধ্য কি তা গণনা করে?'

দৃষ্টান্ত দিয়ে বলে সভাপণ্ডিত, 'আকাশস্থ নক্ষত্রাণি কো নির্ণেতুং সমর্থঃ স্মাৎ !'

তৃপ্তির হাসি হেসে সগর্বে বলে মহামদ, 'সে এক বিচিত্র ইতিহাস। স্বর্গের অধীশ্বর বলে 'অশেষ দর্প ছিল ইন্দ্রের। অতুল বৈভব, অমিত দৈবশক্তি, অহঙ্কারে ক্ষীণ ইন্দ্র। তারই নির্দেশে যজ্ঞের সোমভাগ থেকে বঞ্চিত ছিল দেববৈগু অশ্বিনীকুমারযুগল। দেববৈগু—তাদের ক্ষমতাও অসাধারণ। বৃদ্ধ, অন্ধ চ্যবন মুনিকে তারা দিব্য রূপ-যৌবন ও দৃষ্টির অধিকারী করে দিয়েছিল। মহাতেজা চ্যবন মুনি। তিনি ভাবলেন, প্রত্যুপকারে তাঁরও কিছু করা প্রয়োজন। অশ্বিনীকুমারকে সোমভাগী করার উদ্দেশ্যে তিনি এক বিরাট যজ্ঞ আরম্ভ করলেন। সে যজ্ঞে ব্রহ্মা, বিষ্ণু, মহেশ্বর—সিদ্ধ, সাধ্য, দেবর্ষি, মহর্ষি—ত্রিলোক ভেঙ্গে পড়ল। সকলের সম্মুখে রবিতনয়নের জগু চ্যবন মুনি সোমপাত্র গ্রহণ করলেন। মুনিকে সোম গ্রহণে উদ্যোগী দেখে ক্রুদ্ধ হয়ে বলল অহঙ্কারী বাসব, 'সামান্য চিকিৎসক দ্রুত ও নাসত্য। তাদের জাতবিচার নেই, মর্তলোকেও তারা অবাধে বিচরণ করে। দেবতার মত সম্মান তাদের প্রাপ্য নয়।' চ্যবন বললেন, 'কেন, অশ্বিনীকুমারও দেব-অংশে জাত। তাদের চিকিৎসাসাঙুণেই দেবতা অজর ও অমর। যজ্ঞের সোমভাগ অবশ্যই তাদের প্রাপ্য।' শতক্রতুকে অবজ্ঞা করেই রৌদ্রকর্মা চ্যবন সোমপাত্র উত্তোলন করলেন। বজ্ররবে গর্জন করে উঠল বজ্রী বাসব, 'চিকিৎসক বৈগুকে সোমাই করলে নিশ্চয় বজ্রাঘাত করব আমি।' ক্রক্ষেপমাত্র করলেন না উগ্রতেজা মহর্ষি। মস্তোচ্চারণ করে তিনি সোমপাত্র উত্তোলন করলেন। উত্তত হল ইন্দ্রের অশনি। কি ভীষণ সে বজ্র! দধীচি মূনির অস্থিতে নির্মিত অস্ত্র, কোটি সূর্যের মত সমুজ্জ্বল, কল্পাস্ত্রের মেঘনির্ঘোষের ন্যায় ঘোর নাদ।'

একটু খামল মহামদ। বিস্মিত, সতীত সভাতল—চোখে নির্বাক কোঁতুহলী জিজ্ঞাসা। চকিতে চতুর্দিক লক্ষ্য করে বলে চলল সে, ‘মূহুর্তে আশ্চর্য কাণ্ড সংঘটিত হল। অশনি উগ্ৰত দেখে রুদ্রতেজ্ঞা ঋষির নয়নে কোপবহ্নি জ্বলে উঠল। ‘তিষ্ঠ’—এই কথা বলে আমাকে স্মরণ করে ছুরিতে তিনি ততশনে মস্তপূত হবি আহতি দিলেন।’

‘আপনাকে!’ বিস্ময়ে প্রশ্ন করল মন্ত্রী, ‘আপনাকে কেন?’

সদন্ত গস্তীর নাদে সভাতল কাঁপিয়ে বলল মদ-দর্পিত মহামদ, ‘আমি তো তুচ্ছ নই। স্বয়ং মহামদ—মহাঘোর, মহাভয়ঙ্কর। সুদীর্ঘ আমার বাহু, বিশাল আমার দেহ—আমি ত্রিভুবন আক্রমণে সমর্থ।’

গর্বিতলোচনে নিজের দেহের প্রতি দৃষ্টিপাত করল সে। সত্য অতি বিশাল সে দেহ। গিরিশৃঙ্গের মত সমুন্নত গ্রীবা, অনলোজ্জ্বল নয়ন, বিকট করাল বদন। সে দেহের পরিমাণ নির্দেশ করা দুঃসাধ্য। বিশ্বগ্রাসী ক্ষুধা সেই দেহে—মনে হয়, গ্রাম, নগর, জনপদ, দেশ, মহাদেশ, সসাগরা বসুন্ধরা, এমন কি চতুর্দশ ভুবন গ্রাস করেও তৃপ্তি নেই। ভয়ে, নিরুদ্ধনিশ্বাসে নিষ্পলক দৃষ্টিতে তাকিয়ে রইল সভার সমস্ত দর্শক।

ক্রত বলতে লাগল মহামদ, ‘স্মরণমাত্র নিমেষে কোটিযোজন পথ অতিক্রম করে, যজ্ঞশিখায় যজ্ঞপুরুষের মতই আবির্ভূত হলাম আমি। স্তম্ভিত যজ্ঞস্থল—নির্বাক সুরাসুর—সুক্র উদগাতা, অধর্যু। নয়নের ইঙ্গিত মাত্র করলেন ঋষি। ক্রোধে আরক্ত হলাম আমি—এত দর্প শত্রুতু ইন্দ্রের! দক্ষিণ হস্ত মুষ্টিবদ্ধ করে, ঘোর গর্জনে অগ্রসর হলাম বজ্রায়ুধের প্রতি।’

বজ্রবাহু উত্তোলন করে সত্যই প্রচণ্ড গর্জন করে উঠল বলদর্পিত মহামদ—মনে হল, এক সঙ্গে গর্জন করে উঠল প্রলয়কালীন সহস্র বজ্র। বিরাট মুখগহ্বরে সিত, তীক্ষ্ণ দশন নীল সমুদ্রশীর্ষে শুভ্র ফেনার মত জলজল করে উঠল, রক্ত শুশুকের মত চকিতে প্রকাশিত হল তার রক্তাল লোল রসনা। সভয়ে চক্ষু মুদ্রিত করল সভাজন। কবির চোখে দুঃস্বপ্ন। আসন্ন বৃষ্টি যুগান্তের প্রলয়!

অটুহাস্তে সভা সচকিত করে নিতান্ত তাক্কিলাভরে বলল মহামদ, ‘কোথায় ইন্দ্র! কোথায় ইন্দ্রের উগ্ৰত বজ্র! স্তম্ভিত বাহু, সুক্র অমোঘ বজ্র। শুক তালু, বিশুদ্ধ রসনা—‘হা হতোহস্মি’ বলে করুণ আর্তনাদ করে ঋষিকে লক্ষ্য করে কাতরকণ্ঠে বলল পুরন্দর, ‘প্রসন্ন হোন, রক্ষা করুন। আপনার সঙ্কল্প সত্য হোক—দেবতার মতই অশ্বিনী-কুমারদ্বয় গ্রহণ করুক হোমের সোমভাগ। ছুরন্ত মহামদকে নিবারণ করুন, মহর্ষি!’

‘তারপর তারপর!’ সাতক সহস্র প্রশ্ন। সদাপ পদচাপে ভূমি কম্পিত করে, বিরক্তিভরে বলল মহামদ, ‘তারপর আর কি? কামিনীর মত কোমল স্নিগ্ধ মন! ভীক অব্যবস্থিত চিত্ত। মুহূর্তে তুষ্টি, মুহূর্তে রুষ্টি। ইন্দ্রের কাকুতিতে ক্রোধশান্ত হয়ে, হস্ত সঙ্কেতে আক্রমণ করতে নিষেধ করলেন আমাকে। বাধা হয়ে নিরস্ত হলাম।’

হতাশায় বাহু সঙ্কচিত করল মহামদ। দুঃস্বপ্নের ঘোর কেটে গেল কবির। স্বপ্নের নিশ্বাস ফেলে বলল সে, ‘অসীম ক্ষান্তি মহারাজের! ক্ষমতাবান হয়েও ক্ষমার অবতার।’

‘দ্বিতীয় বশিষ্ঠ ইব’—বলল সভাপণ্ডিত। সদশ্রুগণ বলল, ‘কি রোমাঞ্চকর কাণ্ড। তারপর কি হল?’

কৌতূহলী সদশ্রুদের লক্ষ্য করে বলল কবি, ‘এর পরেও কি শুনতে চাও এই লোকশ্রুত কাহিনী? তাহলে আমি বলছি, শোন। তারপর, মহারাজের এই বিজয় কীর্তি দেখে, স্বয়ং ইন্দ্র এসে তার স-কিরীট মস্তক আনত করল এই রাজচূড়ামণির চরণতলে; চরণ স্পর্শ করতে ভয় পেল পুরন্দর। তার কিরীটের রত্নপ্রভায় কেবল সমুজ্জ্বল হল মহারাজের পাদপীঠের সন্নিহিত ভূমি। স্তুতিতে মুখর হল গন্ধর্ব, চারণ। অপরী আর কিন্নরীদের সঙ্গে নিয়ে স্বয়ং ইন্দ্রাণী, বিহ্বলার মত—

‘না, তা নয়’—বাধা দিয়ে ভ্রভঙ্গী করে উঠল মহামদ। কবি যেন কেঁচো হয়ে গেল। মদঘূর্ণিত লোচনে গর্জন করে উঠল মদোদ্ধত রাজা, ‘ইন্দ্রের অধাসন আমি কামনা করি না, তুচ্ছ ইন্দ্রত্ব, তুচ্ছ ইন্দ্রাণীর সেবা। আমি বিস্মিত হলাম চ্যবন মূনির ব্যবহার দেখে। সূমহৎ এই কর্মের পুরস্কারস্বরূপ তিনি বললেন কিনা, ‘আজ থেকে স্ত্রী, পান, অক্ষ ও মৃগয়াসক্ত ব্যক্তিদের মধ্যে তোমার অধিকার বিস্তৃত হল। ধার্মিকের নিলয়ে তোমার প্রবেশ নিষিদ্ধ। অধার্মিকের হৃদয়ে স্থায়ী হোক তোমার আসন। যাও বৎস, এই অধিকার ভোগ কর।’ ঘৃণায়, তাচ্ছিল্যে বিকৃত হয় বিকট আনন। নাসিকা কুঞ্চিত করে বলে রুষ্টি মহামদ, ‘চিরকালের স্বার্থপর, সঙ্কীর্ণচেতা ব্রাহ্মণ! মহামদের অধিকার কেবল অধর্মভূমিতে সীমাবদ্ধ থাকবে কেন? মহামদ কি হীনবল? যার আক্রমণে স্তম্ভিত ইন্দ্রের বজ্র—’

ক্রোধে উন্নত হয় সে। বৃহৎ অগ্নিকুণ্ডের মত চক্ষু থেকে নির্গত হয় আগ্নেয়-নিশ্বাস। প্রকাণ্ড দেহটা ক্রমে স্ফীত হতে থাকে। যোজন বিস্তৃত পদ, যোজন-বিস্তৃত বাহু। মনে হয়, মাথা যেন আকাশ স্পর্শ করছে। সিংহনাদে বলে

মহামদ, 'বিশ্বজগতে স্বরাট আমি, সার্বভৌম সম্রাট আমি। আমার রাজ্য ঋষি-নির্দিষ্ট সীমা থেকে বহুদূরে বিস্তৃত। ধর্মরাজকে আক্রমণ করেছি আমি। শাস্তি ও সন্তোষ আমার পরাক্রমে অস্থির। গ্রাম নয়, জনপদ নয়, মহাদেশ নয়—সপ্তলোকে আমার অবাধ অধিকার। আমি মাক্কাতাকে মদোকত করি, বিশ্বামিত্রকে স্বর্গভ্রষ্ট করি। আমার পরাক্রমে স্তব্ধ ইস্তের বজ্র। আমার সমান কে?'

'কেউ নয় মহারাজ!' প্রলাপে, হুঙ্কারে মত্ত কোলাহল ওঠে সভাস্থলে। এমন সময় সমস্ত কোলাহলকে অতিক্রম করে জলদপ্রতিম স্বরে বাইরে নিনাদিত হয় এক মহাগম্ভীর নাদ—'অয়মহং ভোঃ'।

'কে?'—বিস্মিত প্রশ্ন শেষ হতে না হতে সভায় প্রবেশ করেন প্রবৃদ্ধ মহাকালের মত বিপুলকায় এক বৃদ্ধ। দেখতে অনেকটা মহামদেরই মত। তবে, মহামদ যুবক, ইনি বার্ধক্যভারে ঈষৎ নত; মহামদের গাঢ় রক্তের মত ঘোর কৃষ্ণবর্ণ, এঁর বর্ণ তাম্রাভ; মহামদের রক্তবর্ণ দীপ্ত চক্ষু, এঁর নয়ন কিঞ্চিৎ নিম্প্রভ; যেন শ্বেতফটিকে একটি ম্লান নীলা। ইনিও মহামদের মত উদ্ধত, দাস্তিক—তবে ভূয়োদর্শন ও বহু দর্শনের একটা শৈথিল্য এঁর মুখে, চোখে, সর্বাঙ্গে। তুলনায় মনে হয়, মহামদ ত্রয়োদশ রজঃ, ইনি রজোদশ সত্ত্বমূর্তি।

সিংহাসন ত্যাগ করল না গর্বিত মহামদ। মানীর মর্ষাদাসীমা লজ্জন করাই তার স্বভাব, মদোকতায় পাত্রাপাত্র বিচারহীন। বৃদ্ধ এগিয়ে চললেন সিংহাসনের দিকে।

বাধা দিয়ে বলল মন্ত্রী, 'ওইখানেই অপেক্ষা করুন, মহারাজ ক্রুদ্ধ হতে পারেন।'

সবিস্ময়ে বললেন বৃদ্ধ, 'এটা কি মহারাজ মহামদের সভা নয়?'

'যারই হোক, এটা এমন একজনের সভা, যার নিকট ব্রহ্মা, বিষ্ণু, মহেশ্বর মস্তক আনত করে'—গম্ভীরস্বরে বলল মন্ত্রী।

'অঙ্গুরী, কিরণী, বিদ্যাধরী যার সেবা কবে ধন্য হয়'—চটুল বাক্যে বলল কবি।

দেব ভাষায় বলল সভাপণ্ডিত 'যস্য নাস্তি ত্রিলোকে তুল্য।'

'তাই নাকি! সহস্রো বললেন বৃদ্ধ। বৃদ্ধের সিত দশন মহামদের দস্তপংক্তির ন্যায় তীক্ষ্ণ নয়, কিন্তু সমুজ্জল। শুভ্র ক্র আকৃষ্ট করে বললেন তিনি, 'আমিও কম নই। আমার তপোবল দিয়ে আমি শত শত বিষ্ণু, শত শত ব্রহ্মকে নিপাত করতে পারি। সংসার বৃক্ষের আদি মূল আমি।'

'এত স্পর্ধা!' সন্নত গ্রীবাভঙ্গী করে বলল মহামদ : 'কে তুমি এমন শক্তিমান? জানো আমার পরিচয়? এ কল্পনা নয়, কাহিনী নয়—ইস্তের বজ্রকে প্রতিহত করেছি আমি।'

‘জানো, অক চন্দনে এঁকে বরণ করেন স্বয়ং ইন্দ্রাণী ?’ বলে কবি ।

‘জানো, অহঙ্কার-মূল বংশের কুল-প্রদীপ ইনি ?’ বলে সভাপণ্ডিত ।

‘অহো, তাহলে তুমিই মহামদ !’ রাজাকে লক্ষ্য করে সোল্লাসে বললেন বৃদ্ধ ।
তোমাকেই খুঁজছি আমি । আমি তোমার বৃদ্ধ প্রপিতামহ ‘অহঙ্কার ।’

‘আপনি !’ একটু নত হল মহামদ । কবি বলল, ‘আগে তা বলতে হয় ।
মহারাজের হয়ে নমস্কার ।’ পণ্ডিত বলল, ‘স্বাগতম্, সুস্বাগতম্ ।’ মন্ত্রী সসম্মানে
বলল, ‘আসন গ্রহণ করুন, প্রপিতামহ ।’

আসনে বসলেন প্রবৃদ্ধ অহঙ্কার । বহুদিন বাণপ্রস্থ অবলম্বন করেছেন তিনি,
আজ হঠাৎ ফিরে এসেছেন । কুশল বাচন শেষ করে মহামদকে লক্ষ্য করে তিনি
বললেন, ‘সাধু! সাধু! দেখছি বেশ বড় হয়েছ । ছাপর যুগের শেষে তোমার
জন্ম, তখন এতটুকু ছিলে । কলিতে বেশ বাড় বাড়ন্ত হয়েছে তোমার দেহ ।’

মহামদের মুখে তৃপ্তির স্মিতহাসি । সগর্বে উত্তর করল সভাপণ্ডিত, ‘দেহের
দিক থেকেই শুধু বড় হন নি মহারাজ, বংশের মধ্যদাও শতগুণে বর্ধিত করেছেন ।
অক্ষস্থলী আর যুগয়াস্থলীতে সীমাবদ্ধ রাজ্য, আজ ধর্মরাজ্য পর্যন্ত প্রসারিত ।

‘সে তো প্রত্যক্ষই দেখতে পাচ্ছি’—বললেন অহঙ্কার, ‘ধর্ম আমাদের চিরশত্রু ।
তবুও আত্মীয় বলে আমরা তাকে একটু খাতির করে চলতাম । মহামদ তাও
বর্জন করেছে । বেশ, বেশ ! তবুও একটা কথা জানতে এসেছি । আমাদের
কুল-পঞ্জিটা তো জানা আছে তোমার ?’

মস্তক সঞ্চালনে স্বীকৃতি জানিয়ে পণ্ডিতকে বলল মহামদ, ‘আমাদের
বংশলতিকটা পিতামহকে গুনিয়ে দাও তো, পণ্ডিত ।’

পণ্ডিত আবৃত্তি করতে লাগল, ‘প্রকৃতের্মহান্, মহতোহঙ্কারঃ, অহঙ্কারাং মদঃ ।
মাগুতি মন্দতে মদঃ ।’

‘এইটুকু মাত্র !’ বিজ্ঞতার হাসি হাসেন পিতামহ, বলেন, ‘দেখ, বিস্তৃত
বংশপীঠিকা তোমার জানা নেই । কি করে জানবে ? কলিকালে আবার বংশের
খোঁজও রাখে না কেউ । তা ছাড়া, তোমার জন্ম তো এই সেদিন, প্রাকৃত সৃষ্টির
ক্রমানুসারে তোমরা ষষ্ঠ সৃষ্টি, আর আমার সৃষ্টি দ্বিতীয় । দেখতে দেখতে কত
কল্প, কত মন্বন্তর, কত যুগ পার হয়ে গেল—সব ইতিহাস আমার নখদর্পণে ।
বিস্তৃত বংশাবলী তোমার গুনে রাখা উচিত । সম্প্রতি যে পাপগ্রহের দৃষ্টি পড়েছে
তোমার ওপর, তাও জানা প্রয়োজন ।’

একটু নীরব হন বৃদ্ধ পিতামহ । তারপর স্মৃতি রোমন্বন করে আবৃত্তি করতে

থাকেন কুলের ইতিহাস : 'সৃষ্টির মূলে ছিলেন অসঙ্গ, নির্লিপ্ত পুরুষ আর গুণময়ী অনাদি প্রকৃতি। এই প্রকৃতি পুরুষের সংস্পর্শরহিত হয়েই 'মহৎ' নামক পুত্রের জন্ম দেন। মহতের দুই স্ত্রী—প্রবৃত্তি ও নিবৃত্তি। এই দুই স্ত্রী থেকে দুই বংশ—অধর্ম ও ধর্ম। প্রবৃত্তি জননী থেকে আমার উৎপত্তি। কিন্তু সেই কৃত যুগে বিমাতা নিবৃত্তিকেও উপেক্ষা করতাম না আমি। শত্রুতা বোধ আমারও ছিল, সে অতি সামান্য। আমার সম্ভান 'মন'। অত্যন্ত অস্থিরচিত্ত—এই সঙ্কল্প এই বিকল্প—অতিশয় চঞ্চল। তবুও নিজ কৃতিত্বে সে পাঞ্চালেশ্বর হয়েছিল। কুমতি ও স্মৃতি নামে তার দুই পত্নী আমার দুই স্নুধা। কিন্তু গর্ভধারণ করেই স্মৃতি সংসার বিরাগী হলেন। 'মন' প্রমত্ত হয়ে রইল পত্নী কুমতিকে নিয়ে। আমাদের বংশ-লতিকার বিস্তার এই কুমতি' থেকেই। দশ ইন্দ্রিয়ের ভোগে তার আনন্দ। এই ভোগানন্দের অমৃতফল তোমার পিতামহ 'মহামোহ'। আশ্চর্য ছেলে! এমন সংসারাসক্তি সচরাচর চোখে পড়ে না। সেই মহামোহের সম্ভান তোমার পিতা 'লোভ' পিতৃব্য 'ক্রোধ'। পিতা 'লোভ' থেকে মা'ত্র তৃষ্ণার গর্ভে তোমার জন্ম। 'অহঙ্কারং মদঃ'—একথা মিথ্যা নয়, কারণ কাম, ক্রোধ, লোভ—সবই তো আমারই কুল-ছলান। আমাদের বংশ অমিত বিক্রম। ব্রহ্মা, বিষ্ণু, রুদ্রেরও আমাদের হাতে নিস্তার নেই। কাম সর্বজয়ী, রুদ্র ক্রোধবশ, লোভপুত্র মহামদ—তোমারও গৌরব কম নয়, তুমি ইন্দ্রের বজ্রকে প্রতিহত করেছ। কিন্তু সমূহ বিপদ উপস্থিত।'

'বিপদ!' ক্র আকুঞ্চিত করল মহামদ। পিতামহ বললেন, 'হ্যাঁ, সেইজন্মই এসেছি আমি। জান তো পুরাণ-বাক্য—অতি দর্পে হতা লক্ষা, অতি মানে চ কৌরবাঃ।'

'তাতে আমার কি?' সিংহনাদে প্রশ্ন করল মহামদ।

'তুমিও যে অত্যন্ত বেড়ে উঠেছ। দর্পে, অতিমানে—উন্নত হয়েছ। তাই ভয়—'

'ভয়!' সবেগে ভূমিতে পদাঘাত করে গর্জন করে উঠল মহামদ।

ধীর চিত্তেই মনে মনে আলোচনা করলেন প্রবুদ্ধ—'অহঙ্কার' : মদ তামসিক অহং-এর পরিণাম। স্বেধ, ধৈষ বলে তার কিছু নেই। আমি আঢ্য, আমি অভিজ্ঞনবান, আজ এই আমি চাই, আজ অমুককে আমি নিহত করব—এই তার দস্তোক্তি। বৃদ্ধ পিতামহের সঙ্গুণে সে বঞ্চিত।

প্রপৌত্রের মদাঙ্কতায় বেদনা অনুভব করলেন তিনি : হায়, কাল যাদের

প্রত্যাসন্ন, তাদের মদোকৃত্যাকে নিবারণ করবে কে ? মদে স্মৃতিভ্রংশতা থেকে বুদ্ধিনাশ—আর ‘বুদ্ধিনাশাৎ প্রণশ্চতি’। মৃত্যের মৃত্যু অবশ্যস্তাবী। উপদেশও তাদের ক্রোধের কারণ। তবুও শাস্তকণ্ঠেই বললেন প্রবৃদ্ধ অহঙ্কার, ‘ভয়ের কারণ উপস্থিত বলেই আমি এসেছি। তোমার প্রপিতামহ মনের স্মৃতি নামে যে পত্নী, তিনি ধর্মকূলে আশ্রয় নিয়েছেন। তাঁর বিবেক নামে এক পুত্র জন্মেছে। সেই বিবেকের কন্যা ‘পরশ্রী-ভাবনা।’ শুনেছি, অতি আশ্চর্য তার রূপ, আশ্চর্য তার শক্তি। বিশ্বের সৌন্দর্যলক্ষ্মী, শক্তির মূলাধার ‘পরশ্রীভাবনা’—

কথা শেষ হয় না। ক্রোধে জ্ঞানহারা হয় মহামদ। পরের শ্রী-গৌরবে সে অসহিষ্ণু। বিশেষত নিজে কুরূপ, অন্যের রূপ-স্তুতিতে সে উন্মাদ হয়ে ওঠে। নিদারুণ রোষে দস্তে দস্ত ঘর্ষণ করতে থাকে সে। আসন্ন ত্যাগ করে উঠে দাঁড়ান বৃদ্ধ পিতামহ। বহুদর্শী তিনি, বংশের প্রকৃতি তাঁর অজানা নয়। ক্রোধ, পাকৃষ্ণ, অতিবাদ, হিংসা—প্রভৃতি অষ্টাদশ দোষ মহামদের। অপেক্ষা করলে হয়তো অপমানিতও হতে পারেন, তাই সত্ত্বর বিদায় নিলেন অহঙ্কার, মুখে বললেন, ‘আমাদের বংশে দৈববাণী আছে, স্মৃতি-কুল থেকে কুমতি-কুল নির্জিত হবে। পাপগ্রহ তোমার প্রতি দৃষ্টি দিয়েছে—তোমার পক্ষে এ অতি দুঃসময় ! সাবধান থেকে। আশীর্বাদ করি, তোমার কুশল হোক।’

প্রদোষকে দোষার আশ্রয়ে রেখে যেমন বিদায় গ্রহণ করেন দিনাস্তের সূর্য, তেমনি স্তাবক সদস্য আর কুমন্ত্রীর নিকট মহামদকে রেখে বিদায় গ্রহণ করেন প্রবৃদ্ধ অহঙ্কার। ক্রোধে কাঁপতে থাকে মহামদ। তার বিরাট দেহটা আরও বিরাটাকার ধারণ করে, যেন মেঘের ওপর বিস্তৃত হয় প্রলয়কালীন মেঘ। রক্ত নয়নে রোষাগ্নি, যুগাস্তের বহ্নিদীপ্তি। সেই সর্বাস্তক নয়ন মেলে সে পঞ্চাশৎ কোটি যোজন বিশ্বের প্রতি ক্রোধ দৃষ্টি নিষ্ক্ষেপ করে।

সহসা দ্রুত প্রবেশ করে সীমাস্তের দূত, করজোড়ে নিবেদন করে, ‘মহারাজ, আসন্ন বিপদ ! সীমাস্তের ধর্মরাজ্যে প্রজারা বিদ্রোহী হয়েছে।’

‘বিদ্রোহী !’—রক্তলোচনে তাকায় মহামদ।

‘অশাস্ত সে বিদ্রোহ, দুর্দম !’

‘অশাস্ত ! দুর্দম ! আমার ভাণ্ডার দ্বার উন্মুক্ত করে দিতে পারো নি ? রত্ন-মাণিক্য ছড়িয়ে বশ করতে পারো নি তাদের ?’

‘অর্থ বিতরণে ত্রুটি করা হয় নি, মহারাজ ! মনে হয় সব শ্রী তাদের আয়ত্ত, কুবেরের ঐশ্বর্য তাদের অধিকারে।’

‘এতদূর ! শক্তিবল কি কম মহামদের ? শক্তি প্রয়োগ করতে পারো নি তাদের ওপর ?’

‘সমস্ত শক্তি ব্যর্থ হয়েছে, মহারাজ ! কোথা থেকে যেন বিশ্বের পুঞ্জিত শক্তি ভর করেছে তাদের ওপর । উদ্ধার মত জ্বালাময়, ধুমকেতুর মত গতি, বজ্রের অধিক শক্তি !’

‘স্তব্ধ হও’—সিংহনাদে গর্জন করে ওঠে মহামদ । সে গর্জনে শ্রুতিমূল যেন বিদীর্ণ হয়ে যায় । ঈর্ষায় আরক্ত মহামদের অগ্নিময় অক্ষিগোলকে যেন বিস্ফুরিত আগ্নেয় উচ্ছ্বাস । মদস্থলিত কণ্ঠে বলে সে, ‘জান, কে আমি ? কার সম্মুখে দাঁড়িয়ে অন্তের প্রশংসাবাণী উচ্চারণ করছ সংবাদবাহক ?’

কম্পিত কণ্ঠে বলে দূত, ‘জানি মহারাজ ! বিশ্বের মহামদ—মহাভয়ঙ্কর ! ত্রিলোক-বিজয়ী শক্তি, ত্রিলোক-আকর্ষণকারী ঐশ্বর্য ! কিন্তু তার চেয়েও—

দূতের বাক্য শেষ হয় না । মহাদস্তে হুঙ্কার করে ওঠে মহামদ, ‘আমি দেখব, কত তাদের শক্তি । সৈন্য সজ্জিত কর সেনাপতি, চল, দেখি কত বিদ্রোহীদের তেজ ।’

সভা ভেঙে যায় । তুমুল আশ্ফালন আর উগ্র কোলাহলে পূর্ণ হয় গগনতল । বন্দীর স্তুতি মিলিয়ে যায় রণদামামার নির্ঘোষে । নিমেষে যুদ্ধসাজে সজ্জিত হয়ে যাত্রা করে চতুরঙ্গ সেনা । সৈন্যদলের পুরোভাগে দুর্মদ মহামদ ।

মহামদের রাজ্যের প্রত্যন্ত সীমায় তীর্থরাজ চক্রতীর্থ । এপারে বিশাল প্রাস্তর, ওপারে সেই ধর্মতীর্থ, মধ্যে খরশ্রোতা নদী । শম, দম, যম ও নিয়মে শাস্তিময় ধর্মনিকেতন । সেখানে মদোদ্ধতা নেই, নেই তামসিক অহঙ্কার । লোভ ও তৃষ্ণা, ক্রোধ ও হিংসা বর্জিত পুণ্যের রাজত্ব । বেদবিহিত আচরণ, ধর্মবিহিত কর্ম, শাস্ত্রবিহিত নিয়মে প্রতিষ্ঠিত তপস্শাস্ত্র । সেখানে রয়েছেন—আর্ষা ব্রহ্মবিদ্যা, দেবী শ্রদ্ধা, রয়েছেন বিবেক, সন্তোষ । গৃহে গৃহে স্নেহের স্পর্শ বুলিয়ে দেন শান্তি, মিত্রা, অনসূয়া । মহামদ অতিমদে স্ফীত হয়ে এই রাজ্যের কিছু অংশ অধিকার করেছিল হেতুবাদী চার্বাক আর ব্যভিচারী কাপালিকের সহায়তায় । আজ সেই অংশ বিদ্রোহী ।

মহাদস্তে বিদ্রোহ দমন করতে এল মহামদ । সৈন্যের কোলাহলে, হয়, হস্তী, রথী, পদাতির ‘হং’ হুঙ্কারে পূর্ণ হল আকাশ । এপারে মহামদের অশ্রয় বাহিনী, ওপারে ধর্মবাহ—শান্তিরক্ষায় তৎপর মিত্রা অনসূয়া, সন্তোষ ।

সঙ্ঘার অঙ্ককার ঘোর হতেই মহামদের সৈন্যদল ধর্মচক্র আক্রমণ করল। সঙ্ঘায় প্রচণ্ড হয়ে ওঠে অসুর শক্তি। আসুরিক শক্তিই মহামদের সৈন্যদলের। ক্রোধের পীড়নে সম্ভ্রান্ত হয়ে উঠল শাস্তির নীড়। নির্মম, নির্দয় ক্ষমাহীন পীড়ন। হুকার-গর্জনে হিংসার মত্ততা। প্রান্তর বিদীর্ণ করে উঠল মর্মবিদারী আতনাদ। সর্বাপেক্ষা ভয়ঙ্কর মহামদ। আজ তার কালভৈরবের মূর্তি—ক্রকুটি-কুটিল, উগ্র, ভয়াল। রাত্রি যত গভীর হয়, তত তার প্রমত্ত দাপট। অস্থির মস্তিষ্ক। বন্ধনমুক্ত দিগ্গজ মুখে মদোদ্ধ গর্জন। ভীষণ তার আকৃতি। শ্রাস্তি নেই, ক্ষাস্তি নেই—যেন অশান্ত ক্রোধাক্ত কৃতান্ত। সারারাত্রি কালরাত্রির প্রলয়—সংহার-লীলায় সংহত সৃষ্টি। চতুর্দিকে মহামদের জয়ধ্বনি। বিপর্যস্ত যেন ধর্মরাজ্য—মূর্ছিতা মিত্রা, শাস্তির আনন্দ নীড়ে অশান্ত ক্রন্দন, অশ্রুচলচ্ছল অনসূয়ার নয়ন।

কালরাত্রি সুচিরস্থায়ী নয়। রাত্রিশেষে উষার শুভ রেখা দেখা দেয় পূর্ব আকাশে। জ্যোতির্ময় সূর্যের অগ্রদূতী উষা—বরুণার কমকাস্তি, অমৃত ও অভয়ের বাণীবাহিকা। তার চরণে মস্তক আনত করে সদোষা অঙ্ককার। মহাঘোর অঙ্ককারের মতই মহামদের সৈন্যদল—উত্তত বাহু উদ্দাম ঔদ্ধত্য। তাদের সম্মুখে ধর্মবাহ থেকে এসে দাঁড়াল উষার মত জ্যোতির্ময়ী এক নারী! কাঞ্চনপ্রভায় ভাস্বর অঙ্গ, কুঞ্চিত কুস্তলে মহাকাশের নীলিমা, আয়ত নয়নে সুধাসাগরের পীযুষধারা। নবনীর মত কমনীয় স্নিগ্ধ কাস্তি! নয়ন যেন জুড়িয়ে যায় মদোদ্ধত সৈন্যদলের। স্তব্ধ মদমত্ত গর্জন, শাস্ত অস্ত্র ঝনংকার, স্তম্ভিত শক্তি যেন মুহূর্তে মত্তশাস্ত সহস্র ভুজঙ্গ।

মহামদেরও কেমন যেন বিহ্বলতা! কিন্তু সে নিমেষের তরে। সৈন্যদলের ক্রীবত্ব তাকে উন্মাদ করে তোলে। আরক্ত নয়নে সে দাঁড়ায় সেই নারীর সম্মুখে, মেঘমন্ড্রে গর্জন করে বলে, ‘জানো, বিশ্বত্রাস আমি মহামদ? জগতে অজেয়। ইন্দ্রের বজ্র প্রতিহত হয় আমার তেজে?’

‘জানি, জানি বলেই তো এসেছি আমি—বীণা-নিন্দিত কণ্ঠে বলে বরবর্ণিনী, ‘আশ্চর্য তোমার শক্তি, বিশ্বব্যাপী ক্ষমতা। ইন্দ্রের চেয়েও অমিত তেজ, কুবেরের অধিক অমেয় ঐশ্বর্য, বরুণের চেয়েও বিরাট গাষ্ঠীর্ষ! তোমার সমকক্ষ কে? তোমার শ্রীতে বড় আনন্দ আমার!’

স্তম্ভিত মহামদ। মদে মত্ত সে, স্তম্ভিবাদে তার আনন্দ। কিন্তু স্তাবকদের মুখেও সে এমন স্তম্ভিবাদ শোনে নি। তাদের স্তম্ভি মহামদকে মাতাল করে তোলে, কিন্তু এ স্তম্ভির এ কি বিগলনস্বভাব! অরুণস্পর্শে যেমন গলনাক্ষ সীমায় এসে পৌঁছে কঠিন তুষার, তেমনি অবস্থা মহামদের। সে মোহিত হয়ে যায় মোহন সুরের

মোহিনী মায়ায়। মিত্র সন্মিত বাক্যে বলে মঞ্জুভাষিনী, 'তোমার শ্রীতে বড় আনন্দ আমার। শুভ্র ফটিকের যেমন সুখ—রক্ত, নীল, জরদের রঙ গায়ে মেখে, আমার তেমনি সুখ পরের ঐশ্বর্য চিন্তায়। কি বিরাট তোমার দেহ, কি বিপুল তোমার শক্তি।'

বিস্মিত হয়ে যায় মহামদ। কে এই মধুরভাষিনী? এ কি তার শত্রু? শত্রু যদি, এর নয়নে রোষাক্রম কোথায়, রণচণ্ডীর মত অট্টহাস কোথায়, মুহুমূর্ত্ত গজর্ন কোথায়? এর নয়নে অশ্রুসজ্জল স্নিগ্ধতা, অধরে ভুবনভুলানো হাসি, কণ্ঠে মধুর মঞ্জুভাষা। কেমন যেন মোহগ্রস্ত মহামদ, যেন বাঁশীব মোহন সুরে মুগ্ধ কালকণী।

মুদারায় মস্ত্রিত হয় বীণার তার—কঠিন অথচ সুহৃৎ-সন্মিত বাক্যে বলে লাবণ্যময়ী ললনা, 'এত পেয়েও কতটুকু পেলে তুমি? চাওয়ার কি শেষ আছে? মানুষ ইচ্ছত্ব কামনা করে, ইচ্ছ কামনা করে ব্রহ্মত্ব, ব্রহ্মা কামনা করেন ব্রহ্মলোক। কিন্তু শাস্তি কোথায়? তুমি শক্তিমান—শক্তির শেষ সীমা দেখেছ কি? তুমি ঐশ্বর্যশালী—ঐশ্বর্যের শেষ পেয়েছ কি? উগ্র মদ, বিপুল দস্ত মানুষকে মাতাল করে তোলে—উৎকট পীডনে পীড়িত সৃষ্টি—'

কাঁপতে থাকে বীণার তার। বেদনার অনুরণন। করুণাময়ীর নয়নে চিক-চিক করে অশ্রু। গভীর কণ্ঠে সে বলে, 'দস্ত, দর্প, অতিমানিতায় জগতে কে স্থির প্রতিষ্ঠা অর্জন করেছে? গর্বিত বলিরাজ, বিশ্বত্ৰাস রাবণ—বলতে পার, কার পতন হয় নি? অহঙ্কারের অবশ্যস্তাবী পরিণাম পতন, মদের শেষাশ্রয় মৃত্যু।'

কাঁপছে মহামদ। ইচ্ছের বজ্রমুখে যে স্থিব, মঞ্জুভাষিনীর বাণীমুখে সে অস্থির। ভয়ে নয়, ক্রোধে। কি বলছে ওই সামান্য নারী? অহঙ্কারের অবশ্যস্তাবী পরিণাম পতন? মদের শেষাশ্রয় মৃত্যু? বিশাল দেহ আলোড়িত করে সিরসির করে জাগে ক্রোধের প্রথম শিহরণ। সেই শিহরণকে উগ্রতর করে এবার বজ্ররবে ধ্বনিত হয় কোমল নারীকণ্ঠ, যেন বিবাণ হয়ে বাজে বীণা, 'শেষ পরিণাম স্মরণ কর মহামদ। অতিমাত্রায় বর্ধিত হয়েছে তুমি। মদে তুমি অন্ধ, ঈর্ষায় তুমি ভ্রান্ত, হিংসায় আচ্ছন্ন তোমার বুদ্ধি। তোমারও পতন আসন্ন।'

'পতন আসন্ন?' মহাক্রোধে দিগ্বিদিক জ্ঞানশূন্য হয় মহামদ। বিরাট বপুতে বিপুল কম্পন—রক্তে যেন বিদ্যুতের স্পর্শ! প্রচণ্ড গজর্ন করে সে অগ্রসর হয় কোমলাঙ্গীর প্রতি। নবনীর মত কোমলতার কণ্ঠ চেপে ধরবে সে।

প্রলয় মেঘের মুখে শাস্ত, স্থির চন্দ্রলেখার মত মহামদের উগ্ৰত আক্রমণের মুখে দাঁড়ায় মোহিনী তনুঙ্গী। কি অপরূপ লাবণ্য! দেহে স্নিগ্ধ চন্দ্রকাস্তি, নয়নে

সঙ্ঘার কাজল, অধরে প্রভাত অরুণের রক্তরাগ। সর্বান্তে অনমনীয় শক্তি-দীপ্তি।
সৌম্যা, সৌম্যতরা অথচ বজ্র-কঠিন দৃঢ়তা।

মহামদের মস্তিষ্কে যুগান্তের মেঘডম্বর, সঘন আলোড়ন। কে এই নারী? কে
এই রুদ্ররূপা রূপসী? বিদ্যুতের মত চকিতে চমক দিয়ে যায় পিতামহের বাণী—
বিবেক-কণ্ঠা ‘পরশ্রীভাবনা’—অদ্ভুত তার রূপ, আশ্চর্য তার শক্তি।’ মরিয়ার মত
চিৎকার করে ওঠে মহামদ, ‘কে তুমি! কে তুমি!’

শাস্ত, মধুর কণ্ঠে বলে তব্বী, ‘আমি পরশ্রীভাবনা।’

‘পরশ্রীভাবনা? আমাদের বংশের শত্রু? শত্রুপক্ষের কণ্ঠা?’—উন্মাদের
মত গজর্ন করে ওঠে মহামদ। উচ্চৈশ্বরে দ্রুত বলে পরশ্রীভাবনা, ‘না—না, শত্রু
নই। শত্রু কেন? তুমি আমার পর নও। তুমি যে আমারই—’

কথা শেষ হয় না। কোন কথাই শুনতে পায় না মহামদ। ক্রোধাক্ত গজর্নে
শোনা যায় না কোন কথাই। একটি অতি স্থির বিন্দুকে কেন্দ্র করে যেমন
প্রচণ্ডবেগে ঘূর্ণিত হয় চক্রনেমি, ‘পরশ্রীভাবনা’কে কেন্দ্র করে তেমনি প্রবলবেগে
ঘূর্ণিত হয় মহামদের মস্তিষ্ক। ঘূর্ণিত মৃত্তিকা, বায়ু, ব্যোম—বিঘূর্ণিত বসুন্ধরা।
ঘোর মদাতকগ্রস্তের মত সে অগ্রসর হয়। শূন্যে উখিত পদ, শূন্যে উদ্যত বাহু।
শত্রুকণ্ঠাকে মুষ্টিবদ্ধ করে পিষ্ট করতে চায় সে। কিন্তু লুপ্ত যেন শক্তি—বিদ্রোহী
বুদ্ধি, বিদ্রোহী কর্মেন্দ্রিয়। গতিতে স্থলিত চরণ, মহাশূন্যে ব্যর্থ বাহু আফালন।
উৎকট মদাত্যয়। তবু ঘোর গজর্ন করে সে অগ্রসর হয়, কিন্তু পদস্থলিত হয়ে
আরও বিকট গজর্ন করে ছিন্নমূল বনস্পতির মত ভূমিতে লুষ্ঠিত হয় সে।

অস্তরে মুক্ত করুণা-নির্ঝর, নয়নে উচ্ছল বেদনাশ্রু—‘পরশ্রীভাবনা’ দ্রুত এগিয়ে
আসে, ত্বরিতে কোলে তুলে নেয় তার মূর্ছিত মস্তক, গভীর মমতায় স্নেহস্পর্শ বুলিয়ে
দেয় মহামদের সর্বান্তে।

অনাদি প্রকৃতি, যার ভুবনমোহিনী মায়া আকর্ষণ করে অসঙ্গ পুরুষকে, ভোগের
বিষপাত্র তুলে ধরে অধরে—সে-ই তো আবার স্নিগ্ধ সোমের মত রসধারায় সিঞ্চিত
করে সাগর-বনস্পতি, মধুময় করে সংসার। সম্পদে অধরা, বিপদে অধীরা, মঙ্গলায়
কান্তবাক, ঔদ্ধত্যে শাস্তি, পরশ্রীভাবনাময় প্রেম। এই প্রেমের শৃঙ্খলে বন্দী
জগৎচরাচর—তারই অরুণস্পর্শে বিগলিত মদ-তুষার। *

* মদোৎপত্তির ইতিহাস রয়েছে ‘দেবী ভাগবত’এর ৭ম স্কন্ধ—৮ম অধ্যায়ে; মদ-বিনাশের
কল্পনা করা হয়েছে ‘প্রবোধচন্দ্রোদয়’ নাটকের ছায়ায়।

॥ सालकटक्कटा ॥

अदीनसबु महर्षि अगस्त्य रक्कोवंगशेर विचित्र रहसु उद्घाटन करछिलेन । विस्मित, निस्तुक्क सभाकक्क—विस्मय-विमुक्क रघुपति राम ।

रावण-विजयी रामचन्द्र । अयोध्याय क्किरे एसे तिनि राज्याभार ग्रहण करेछेन । अक्ककारे निमीलित पद्मेर मत विमलिन अयोध्या, सूर्योदये अग्नान पक्कजेर मत शोभा धारण करेछे । ए येन सोनार काठिर स्पर्श ! राज्येर श्री क्किरे गेछे । राम-राज्ये तुष्ट, पुष्ट, निरामय प्रजावर्ग—निर्भय, निराकुल दशदिक ।

नाना दिग्देश धेके एसेछेन वेद-वेदाङ्गविद्, भूरितेजा ब्रह्मर्षि, देवर्षि, महर्षि—कश्याप, वशिष्ठ, कौशिक, अत्रि, जमदग्नि, भरद्वाज । पादय-अर्घ्ये अभिनन्दित ह्ये तारा सभा आलो करे वसेछेन, येन सूर्यके धिरे वसेछे ज्योतिर्मय सूर्यमण्डल ।

ऋषिदेर लक्ष्य राम-राज्येदेर सर्वाङ्गीण ऋद्धि । अतुलनीय रामचन्द्रेर कीर्ति, अतुल रामराज्येदेर वैभव ! किञ्च ऋषिरा बलछेन—‘कीर्ति ओ वसुश्री वाइरेर सम्पद—धर्म ओ शक्ति असुरेदेर ऐश्वर्य । असुरेदेर धने समृक्क होक राम-राज्य, सर्वदिक धेके सर्व-कल्याणेदेर आकर ह्ये उठूक अयोध्या ।’

आजकेर सभार प्रधान प्रवक्ता परम आर्य अगस्त्य । पुण्याभूमि भारतवर्षे आर्य-धर्मेदेर प्रसारकले तार दान अविस्मरणीय । विद्वान्पर्वतेदेर दूरतिक्रमणीय बाधाके अपसारण करे तिनि दक्षिणापथे आर्यसभ्यतेर ज्योतिर्मय आलो छड़िये दियेछेन, समुद्र शासन करे स्वाध्याय ओ वषट्कार लोपकारी कालेय दानवकुल ध्वंसे सहायता करेछेन । तिनि जानेन, अति भयङ्कर आसुरभावेदेर प्रभाव । दैवभाबके तिले तिले क्षय करे एही भाव जयी ह्ये ओठे, निःशेषे ग्रास करे मानुषेदेर मनुष्यत्व । एके जय करेवे के ?

कथनओ ऋषिदेर नेत्रे जले उठछे रोषाग्नि, कथनओ वा अश्रुछलछल सज्जन नयन, कथनओ करुणाय रुद्ध कर्ण ! तिनि भावछेन, हाय, लूक आकाङ्क्षादेर पेषणतले पिष्टा धरणीर कि सकरण मुखछवि ! कामना-क्लिन्न मानुषेदेर जघन्य कामनाय

মানুষের কি শোচনীয় পরিণাম ! এদের কবল থেকে কি মুক্তি নেই ? এমন কি নেই কোনও শক্তিমান, যিনি এদের আক্রমণ থেকে মানুষকে রক্ষা করতে পারেন ?

নিবিড় অন্ধকারে যেন আশার আলো দেখতে পান ঋষি । ওই তো সম্মুখে, নবদুর্বাদল শ্যাম নয়নাভিরাম মূর্তি ! কী তেজ, কী গাভীরী ! দীপ্তি ও কান্তি, শক্তি ও ক্ষান্তির রুদ্রসুন্দর বিগ্রহ । ইনি পারেন, ইনি পারেন আশুরভাবে নির্জিত করে প্রশান্ত, উদার দৈবভাবের প্রতিষ্ঠা করতে ।

বৃকের স্বপ্ন নয়নে প্রদীপ হয়ে জ্বলে । গভীর, উদাত্ত স্বরে যেমন বেদমন্ত্র ছন্দিত হয়, তেমনি স্বরে রামচন্দ্রকে লক্ষ্য করে বলেন মহাতেজা অগস্ত্য, ‘ত্রিলোক-ত্রাস রাবণকে নিহত করে জগতকে তুমি নিরাতঙ্ক করেছ । অহঙ্কৃত, অশাস্তিকর নিদারুণ রবই ‘রাবণ’ । জন্মকালে এই রবে, ত্রিলোক ধ্বনিত হয়েছিল, সারাজীবন এই অশাস্ত ঘোর রবে ত্রিভুবনকে আকুল করেছে সে । স্বভাব-ক্রুর রাক্ষস রাবণ—কাম, ক্রোধ ও জিগীষার এক মূর্তি । তার দুর্বল কামনার গ্রাস বেদবতী, রক্তা ; অঙ্গরী, বিদ্যাধরী, নাগকণা ও সতী নারীর অশ্রুতে পূর্ণ তার কাম-গতি রথ । দুর্দম তার অন্ধক্রোধ—সে ক্রোধের আভূতি হয়েছে নিজের ভগ্নীপতি বিদ্যাজিহ্ব, এই ক্রোধের ভ্রুকারে নির্বাসিত হয়েছে ধার্মিক বিভীষণ । কি দুর্জয় তার জয়ের নেশা ! সে-নেশায় বিক্রত স্বর্গ, মর্ত্য, পাতাল ! কাম, ক্রোধ ও জিগীষার এই ভয়ঙ্কর অশাস্তিকে তুমি জয় করেছ । রাম—বিপুল, বিশ্বয়কর তোমার কীর্তি ! কিন্তু বৎস, তুমি বিনাশ করেছ বাইরের রাবণকে । প্রত্যেক মানুষের অন্তরে সুপ্ত রয়েছে রাবণ, বৃকে বৃকে প্রচ্ছন্ন রয়েছে রাক্ষসরূপী দুর্জয় কাম, ক্রোধ, লুক্কতা । তাদের বিনষ্ট করতে হবে । মনে রেখো, দশগ্রীব রাবণকে নিহত করে তুমি অর্ধ-রাক্ষসকে মাত্র নিহত করেছ ।’

‘অর্ধ রাক্ষস ! তার অর্ধ ?’—সহস্র কোঁতূহলী প্রশ্ন উঠল সভায় ।

ধীরে বললেন অগস্ত্য, ‘রাবণ তো পূর্ণ রাক্ষস নয় । তার পিতা ঋষি, মাতা রাক্ষসী—অর্ধরাক্ষস রাবণ । তার পিতামহ প্রজাপতি পুলস্ত্য—ব্রহ্মার মানস-সন্তান ; পিতা বিশ্বা—দ্বিজশ্রেষ্ঠ । বিশ্বার ঔরসে রাক্ষসী কৈকসীর গর্ভে রাবণের জন্ম—সে আর্য-অনার্যের সঙ্কর । পূর্ণ রাক্ষস হল আদি রক্ষোবংশ, যে বংশের দুহিতা কৈকসী । রাবণের বহু পূর্বে সেই রাক্ষস লক্ষা অধিকার করে ছিল ।

বহুদর্শী ঋষির বাক্যে বিস্মিত হলেন রঘুনন্দন রাম । রাক্ষস রাবণের পূর্বেও

রাক্ষস ছিল, আর তারা ছিল লঙ্কারই অধিবাসী—এ যেন পরম বিশ্বয়। কামচারী নিশাচরকে নিহত করে তিনি ভেবেছিলেন, সমগ্র রাক্ষস বংশকেই ধ্বংস করেছেন। এ ধারণা তাহলে মিথ্যা? বিনয়নত্র বচনে প্রশ্ন করলেন রক্ষো-বিজয়ী রাম, ‘দ্বিজবর বিশ্ববা থেকেই কি রক্ষোবংশের সূচনা নয়?’

হেসে বললেন অগস্ত্য, ‘বৈশ্রবণ রাক্ষস অনেক পরবর্তীকালের। তার পূর্বে ছিল ‘সালকটকটা’ বংশীয় রাক্ষস।’

‘সালকটকটা! কে সে?’

‘রাবণের বৃদ্ধ প্রমাতামহী। রাবণের মাতৃকুল তার নামেই পরিচিত, কারণ, ‘সালকটকটা’ থেকেই সে বংশের বিস্তার। সালকটকটার পুত্র সুকেশ; সুকেশের পুত্র মাল্যবান, সুমালী, মালী; সুমালী-কণ্ঠা কৈকসীর পুত্র রাবণ। রাবণ বিশ্বের অশান্তি, অতি ভীষণ—কিন্তু তারও চেয়ে ভয়ঙ্কর আদি রক্ষোবংশ। হে রঘুনন্দন, তুমি সে-রাক্ষসকে নিহত করতে পার নি। তোমরা জান, রাক্ষস মানুষ ভক্ষণ করে—এ শুধু স্থূল দেহ-মাংস নয়। অলক্ষ্যচারী হয়ে তারা ভক্ষণ করে মানুষের সদ্বুদ্ধি, সদাচার। তারা যজ্ঞভুক, শশ্রুভুক, ধর্মভুক—প্রজ্জ্বলিত বহির মত সর্বভুক। অতি ভয়াবহ তাদের ইতিহাস।’

সুতর সভাকক্ষ। নীরব মন্ত্রী, সদশ্রু, ঋষি। বিশ্বয়াপ্নুত ভরত, লক্ষ্মণ, শত্রুঘ্ন। রঘুপতি রাম নির্বাক—তাঁর কমল-নয়নে ক্রোধ ও করুণার তরঙ্গ-ভঙ্গ। সকলের মুখেই কোতূহলী নীরব জিজ্ঞাসা। কোতূহলী হয়ে কাঁপছে যেন রাজ-সিংহাসনের বৈদূর্য, বিক্রম, পদ্মরাগ—কাঁপছে দীর্ঘোন্নত স্তম্ভাবলীর উজ্জল নীলা। সে কোতূহল নিবৃত্ত করলেন পুরাণপুরুষ অগস্ত্য; শাস্ত্র ধীরকণ্ঠে তিনি বলে চললেন পুরাপরম্পরাব্যক্ত অদ্ভুত পুরা কাহিনী।

স্বর্ণলঙ্কা নির্মিত হওয়ার বহুকাল পূর্ব থেকে, যুগযুগান্ত ধরে এই সশৈল, সসাগরা সৃষ্টি অধিকার করে রয়েছে অসুর, রাক্ষস। কমলযোনি ব্রহ্মার অবিদ্যাসম্ভব সৃষ্টির আদি সৃষ্টি তারা। জন্মলগ্ন থেকে কামনা-বুভুক্ষু, ক্ষুৎকাম। কামনা থেকেই সৃষ্টি, আবার কামনা থেকেই ক্রোধ, প্রলয়। স্বভাবের আদি বিকৃতি ‘মহাশনো মহাপান্ধা’ এই কাম, এই ক্রোধ। ‘অসুর, রাক্ষস তারই প্রতীক।

তখন কল্পের সূচনা মাত্র। কল্প কালাগ্নি তখনও নির্বাচিত হয় নি, তখনও থেকে থেকে গর্জন করছে সংবর্ত মেঘ! ঘোর মহাতামিশ্রে সৃষ্টি করে চলেছেন প্রজা-কাম ব্রহ্মা। তাঁর সঙ্কল্প তখনও তপঃশুক হয় নি, বিপর্যস্ত একার্ণবের মত বিপর্যস্ত

সঙ্কল্প। সহসা সকাম ব্রহ্মার জঘনদেশ থেকে সৃষ্টি হল প্রদোষ অঙ্ককারের মত কৃষ্ণবর্ণ তমোঘন 'অসুর'। কুটিল কামনার বিভীষণ মূর্তি। জন্মমাত্র দ্রুতপদে অগ্রসর হল তারা পিতা ব্রহ্মার প্রতি। চোখে উন্মাদ লালসা, চরণে মদোন্মত্ত ক্ষিপ্ত গতি। ভয়ে আর্তনাদ করে উঠলেন কমলযোনি, অঙ্ককারে উঠল আকুল স্বর, 'তিষ্ঠ তিষ্ঠ'। কিন্তু অতিষ্ঠ কাম। উত্তাল সাগর-তরঙ্গের মত গর্জন করে অগ্রসর হল অসুর।

সহসা সেই মহাশূন্যে ভীত ব্রহ্মার উদ্দেশ্যে উখিত হল এক সুগম্ভীর নাদ, 'তামসিক ভাবে আচ্ছন্ন হয়ে তামসী সৃষ্টি করেছ তুমি। অশুচি তোমার তনু। শীঘ্র এ-তনু ত্যাগ কর।'

লঙ্কায়, ভয়ে কাতর ব্রহ্মা। সর্প যেমন নির্মোক ত্যাগ করে, তেমনি ত্বরিতে তামসী তনু ত্যাগ করলেন তিনি। সেই তনুই সায়ন্তনী 'সঙ্ক্যা'। অপূর্ব স্ত্রীমূর্তি—দেহে সুশ্রাম শ্রামলতা, এলায়িত চূর্ণ কুস্তলে ঘনমেঘের নীলিমা, সীমন্তে তারার টিপ। তার নয়নের মদিরাবেশে অসুর মুগ্ধ হয়ে গেল। সঙ্ক্যাকে স্ত্রীরূপে গ্রহণ করে শাস্ত হল তারা। যে-তনু থেকে অসুরের উৎপত্তি, সেই তনু-প্রতিমাই হল তাদের পত্নী। কামনার কি কুৎসিত গতি! লঙ্কায় অঙ্ককার-ঝাঁচলে মুখ ঢাকল সঙ্ক্যা। আঙ্কও সে লঙ্কার শেষ নেই।

অসুর শাস্ত হল, কিন্তু ব্রহ্মার মনোভাব নির্মল হল না। কামনার বীভৎস পরিণাম দেখে তিনি সন্ত্রস্ত, ভয়ে শুষ্ক কণ্ঠ, বক্ষ। উগ্র ক্ষুধা ও তীব্র তৃষ্ণা অনুভব করলেন পদ্মসম্ভব।

মুহূর্তে ঘটল আর এক অঘটন। ব্রহ্মার অত্যাগ্র ক্ষুৎপিপাসায় তাঁর পাপাশ্রয় পায়ু থেকে সহসা ভীষণ-দর্শনা নিষ্কৃতির উৎপত্তি হল। জগতের চির অসত্যরূপিণী নিষ্কৃতি। নয়ননিমেঘে এই নিষ্কৃতি থেকে উৎপন্ন হল মহাভীষণ পিঙ্গলবর্ণ, ঘোরারাবী, ক্রুরস্বভাব প্রজ্ঞা। তারা বৃত্তাক্ষ, মহাকায়, দীর্ঘবাহু। সভয় ক্ষুধা-তৃষ্ণার আবেগে তাদের জন্ম, যেন ক্ষুধা ও তৃষ্ণারই প্রীতিমূর্তি। উগ্র ক্ষুৎপিপাসায় পাগল হয়ে তারা ছুটল ব্রহ্মার প্রতি—ব্রহ্মাকেই ভক্ষণ করবে তারা। কাতরকণ্ঠে প্রাণপণ চীৎকার করে উঠলেন কমলযোনি, 'ভক্ষণ কর না, রক্ষা কর। আমি তোমাদের পিতা।'

ক্ষুধার বিবেক নেই, বিচার-মূঢ় ক্ষুধা। চির অনিয়ত, বিবৃতবদন, ক্রোধবশ। 'দহতে ক্ষীয়তে মূঢ়ঃ শুশ্রুতে ক্ষুধ্যাদিতঃ'। ব্রহ্মার কথায় বিকট চীৎকার করে উন্মাদের মত একদল বলে উঠল—'ভক্ষণ কর, ভক্ষণ কর।' আর একদল পিঙ্গাক্ষ

প্রজ্ঞা প্রমত্ত শ্লেষে ঘোর অট্টহাস করে উঠল—‘রক্ষা কর রক্ষা কর।’ অতি বক্র, অতিশয় কুটিল সে শ্লেষ ! তারপর ভীমবেগে অগ্রসর হল তারা।

সভয়ে আবার আর্তনাদ করে উঠলেন ব্রহ্মা, অন্তরীক্ষে আবার উচ্চারিত হল অভয় বাণী—‘ভয় নেই। হে ব্রাহ্মণ, তুমি অশুচিব্রত, অশুচি তোমার তনু। শীঘ্র তনু ত্যাগ কর। মনে রেখো, তামস মনোভাবে তামসী সৃষ্টিই সম্ভব হয়, সে-সৃষ্টি কল্যাণের অন্তরায়।’

লজ্জিত হলেন ব্রহ্মা। নিমেষে তামসী তনু ত্যাগ করলেন তিনি। এই তনুকে বলে রাত্রিকুপিণী ‘দোষা’। দোষা কৃষ্ণবর্ণা, মদোদ্ধতা, মায়াবিনী। আশ্চর্য তার মোহিনী শক্তি ! নিহুটিমস্ত্রে জীবের চোখে নিদ্রা সঞ্চার করে সে। দোষার মায়ায় ক্ষুধা ভুলে গেল ক্ষুধাতুর, তাকে গ্রহণ করে শাস্ত হল উত্তত বাহ।

ক্ষুধাবশে যারা ব্রহ্মাকে বলেছিল ‘যক্ষামঃ’ অর্থাৎ ভক্ষণ করব—তারা ‘যক্ষ’, বিশ্বের আদি যক্ষ—স্বার্থপর, ক্রপণ, অর্থগৃধু। আর যারা বলেছিল ‘রক্ষামঃ’—রক্ষা করব, তারা ‘রক্ষ’—বিশ্বের আদি রাক্ষস ; কামচারী, ক্রোধকুটিল, ক্ষুধাতুর। দোষা এদের প্রিয়া, তাই এদের বলা হয় ‘প্রিয়দোষ’ বা নিশাচর। নিষ্কর্তি থেকে উৎপন্ন বলে এরা নৈষ্কর্ত রাক্ষস নামেও পরিচিত।’

একটু থামলেন ঋষি অগস্ত্য। আতঙ্কিত সভাতল। অতি ভয়াবহ এই তামসী সৃষ্টির ইতিহাস। বিকৃত ক্ষুধা-কামনার এ-কাহিনী যেন পুরাণের চেয়েও পুরাতনী, এ-যেন ভয়াল রোমাঞ্চ ! ব্যগ্র জিজ্ঞাসায় বিস্ফারিত সকল নয়ন, মুখে শিশুর মত কোঁতুহলী প্রশ্ন, ‘তারপর !’ প্রাচীনবেত্তা কুস্তজন্মা অগস্ত্য। গস্তীর কণ্ঠে তিনি বলতে লাগলেন তারপরের ইতিহাস—‘এরাই আদি রাক্ষস। ‘পরদারাবর্শিত্বং পারক্যার্থে চ লোলুপাঃ’ এদের স্বভাবধর্ম। উগ্র ব্যভিচারী এদের কামনা, অতি ভীষণ এদের পরার্থলোলুপতা। এই কামনা-লুদ্ধতাই রাক্ষসী ক্ষুধা। এ-ক্ষুধা শুধু দেহের নয় এ-ক্ষুধা মনের—এ ক্ষুধা প্রতিটি রক্তকণিকার। এই রক্ষোবৃত্তি কেবল রক্ষোবংশেই নয়, বিশ্বের প্রতিটি ‘মোহাক্ষ মানুষ এই বৃত্তির বশ। এরই বিবক্রিয়ায় দূষিত রক্ত, এরই প্ররোচনায় উদ্বেজিত জগৎ। বিশ্বের বুকে অত্যাচার ও অনাচারের দাবানল সৃষ্টি করে কে ?—এই রাক্ষসী ক্ষুধা। রাম, তুমি কি শোন নি আর্তের করুণ ক্রন্দন ? দেখ নি কি অনাথা নারীর, অসহায় শিশুর নয়নাশ্রু ? সে ক্রন্দন, সে অশ্রু রাক্ষসী ক্ষুধার সৃষ্টি। কামাক্ষ, দর্পিত রাবণ সেই ক্ষুধার করাল মূর্তি। কিন্তু তারও চেয়ে আরও ভয়ঙ্কর রক্ষোবংশের আদিমাতা ‘সালকটকটা’—কামনার কদর্ঘ মূর্তি, যেন একটি বীভৎস, অতি

কুটিল কামনার গ্রাস। তার কাহিনী শুনে আতকে, ঘুণায় মুখ ঢাকবে
তুমি।’

ঘুণায় নিজেই দেহ কুঞ্চিত করেন স্থিতধী অগস্ত্য। সভাকক্ষে ওঠে সহস্র
কণ্ঠের কলগুঞ্জন। সেই গুঞ্জনকে স্তব্ব করে ঋষি বলে চলেন রাক্ষসী ‘সালকটকটা’র
কাহিনী।

নিবিড়, নিৰ্জন বনতলে তৃণাস্তৃত শ্যামল ভূমিতে শঙ্খ ধরেছে একটি কালনাগ ও
একটি কালনাগিনী। নিকষ-কৃষ্ণ কেশগুচ্ছ যেমন পরস্পর বেষ্টন করে একবেণী
রচনা করে, তেমনি নাগ-নাগিনীর আবক্ষ পুচ্ছভাগ একবেণী রচনা করে চক্রাকারে
ভূমিতল আশ্রয় করেছে। উপের মুখোমুখি দুটি উন্নত ফণা, আবেশ-বিহ্বল নির্নিমেষ
নয়ন। কি সুগভীর প্রীতির আলোকন! কি সুখকর মৃদুমন্দ আনন্দ-দোলা! অণু
কোনদিকে ক্রক্ষেপ নেই। মিলনে নিখিলহারানায়ক-নায়িকা, সন্তোগ-বাসরে লুপ্ত বিশ্ব।

নাগ-নাগিনীর এই সানন্দ-সন্তোগ অত্যুগ্র তৃষিত দৃষ্টিতে লক্ষ্য করছে
কালনাগিনীর মতই কৃষ্ণবর্ণা এক কুমারী নারী। ঘন নীলবরণী কামিনী—বিশ্রস্ত
কুস্তলে সুনীল আনন, যেন নীলজলে প্রস্ফুটিত নীলোৎপল। কেমন যেন একটা
রোমাঞ্চচমক তারও দেহে! সিরসির অঙ্গবিধূনন, রোমমুখে বিন্দু বিন্দু স্বেদ।
তারও পলকহীন নয়নে লুপ্ত হয়ে গিয়েছে—তৃণ, বৃক্ষ, বনভূমি, লুপ্ত সমগ্র বিশ্ব।

সহসা তন্নয়তা ভেঙে যায়। কিসের শব্দে চমকিত হয়ে বরুধিনী পিছন ফিরে
তাকায়, অবাক বিষ্ময়ে দেখে—পাশে দাঁড়িয়ে এক বিশালদেহ যুবক। প্রাবৃত্ত-
কালের রঞ্জিত সঙ্ঘাতের ত্রায় পিকলবর্ণ, দেহভরা পূর্ণ যৌবনের উদ্দাম তরঙ্গ।
করিকর সদৃশ উরু, লৌহভীম বাহু, প্রশস্ত বক্ষ। দীপ্ত নয়নে স্ত্রীত্ব সিকাম চাহনি।

মুগ্ধা বিহ্বলা কুমারী কণ্ঠা। চকিতে এদিকে তাকিয়েই আবার ওদিকে দৃষ্টি
নিক্ষেপ করে সে। কখন যেন অস্তহিত হয়ে গেছে সন্তোগী ভোগিযুগল। নিৰ্জন
অরণ্যে একা পুরুষের সন্মুখে দাঁড়িয়ে একা কামিনী। লজ্জাই এস্থলে স্বাভাবিক
নিয়ম। কিন্তু সে-নিয়মের ব্যতিক্রম স্বরাতুরা নারী। পুরুষের দেহ-দর্পণে
নির্নিমেষ নয়নে আত্ম-প্রতিবিম্ব দর্শন করে আত্মভোলা কামিনী। তন্নয় হয়ে সে
ভাবে—মেরুমন্দের সদৃশ এমন বলিষ্ঠ, কে এই পুরুষ?

পুরুষও উদাসীন নয়। দৃষ্টিভোগে স্ত্রীত্ব উত্তেজনা। উদ্ভ্রান্ত চিত্তে সেও
ভাবে—অঙ্গে প্রদোষের ছায়া, নয়নে মায়াবী আঁধার-কাজল, ত্রিবলিতরঙ্গে অলঙ্কৃত
নাভি—কে এই সুনন্দরী?

‘কে তুমি !’

‘কে তুমি !’

একই সঙ্গে দুই সোৎসুক কণ্ঠের দুই পূর্বপক্ষ, যেন কড়ি ও কোমলে ঝড়ত দুইটি বীণা-তন্ত্রী। মদবিহ্বল কণ্ঠে বলে কামদর্পিত পুরুষ, ‘অমিতপ্রভ রক্ষোবংশে পরাক্রান্ত হেতি-পুত্র আমি—বিক্রান্ত বিদ্যাংকেশ !’

বিদ্যাংকেশ ! রাক্ষস বিদ্যাংকেশ ! যার দুর্জয় প্রতাপে তটস্থ ত্রিভুবন ! শাসনে ও শোষণে অদ্বিতীয় সেই বিদ্যাংকেশ !—বিদ্যাং-চাঞ্চল্য খেলে যায় কুমারীর দেহে, আশার আলো চমক দিয়ে যায় নয়নে। পুষ্পধনুর মত ক্র দুটি ঝাঁকিয়ে, কটাঞ্জে পুষ্পধর নিষ্ফেপ করে, সহাস্ত্রে মদস্থলিত কণ্ঠে সে বলে, ‘অসুরপ্রিয়া প্রতাপশালিনী সঙ্ঘ্যার নন্দিনী আমি—সালকটকটা !’

সালকটকটা ! মেঘদ্যুতি সঙ্ঘ্যা-নন্দিনী সালকটকটা ! রূপসী মায়াবিনী—অসুরসমাজে যে দ্বিতীয়া রতি ?—অদ্ভুত আকর্ষণ অনুভব করে অমিতপ্রভ রাক্ষস বিদ্যাংকেশ। সহসা কি মাতাল হয়ে উঠল পলাশের বন ?

শক্তিদর্পে দর্পিত রাক্ষস। সে জানে, ‘বীরভোগ্যা বসুন্ধরা’—বীরভোগ্যা যে-কোন কামিনী। ইচ্ছাই শক্তের প্রাপ্তি। স্বয়ং প্রতিগ্রাহী হলে, তাকে প্রত্যাখ্যান করবে কে ? উগ্র কামের ভূমিকা নেই, দুর্জয় দস্তুর নেই ধৈর্য। শালীনতা, সৌজন্য ভীরুর ভূষণ। সুদীর্ঘ লোলুপ বাহু প্রসারিত করে বলে কামার্ত রাক্ষস, ‘আমি তোমার পানি-প্রার্থী !’

অত্যন্ত কোঁতুক অনুভব করে সালকটকটা। অদ্ভুত শক্তিমানের যাক্কা ! বুকভরা পুলক, সর্বদেহে রোমাঞ্চ ! কেমন যেন সভয় আনন্দ-কম্পন ! ধীরে এক পা এক পা করে পিছিয়ে যায় সে—যেমন আক্রমণোত্তম মহামুখ ব্যাত্তের চোখে স্তূতীক্ক, স্থির দৃষ্টি রেখে সতর্কতার সঙ্গে পিছিয়ে যায় কুশলী শিকারী। তারপর সহসা অতর্কিতে বিদ্যাংগতিতে বনাস্তরালে অদৃশ্য হয়ে যায় চঞ্চলা। বিশাল অরণ্য অনুরণিত হয় এক অদ্ভুত চপল কলহাস্ত্রে।

অস্থির হয়ে ওঠে বিদ্যাংকেশ। আশ্চর্য মায়াবিনী ! উন্মাদের মত সে ডাকে, ‘সালকটকটা !’

অদৃশ্য বনতলে ধ্বনিত হয় আবেগকম্পিত মায়াকণ্ঠ, ‘আমিও তোমাকে কামনা করি বিদ্যাংকেশ। কুমারী স্বাধীন নয়। মাতা সঙ্ঘ্যার কাছে আমাকে প্রার্থনা কর তুমি !’

নির্জন অরণ্যে প্রতিধ্বনি ওঠে, ‘আমাকে প্রার্থনা কর তুমি...’

আর্ষেতর জাতির সংসারের নেত্রী জননী। জননীই সেখানে সমাজের নিয়ন্ত্রীশক্তি, মাতৃগোত্রই বংশের পরিচয়। কণ্ঠার পাণিপ্রার্থী হয়ে রাক্ষস বিদ্যাৎকেশ স্বয়ং এসে দাঁড়াল সায়স্তনী সঙ্ঘার দ্বারে। আড়ালে কান পেতে শুনল সালকটকটা, বিদ্যাৎকেশ বলছে, ‘হেতিপুত্র আমি, বিদ্যাৎকেশ। আমি, আপনার কণ্ঠার পাণিপ্রার্থী।’

ছুরুছুরু কাঁপছে সালকটকটার বুক—আশা, উদ্বেগ আশঙ্কা! মায়ের কি অভিমত? পূর্ণ কি হবে না তার মনস্কাম?

গভীরভাবে মনে মনে বিচার করছেন বিদুষী সঙ্ঘা। তিনিই একাধারে কণ্ঠার পিতা, মাতা, বান্ধবী। পিতা বরের গুণাগুণ বিচার করেন, মাতা কামনা করেন বরের বিস্ত। পিতার মতই ভাবলেন তিনি: বংশমর্যাদায় অতুল রক্ষোবংশ। বিদ্যাৎকেশের পিতা হেতি, সপ্তাশ্ববাহিত সূর্যের রথে তার অবস্থান। মানব, দানব, এমন কি রুদ্রশূল, বিষ্ণুচক্রেরও অবধ্য তিনি। মাতা ‘ভয়া’ও কালের ভগিনী। দুই কূলে ধন্য বিদ্যাৎকেশ। সে নিজেও অমিতবিক্রম। কণ্ঠাকে তো অপরের হস্তে সম্প্রদান করতে হবেই। সংপাত্রেই তাকে অর্পণ করা সঙ্গত। বিদ্যাৎকেশ অবশ্যই সংপাত্র।

আবার মাতার মত চিন্তা করলেন ব্রহ্ম-তনুজা: ঐশ্বর্য ও সম্পদে প্রতিষ্ঠিত রাক্ষসকুল। বিদ্যাৎকেশে কণ্ঠা সমর্পিতা হলে, কণ্ঠা অদীনা হয়ে রাষ্ট্রৈশ্বর্য ভোগের অধিকারিণী হবে। মাতার চিরকালের কামনা, কণ্ঠা আমার রাজরাণী হোক। আবার একটু ভয়ও হল তাঁর। শক্তিদর্পে উদ্ধত রাক্ষস। প্রার্থনা পূর্ণ না হলে, হয়তো বলপূর্বক বীর্যশুল্কেই এ-কণ্ঠাকে হরণ করে নেবে।

—নানাদিক থেকে বিচার করে বিদ্যাৎকেশের হস্তেই কণ্ঠাকে সমর্পণ করবেন স্থির করলেন সঙ্ঘা, মুখে বললেন, ‘আমার কণ্ঠা তোমার পাণিগৃহীতা হবে—এ অসুর কুলের পরম সৌভাগ্য! তুমি কুলীন, রক্ষোবংশের গৌরব। আমি সানন্দে এ-বিবাহে সম্মতি দিচ্ছি।’

মাতার বাক্যে উল্লাসে উল্লসিত হয় সালকটকটা। মনে মনে আশার আনন্দ-বাসর রচনা করে সে। বরের রূপ-চিন্তায় বিভোর ভাবী বধু, অস্তরভরা রূপানুরাগ। ‘অহো রূপম্ অহো ধৈর্যম্ অহো সত্বম্ অহো দ্যুতিঃ’—আহা, কি অপরূপ রূপ-মাধুরী, আহা কি ধৈর্য, আহা কি অসীম শৌর্ধ! কি অমেয় দ্যুতি, কি প্রচণ্ড শক্তি বিদ্যাৎকেশে! এই শৌর্ধের নিয়ন্ত্রী হবে সে। বিরোট মন্দর বাধা পড়বে তারই ভুজবন্ধনে! কী সুখ, কী তৃপ্তি!

কামনার রঙ যার বৃকে, কামনার নেশা যার চোখে তার কাছে চিররঙীন ভূবন। সেই ভূবনে কল্পনায় রাঙা হয়ে ওঠে কৃষ্ণা অসুর-কন্যা। এও একপ্রকার রাজ্য-ঘোটক। লগ্ন-রাশি মিলিয়েই শুধু রাজ্যঘোটক হয় না। বর যেখানে স্বয়ং যাচক, কন্যা যেখানে স্বয়ং যাচিকা, অভিভাবক যেখানে অমুকুল—সেখানে মহা রাজ্যঘোটক। এ-যেন যুক্ত-বেণীর মধুর সঙ্গম। যোগ্যের সঙ্গেই মিলিত হল যোগ্যা। বিদ্যাৎকেশের সহিত মিলিত হল সালকটকটা, রাক্ষস-শক্তির সহিত যুক্ত হল আসুরিক তেজ। ক্ষুধা ও কাম একবেণীতে মিলিত হল, যেন অনলের সহিত যুক্ত হল অনিল, যেন উন্নত সিদ্ধ তরঙ্গ বিপুল বিক্ষোভ সৃষ্টি করে উমির সঙ্গে হাত মিলাল প্রলয়-ঝাটিকা।

দৈবভাবের আজন্ম শত্রু আসুর ভাব। অসুর, রাক্ষস দেবত্বের চিরবৈরী। দম্ব, দর্প, মদ—ক্রোধ, পাক্ষ্য, অতিদ্রোহিতা—যা কিছু আসুরিক ভাব, তাদের মূল কদম্ব কাম। কাম আর ক্ষুধা ভিন্ন নয়, ভিন্ন নয় অসুর ও রাক্ষস। এক পাপের দুই মূর্তি, এক বিবৃন্তের দুই বিবফল। বিশ্বের যাবতীয় অনাচার এই ক্ষুধা-কামনার সৃষ্টি। ক্ষুধাতুর বিবৃন্তবদন, উগ্র, উগ্রতবাহু—ক্ষুধাকাতর জীব অন্ধ, বধির। তার পূর্ব-পশ্চিম, উত্তর-দক্ষিণ, উর্ধ্ব-অধঃ—দিগ্‌বিদিক্‌ জ্ঞান নেই। শুধু কি তাই? মায়া, মমতা, স্নেহ—সব ভুলিয়ে দেয় ক্ষুধা :

জনকং জননীং পুত্রান্‌ ভাষাং‌ দুহিতরং‌ তথা ।

ভ্রাতরং‌ স্বজনং‌ বাপি ত্যজতি ক্ষুধয়াদিতঃ ॥

যেমন ক্ষুধা, তেমনি কাম। কামনাও অন্ধ, বধির, নিষ্ঠুর।

দুর্দাস্ত ক্ষুধা-কামনার ভীষণ মূর্তি রাক্ষস বিদ্যাৎকেশ, অসুর-নন্দিনী সালক-টকটা। মানুষের ভাষা সে-ক্ষুধাকে বর্ণনা করতে পারে না। নির্দয় রতিবৃক্ষা, অতি নির্মম তার রূপ! মনে হয়, জগতে আর কেউ নেই, আর কিছু নেই—আছে শুধু সন্তোষ আর সন্তোষ।

এই সন্তোষেই প্রবৃত্ত হল নবদম্পতী। নববধু তুলসীমূলে প্রদীপ জ্বালান না, সঙ্কায় বাজাল না শুভ শব্দ : বর পঞ্চযজ্ঞে প্রতিষ্ঠিত হয়ে গৃহকে পবিত্র করল না, শোধ করল না পঞ্চ ঋণ। রাজপ্রাসাদ পূর্ণ হল ভোগের নাট-গীতে। সন্তোষের রসদ অর্থ। প্রজার ভাণ্ডার লুণ্ঠন করে চরিতার্থ হল রাজার ভোগ। ক্রন্দন করে উঠল ধর্ম, ক্রন্দন করে উঠল আর্ত প্রকৃতিপুঞ্জ। করগ্রাহীর রক্ত কর আগুন জ্বালিয়ে দিল প্রজার গৃহে। চতুর্দিকে অগ্নি, চতুর্দিকে হাহাকার। বিদ্যাৎকেশ-সালকটকটার প্রমোদ-ভবনে তখন মদনোৎসব।

প্রমোদের তরঙ্গ কেবল প্রাসাদ-সীমায় আবদ্ধ রইল না, বিস্তৃত হল সরিতে, সরোবরে, সাগরে ; বিস্তৃত হল কুঞ্জকাননে ও নির্জন অরণ্যে । আলোড়িত হল শৈলের শিখর, সামুদ্রেশ, কন্দর । দিন নেই, ক্ষণ নেই, পর্বকালকাল বিচার নেই । উষায়-পূর্বাঙ্কে-মধ্যাঙ্কে, অপরাঙ্কে-ভরসন্ধ্যায়, গভীর নিশীথে—কামনার বহিতে বরবধুর মুখচন্দ্রিকা ।

অরণ্যের সুন্দর শোভার প্রতি অঙ্গুলি নির্দেশ করে বলে সালকটকটা, ‘ওই দেখ, কী মনোরম সরোবর, কী সুন্দর হংসলীলা, কী নয়ন-হরণ শ্রাম দুর্বাদল, কী চমৎকার বেতসী লতার বন্ধন ।’

হেসে উত্তর দেয় বিদ্যাকেশ, ‘শোভনাক্সি ! তোমার নয়নের অচ্ছাদপটলই সরোবর, কটাক্স হংসলীলা ; তোমার সবুজ মেথলা শ্রামল দুর্বাচটি, কোমল বাছই বেতসী-লতার বন্ধন ।’

খিলখিল করে হেসে লুটিয়ে পড়ে সালকটকটা, প্রতি অঙ্গরেখায় যেন কিম্বরীর নৃত্য । বিদ্যাকেশের রক্তে উত্তপ্ত উন্মাদনা ।

মাতালের মত উন্মাদনা ! উন্মাদ রাক্ষস, উন্মাদিনী অসুরনন্দিনী । প্রমত্তা বুঝি সমগ্র প্রকৃতি । সাগরের উত্তাল তরঙ্গ বেলাবলয়ে বেষ্টিত হয়—চঞ্চল হয়ে ওঠে বিদ্যাকেশ ; সাগর-দিগন্তে দিগ্‌বধু আলিঙ্গন করে সমুদ্র-কটি—চঞ্চলা হয়ে ওঠে সালকটকটা । সমীরণ এসে স্পর্শ করে নদীজল, শিউরে ওঠে সরিৎ-তরঙ্গ—শিউরে ওঠে বিদ্যাকেশ ; কলমুখর হয়ে স্রোতস্বিনী নটিনীর মত নেচে নেচে সাগরে প্রবেশ করে—অস্থির হয়ে ওঠে সালকটকটা । সরোবরে চক্রবাক-চক্রবাকী, রাজহংস-রাজহংসীর মিথুন-চেষ্টা ওদের পাগল করে তোলে ।

গিরিশিখরে এসে দাঁড়ায় ওরা—দেখে, উষার পশ্চাতে সবেগে ছুটেছে অরুণ । রাঙা অরুণের কামনার রঙে রক্তমুখী স্ত্রী উষা । আনন্দের ভয়ে শিথিল তার সঙ্কোচ-আবরণ, তর্জনী-হেলনে প্রণয়-রোষের ভান, বাঁকানো মুখে আত্মনিবেদনের ত্রাস । কোথায় উষা ? অরুণ বক্ষে আনন্দলীনা অরুণ-প্রিয়া ।

কখনও দেখে—মত্ত দিগ্‌গজের মত ছুটেছে মেঘ ! উত্তাল হয়ে উঠেছে সিদ্ধুতরঙ্গ । প্রলয় মেঘ সবলে আকর্ষণ করছে সিদ্ধুকে, উত্তরঙ্গ সাগর প্রচণ্ডবেগে আকর্ষণ করছে মেঘকে । জলসুস্ত সৃষ্টি হয়েছে সাগরে । একাকার মেঘ ও জলধি ।

নিভ্রাহীন উদগ্র কাম, তন্ত্রাহীন উদ্দাম সন্তোষ । কোথা দিয়ে চলে যায় দিন, কোথা দিয়ে চলে যায় রাত্রি । এক যুগ যেন একটি নিমেষ । ভূপ্তিহীন,

শান্তিহীন, শাস্তিহীন ক্ষুধা। প্রমত্ত বিদ্যাকেশ যেন তপ্তসলিল সাগর—চির-
ক্ষুভিত, চিরতরঙ্গিত, চিরগর্জিত ! তার নয়ন রক্তবর্ণ, বিঘূর্ণিত মস্তক, মুখে গজ-
রাজের মত মদশ্রাব। অনঙ্গরঙ্গে মত্তা অসুর-কণ্ঠা যেন বহির লেলিহান শিখা
—কৃষ্ণকুটিল, গজমুখর, সর্বগ্রাসী। তার লোচন মদঘূর্ণিত, আরক্ত—বিপর্ষস্ত
বিভূষণ, বক্ষে ঘনশ্বাস !

অগ্নি-উচ্ছ্বাসে গজর্ন করে ওঠে আগ্নেয় পর্বত, মাতাল ঝড় ওঠে বনে, নদীর
বুকে জাগে রাক্ষসী বন্যা। কত আগুন আর যতুগৃহ ! প্রলয়ে কি এত উদ্দাম
হয় ঝড় ? বৃক্ষে বৃক্ষে সঘন ঘর্ষণ, মাটির বুকে অনলশ্বাস। বন্যার জল লাল হয়ে
ওঠে কামিনীর অঙ্গরাগে।

নিফলা নয় উদ্দগু ক্ষুধা, ব্যর্থ হয় না মত্ত ঝড়ের আবেগ। তারা রিক্ত
করে, পূর্ণও করে। রিক্ত করে পরকে, পূর্ণ হয় নিজেকে। অগ্নি যেমন হবি থেকে
অমোঘ রুদ্রতেজ গ্রহণ করে, উর্মিমুখে সংজ্ঞা যেমন গ্রহণ করে সৃষ্টির শক্তি
—তেমনি বিদ্যাকেশের রাক্ষসী তেজ ধারণ করল অসুরনন্দিনী সালকটকটা।
ক্রমে প্রকাশিত হল দৌহৃদ লক্ষণ। ক্ষীণ দেহ, পাণ্ডুর বদন—আবার দিনে
দিনে সুপুষ্ট দেহ, সুন্দর কাস্তি।

আর্যধর্মে গর্ভাধান থেকে মৃত্যু পর্যন্ত মানুষের দশবিধ সংস্কার—প্রত্যেকটি
ক্রিয়া ধর্মের সংঘত শৃঙ্খলে শৃঙ্খলিত। সেখানে অতি কঠিন গর্ভিনীর দায়িত্ব,
অতি কঠোর স্বামীর কর্তব্য। সন্তান—সে তো সন্তোগের গরল নয়, নয় উদ্ধত
কামনার বড়বা। সন্তান ধর্মযজ্ঞের পুণ্যফল, অলকনন্দার আনন্দধারা। সে
যজ্ঞফল লাভের নিয়ম আছে, সংযম আছে, মন্ত্র আছে।

কিন্তু ক্ষুধাতুর রাক্ষস, কামাতুরা অসুরনন্দিনী। নিয়মে তারা অনিয়ম,
শৃঙ্খলার ব্যতিক্রম। আসঙ্গ লিপ্সায় আরও উদ্দাম হয়ে উঠল তারা। অঙ্গ
ইন্দ্রিয়সেবায় যারা নিত্য প্রমত্ত, তাদের পান-ভোজন, হাস্ত-রোদন, অবস্থান-গমন
একসূত্রে গাথা—তেমনি একসূত্রে বাধা বিদ্যাকেশ-সালকটকটা। ক্ষণেকের তরে
বিদ্যাকেশ মেঘমুক্ত হলে যেমন গভীরভাবে গজর্ন করে ওঠে মেঘ, তেমনি মুহূর্তের
তরে ভাষা চোখের আড়াল হলে ঘোর গজর্ন করে ওঠে বিদ্যাকেশ। সালকটকটা
মদিরা পান করে বিদ্যাকেশকে প্রসাদ দেয়, বিদ্যাকেশ সেই সূধা পান করে খল-
খল হেসে ওঠে : বিদ্যাকেশ তাম্বুল চর্বণ করে অর্ধচর্বিত তাম্বুল সালকটকটার মুখে
অর্পণ করে—সেই তাম্বুল-রাগে মদমত্তা করিনীর মত ভীষণ হয়ে ওঠে মুক্তকেশী।
তারায় বাজে মেঘমল্লার।

জলভারে নমিত বর্ষার ঘন মেঘ, জলভারে পূর্ণা বর্ষার তরঙ্গিনী । কি উত্তাল ঝড়ের আবেগ ! সে-ঝড়ে চঞ্চল হয় মেঘ, চঞ্চলা হয়ে ওঠে পূর্ণা তটিনী । জল-ঝরানো তার প্রমত্ততা, তীর-ছাপানো তার উন্মত্ত উচ্ছ্বাস । ঝড়ের বৃকে আরও উচ্চগ্রামে ক্ষতলয়ে বাজে যেন মল্লার রাগ ।

সেদিন রুদ্রাধিকারভুক্ত রাক্ষসী মুহূর্তে সালকটকটা বন্ধ ছিল বিদ্যুৎকেশেরই বাহুপাশে । সহসা ত্রস্তে আলিঙ্গন-মুক্ত হল সে । ভীতা, চকিতা যেন বন-করিণী । অবাক হয়ে গেল বিদ্যুৎকেশ, সভয়ে দেখল, ঘননীল হয়ে গেছে সালকটকটা । গভীর এক অব্যক্ত যন্ত্রণার চিহ্ন চোখে-মুখে, মুহূর্তে কুঁকড়ে যাচ্ছে দেহ । কোন কথা বলার পূর্বেই, ক্ষিপ্ত পদক্ষেপে শৈল কাননাস্তরালে অদৃশ্য হয়ে গেল সে ।

উন্মাদের মত ডাকল বিদ্যুৎকেশ, ‘সালকটকটা !’—আহ্বান যেন প্রমত্ত বৃহৎ । বনতলে রিরি করে উঠল সেই নিখাদ নির্ঘোষ ।

শৈল-সামুদ্র থেকে ধ্বনিত হল বেদনাথিন্ন বিহ্বল প্রত্যুত্তর, ‘মুহূর্ত অপেক্ষা কর ।’ প্রস্তরশৈলের আঘাতে প্রতিধ্বনিত হল বিকট সেই রাসভী ধ্বনি ।

মদাতঙ্কিতের মত অস্থির বিদ্যুৎকেশ । চঞ্চল চিত্ত, চঞ্চল স্নায়ু—যেন সহস্র বিদ্যুতের তরঙ্গ খেলছে তার দেহে । শঙ্কাব্যাকুল উতলা প্রতীক্ষা । মুহূর্তে ব্যাকুলতর গর্জিত আহ্বান, ‘সালকটকটা ! সালকটকটা !’

অলক্ষ্য শৈলকাননে তেমনি উথিত হয় বেদনাকাতর, কামবিহ্বল কণ্ঠস্বর, ‘একটু অপেক্ষা কর বিদ্যুৎকেশ ।’

বনবন করে ঘোরে যেন সারা বন ! ভীষণ কম্পন ! ব্যগ্র প্রতীক্ষার আবেগ-কম্পন, অব্যক্ত বেদনার আকুল কম্পন ! বৃকের অতলে কম্পিত রক্তসিঙ্কুর রক্তবিন্দু, নয়নের অচ্ছাদপটলে কম্পিত তারারঞ্জ । বিপুল সম্ভাবনায় সভয়ে স্পন্দিত স্নকঠিন বেদনা ! কম্পিত শৈল, সরোবর, কানন, কন্দর । গোধূলির অস্পষ্ট আলোয় কাঁপছে সহস্র ত্রসরেণু, প্রদোষের ছায়ায় কাঁপছে আবছা অঙ্ককার ।

সহসা দেখা যায়, সঙ্ক্যার অঙ্ককারকে আলোড়িত করে বিজয়িনীর মত কলহাস্তে ছুটে আসছে কামোন্নতা সালকটকটা, আলিঙ্গন-লিপ্সু হয়ে ছুটে আসছে মদপ্লুতা করিণীর মত রঞ্জপ্লুতা সন্তপ্রসূতি—যেন উগ্রভীষণ ক্ষুধার গ্রাস আর একটা নিষ্ঠুর অঙ্ক ক্ষুধা ।

তখন শৈল-সামুদ্র প্রকম্পিত করে প্রাণপণে ভৈরবরবে চিৎকার করছে একটি পরিত্যক্ত, অসহায়, সদ্যোজাত শিশু—মমতাহীন কুৎসিত কামনার বিষফল সে—রাক্ষস স্নকেশ, রাবণের প্রমাতামহ ।

নীরব হলেন অগস্ত্য—নীরব হল একটি ক্ষুদ্র, কষ্ট কল্পিত কণ্ঠ। বজ্রাহতের
মত স্তম্ভ সভাকক্ষ। রত্নসিংহাসনে নিস্তম্ভ রক্ষাবিভাগী রাম—বেদনায় সজল
কমলনয়ন, ক্ষোভে ক্ষুরিত কোমল ওষ্ঠাধর। তিনি ভাবছেন, ‘এই উৎকট ক্ষুধা-
কামনারূপী নির্দয় রাক্ষসের বুভুক্ষা-গ্রাস থেকে রামরাজ্য মুক্ত হতে পেরেছে কী?’

ভবিষ্যোত্তর কালের কণ্ঠেও জাগে যেন একই প্রশ্ন, ‘উৎকট ক্ষুধা-কামনারূপী
রাক্ষসের কবল থেকে রামরাজ্য মুক্ত হতে পেরেছে কি?’*

* রামায়ণ, উত্তরকাণ্ড ৩য়, ৪র্থ সর্গ।

॥ চার্বাক ॥

প্রিয়দর্শন সুকুমার চার্বাক। তার কথিতকাঞ্চন অঙ্গবর্ণে সুচারু-সুসমা, চারু
অঙ্গে চারুতার চারুচিত্র। চারু চাঁচর চিকুর, চারু জ্বলেখা। চারু নেত্রে চারু
চাহনি, অধরে চারু হাস্যরেখা। যেমন মধুর হাসি, তেমনি মধুর ভাষী।
চারুবাকু চার্বাক।

তার জীবনে দুঃখ নেই, যেন দুঃখকে নিঃশেষে জয় করেছে সে, নীলকণ্ঠের
মত পান করেছে বিশ্বমথিত বিষ। সদাশিবের মত সদানন্দ, যেন চিরমুক্ত সুখের
নির্ভার, যেন স্বতঃস্ফূর্ত একটা স্ফূর্তি। সে বিশ্বের আনন্দমেলায় দুঃখী মানুষকে
আহ্বান করে বলে, 'সুখময় এই সাগরমেখলা শ্যামাঞ্চলা ধরণী, সুখে পূর্ণ বিশ্বের
হৃদয়পাত্র। কেন মিথ্যা দেহের বিড়ম্বনা, কেন মিথ্যা বৈরাগ্যের সাধনা?
তোমার ইন্দ্রিয় আছে—চক্ষু, কণ, জিহ্বা নাসিকা, ত্বক—পঞ্চেন্দ্রিয়ের প্রদীপে
দেখ এই ভোগবতী বসুন্ধরা, আকণ্ঠ পান কর তার রূপ, রস। দেহকে সুখভোগ
করাও—'দেহ এব আত্মা ন চাপরঃ'।

চার্বাকের মোহন বাক্য প্রভাতে-সন্ধ্যায়, মধ্যাহ্নে-মধ্যরাত্রে হৃদয়মথিত অন্তরে
সুখা বর্ষণ করে। দুঃখক্লাস্ত জীবনে এ-যেন কিন্নর কণ্ঠের গান, লোভীর জীবনে
দীপ্ত সুরা। চার্বাককে ঘিরে সমবেত হয় সহস্র লোক। ভোগীরা চার্বাককে লুফে
নেয়। যদৃচ্ছাবাদী মহামোহ ও মহামদ তার অজ্ঞাতসারে তাকে গুরুপদে
বরণ করে। সবচেয়ে আকণ্ঠ হয় সর্বহারা সাধারণ মানুষ। তারা যুগ-
যুগান্তরের বহিঃগ্রাসের অবশেষ। ধর্ম তারা বোঝে না, অধর্মকেও ভয় পায়;
মিতাচারী তারা নয়, অমিতাচারেও তাদের ভয়; দুঃখের জগতে তারা সুখ
কামনা করে, পায় না। চার্বাককে ভালবাসে তারা, প্রশ্নও করে অনেক।
চার্বাকের মধুর হাসি ওদের জীবনের ক্ষণিক আলো, সংশয়াকুল চিত্তে খ-ধূপের
মত তার মধুরাঙ্করা বাণী।

উদার অবিচল জ্ঞানী পুরুষ চার্বাককে দেখে উদাস হাসি হাসেন—তাদের
নিকট যথা চতুর্বেদ, তথা চার্বাক। কিন্তু চার্বাকের প্রতি কঠিন হয়ে ওঠেন
তার্কিক বৈদাস্তিক, সাংখ্যযোগী, নৈয়ায়িক। তর্কে তর্কে তাঁরা চার্বাক-বাক্য খণ্ডন

করেন। চার্বাকের ওপর খড়্গহস্ত যাজক ব্রাহ্মণ। তাঁরা বলেন, ‘অকাটম্ পাষণ্ড।’ কেউ মন্তব্য করেন, ‘নাস্তিক, ঘোর নাস্তিক।’ কেউ-বা তিক্তকণ্ঠে বলেন, ‘কামুক লম্পট—তাই ছুঃখের সংসারে ও মিথ্যা স্বপ্নের মদির স্বপ্ন দেখে।’

নিন্দাবাদে ক্ষুণ্ণ হয় না চার্বাক। তার ভুবন-মোহন হাসি যেন আবর্তসঙ্কুল তরঙ্গশীর্ষে শুভ্র কেনা। হেতুবাদী তार्কিক সে, ক্ষুরধার বুদ্ধি—অকাটা যুক্তি। সহাস্ত্রে সে প্রত্যুত্তর করে, ‘মূর্খ কে? যে প্রত্যক্ষে বিশ্বাসী, না যে কল্পনা-বিলাসী? আমার দর্শন মিথ্যা স্বপ্ন নয়—এর প্রণেতা স্বয়ং সত্যাত্মা বৃহস্পতি।’

শুরুকে ভাল মনে পড়ে না চার্বাকের। অনেক কালের অনেক প্রলেপ পড়েছে স্মৃতির ওপর। স্বপ্নের মত মনে হয় সুদূর অতীতের কথা। স্বপ্ন যেমন সত্যও নয়, মিথ্যাও নয়—তেমনই সত্য-মিথ্যায় গড়া তার জীবন-পঞ্জি। এ যেন তার জীবনের প্রাগৈতিহাসিক যুগের কাহিনী। কিছু স্মৃতির কঙ্কাল, কিছু কিংবদন্তী, কিছু কল্পনায় রচিত ইতি-স্মৃতি।

অনাদি অতীতের কথা। মরুভূমির যজ্ঞে পৌরোহিত্যে ব্যর্থকাম বৃহস্পতি আশ্রম বেঁধেছিলেন মর্ত্যে—নন্দীপুরে। চার্বাক উপস্থিত হয়েছিল তাঁরই আশ্রমে। নিরাশ্রয়, অনাথ, কৈশোর-অতিক্রান্ত স্ফুটনোন্মুখ এক মৃগালচ্যুত পদ্মকলিকা। আয়ত আননে ভীক উৎসুক দৃষ্টি, যেন পথহারা হরিণ-শাবক। সে জানে না—কী তার পরিচয়, কোন্ গোত্রে তার জন্ম। সারাদিন সঙ্কীর্ণ দৃষ্টি নিয়ে সে দেখেছিল ঋষির আশ্রম। এখানে উদাত্ত সামগান, ওখানে ছতহবির সৌরভ। কোথাও আশ্রমবটুদের কলকলা, কোথাও আচার্যের সুগভীর কণ্ঠ—‘অথাতো ব্রহ্ম জিজ্ঞাসা’, ‘অথাতো কর্ম-জিজ্ঞাসা’। কিশোর প্রাণে কৌতূহল, অন্তরে সহস্র প্রশ্ন—কে এই ব্রহ্ম, কী এই কর্ম, কি এদের কলশ্রুতি?

দিনাস্ত্রে সন্ধ্যা নিবিড় হয়ে এসেছিল। ক্লাস্ত চার্বাক ঘুমিয়ে পড়েছিল এক কূটীরের পাশে। সহসা ঘুম ভেঙে গেল। মধুখ প্রদীপের উজ্জ্বল আলোকে সবিস্ময়ে দেখল চার্বাক, সন্মুখে হিরণ্যবর্ণ এক ঋষি। জ্যোতির্ময় ছাতি তাঁর দেহে। স্নিগ্ধ অথচ মর্মভেদী দৃষ্টি। আশ্রয় প্রার্থনা করে তাঁরই চরণমূলে লুটিয়ে পড়েছিল চার্বাক।

আর্ধবানু আদ্বিরস বৃহস্পতি। তিনি ঋক্মন্ত্রের বরণীয় দেবতা, অমেয় তাঁর ভপোবল। তিনি গণপতি, সত্যনিষ্ঠ তাঁর দৃষ্টি। সত্যের সঙ্কানী-আলো ফেলে কি যেন দেখলেন তিনি ওই কমল-নয়নে, কি যেন আবিষ্কার করলেন তিনি

ওই কোমল পদ্ম-কলিকায় । স্নেহে বালককে উঠিয়ে পরম আগ্রহে মস্তক আত্মাণ করলেন । অন্তর জুড়িয়ে গেল চার্বাকের । কি স্নেহের স্পর্শ !

আজ্ঞা স্নেহের কাঙাল চার্বাক—অনাথ যাযাবর । কতবার মাতাপিতার জন্ম হৃদয় কেঁদে উঠেছে । কেউ বলেছেন, প্রেতলোক থেকে অজুষ্ঠপ্রমাণ দেহ নিয়ে তাঁরা চার্বাককে দেখছেন । সে ভেবেছে, প্রেতলোক থেকে তাহলে কেন ফিরে আসেন না জননী ? কেন স্নেহস্পর্শ বুলিয়ে দেন না তাকে ? মৃত্যুর পর সত্যিই মানুষের কোন অস্তিত্ব থাকে কী ? কত মাথা কুটেছে সে দেবতার পায়ে । কোনও দেবতা কর্ণপাত করেন নি । মনে জেগেছে সংশয়—দেবতা যদি জগৎপিতা, সন্তান কেন নিরাশ্রয় ? দেবতা যদি জগন্মাতা, সন্তান কেন স্নেহবঞ্চিত ?

আজ এই প্রথম স্নেহের আশ্বাদন, এই প্রথম সুখের অনুভূতি । চার্বাকের মনে হয়—মিথ্যা দেবতা, মিথ্যা পরলোক । সত্য এই পৃথিবী, প্রত্যক্ষ সত্য এই মাটির মমতা । স্নেহের গন্ধোত্রী ধরণী, বুকে তার সোহাগের সহস্রধারা ।

আশ্রমে দ্বিতীয় প্রভাতের কথা । রজনী অতিবাহিত হয়েছিল এক স্বপ্নময় বিভোরতায় । শুভ ব্রাহ্ম-মূর্ত্তে তাঁকে ডেকে স্নেহে বললেন কুলপতি বৃহস্পতি, ‘যাও চার্বাক, ক্রৌঞ্চ-সরোবরে স্নান করে এস । শুচি হও, শুদ্ধ হও । হোমাগ্নিতে যজ্ঞপুরুষের আবাহন করে আজ তোমায় গায়ত্রী দীক্ষা দেব ।’

সবিস্ময়ে নীল আয়ত দুটি নয়ন মেলে নির্বাক দাঁড়িয়ে ছিল চার্বাক । গায়ত্রী দীক্ষা ! কার গায়ত্রী ? দেবতার বরণীয় শক্তিতে তার সংশয় । কোথায় যজ্ঞ-পুরুষ ? হোমাগ্নির দিকে স্থির লক্ষ্য রেখে সে দেখেছে—নীললোহিত অগ্নিশিখা অগ্নিশিখাই মাত্র । যজ্ঞপুরুষের কল্পনা অনুমান ।

গভীরকণ্ঠে বৃহস্পতি বললেন, ‘দাঁড়িয়ে রইলে যে ! ব্রাহ্ম-মূর্ত্ত অতীত হয়ে যায় । ওই দেখ, পূর্বদিগন্তে প্রত্যাষেব পূর্বাভাস । যাও, শুচি-স্নান করে এস ।’

নিশ্চল চার্বাক, যেন নিশ্চল একখানি কোমল কচি দার্টা, যেন অচল বজ্রগর্ভ বিদ্যুৎ । অহীনদ্ব্যতি নয়নে দৃঢ়তাব্যঞ্জক দৃষ্টি । অকস্পকণ্ঠে সে বলে, ‘আমি বিশ্বাস করি না গায়ত্রী মন্ত্র, হোমাগ্নিতে হিরণ্ময় পুরুষের আবির্ভাবে আমি আস্থাহীন ।’

কি বলছে এই বালক ! জড়তাহীন কণ্ঠ, দ্বিধাহীন উক্তি । দেবগুরু সন্মুখে দাঁড়িয়ে দেবশক্তিতে সংশয় প্রকাশ করছে এক অর্বাচীন শিশু ! শিশুর মত তো কথা নয় তার ? বিস্ময়ে হতবাক হন সুরগুরু । কোপ নয়নে নয়, অমৃত নয়নে

তিনি নির্নিমেঘ তাকিয়ে থাকেন সেই চারু নয়ন-শোভিত চারু অঙ্গের প্রতি ।
কে এই বালক ! কার কণ্ঠে ধ্বনিত হচ্ছে, তাঁরই অন্তরের গোপন এক প্রত্যক্ষ
সত্যের অনুভূতি ? ধীরে প্রশ্ন করেন তিনি, 'দেবতায় বিশ্বাস নেই তোমার ?'

দৃঢ়স্বরে বলে চার্বাক, 'পরোক্ষ সত্যে বিশ্বাস নেই আমার । আমি বিশ্বাস
করি প্রত্যক্ষ এই ভূস্বর্গ, বিশ্বাস করি—আপনার মত প্রত্যক্ষ দেবতায় । যদি এমন
কোন শাস্ত্র থাকে, যা এই জগতকে ভালবাসতে শেখায়, আমায় তাই উপদেশ
করুন ।'

নিষ্ঠাবান আস্থিক বৃহস্পতি । বালকের এই নাস্তিকতায় ক্রুদ্ধ হলেন না, ক্রুদ্ধও
হলেন না । স্বীয় অন্তরের রহস্যময় জিজ্ঞাসার প্রতিমূর্তি এই বালকের ওপর তিনি
নিঃশেষে ঢেলে দিলেন হৃদয়ের স্নেহভাণ্ড । শুরগুরুর আশ্রমেই শিষ্যরূপে আশ্রয়
পেল চার্বাক ।

আশ্রমের অন্ত্যন্ত বালক থেকে পৃথক ছিল তার আবাস । সহস্র সশস্ত্র কোঁতু-
হলী দৃষ্টির কেন্দ্র সে—স্বতন্ত্র । তার শিক্ষা-দীক্ষার ব্যবস্থাও পৃথক । না ছিল
কঠোর কর্মের বন্ধন, না ছিল গুরু দায়িত্ব । কঠিন ব্রহ্মচর্যের পথে তার তপস্চর্যা
নয় । তাকে ব্রতভিক্ষা করতে হয় না, ধারণ করতে হয় না বহুল । তার পরিধেয়
কার্পাস বস্ত্র বা চীনাংশুক । আহার-বিহারেও সে সম্পূর্ণ স্বাধীন । কলমূল
আতপান নয়, চার্বাকের রাজসিক আহার ।

মুক্ত বিহঙ্গের মত ইচ্ছাপক্ষ বিস্তার কবে চার্বাক ভ্রমণ কবে আশ্রমে, অরণ্যে ।
সে হৃদয় পূর্ণ করে পান করে নিসর্গ-সৌন্দর্য । আশ্চর্য স্মন্দব এই তুচ্ছ ধূলিকণা !
কোথায় কোন্ সহকারে আলোকলতার বন্ধন, কোথায় কোন্ পুষ্পে কোন্ রক্তিনী
প্রজাপতির সঞ্চরণ—সব তার কণ্ঠস্থ । বন-তটিনীর মত লীলাচঞ্চল তার জীবন
প্রকৃতির সঙ্গে একসূত্রে গাঁথা ।

আশ্রমের বহির্ভাগে থাকেন স্নেহময়ী জননীর মত এক যোগিনী । তাঁর রহস্যময়
জীবন চার্বাকের পরম বিষয় । কাঞ্চনদীপ্ত দেহবর্ণ, পরিমানে রক্তগৈরিক, আলু-
নাযিত কেশভার । সীমস্তে উজ্জ্বল সিন্দূর, কণ্ঠে কদ্রাক্ষ মালা, হস্তে স্ত্রীদীর্ঘ ত্রিশূল !
প্রদীপ্ত নয়নে স্নেহের তরলতা । মাতৃহারা হরিণ, ময়ূব, করভ-শিশুর তিনি ধাত্রী,
যন জীবধাত্রী জননী ।

মধুর এই প্রীতির পৃথিবীতে চার্বাকের অত্যন্ত বিশ্রী মনে হয়, নৈষ্ঠিক ব্রাহ্মণের
স্বর্গাত ভেদজ্ঞান । ইনি ব্রাহ্মণ, উনি ক্ষত্রিয়, এ বৈশ্য—তাদের পৃথক পৃথক
স্বাক্ষরীর বেশ । শিক্ষার বিষয়, এমন কি আশীর্বাদের বচনটি পর্যন্ত স্বতন্ত্র ।

শূন্দের প্রতি আশ্রমবাসীর উন্নাসিক আচরণে মর্মান্বিত হয় চার্বাক । একপ্রকার অবয়ব, দেহে একই শোণিত প্রবাহ—তবু ওরা অস্পৃশ্য, বেদাধ্যয়নে বঞ্চিত । চিরকালের মূর্খত্বের চিহ্ন ওদের মুখে, চিরকালের অবজ্ঞার আতঙ্ক ওদের চোখে । শায়কবিদ্ধ বিহঙ্গমের মত চার্বাকের আহত হৃদয় অরুস্তদ বেদনায় ক্রন্দন করে ওঠে । মানুষের অধিকারে এ-বঞ্চনা কার বিধান ? একটা ক্ষুদ্র বিদ্রোহ প্রধুমিত হয় অস্তরে ।

এই বিদ্রোহেরই একটি ফুলিঙ্গ ছড়িয়ে পড়ল আশ্রমে, যেদিন চার্বাক ইচ্ছা করেই প্রবেশ করল সরিহিত শবরপল্লীতে । মৃগয়াজীবী শবর—ঋষির আশ্রমে তাদের প্রবেশ নিষিদ্ধ । আশ্রমের বহির্দ্বারে তারা সেবার অর্ঘ্য রেখে যায়—শ্বেতলোধ, বদরীফল, গণ্ডারশঙ্গ—কখন বা ময়ূরপুচ্ছ, কৃষ্ণাজিন । নিষ্ঠাবান ব্রাহ্মণ পরিচর্যা গ্রহণ করেন, কিন্তু স্পর্শ করেন না তাদের । তারা নাকি অস্ত্যজ, স্নেহ ! অথচ চার্বাক লক্ষ্য করে—স্নেহশীলা যোগিনী নির্বিচারে ভ্রমণ করেন শবর-পল্লীতে, তাঁর মধুর হাসি মিলিয়ে দেন ওদের মাদল-ধ্বনির সঙ্গে । অস্ত্যজের সুখ-দুঃখের সঙ্গিনী তিনি ।

চার্বাককেও আকর্ষণ করে শবরশবরীর মুক্ত জীবন, যেন আকাশে সঞ্চরমান মুক্ত কালো মেঘ । শবরী বালিকা—অঙ্গে সূঠাম স্বাস্থ্যের পরিপূর্ণ সুসমা, কণ্ঠে গুঞ্জাহার, কুটিল-কুস্তলে পিঙ্কচূড়া । ওদের ভাষা বোঝে না চার্বাক, কিন্তু ওদের ঝঙ্কার-মুখর অনুকারধ্বনি শ্রুতিমূলে সুধা বর্ষণ করে । অনেকদিন সে ধরতে চেষ্টা করেছে, পারে নি । সর্পগতি ওদের চরণে, চঞ্চল প্রাণ-প্রবাহ ওদের দেহে । চকিতে চমক সৃষ্টি করে নিবিড় বনে অদৃশ্য হয়ে যায় । নিজের অরণ্য স্পন্দিত হয় অদ্ভুত এক হাস্যতরঙ্গে ।

সেদিন ধরে ফেলল সে, যেন হাতের মুঠোয় ধরা পড়ল ছোট্ট একটি নীলাকাশ ! আগ্রত কাজল নয়ন, চঞ্চল সভয় দৃষ্টি, বক্ষে ঘনশ্বাস ! কি নাম ? চার্বাক শুনেছিল, ওর নাম নন্দা । নন্দাই বটে । দেহ-রেখায় নন্দিত ঝরনার কিয়রীলীলা । এ এক নূতন অনুভূতি । স্পর্শে সহস্র বিদ্যুতের তরঙ্গ একসঙ্গে নৃত্য করে চার্বাকের অঙ্গে । মোহময় আকর্ষণ ওই অয়স্কান্ত তনুদেহে ।

তার অন্তমনস্কতার সূযোগে মুক্ত হয়ে গিয়েছিল চঞ্চলা বন-হরিণী । চার্বাক ক্ষুণ্ণ ছুটতে উদ্ভত হয়েছিল তার পশ্চাতে । বিশ্বয়ের ওপর বিশ্বয় ! নন্দা নয়, সম্মুখে সেই আনন্দ-ভৈরবী—ত্রিশূলধারিণী স্নেহময়ী জননী ; নয়নে করুণাধারা, অধরে রহস্যময় হাসি ! স্নেহমানে অভিমান্ত চার্বাক । এত সুন্দর, এত মধুর এই পৃথিবী !

আশ্রমে ছি-ছি রব উঠল। চার্বাক সম্পর্কে ধিক্বারে প্রকাশ্য গুঞ্জন উঠল নন্দীপুরে। ব্রাহ্মণ্য ধর্মের শাসন-সীমা লঙ্ঘন করে সে শবরীকে স্পর্শ করেছে। যজ্ঞহীন চার্বাক, স্পৃহাস্পৃহাও বোধ নেই তার। আশ্রমবটুদের মধ্যে চলল জল্পনা, নিক্ষিপ্ত হল বক্র কটাক্ষ। একজন বলল, 'নিশ্চয় আসন্ন ঘোর কলি, নইলে এমন করে কি লোপ পায় বর্ণাশ্রম ধর্ম?' কেউ-বা বক্র শ্লেষে বলল, 'দুরাচার বিতণ্ডাবাদী ধূর্ত! আবার বলে, আমরা সুশিক্ষিত!' কেউ-বা নাসিকা কুঞ্চিত করে মস্তব্য করল—'কাম এষ—এ-হল আদিমতম পশুবৃত্তি। আশ্রমে তো সুযোগ নেই তার, তাই বাছাধন গিয়েছেন শবরপল্লীতে।'

মস্তব্য শুনে বিমূঢ় হয়ে যায় চার্বাক। বিচারহীন এ কি কুংসিত সমালোচনা! ক্ষোভে, ক্রোধে, ঘৃণায় অন্তর পূর্ণ হয়। পাণ্ডিত্যের এই কদর্য হীনতা? এবাই শম-দম-নিয়মাধীন ব্রহ্মচারী? ক্ষুদ্রচিত্তে চার্বাক আসে গুরু বৃহস্পতির কুটিরে—

'গুরুদেব!'

'কি চার্বাক?'

'শবর-কন্যা নন্দাকে স্পর্শ করেছি আমি।'

'তাতে কি হয়েছে?'

'ওরা নাকি অস্পৃশ্য!'

প্রশান্ত হাস্তবেশা ফুটে ওঠে গুরুর আননে। তিনি বলেন, 'একই উপাদানে নির্মিত মানুষ। ক্ষিতি অপ তেজ-মরুৎ—চতুর্ভূতের সমষ্টি জীবদেহ। এতে ভেদজ্ঞান করে তারাই, যারা মূর্খ। তুমি কোন অন্ডায় কর নি বৎস! মানুষ—মানুষ। এর চেয়ে বড় পরিচয় কিছু নেই।'

গুরুর বাক্যে মেঘের ছায়া কেটে যায় চার্বাকের। কি মুক্ত দৃষ্টি! কি উদার মনোভাব! স্বচ্ছ দর্পণের মত নির্মল হৃদয়! তবু আরও একটা পর্বতপ্রমাণ পুঞ্জিত অভিযোগ নিয়ে দাঁড়িয়ে থাকে চার্বাক। ফুল্লযৌবনা শবরীর স্পর্শে যে নূতন অশুভূতি, তাকে কেন্দ্র করে আশ্রমবাসীদের যে কুশ্রী ইঙ্গিত—তা জানানো হয় না গুরুকে।

অস্তর্দ্রষ্টা ঋষি বৃহস্পতি। ক্ষুদ্র নীরব অভিযোগের উত্তর ধ্বনিত হয় তাঁর কণ্ঠে, 'সবই আমি শুনেছি,—বৎস! প্রকৃতির প্রথম স্পর্শে পুরুষদেহে যে নব পুলক-রোমাঞ্চ, তা তো মিথ্যা নয়। দোষেরও নয় এ-অশুভূতি। চিরন্তন এ সৃজন-চুম্বক। ভাগীরথীর উত্তাল প্রবাহের মত এ-আবেগ মস্ত দিগ্গজকে ভাসিয়ে নিয়ে যায়, আবার এরই প্রভাবে সৃষ্টি মধুময় হয়ে ওঠে। অসত্য, অস্বাভাবিক

বলে যারা একে অস্বীকার করে, তারা ভণ্ড। ভণ্ডের কুতর্কে বিচলিত হয়ে
না বৎস !’

অব্রাহাম সিদ্ধান্তে মুগ্ধ হয়ে যায় চার্বাক। গুরু কি শিষ্যেরই দ্বিতীয় অন্তর ?
সার্থক তার জীবন, এমন গুরুর শিষ্য সে ! পরম তৃপ্তিতে বেরিয়ে আসে
চার্বাক। লোক-জীবনের এই গুঢ় সত্যের সংবাদ ভৈরবী ও নন্দাকে শোনাতে
হবে।

সারাদিন চার্বাকের অবাধ স্বাধীনতা। নিশান্তে ব্রাহ্ম-মূর্ত্তে বৃহস্পতির
আশ্রম কলমুখর হয়, চার্বাক তখন দিব্য আরামে নিদ্রার আরাধনা করে।
কখনও কোলাহলে ঘুম ভেঙে যায়, বিরক্ত হয় চার্বাক। কি নির্বোধ এই
তাপস, যাজ্ঞিক ! যজ্ঞ থেকে নাকি পর্জন্যের সমুদ্ভব ! ইন্দ্র নাকি পর্জন্যের
অধিদেবতা ! স্বাভাবিক কারণেই মেঘ বারিবর্ষণ করে। তার জন্ম ইন্দ্রযাগের
প্রয়োজন কি ? কে এই ইন্দ্র ? যজ্ঞাগ্নিতে মিথ্যা হবির অপব্যবহার। অগ্নিতে
ঘুতাহুতি না দিয়ে মূর্খেরা যদি ঘুত সেবন করত—তাহলে পুষ্টি হত ওদের শীর্ণ
দেহ, সুস্থ হত বিকৃত মস্তিষ্ক।

নিজের মনেই বিচার করে চার্বাক। আত্মা আর পরলোকের চিন্তায় এরা
অবসর নষ্ট করে। অনুমানে ভ্রান্ত জগৎ। দেহের অতিরিক্ত আত্মা কোথায় ?
পুং-প্রকৃতিযোগে শুক্রশোণিতে দেহের জন্ম ; চতুর্ভূতের সংযোগে মদে মাদক-
শক্তির গ্ৰায় চৈতন্যের আবির্ভাব। যতদিন দেহ, ততদিন চৈতন্য। তবু এরা
ভাবে, মৃত্যুর পর দেহ থাকে, চৈতন্য থাকে। ‘ভস্মীভূতশ্চ দেহশ্চ পুনরাগমনং
কুতঃ’—তাহলে তো দক্ষ বৃক্ষেও ফলোৎপত্তির কল্পনা করতে হয়।

উত্তেজিত হয়ে ওঠে চার্বাক ! জীবনযুদ্ধে পরাভূত ধূর্ত ব্রাহ্মণের অবাস্তব
কল্পনায় কোন্ পথে চলেছে বিচার-মূঢ় মানুষ ! মিথ্যা এই প্রত্যক্ষ দেহ ?
মিথ্যা এই সংসার ? চার্বাকের ইচ্ছা হয়, বেদ-ব্রাহ্মণকে সে ভস্মসাৎ করে।

ভৈরবীর কথা মনে করে ঈষৎ শাস্ত হয় সে। ভৈরবী আস্তিক, রহস্যময়
তার সাধন। তিনি বলেন, ‘দেহের মত দুর্লভ সামগ্রী ত্রিভুবনে অন্য কিছু নেই ;
তিনি বলেন, ‘ন গৃহং বন্ধনাগারম্’। সংসার মিথ্যা নয়, ভোগদেহ মিথ্যা নয়।
দেহতত্ত্বের সাধন কর, ত্রিভুবনকে ভালবাস।’ কি জ্যোতির্ময় ছুটি নয়ন !
কি স্নেহপূর্ণ মধুক্ষরা বাণী ! শ্রদ্ধায় আনত হয় চার্বাকের মস্তক।

শয্যা ত্যাগ করে ওঠে সে। অতিক্রান্ত প্রভাতবেলা। সূর্যরশ্মিপাতে
আলোকিত পৃথিবী, যেন শুচিন্নাতা পতিব্রতা। কি সুন্দর তার নয়ন-মোহন

রূপ! হায়, মূৰ্খ মানুষ এই রূপ-রস হৃদয় পূর্ণ করে পান করে না। প্রত্যক্ষ সত্য এই ভোগ, প্রত্যক্ষ সিদ্ধ এই সুখ। মানুষের আসক্তি মরীচিকার প্রতি। হায় রে বিরক্ত নিবর্ত সাধক!

অবশ্য এ সকলই গুরু বৃহস্পতির বাক্য, যাকে লোকে বলে 'বাহস্পত্য দর্শন'। দিনমানে গুরু ব্যস্ত থাকেন আশ্রমিক পর্বে। সন্ধ্যাকালেও অবসর নেই তাঁর। কিন্তু গভীর নিশীথে যখন নিদ্রার উৎসঙ্গে আশ্রয় নেয় আশ্রম, বেদমন্ত্রের শেষ অক্ষরগণ নিঃশেষে মিলিয়ে যায়, তখন মধুখ প্রদীপের উজ্জ্বল দীপালোকে উটজাভ্যস্তরে মুখোমুখি বসেন গুরু ও শিষ্য—বৃহস্পতি ও চার্বাক; বৈদিক বিশ্বাস ও ক্রিয়াকর্মের দুই জলন্ত প্রতিবাদ। বৃহস্পতি তখন সুরগুরু নন, যেন কপট অ-সুরগুরু—ঘোর সংশয়বাদী, ঘোর নাস্তিক। অনুমান-সিদ্ধান্তের বিরুদ্ধে নিনাদিত হয় তাঁর বোষাকুল সুগভীর কণ্ঠ:

‘ন স্বর্গো নাপবর্গো নৈবাত্মা পারলৌকিকঃ।

নৈব বর্ণাশ্রমাদীনাং ক্রিয়াশ্চ ফলদায়িকাঃ ॥’

চার্বাক তখন পূর্বপক্ষ করে, ‘স্বর্গ, নবক, আত্মা, পরলোক যদি মিথ্যা হয়, যদি মিথ্যা হয় বর্ণাশ্রম, ক্রিয়াযজ্ঞ—তাহলে নৈষ্ঠিক ব্রাহ্মণ ক্রিয়া করে কেন?’

ক্রোধে আরক্ত হয়ে বলেন অমিততেজা বৃহস্পতি, ‘ত্রয়ো বেদশ্চ কর্তারো ভণ্ড-ধূর্ত-নিশাচরাঃ’—ত্রিবেদের কর্তা ভণ্ড, ধূর্ত, বাক্ষস। অবোধ সম্মানকে মোদকের আশা দিয়ে যেমন চলনা করেন অনেক অভিভাবক, তেমনই স্বর্গ-নরকের মিথ্যা বাক্য দিয়ে নির্বোধ যজ্ঞমানকে প্রতারণা করে এই স্বার্থলোভী ধূর্তের দল। শ্রাদ্ধ-তর্পণের নির্দেশও ওদের। হা রে মূৰ্খ, ‘নির্বাণ-দীপে কিমু তৈলদানম?’—শ্রাদ্ধেই যদি মৃত ব্যক্তির তৃপ্তি, তাহলে বিদেশগামী পথিককে পাথের না দিয়ে গৃহে বসে শ্রাদ্ধ করলেই তো তার ক্ষুধা নিবৃত্তি হতে পারে! যজ্ঞে পশু বলি দিলে যদি পশুর মুক্তি হয়, যজ্ঞমান নিজ পিতাকে বলি দেয় না কেন?’

আক্রোশে গজ্জন কবতে থাকেন লোকায়ত বৃহস্পতি। উৎসাহিত হয়ে চার্বাক প্রশ্ন করে, ‘তাহলে পুরুষার্থ কি? মোক্ষ কি?’

উত্তর করেন গণপতি আন্ধিরস, ‘সুখমেব পুরুষার্থঃ, কাম এবৈকঃ পুরুষার্থঃ।—প্রত্যক্ষ গোচর সুখ, ইন্দ্রিয়জ্ঞ ভোগের সার্থকতাই পুরুষার্থ। চেয়ে দেখ লোকসিদ্ধ রাজার জীবন, ধরাতলে মূর্তিমান ঈশ্বর—যেমন ঐশ্বর্য, তেমনি ভোগ।

এই রাজোচিত ভোগই কাম্য। ‘ভূমিবার্ধনলানিলাঃ’—চতুর্ভূতের সমষ্টি দেহ। দেহই আত্মা! দেহের সুখেই আত্মার সুখ। দেহোচ্ছেদে মৃত্যু। এই মৃত্যুই মোক্ষ। যতদিন মোক্ষ না হয়, বাঁচার মত বাঁচ, জীবনে সুখ-সন্তোষ কর, যাবজ্জীবন সুখং জীবনং।’

চার্বাক প্রতিবাদ করে, বিশুদ্ধ সুখ জগতে কোথায়? সুখের অন্তরায় দুঃখ, যেন মৃগালে কণ্টক। দুঃখে মিশ্রিত এই সুখভোগে আগ্রহ হবে কেন?’

সিংহগর্জনে উত্তর করেন লোক্য বৃহস্পতি, ‘হা রে অর্বাচীন, দুঃখ-মিশ্রিত বলে যারা সুখকে পরিহার করে, তারা পশুবৎ মূর্খ। মৎস্য কণ্টক ও শঙ্কযুক্ত বলে যারা মৎস্য ভোজনে বিরত হয়, তারা নির্বোধ। শোন বৎস, সুখের সঙ্গে কিঞ্চিৎ দুঃখ মিশ্রিত থাকেই। ‘দুঃখভয়াৎ ন অনুকূলবেদনীয়ং সুখং ত্যক্তমুচিতম।’ পুরুষকার দিয়ে দুঃখকে জয় করতে হবে, অর্থ দিয়ে আহরণ করতে হবে কাম্য সুখ। অর্থ অর্জনের সময় মনে রাখবে, জরা নেই, মৃত্যু নেই—আছে শুধু এক লক্ষ্য—‘অর্থকামৌ পুরুষার্থৌ।’ সকল সত্যের চরম এই সত্য—জগৎ দুঃখময় নয়, অনন্ত সুখের নিলয় ধরণী।’

পরিতৃপ্ত হয় চার্বাক। ধ্রুবতারার মত প্রত্যক্ষ, সত্য মনে হয় গুরুর বাক্য। কথায় কি তেজ! যেন অনুভূত সত্যের বাস্তব প্রকাশ। গুরুর চরণে প্রণাম করে যখন বাইরে আসে ‘সুশিক্ষিত’ চার্বাক, তখন রজনীর মধ্যযাম অতীত হয়ে যায়। নিস্তব্ধ চরাচর, নীরব ঘনকৃষ্ণ রাত্রির আকাশতল। উর্ধ্ব সহস্র নক্ষত্রের সভা। উদ্যান-পুষ্পের মত কাঞ্চনবর্ণী তারকারাজি। ওরা রাতের ফুল। কি বিচিত্র এই ভুলোক! লোকচক্ষুর অন্তরালেও এত শোভা এত আনন্দের আয়োজন আর কোথায়? সুন্দরী ধরণী, প্রাণময়ী নন্দা, স্নেহময়ী ভৈরবী। অন্তঃকর্ণে বাজে যেন গুরুর শেষ কথা কয়টি—‘জগৎ দুঃখময় নয়, অনন্ত সুখের নিলয় ধরণী।’

একটি বিষয়ে সংশয় ঘোচে না চার্বাকের। যজ্ঞক্রিয়ার বিরোধী হলেও গুরুর আশ্রমে যাগ-যজ্ঞের এত বাহুল্য কেন? কথায় ও কর্মে কোথায় সামঞ্জস্য? গুরুর লোকায়ত দর্শন কি সত্যের উপলব্ধিজাত নয়? কতদিন মনে করেছে সে, এ বিষয়ে প্রশ্ন করবে, প্রশ্নও করেছে। কিন্তু গুরু প্রশ্ন এড়িয়ে গেছেন। এদিকে সমাপ্তপ্রায় চার্বাকের শিক্ষা। গুরুদেব বলেছেন, এবার জগতে প্রচার করতে হবে তাঁর দর্শন। কিন্তু যে সত্যোপলব্ধি থেকে দর্শনের উৎপত্তি, তা যদি অজ্ঞাত থাকে, চার্বাক প্রেরণা পাবে কোথা থেকে?

সেদিন সন্ধ্যার ছায়ায় বনাস্তরালে দাঁড়িয়েছিল চার্বাক—প্রশ্নব্যাকুল হৃদয় ।
অদূরে চলেছে আশ্রমবটুদের আলোচনা, আশ্ফালন, পাণ্ডিত্যের দস্তোক্তি, পরচর্চা ।
সহসা সে শুনল, প্রসঙ্গ উঠেছে তাকে নিয়েই । উৎকর্ণ হল চার্বাক ।

একজন বলেছে, ‘ওহে, সুশিক্ষিত চার্বাকের ভালই শিক্ষা’ হয়েছে । পাষণ্ডকে
পাষণ্ড ধর্ম শিক্ষা দিয়েছেন গুরু । চার্বাক হল পাষণ্ড পণ্ডিত ।’ আর একজন
বলল, ‘মূর্খ বিচার করল না, বৃহস্পতি সুরগুরু—স্বর্গের পুরোহিত । তিনি
নাস্তিবাদার্থ শিক্ষা দেবেন কেন ? সুর ও স্বর্গ যদি মিথ্যা, সুরগুরু নামটাও অলীক !’

তীক্ষ্ণ ব্যঙ্গ করে আর একজন বলে উঠল, ‘নির্বোধ বোঝেও না কিছু, জানেও
না কিছু । ইন্দ্রের প্রার্থনায় দেবগুরু এ দর্শন রচনা করেছিলেন দানব মোহনার্থ ।
‘ইন্দ্রস্য অভয়ায়, অসুরানাং ক্ষয়ায়’ এর সৃষ্টি । সেই দর্শন তিনি বেছে বেছে শিক্ষা
দিয়েছেন গণ্ডমূর্খকে ।’

উত্তেজিত হয়ে ওঠে চার্বাক । গুরু কি তাহলে কপটতা করে তাকে কপট
শিক্ষা দিয়েছেন ? দানব-ধর্মে দীক্ষিত হয়েছে সে ? ক্রতপদে সে অগ্রসর হয়
গুরুর কুটিরের দিকে । অন্তরে অশাস্ত বিক্ষোভ-প্রশ্ন ! আকাশের সপ্তর্ষিমণ্ডলেও
কি সেই প্রশ্ন ?

কুটির প্রাঙ্গণে পদচারণ করছেন দেবাচার্য বৃহস্পতি । দীর্ঘদর্শন সৌম্যশাস্ত্র,
উর্ধ্বাকাশের ধ্রুব নক্ষত্রের জ্যোতির্ময় সত্যের দীপ্তি তাঁর নয়নে । সত্যকে কি
গোপন করেছেন সত্যদ্রষ্টা ? ত্বরিতে সোজা প্রশ্ন করল চার্বাক, ‘যে লোকায়ত
দর্শন শিক্ষা দিয়েছেন আমায়, তা কি আপনার পরীক্ষিত সত্য ? সত্য কি
আপনার অর্থশাস্ত্র ?’

গভীর রাত্রি । কার ইন্ধিতে যেন কোলাহল-মুখর বিশ্ব স্তব্ধ হয়ে গেছে ।
কুটিরের দ্বারপথে বিচ্ছুরিত আলোর স্নান দীপ্তি গুরুর মুখে । শিষ্যের প্রশ্নে একটু
বিত্রত বোধ করেন, কিন্তু পরমুহূর্তেই আত্মসংবরণ করে প্রশান্ত কণ্ঠে তিনি বলেন,
‘নির্বিশেষ নিরঞ্জন সত্যের মুখ কে দেখেছে, বৎস ! ‘কো দদর্শ প্রথমং জায়মানম্ ?’
জগতে যেমন অবিমিশ্র সুখ-দুঃখ নেই, তেমনি নেই নির্বিশেষ সত্য বা মিথ্যা ।
সংশয় পরিত্যাগ কর । যা শিখিয়েছি, সেই শিক্ষাকে ধ্রুব বলে গ্রহণ কর ।’

‘আমি গ্রহণ করতে পারি, কিন্তু লোকে বলে—

‘কি বলে বৎস ।’

‘বলে, গণপতি বৃহস্পতির লোকায়ত দর্শন কপট দর্শন । বেদ-বিরোধী এ
দর্শন মিথ্যা—দানব ও অসুরকে বিভ্রান্ত করার একটা অপকৌশল ।’

নীরব হয় চার্বাক—একটু নীরব থাকেন বৃহস্পতি ! তারপর ধীর-গম্ভীর স্বরে তিনি বলেন ‘লোকে একথা বলতে পারে চার্বাক, কারণ, এর পৌরাণিক প্রমাণ রয়েছে। ইন্দ্রের প্রার্থনায় আমি এই মতবাদ বীর্যবান রজ্জিপুত্রদের নিকট প্রচার করেছিলাম। রজ্জি ছিলেন মহাপরাক্রান্ত নৃপতি। তাঁরই পুত্রদের বিক্রমে স্বর্গভ্রষ্ট ইন্দ্র অতি কাতরভাবে আমার নিকট প্রতিকার প্রার্থনা করেছিল। সে যে কি কাতর প্রার্থনা!—চমকে উঠলাম আমি। এই ইন্দ্র? স্বর্গের অধীশ্বর?—তাকে অভয় দিয়ে বলেছিলাম, বেশ, এর প্রতিকার করব আমি। তারপর আমার এই অর্থশাস্ত্র রজ্জিপুত্রদের নিকট প্রচার করেছিলাম। তারা বিভ্রান্ত হয়েছিল, পরাজয়ও হয়েছিল তাদের। দেবতাদের অনুরোধে শুক্রাচার্যের অনুপস্থিতিতে ছদ্ম শুক্রাচার্যের বেশ ধারণ করে আমি দানবদের কাছেও এই শাস্ত্র প্রচার করেছিলাম। তার ফলে দানবেরাও ভ্রান্ত পথে পরিচালিত হয়েছিল। দৈত্যপ্রধান অরুণ ছিল গায়ত্রী মন্ত্রের উপাসক—ত্রিভুবনে অজ্ঞেয়। আমারই হেতুবাদে সে গায়ত্রীমন্ত্র ত্যাগ করে হীনবীর্য হয়েছিল। বহুবার এই দর্শন দানব-অনুরদের বিভ্রান্ত করেছে—তাই লোকে প্রচারিত হয়েছে, দেবাচার্য বৃহস্পতি দানব-মোহনার্থ এই লোকায়ত দর্শন রচনা করেছেন।’

‘তাহলে সত্যি এ পাষণ্ডের শাস্ত্র?’—ক্ষুব্ধকণ্ঠে ধ্বনিত হয় যৌবনের অভিযোগ : ‘পরম সত্য থেকে বঞ্চিত করে আপনি কেন মিথ্যা অর্থবাদ আমাকে শিক্ষা দিয়েছেন? কেন এক সরলমতি শিশুকে ছলনা করেছেন আকাশ-কুসুমের, স্বপ্ন দিয়ে?’

“অমরাণাং গুরুঃ সাক্ষাৎ
মিথ্যাবাদী স্বয়ং যদি ।
তদা কঃ সত্যবক্তা স্যাৎ
রাজসস্তামসঃ পুনঃ ॥

সুরগুরু যদি মিথ্যাবাদী, তাহলে সত্যবাদী কে? পরম সাস্বিক হয়েও তাঁর যদি এই ছলনা, তবে অগ্নের মৃষাভাষণে দোষ কি?’

উত্তেজিত চার্বাককে শাস্ত্র করতে চেষ্টা করেন বৃহস্পতি। তাকে স্পর্শ করে ধীরকণ্ঠে বলেন, ‘মিথ্যা অভিমান করো না বৎস! তুমি উপযুক্ত বলেই জীবনের এক অনুভূত সত্যকে তোমার কাছে তুলে ধরেছি। যে-কোন দর্শনই হোক, জীবনের সত্য উপলব্ধি থেকে তার জন্ম না হলে, কোন যুক্তিনিষ্ঠ বুদ্ধিমানকে তা আকর্ষণ করতে পারে না। দানব বিরোচন, মহর্ষি জাবালি, রজ্জিপুত্র বা দৈত্য অরুণ মূর্খ

ছিলেন না বৎস! তাঁদের মত ধীমানদের যে দর্শন মুগ্ধ করে, তা মৃগাগর্ভ বাকচাতুরি মাত্র নয়। চন্দ্র-সূর্যের মত প্রত্যক্ষ জন্ম-মৃত্যুর মত সত্য আমার দর্শন। এ দর্শন দুঃখী মানুষকে বিশ্বের আনন্দ-নিকেতনে আনন্দ-আস্বাদনে আহ্বান জানায়। একে ভুল বুঝে কেউ যদি বিপথে চালিত হয়, সে দোষ দর্শনের নয়, দ্রষ্টারও নয়। একই কুসুম থেকে উর্গনাভ আহরণ করে বিষ, মধুমক্ষিকা সঞ্চয় করে মধু। যার উর্গনাভ-বৃত্তি সে বিষই সংগ্রহ করবে, যার মাধুকরী স্বভাব সে এ দর্শন দিয়ে রচনা করবে মধুচক্র।’

সুরগুরুর মুখে কাঁপছে যেন রহস্যময় আলো-আঁধার। চার্বাক লক্ষ্য করে যেমন সূর্যমণ্ডলে মুহূর্তে মুহূর্তে নানা রঙের খেলা চলে—নীল, সবুজ, লাল—তেমনি ঋষির আননে চকিতে ফুটে ফুটে উঠছে উদ্বেগ, ঘৃণা, ক্রোধ। গাঢ়কণ্ঠে তিনি বলেন, ‘একই প্রকৃতিতে কখনও বসন্তের হাশ্ব, কখনও বর্ষার অশ্রু—একই মানুষ কখনও ধীর-গস্তীর, কখনও লঘু-চপল। শুভাশুভ মিশ্রিত জগৎ, সুখ দুঃখ মিশ্রিত অমুভূতি। যে-কোন অবস্থায় মানুষের এক একটি বিরাট অলাস্ত উপলব্ধি হতে পারে। সে উপলব্ধি মিথ্যা নয়। সকলে জানে—বৃহস্পতি সুরগুরু, পরম আশুিক। কিন্তু, এই আশুক্যবুদ্ধি ও সুরত্বের বিরুদ্ধে যে অভিযোগ পুঞ্জিত হয়ে আছে—তা তো কেউ জানে না বৎস! সে বিক্ষোভ যে কি প্রচণ্ড, কি ভীষণ তার উন্নততা—কেউ তা বোঝে না! তুমি বোধ হয় জান, তোমার গুরুপত্নী ‘তারা’ সোম কতৃক অপহৃত হয়েছিল?’

‘শুনেছি সে কাহিনী।’

‘কাহিনী শুনেছ, কাহিনীর মর্মসত্য বোঝ নি। সাধ্বী, সংক্রিয়াবতী আমার ভাষা ‘তারা’। একদিন পুষ্পাভরণে সজ্জিত হয়ে আমারই উদ্যানে ভ্রমণ করছিল। ঠিক সেই সময়েই সে ওষাধপতি সোমের দৃষ্টি পথে পতিত হল। একে অগ্নান পঙ্কজের মত রূপ, তার ওপর মনোহর অঙ্গসজ্জা। মুহূর্তে কামার্ত হল নিশাপতি, পাত্রাপাত্র জ্ঞানশূন্য হয়ে তারাকে হরণ করল। শুনেছি, আর্তস্বরে অমুযোগ অমুনয় করেছিল ‘তারা’, কিন্তু চেতনহারা চন্দ্র সে অমুনয়ে কর্ণপাত করে নি।’

উচ্ছ্বাসরুদ্ধ কণ্ঠ ঋণেকের তরে নীরব হয়। সংযত হয়ে আবার বলেন সুরগুরু, ‘তারা অপহৃত হলে। দেবতার দুয়ারে আমি অভিযোগ করলাম। মর্মান্বিত হলেন ব্রহ্মা, বিষ্ণু, মহেশ্বর। চন্দ্রকে অমুরোধও করলেন তাঁরা। কারও কথা শুনল না সকাম সোম। সোমের বিরুদ্ধে সজ্জিত হল সুর-চমু—ঐরাবতে ইন্দ্র, খেতাপে ধর্ম, দিব্যরথে কুবের-বরুণ নাগবাহনে অনন্ত, মহিষপৃষ্ঠে স্বয়ং যম

ত্রিলোকের ধারণা, অপরাঙ্জেয় সুর-শক্তি। কিন্তু আমি বুঝেছি বৎস, সুরের শক্তি-কল্পনা দুর্বল স্তাবকের। শক্তিহীন দেববীর্ষ। যেমন নিঃসার শারদীয় মেঘ, তেমনই নিঃসার দৈবশক্তি। কে বলে, মানুষের ভাগ্যবিধাতা দেবতা?—মিথ্যা কল্পনা। ভাগ্যের নির্মাতা স্বয়ং মানুষ। অপরাঙ্জেয় পুরুষকার। ‘দৈবেন দেয়ম্ ইতি কাপুরুষাঃ বদন্তি।’

সুরগুরুর নয়নে অগ্নিস্ফুলিঙ্গ। সরোষে তিনি দৃষ্টি নিষ্ক্ষেপ করেন আকাশস্থ সোমপ্রিয়া নক্ষত্র-সঙ্ঘের প্রতি। ক্ষুব্ধ আক্রোশ যেন অস্থির করে তোলে তাঁকে। হতবাক্ চার্বাকের হৃদয়তন্ত্রীতে অনুরণিত হয় গুরুর কণ্ঠ, ‘দৈবেন দেয়মিতি কাপুরুষাঃ বদন্তি।’ সেই তন্ত্রীতে কঠিন আঘাত হেনে বলেন বৃহস্পতি, ‘ভেবেছিলাম, যাগ-যজ্ঞ, মন্ত্র, অভিচার ক্রিয়া হয়তো নিষ্ফল নয়। তারাকে সোম-কবলমুক্ত করার উদ্দেশ্যে শোন যাগ করেছি, প্রয়োগ করেছি আভিচারিক মন্ত্র। ব্যর্থ হয়েছে সব। তাহলে কি ফল যজ্ঞে হবি-হবনে?—ভস্মে ঘৃতাহুতি; কি ফল মারণ-উচ্চাটন ক্রিয়ায়?—নিষ্ফল ক্রিয়াকলাপ; কি ফল বেদোক্ত মন্ত্রোচ্চারণে?—শক্তিহীন মন্ত্র। বৈদিক কর্মমীমাংসা লোভাতুর, ধূর্ত ব্রাহ্মণের রচনা।’

উত্তেজিত তপোধীর বৃহস্পতি। রুদ্ধ একটা ক্রুদ্ধ গর্জন তাঁর কণ্ঠে, যেন পাষণরুদ্ধ বেগবতী স্রোতস্বতী। স্রোতস্বিনী বাধামুক্ত হয়, তিনি বলেন, ‘এই ঘটনায় যেমন মিথ্যা মনে হয়েছিল যজ্ঞক্রিয়া, তেমনি একটি রুঢ় সত্য অনুভব করেছিলাম—অবার্ঘবীর্ষ কাম। অনাদি নিত্য কামনা—অনিরুদ্ধ তার গতি। বিশ্বে শাস্বতী নারী-পুরুষের আসঙ্গ-লিপ্সা। সোম কামনাবশে তারাকে অপহরণ করেছিল। কিসের অভাব ছিল তার? সপ্তলোকের রসাধার সোম, সপ্তবিংশ নক্ষত্র তার পত্নী। তবুও কামতৃষ্ণার নিবৃত্তি হয় নি তার। অনঙ্গমোহে মোহিত মহীতল। এ বিষয়ে সোমই কেবল অপরাধী নয়, ‘তারা’কেও নির্দোষ বলা চলে না। তারারও অন্তরে প্রসুপ্ত ছিল লালসা, মোহিনী নিজেও মোহিতা হয়েছিল চন্দ্রের কাস্তিচ্ছটায়। মুখে সে বলেছিল, ‘ত্যজ মাং ত্যজ মাং চন্দ্র সুরেষু কুলপাংশুলঃ’—কিন্তু ‘সাপি স্মরার্থা।’ নইলে কে কোথায় শুনেছে বৎস, অকামা নারী উগ্র কামনার গ্রাসে আত্মসমর্পণ করে? পলায়ন করে না, প্রাণত্যাগ করে না? বিষাক্তরূপ কি তার হাতে ছিল না? শুনেছি, সোমসহ সে বিহার করেছে রম্যশৈলে, পিকোক্ত পুষ্পাচ্ছানে, মলয়ে মলয়ারণ্যে, ত্রিকূটে, বিন্দু-সরোবরে। অকামা নারীতে এত ভোগ সম্ভব?’

স্তম্ভিত চার্বাক। কামনার একি ছরস্ক, কুটিল গতি! তাকে অধিকতর

বিস্মিত করে বলেন যাচম্পতি বৃহস্পতি, 'এই শাস্ত কামনা থেকে আমিও মুক্ত নই বৎস।'

'আপনি!'—আতঙ্কে চক্ষু মুদ্রিত করে চাৰ্বাক। তার চোখে অঙ্ককারের ওপর অঙ্ককার ঘনিয়ে আসে। বৃহস্পতি বলে চলেন, 'সকাম সোম, সকামা তারা। কি মোহময় আকর্ষণ কামনার! তারাকে পরগৃহীতা জেনেও, আমি তো তার প্রতি ক্রুদ্ধ হতে পারি নি। অনঙ্গ-তপ্ত হয়ে তাকেই কামনা করেছি, ক্ষুধিত ভিক্ষকের মত ভিক্ষার্থী হয়ে সোমের দুয়ারে গিয়ে তাকে যাজ্ঞা করেছি!'

সত্যমূর্তি ব্রহ্মগম্পতি বৃহস্পতি। কোন কথাই তিনি গোপন করেন না। সত্যের শিব-সুন্দর মুখে তিনি শিষ্যের নিকট উন্মোচন করেন, বলেন, 'শুধু তাই নয়। মাত্র নিজের ভার্যার প্রতিই আসক্ত হই নি আমি। আমি জানি, এ বাভিচার, এ অসামাজিক—তব স্বীকার করি, অনাদি অনিরুদ্ধ কামনার কবল থেকে মুক্তি নেই কারো। গভীৰভাবে মর্মে মুদ্রিত হয়েছিল এ সত্য, যেদিন প্রথম যৌবনের উচ্ছ্বাসে চঞ্চল আমি। প্রাণের উন্মাদ নৃত্য শিরায় শিরায়। নয়নের রাগে রাগ-রঞ্জিত ভুবন। সেই ভুবনে মূর্তিমতী ভুবনমোহিনীর রূপে উদ্ভিত হলেন জ্যোষ্ঠা ভ্রাতৃবধু উত্থা-পত্নী অন্তর্বত্নী দেবী 'মমতা'—মমত্বে ভরা হৃদয়-ভাগু, চারুত্বে ভরা অঙ্গ-সুধমা। পরিধানে রক্তাস্বর, কণ্ঠে রত্নমালা, ভালে রক্তসিন্দূব, যেন সচ্য প্রস্ফুটিত রঞ্জোদ্যতি কামনার রক্তকমল! কে ভূলাল আমায়? কে আকর্ষণ করল আমায়? কার মায়ায় পরকীয়ার আশ্লেষে বিহ্বল, আত্মহারা হলাম আমি?—সে এই কামনা, জীব-হৃদয়ের চিরন্তন স্থায়ী ভাব-সত্য। এই কামনাই বিশ্ববাসীর পুরুষার্থ।'

নিস্তরু চাৰ্বাক! এই সত্যমূর্তি গুরুকে সে মিথ্যাবাদী বলে অভিযোগ করেছে! লজ্জায় যেন মাটিতে মিশে যায় সে। তাকে উদ্দেশ্য করে বজ্ররবে বলেন বৃহস্পতি, 'কিন্তু সাবধান চাৰ্বাক, এ আগুন নিয়ে খেলা। শাস্তী কামনা—তার অর্থ এ নয়, কাম হবে সমাজ-শৃঙ্খলার ব্যতিক্রম: ভোগসুখই পুরুষার্থ—তার অর্থ এ নয়—ভোগী ভঙ্গ করবে বিশ্বের শাস্তি। প্রজার প্রতিনিধি মর্ত্যের রাজাই সাক্ষাৎ পরমেশ্বর—আমার দর্শনের আদর্শ। রাজার সম্মুখে অব্যবহিত ভোগ-পাত্র, কিন্তু তাঁর হাতে দণ্ড। তিনি দণ্ডধর। এই দণ্ড স্বেচ্ছাচারের মহাভয়, 'দণ্ডো রক্ষতি ভূতানি দণ্ডঃ পালয়তে প্রজাঃ'। পুরুষার্থ-সন্তোকে এই দণ্ড যেন হস্তচ্যুত না হয়।'

বজ্ররব নরম হয়, ধীরভাবে বলেন গণপতি বৃহস্পতি, 'জীবনে অনুভূত এই

প্রত্যক্ষ সত্য থেকেই আমার দর্শনের জন্ম। যুগ যুগ ধরে ‘লোকেষু আয়তঃ ‘এই দর্শন, তাই এর নাম ‘লোকায়ত দর্শন’। দানবমোহন নয়, লোক-কল্যাণই এর লক্ষ্য। সুন্দর এই পৃথিবী, সুন্দর এই মানুষ! মিথ্যা দিয়ে একে মলিন করো না, সত্যের আলো দিয়ে একে আলোময় কর। মধুময় সুখে ভরা নিখিল বিশ্বের হৃদয়-ভাণ্ড। শিল্পীর মত রুচিসম্পন্ন হয়ে, রাজার মত দণ্ডধর হয়ে এই সুখ সন্তোগ কর। মধুকরের মত মধু দিয়ে রচনা কর সুখের মধুচক্র।’

নীরব হলেন বৃহস্পতি। তখন রজনীর শেষ যাম। পূর্বাকাশে সমুদিত অতি-উজ্জ্বল শুকতারা। চার্বাকের মনে হয়, আনন্দলোকের দূত ওই শুকতারা যেন বৃহস্পতি-বাকোর জলন্ত সাক্ষ্য। তারও পরে দিক-সীমান্তে সুশুভ্র এক জ্যোতিলেখা—তাতে যেন সিতাক্ষরে মুদ্রিত বর্হস্পত্য দর্শনের সূচিপত্র—‘সুখমেব পুরুষার্থঃ’।

বিশ্বভুবনে গুরু বৃহস্পতির উদ্দেশ্য প্রচারে ব্রতী হয়েছিল চার্বাক। তারও সাধের স্বপ্ন—অসুন্দরের হাত থেকে মুক্ত করে সে সুন্দর ধরণীকে সুন্দরতর করবে; মিথ্যায় বিভ্রান্ত জগতে প্রত্যক্ষ সত্যের প্রতিষ্ঠা করে জগতকে সে যুক্তিহীন বিচারের কবলমুক্ত করবে; দিশাহারা মানুষকে সে দেখাবে সুখময় আলোকের পথ। সেদিন বিশ্বে অসাম্য থাকবে না, থাকবে না অস্পৃশ্যতা; স্বার্থপরতার ক্লিন্নতা থাকবে না, থাকবে না লোভীর শোষণ। প্রেমপূর্ণ ধরায় সকল মানুষ হবে প্রেমিক, দুঃখের ঘরে জ্বলে সুখের আনন্দদীপ। সুখ সন্তোগই হবে পুরুষার্থ, কিন্তু সে ভোগ স্বৈরাচার নয়: সুশিক্ষিত চার্বাক—সুশিক্ষায় সংযত, শিল্পীর মত সৌন্দর্য সন্তোগই হবে তার লক্ষ্য।

কিন্তু তাকে ভুল বুঝলেন আশ্তিক ধার্মিক, ভুল বুঝল দানবধর্মী মানুষ। আচমনীয় জলে চার্বাকের সুন্দর মুখের প্রতিবিশ্ব তরুণ তাপসকে সঙ্ক্যার মত্ত ভুলিয়ে দিল। তর্কিক বৈদান্তিক, সাংখ্যযোগী, নৈয়ায়িক ছুটে এলেন তর্কাস্ত্র নিয়ে, ‘বেদ-বিরোধী এ শাস্ত্র—অশাস্ত্র, এ সমাজ-বিশৃঙ্খলার মূল।’

হৃদয়ে সত্যের বল নিয়ে, যুক্তিনিষ্ঠ বিচার নিয়ে তাঁদের বিরুদ্ধে দাঁড়াল চার্বাক—
‘এ অশাস্ত্র নয়, বিশ্বমানবের আদি দর্শন, বিশ্বকে সত্য-সুন্দর করে তোলার সাধনা।’

‘এ বিশ্বকে ধ্বংসের মুখে তুলে দেওয়ার কৌশল’—কুটিল ভ্রুকুটি করে উঠলেন যাজক ব্রাহ্মণ: ‘এ পাপ, এ অনাচার! অনন্ত নরক ভোগ করতে হবে তোমায়।’

এ কি অভিশাপ! সত্যি এ কি হল জগতে! চার্বাককে কী ভাবে গ্রহণ

করল মানুষ ! ওগো মানুষ ভাই, এ কী করলে তোমরা ? সুখই পুরুষার্থ—
কামই সুখ—দর্শনের এই মূল সূত্র দানবধর্মী মানুষকে মাতাল করে তুলল ;
'ধাবজ্জীবৎ সুখং জীবৎ' বাক্যের অনুসরণে ভয়ঙ্কর শোষণ মূর্তি নিয়ে আগল
মহামোহ, মহামদ ; 'ন স্বর্গো নাপবর্গঃ' সূত্রের প্রতিক্রিয়ায় বহুংসব শুরু হল
জগতে ।

সত্যি শুরু হল বহুংসব । কামোন্মত্ত, মদাঙ্কের মত্ততায় কৃষ্ণবজ্রা' বহির
প্রলয়শিখা প্রজ্জলিত হল । আকাশে সপ্তহেতি সূর্য, সপ্তপেতি সাগরে বিভীষণ
বড়বা, মর্ত্যের বনে বনে সহস্রজিহ্ব দাবানল । সাগর-মেথলা সুন্দরী ধরণীর
শ্রামাঞ্চলে আগুন !

আগুন ! আগুন ! সর্বগ্রাসী লেলিহ তার রসনা । কুটির থেকে গৃহ, গৃহ
থেকে অটালিকা জ্বলে উঠল ; জ্বলে উঠল পল্লী, নগর, জনপদ, মহাদেশ ।
অগ্নি-জ্বঠরে চণ্ড ক্ষুধার অগ্নিমান্দ্য । ত্রিলোক গ্রাস করেও ক্ষান্তি নেই, কোটি
কোটি আর্ত মানুষের অশ্রু পান করেও তার শাস্তি নেই । ক্রন্দনে পূর্ণ ধরণী,
তপ্ত্বাসে বিষাক্ত বাতাস । চতুর্দিকে 'হায় হায়' হাহাকার, চতুর্দিকে অভিশাপ ।

অস্থির উদ্ভ্রাস্ত চার্বাক । এ অগ্নি তাকেই স্পর্শ করেছে, তারই দেহে
লেগেছে এ আগুন । পাগলের মত এদিক ওদিক ছুটেছে সে । তার চারু দেহ
চমরীর মত কৃষ্ণবর্ণ, জটিল হয়ে গেছে কুটিল কেশ, নীলা নয়নে মরুর মত রক্ষতা
—কঠে অনন্ত শুষ্কতা । তবু প্রাণপণে চিৎকার করছে সে, 'ওগো মানুষ, ক্ষান্ত
হও—শান্ত হও । আমার কথা ভাল করে শোন ।'

কেউ তার কথা শোনে না । হুকারে, গর্জনে, ক্রন্দনে, দীর্ঘশ্বাসে তুমুল
কোলাহল । সে কোলাহলে মত্ত তুফানে তুচ্ছ তুলার মত চার্বাকের কথা
কোথায় মিলিয়ে যায় । হায় চার্বাক-দর্শনের পরিণাম ! হায় কল্যাণী ইচ্ছার
দুর্গতি !

ভৈরব মূর্তি নিয়ে অগ্নিভীত চার্বাকের দিকে ক্রুদ্ধ হয়ে ছুটে আসেন রক্তচক্ষু
তार्কিক, নৈয়ায়িক । বজ্ররবে গজর্ন করে ওঠেন ষাঙ্কক ব্রাহ্মণ :

'এ তোমার পাপের ফল ! ধ্বংস হও, ধ্বংস হও তুমি !'

'তোমার চতুর্ভূতাত্মক দেহ চতুর্ভূতে বিলীন হোক ।'

'কামনার অনন্দ অস্বর্যলোকে মৃত্যুতে মোক্ষ লাভ কর চার্বাক ।'

প্রচণ্ড বাগ্‌বজ্র । সম্মুখে, পশ্চাতে, উর্ধ্বে, অধোদেশে লেলিহান অগ্নিশিখা ।
চার্বাকের চোখে অন্ধকার, মস্তিষ্কে অসহ প্রদাহ । ঘোর উন্মাদের মত তবু সে শেষ

চেপ্টা করে, প্রলয় বহির মুখে পাগলের মত এসে সে দাঁড়ায়। নিঃফল চেপ্টা।

আগুন জ্বলে—জ্বলে ! তারই ফুলিক ছড়িয়ে পড়ে চার্বাকের দেহে। কম্পিত
অঙ্গ, স্থলিত চরণ, ভূমিতলে মূর্ছিত হয়ে পড়ে চার্বাক, যেন ভূমিতলে লুটিয়ে পড়ে
খাণ্ডব দাছে গাণ্ডীবি-বিদ্ধ বিহঙ্গম।

সহসা দেখা যায়, স্তূত্র বেগে ছুটে আসছেন সেই স্নেহশীলা যোগিনীর মত
এক জননী মূর্তি—রক্তাশ্রু, এলায়িতকুস্তলা—তঁার সিঁথায় রক্তসিন্দূর, কণ্ঠে
রুদ্রাক্ষমালা, হস্তে সুদীর্ঘ ত্রিশূল। প্রাণপণে বলছেন তিনি, ‘চার্বাককে বাঁচাতে
হবে’—তঁার নয়নে সহস্রধার অশ্রু। তঁার পশ্চাতে পাগলিনীর মত ছুটে আসছে
সেই অম্পৃশ্ণা নন্দার মত একটি শবর-কন্যা—নব জলদের মত স্নিগ্ধশ্রাম. পরিধানে
পর্ণবাস, চিকুরে পিণ্ডুচূড়া। তার কণ্ঠেও অমনি একটা দুবোধ্য কথা, ‘চার্বাককে
বাঁচাতে হবে।’ তার পিছনে শায়ক-বিদ্ধ পাখির মত ছুটে আসছে দঙ্ক অঙ্গার সদৃশ
কঙ্কালসার কোটি মানুষ—তাদেরও দাবি, ‘চার্বাককে বাঁচাতে হবে।’

ওদের সকলের বেদনাঘন সজল চোখে—অনাগতকালের সুখময় সুন্দর
পৃথিবীর স্বপ্ন !*

* চার্বাকের উল্লেখযোগ্য কোন জীবনী নেই ; জনশ্রুতি—চার্বাক দেবগুরু বৃহস্পতির শিষ্য।
দেবাচার্ঘ্য বৃহস্পতির উপাখ্যান গৃহীত হয়েছে দেবী পুরাণ (৪।১৩) এবং ব্রহ্মবৈবর্ত পুরাণ (কৃঃ জঃ
খঃ ৮০-৮১ অঃ) থেকে। চার্বাক দর্শনের মূল সূত্রের জন্তু স্রষ্টব্য (১) মাধবাচার্ঘ্যের সর্বদর্শন সংগ্রহ।

(২) History of Philosophy Eastern & Western, Vol. I.
Chap. vii.

(৩) চার্বাক দর্শন—দক্ষিণারম্ভন শাস্ত্রী।

॥ দুর্ভগা ॥

প্রতপ্ত মধ্যাহ্নে মরুবক্ষে উখিত বিস্তৃত ঘূর্ণিব মত সে পথ চলে। অতি শুষ্ক, অতিশয় রুক্ষ দেহ—নাসায় নিদাঘ সূর্যের অগ্নিজালা। সতত কম্পিত অঙ্গ, কম্পিত চরণ। নাভিতে, বক্ষে, কণ্ঠে ঘনশ্বাস। কালচক্রের অধিকর্তা কালের কন্যা। নাম তার দুর্ভগা।

সত্যি দুর্ভগা দুর্ভগা। দুর্ভাগ্য তার আঙ্গুল সহচর। কালের অবৈধ সঞ্চরণে তার জন্ম। জন্ম থেকেই বিশ্রী বিবর্ণ দেহ, জীর্ণ শীর্ণ—অতি কদাকার। মনে হয়, পেষণ-যন্ত্র নিষ্পিষ্ট বসহীন ইকুভ্রক। কোটিরগু চক্ষু, নিষ্প্রভ তার জ্যোতি। পলিত অটল কেশ, স্থলিত দন্ত, লোলিত চর্ম। দেহেও শক্তিহীন। পিতৃদন্ত একটা ত্রিবক্র যষ্টি ভর করে কুঁজে হয়ে সে পথ চলে।

যেমন আকার, তেমন স্বভাব। কুটিল আচরণ, লোলাঙ্গে ক্রোধের অস্থির কম্পন। ইচ্চার বিরুদ্ধাচারে ক্ষিপ্ত হয়ে ওঠে। চির অসহিষ্ণু—নূহনকে কোন মতেই সহ্য করতে পারে না। যৌধনের প্রাণ-উন্মাদনা ওয় দুঃক্ষর বিস। বসন্তে যখন প্রকৃতির বৃকে সবুজ প্রাণের সাদা জাগে, তখন ওর হৃদয় নিদাঘের তপ্তশ্বাস ফেলে; শরতে যখন কোটে চন্দ্রিকা-স্নাত কুমুদ কঙ্কাবে—তখন ও ভাবে শীতের ঘন কুহেলিকার কথা। নিজে রিক্ত, বিগতশ্রী—দুর্ভগার উল্লাস তাই রিক্ততার আর শ্রীণীনতায়।

ক্ষুংকাম, কামনা-বভূক্ষু সমাজে তার জন্ম। দুর্দম ভোগেচ্ছা। সে ইচ্ছা পূর্ণ হয় নি তার জীবনে। চির অপবা দুর্ভগা। আপনার অনুরূপ পতি সে কামনা করেছে, পায় নি। ত্রিজগতে কাউকে আকর্ষণ করতে পারে নি সে। তার রুক্ষ, ধূসর, বীভৎস মূর্তি দেখে সকলেই শিউরে ওঠে। বক্ষ্যা নাবীত্ব নিজের মধ্যে জলপ্রমির মত গুমরে মরে। ক্ষুষ্ক আক্রোশে দস্তহীন দস্তাবেষ্ট দিয়ে সে ওগাধর দংশন করে। সর্বাক্ষে ঘন বিস্ফোটকের জালা।

যুগযুগান্তের অনন্ত নৈরাশ্যের ভারে নমিত দুর্ভগার দেহ। অঙ্গের অসংখ্য বলিত রেখা, ললাটের বহুকুঞ্চিত মাংসবলয় যেন সহস্র ভগ্নাণার স্বাক্ষর। রুঢ় প্রত্যাখ্যানের আঘাতে আঘাতে সে ক্ষুষ্ক, অতৃপ্ত ভোগবাসনার বহিদাহে সে রুক্ষ। তিক্ত

স্মৃতির ভাঙার তার হৃদয়। নিঃসীম শূন্যে অজস্র উদ্ভাপিণ্ডের মত, বিঃটি শূন্যতার
ভরা হৃদয়ে সেই স্মৃতি জালা হয়ে জলে। উপেক্ষায়, উপহাসে, লাঞ্ছনায়, গজনায়
জর্জর তার অস্থি-পঞ্জর।

কুরূপা সে, কালের অকাল সংক্রমণের ফল। কিন্তু আশা, আবেগ তারও
ছিল। হৃদয়ে প্রচ্ছন্ন ছিল প্রচণ্ড কামনা। হয়তো তা প্রেম নয়, হয়তো তা
উদগ্র ভোগেচ্ছা সে দোষ তার নিজের নয়। বংশপরম্পরায় স্বভাবে সংক্রমিত
দূষিত রক্তকণিকা তারই উত্তরনায় পাগল হয়ে উঠেছিল সে। মিথুন-স্বভাব
সমাজের চিরাচরিত নিয়মে ভ্রাতার নিকট কামনা নিবেদন করেছিল দুর্ভগা।

কালের অন্তিম সৈন্যাদ্যক্ষ মৃত্যু; কালের কৃতক পুত্র। লোক-সংহারক
মহাভয়, জীবের জীবনাস্তবানী—তার আর এক নাম অস্তক। প্রচণ্ড তার শক্তি।
দুর্ভগা তার মধ্যে দেখেছিল নিজের প্রাণরূপ। মৃত্যু সর্বাস্তক, দুর্ভগা সন্ত্রাস; মৃত্যু
সর্বহর, দুর্ভগা নিদারুণ সন্ত্রাস। দুর্ভগার গুমিত-জ্যোতি নয়নে মৃত্যুর মহামেঘপ্রভ
বৃষ্ণবর্ণ স্মৃতীর আকর্ষণ সৃষ্টি করত, তার উংকট লালসাকে উদ্দীপিত করত
অস্তকর সংহারলীলা। লোলিত অঙ্গের বালিত রেখায় ব্রণের মত কাম-রোমাঞ্চ।
সে ভাবত, সর্বহর এই মৃত্যুকে যদি জীবন-সঙ্গীরূপে পায়, সার্থক হয় তার জীবন।

উংকট কামনার আবেগে একদিন সে এসে দাঁড়াল কালপুত্র মৃত্যুর প্রকোষ্ঠে।
চিরনির্লজ্জা দুর্ভগা, কিন্তু আজ যেন কেমন সঙ্কোচ। বৃকে অশাস্ত উচ্ছ্বাস,
রসনায় পাষণ-জড়তা; মদনের মাদনবাণে সে উন্মাদ, কিন্তু শোষণবাণে শুক।
তবু স্থলিত বচনে সম্মোহিতের মত সে প্রকাশ করল তার কামনা—নরের
নিকট সকামা নারীর লজ্জাঙ্কিত প্রথম অভিলাষ, 'রতিকাম আমি, আমার
পতি হও তুমি।'

সম্মুখে সহসা সর্প দর্শন করে যেমন চম্কে ওঠে মানুষ, দুর্ভগার কথায়
তেমনি চম্কে উঠল অস্তক। মৃত্যু নির্মম, কিন্তু আশ্চর্য তার নীতিবোধ। কামনার
অসামাজিক রূপ দেখে শিউরে উঠল সে! কি কদর! লালসার নিকট তুচ্ছ
নিয়মের শৃঙ্খলা, নীতির অনুশাসন? প্রথমে ঘৃণায় সঙ্কুচিত হল তার আনন,
পরমুহূর্তে ক্রোধের ত্রিবলি-কুঞ্জন দেখা দিল ললাটে। তবুও প্রাণপণ শক্তিতে
সে দমন করল রোষাঙ্গ। দুর্ভগা কালকণ্ঠা, আর সে কালের আঙ্কবহ অমুচর।
যথাসম্ভব সংযত কণ্ঠেই বলল সে, 'একি বলছ দুর্ভগা! সম্পর্ক তুমি আমার
ভগ্নী। নিয়মের রাজত্বে ভ্রাতা-ভগ্নীর মিলন অবৈধ। সমাজ-শাসন লঙ্ঘন
করা অমুচিত।'

‘মিথুন-সম্ভব সমাজে এ তো অনিয়ম নয়, অসুস্থক! স্বামী-স্ত্রীরূপে সহোদর সহোদরার মিলন সেখানে বিধি-সঙ্গত।’—নয়কঃঠই বলে কামমোহিতা দুর্ভগা।

বৈধেব বাধ যেন ভেঙ্গে যেত চায়। শাস্ত্রবিদ, নীতিধর মৃত্যু। গর্জন করে উঠেত চায় তার কণ্ঠ। দুর্ভগাও জানে, কৃতান্ত কাশামুচর হলেও কামামুচর নয়। শাস্ত্রের নির্দেশ সে অক্ষরে অক্ষরে পালন করে। তাই শাস্ত্রামুগারেই বলে দুর্ভগা, ‘তুমি নীতিবিদ, শাস্ত্র তোমার নথদর্পণ। প্রার্থীর প্রার্থনা পূর্ণ করা শাস্ত্র জ্ঞরই কর্তব্য। রতিকাম আমি, আমাকে রতিনান কব।’

মিনতিতে ভেঙ্গে পড়ে দুর্ভগা। তার কুঞ্জ দেহ আঁও নত হয়। শক্তকেও দুর্বল করে কাম। দুর্বলাব মত কাতরকণ্ঠে সে বলে, ‘আমি কামমোহিত, আমি আর্ত। আর্তকে রক্ষা করা ধার্মিকের ধর্ম। তুমি ধর্মদীব, আমাকে রক্ষা কর।’

দুর্ভগার বাক্যে ঈষৎ চঞ্চল হয় মৃত্যু। এ শাস্ত্র কোথা থেকে শিখল কালকণ্ঠা? আজন্ম দুর্বিনীতা, দুর্নীতিপবায়ণা দুর্ভগা। তার মুখে আর্তত্রাণের নীতিবাক্য! কিন্তু পরমুহূর্তই বোঝে অসুস্থক, বৈডাল-ত্রিতিক অধর্ম। ধর্মের ছন্দাবেশে সে প্রভারণা করে, নীতিব মোহন মূর্তি ধবে ছলনা করে পাপাচার। তাই দৃঢ়স্বরে প্রতিবাদ করল মৃত্যু, ‘কামনায় ভ্রাস্তবুদ্ধি তুমি। বদর্শ লালসা-লিপ্সা পূর্ণ করার জ্ঞই তোমার শাস্ত্রের দোহাই। বিধাতার নিয়ম-বিচারের পদ্ধতি এ নয়।’

‘নিয়ম!’ দুর্ভগার মদবিহ্বল কণ্ঠে ব্যঙ্গ প্রধুমিত হয়, খুলে যায় দুষ্টার ছন্দ আবরণ। কুঞ্চিত গুলু করেখা, ওঠে বক্রকুটিল শ্লেষ : ‘কামনা নিয়ম মানে না অসুস্থক। তার আর এক নাম অনিরুদ্ধ, অ-নিরুদ্ধ তাব গতি। ওগো নীতিধর, তোমার বিধাতাও এই কামনার অধীন হয়ে স্বীয় বস্তার পশ্চাৎ ধাবন করেন।’

শেষ হয় না দুর্ভগার উক্তি। বিধাতার প্রতি বটাক্ষে উত্তেজনার কাপতে থাকে অসুস্থকের বিশাল ক্রোধ বপু। ললাটে ভয়ঙ্কর ক্রকুটি, রক্তাক্তলোচনে বহ্নিদৃষ্টি, যুগাবসানের সংবর্ত মেঘের মত ক্রোধে গর্জন করে ওঠে সর্বহর মৃত্যু, ‘আসক্তলিপ্সু ললন! তুমি, অতি অশ্লীল—জঘন্য তোমার ইঙ্গিত।’

চলে যেতে উত্তত হয় তিক্ত-বিরক্ত অসুস্থক। বাধা দিয়ে বলে কামপ্রমত্তা কাল-কন্যা, ‘রতধিনী আমি, আমাকে গ্রাণ কর।’

‘অতি অভদ্র তুমি’—বিরক্তিভরে দৃপ্তকণ্ঠে বলে অসুস্থক। সুদীর্ঘ, বলবাহু দিয়ে সম্মুখের বাধা অপসারণ করতে চেষ্টা করে সে। উৎকট লালসা—ঘৃণা

আসন্ন-কামনায় আলিঙ্গন লিপ্সু হয়ে ছুটে আসে, যেন বিদ্যুৎগতিতে ছুটে আসে হিংস্র কামোন্মত্ততা। কামিনী যেন ক্ষুধিতা বাঘিনী। প্রাণপণ শক্তিতে তার আক্রমণ প্রতিহত করে ঘুণায়, ক্রোধে, উত্তেজনার চলে যায় অমিত শক্তিদর, কামরিপু কালাহুচর।

পুঞ্জিত রোষে ফুলে ওঠে দুর্ভগা। সুহৃৎচর কালের নন্দিনী সে, কালকন্যা। আত্মশ্বে আবালা স্বেচ্ছাচারিণী। তিনশত ষাট সহোদর, তিনশত উনষাট সহোদরা তার স্বেচ্ছার দাস-দাসী। জীবনের প্রথম কামনা অস্তুর মন্বন করে মহাতরঙ্গের মত উত্তাল হয়ে উঠেছে, উদাম তার গতি, বিপুল তার আবেগ। সেই প্রোদ্যম গতিমুখে কঠিন বাধা। নিজের মনেই গর্জন করে উঠল প্রত্যাহত লালসা। সম্ভোগের প্রথম কামনা, কালনাগিনীর শঙ্খধরার প্রথম অভিশাপ যে ব্যর্থ করেছে, তার ওপর শঙ্খবিষ ঢেলে দেবার জন্য উত্তত হল শঙ্খিনী।

বিষোদগাবে ক্রটি করে নি বিষকন্যা। প্রমাদ ও মোহসৃষ্টিতে সে নিপুণা। সে প্রমাদ সৃষ্টি করেছে, মোহ সৃষ্টি করেছে—কিন্তু প্রমত্ত বা মোহিত হয় নি নির্মোহ মৃত্যু। কামোন্মত্তা উদগ্র কামনায় প্রয়োগ করেছে অথর্ববেদোক্ত আভিচারিক বিদ্যা। ব্যর্থ হয়েছে মন্ত্র। দুর্ভগার দুর্ভাগ্য, মৃত্যুকে সে স্বামী-রূপে পায় নি।

অভিচার মন্ত্রের অপাধাবন শক্তি, ত্রৈলোকা-আকর্ষণকারী তার ক্ষমতা। কিন্তু প্রয়োগ কোশলে বিন্দুমাত্র ক্রটি হলে মন্ত্রীকেই তা প্রত্যাঘাত কবে। অতি ভীষণ ব্যর্থ মন্ত্রের প্রতিক্রিয়া। দুর্ভগার ব্যর্থ আভিচারিক মন্ত্র তেমনি নিজের দুর্ভাগোরই পরিপোষক হয়েছে। দুর্দম কামনা, আরও দুর্দম ব্যর্থ কামনার বেগ। এককে না পেয়ে অন্যকে কামনা কবে, সে কামনা ব্যর্থ হলে আরেক। এমনি করে সে ত্রিভুবনগ্রাসী হয়ে ওঠে। শান্তি নেই, স্বস্তি নেই—শুধু চাওয়া আর চাওয়া। মৃত্যুকে পতিরূপে না পেয়ে, তেমনি উন্মাদ হয়েছে দুর্ভগা। অতৃপ্ত কামনা অগ্নি পতিনাভে প্রবোচিত করেছে তাকে। অদম্য লালসা বিস্তৃত হয়েছে স্বর্গে দেবসন্ধ্য মর্ত্যে মনুষ্যসমাজে, পাতালে দানবদলে। পতি খুঁজে পায় নি দুর্ভগা। বিকৃত, কদাকাব তার দেহ—রূপহীনা জরতী : কুটিল তাব গতি, অতি কুটিল প্রকৃতি। সর্বত্রই প্রত্যাখ্যান, গঞ্জনা, বিদ্রূপ। ‘আমার পতি হও তুমি’—এই প্রার্থনা নিয়ে দুর্ভগা উপস্থিত হয়েছে স্বর্গে। স্থির যৌবন, সুশ্রী দেবতা তার বীভৎস রূপ দেখে ঘুণায়, উপহাসে দূর কবে দিয়েছে। সোৎসুক আগ্রহে সে উপস্থিত হয়েছে দানবরাজ্যে, যাকে দেখেছে, তাকেই

নিবেদন করেছে, 'আমার পতি হও তুমি।' যৌবনমত্ৰ ভোগপিপাসু দানব
 রোষ-কষায়িত লোচনে তাড়িয়ে দিয়েছে তাকে। পাতালেও প্রত্যাখ্যাতা
 হয়েছে কালকন্যা। মর্ত্যের মানুষ তাকে দেখে ভয়ে শিউরে ওঠে, দেখলেই
 দূর থেকে পালিয়ে যায়। 'আমার পতি হও তুমি'—একথা বলবারই সুযোগ
 পায় না দুর্ভগা।

দুর্ভগা যেন দুর্ভগার জীবন কোটংগত চক্ষু, চোখের কোণে কালিমা,
 লুলিত গণ্ড, কৃষ্ণিত বলি, বিবর্ণ বিবশ অঙ্গ। দেহে যুগান্তের শ্রান্তি। পিতৃদত্ত
 ত্রিবক্র যষ্টি ভর করে নিঃসঙ্গ সে ত্রিভুবনে ঘূৰ্ণ বেড়ায়, মুখে শুধু একটি
 উৎসুক প্রার্থনা, 'আমার পতি হও তুমি।' কেউ তার পতি হয় না, কেউ
 তাকে গ্রহণ করে না। কাউকেই আকর্ষণ করতে পারে না সে। ব্যর্থতায়
 কম্পিত অঙ্গ, ক্রোধে স্থলিত চরণ। অতৃপ্ত কামনার বহির্দাহে সে রুক্ষ, শুষ্ক—
 যেন শুষ্কাত্তিভৈরব মরুভূমি। জীবন শূন্য হাহাকার। পতি সে পায় না।

নৈরাশুর স্তূপ পুঞ্জীভূত হয়, তবু সে আশা পবিত্রাগ করে না। অনির্বাণ
 আশার দীপ, স্তিমিতজ্যোতি নয়নেও আশার সঙ্কানী আলো। সেই আলো নিয়ে
 পতির অন্বেষণে ভুবন পবিক্রমণ করে পতিংবরা দুর্ভগা। শ্যামল ভূতল ভাল
 লাগে না তার, শ্যামলতায় বিরক্তি—ধূসরতায় আসক্তি। বিশ্বের আনন্দকেন্দ্রনে
 সে শাস্তি পায় না। সে জানে, আনন্দ-কেন্দ্রনে সুদূর্লভ তার স্বামী। জীবনের
 মত্ৰ বোলাহলে সে অসহিষ্ণু হয়ে ওঠে

দুর্ভগা পতি খুঁজে কিরে শীতের নীহারময় তমসায়। নিষ্পন্ন, শুষ্ক শীতের
 ধূসর প্রকৃতি, বৃকে তার সীমাহীন রিক্ততা। সে-ও যেন দুর্ভগাব মত পতিহীনা।
 সহানুভূতিতে পূর্ণ হয়ে ওঠে দুর্ভগার অস্তর। প্রদোহের থমথমে রহস্যঘন আধো
 আলা, আধো ছায়ায় সে ক্ষণেক থমকে দাঁড়ায়। অস্তরপ্রিয়া সঙ্ক্যা, বৃকে যেন
 তার কিসের অভিযোগ—মুখে বিহাদের ছায়া। পতিমতী হয়েও সঙ্ক্যা কি সুখী
 নয়? স্বামীর সোহাগে কি বঞ্চিতা সঙ্ক্যা? কেমন যেন মায়া হয় দুর্ভগার।

শিথিল গতিতে সে কখনও এসে উপস্থিত হয় নির্জন শ্মশানভূমিতে। নিবিড়
 অন্ধকার। সেই অন্ধকারের বৃকে কয়েকটি চিতা। গলিত স্বর্ণপিণ্ডের মত ক্রব্যাদ
 অগ্নি যেন শ্মশানের রাঙা নয়ন। কোন চিতা নিবস্তপ্রায়, অগ্নিকুণ্ডে আলোহিত
 দীপ্তি। প্রিয়জনের স্তম্ভ শোকের অশ্রু মুছে গেছে, বৃকে বৃকে নিবস্ত চিতার
 তপ্তশ্বাস। কোথাও বা ধূম আচ্ছন্ন মরুদ্বাহ। শ্মশান-ধৌত জল থেকে ওঠে
 ধোঁয়ার কুণ্ডলী। দূরে হরিধ্বনির সঙ্গে শিবাধ্বনি—কাদের যেন অভিশাপ!

অভিশাপ বাণী উচ্চারণ করছে রিক্ত শ্মশান, নিবস্ত চিতা, ধূয়াচ্ছন্ন সমীরণ—অভিশাপ বাণী উচ্চারণ করছে প্রিয়-বিরহিত শোকাক্ত মানুষ। মৃত্যুকে উদ্দেশ্য করে অভিশাপ দিচ্ছে নিখিল ভুবন, ‘এমনি চিতা জলুক তোমার বুক, এমনি রিক্ত হও তুমি!’ নিজের অস্তরের প্রতিধ্বনি শুনে উল্লসিত হয় দুর্ভগা। এই ভয়াবহ স্থানে একটু আশার আলোও দেখতে পায় সে। সে শুনেছে শ্মশান-নিবাসী অসংখ্য প্রেতপিশাচ। তারা হয়তো দুর্ভগাকে গ্রহণ করতে পাবে। শঙ্খচূর্ণী প্রেতিনী কোন্ দিকে? সধবা স্ত্রীর প্রেতাত্মা শঙ্খচূর্ণী। সে-ও সৌভাগ্যবতী—তার স্বামী ছিল। দুর্ভগা স্বামী-হীনা। ক্ষীণ দৃষ্টি তীব্রতর কবে সে সৌভাগ্যবতী শাকচূর্ণীকে দেখতে চায়। তার সিঁথায় এগনও কি এয়োতিচিহ্ন জল জল করছে?

তপ্ত দীর্ঘশ্বাস বেরিয়ে আসে দুর্ভগার বুক থেকে। সে রূপহীনা, কদাকার, তাই কেউ তাকে গ্রহণ করে না। মৃত্যু বলেছে, সে অভব্য—অদ্ভুত তার আচরণ। সে ভেবে পায় না, আচরণে কোথায় তার অভদ্রতা। রূপ বংশগত, আচরণ স্বভাবগত। হয়তো বক্রকুটিল দেহের মত বক্রকুটিল তার আচরণ। এ জগতে নির্দোষ কে? ওই তো এখন কৃষ্ণবসনে সর্বাঙ্গ আবৃত করে বসেছে অনেক কুক্ত্রিয়ায় লীনা পৃথিবী। সেও পতিমতি, দৌষ্পিতার পত্নী। দূরে দুশ্চরিত্রা মধা, অশ্লেষা। পাপ নক্ষত্র তারা, তবু পরিত্যক্তা নয়—স্বামী-হীনা নয়। কুচরিত্রা হোক, -নির্লজ্জা হোক, পুংশলী হোক বা হোক শৈবিরিনী—এ জগতে কে পতিবন্ধিতা? দুর্ভগার মত দুর্ভাগ্য কার? বিধাতার ছুয়ারে সে অভিযোগ করে— কেন, কেন এই অভিশাপ?

আর যেন ভাবতে পারে না দুর্ভগা। ক্লান্ত, অতিশয় ক্লান্ত সে। শ্রাস্তিতে লাঠিতে ভর করে সে বসে। দু চোখ আচ্ছন্ন হয়ে আসে, মাথা ঘোরে। সোজা হয়ে বসতে পারে না, বসলেই মাথাটা মুয়ে পড়ে। দুই হাঁটুর ভেতর মুখ গুঁজে সে ভাবে। দেখলে মনে হয়, অনাদিকাল ধরে ভাবছে যেন একটা নির্জন তেমাথা। একটু ঘুম হলে কিছুটা শাস্তি পেত সে, কিন্তু ঘুম তার চোখে নেই। সুযোগ পেয়ে নিদ্রাও পরিত্যাগ করেছে তাকে। মাঝে মাঝে তন্দ্রার ঘোর—তাও মুহূর্ত মাত্র।

কালচক্র আবর্তিত হয়। কোথা দিয়ে চলে যায় দিন—ব্রহ্মার সপ্তময় তনুর বিগ্রহ; কোথা দিয়ে চলে যায় রাত্রি—কমলধোনির তমোময় তনুর প্রতিমা। আবর্তিত হয়—প্রভাত, মধ্যাহ্ন, সন্ধ্যা। ঋতুর অয়নে ফুল ফোটে, ফুল গুঁকিয়ে যায়—হরিৎ হয় হরিভ্রাবরণ। দুর্ভগা তবু খোঁজে, তবু প্রতীক্ষা করে—জরতীর নয়নে পতির স্বপ্ন।

সহসা সেদিন নিশীথ রাত্রে কিসের শব্দে সচকিত হয় দুর্ভগা। কানে সে ভাল শোনে না। তবু একহাতে বাঁ কান ঢেকে, ডান কানে সে শুনতে চেষ্টা করে। বহুদূর থেকে ভেসে আসছে ক্ষীণ ধ্বনি। অনেক দূরে যেন দেখা যাচ্ছে একটি জ্যোতিরিকা। সেই জ্যোতিষ্চক্রে অস্পষ্ট শব্দঝঙ্কার! দুর্ভগা শুনছে, সুস্বন্দ্র ঘন জ্যোতিরিকুল বিকীরণ ধ্বনিক্রম নাদ। বহির্বিধে ওই নাদই শব্দব্রহ্ম। তাহলে কি ধ্বনিক্রমে নেমে আসছেন স্বয়ং ব্রহ্মা? তার আবেদন তাহলে পৌঁছেছে বিধাতার ঘারে? সোংকণ্ঠ দুর্ভগা।

তখন সপ্তর্ষিলোক থেকে নেমে আসছিলেন দেবধি নারদ। মুখে সুমধুর হরিগুণ গান। ঋষির দেহ-বিচ্ছুরিত দীপ্তি ঠিকরে পড়ছিল মতো—তার কণ্ঠোচ্চারিত মধুর গীতের অস্পষ্ট ঝঙ্কার সুধা বর্ষণ করছিল অশাস্ত হৃদয়ে। ছায়াপথ বেয়ে লঘু পদসঙ্কারে তিনি এসে দাঁড়ালেন দুর্ভগার সম্মুখে।

বিস্মিত দুর্ভগা। কেউ তার কাছে আসে না, কেউ তাকে চায় না। বিশ্বসংসারে সে পরিত্যক্ত। করুণার আশীর্বাদ কে এই করুণাময়—তার সম্মুখে এসে দাঁড়িয়েছেন? জ্যোতির্মণ্ডিত দেহ, নবনীল মত কমলীয় অঙ্গ। পরিধানে শ্বেতশুভ্র বসন, স্বাক্ষ লঙ্ঘিত দুগ্ধধবল উত্তরীয়। চোখে-মুখে প্রশান্ত হাসির ছটা। ইনিই কি তার বিধিনির্দিষ্ট পতি?

উত্তেজনার কম্পিত শিথিল দেহ, অন্তরতলে অনির্বচনীয় পুলক। আবেগে যষ্টি ভর করে উঠে দাঁড়ায় দুর্ভগা। তার গণ্ডে যেন রক্তের ছোপ লাগে, বিস্তৃত ওষ্ঠে হাসির রেখা, কস্পকণ্ঠে গদগদ ভাষ, ‘তুমি কি আমার পতি হবে ঋষি?’

প্রথমে বিব্রতবোধ করেন তপোধন নারদ। তিনি জানেন দুর্ভগা দুর্ভগার স্বভাব। অতি নির্লজ্জ, অভদ্র তার আচরণ। ব্যর্থ হলেই অভিশাপ বর্ষণ করে। প্রথমে একটা কোঁতুক শ্লেষ উচ্চারিত হতে চায় নারদবাক্যে, কিন্তু পরমুহূর্তেই আত্মসংবরণ করেন তিনি। করুণার প্রতিমূর্তি—স্নেহপ্রবাহে আপ্ত তঁার অন্তর। বেদনার্ত হৃদয়, অশ্রু-ছলছল নয়ন—তিনি ভাবেন, সত্যিই তো অনাথ দুর্ভগা। ত্রিঙ্গতে সে প্রত্যাখ্যাতা, স্বামিবঞ্চিতা। তার মত হতভাগিনী কে?—নীরব, নিস্পন্দ ভক্ত নারদ, নয়নে করুণাধারা।

ঋষিকে নীরব দেখে আবার নিরাশার আঁধার ঘনোভূত হয় দুর্ভগার মনে। তবে কি ইনিও প্রত্যাখ্যান করবেন তাকে? শক্তি সঞ্চয় করে শেষ চেষ্টা করে দুর্ভগা, মুখে বলে, ‘রতিকাম নারী আমি, জগতে কেউ আমার পতি হতে চায় নি, রূপহীন। বলে কেউ গ্রহণ করে নি আমাকে। কৃপালু ঋষির করুণা থেকেও কি বঞ্চিত হব আমি?’

সকাতর কস্মকণ্ঠ। বিশ্বের হতাশা-বেদনায় মথিত করুণ আবেদন। অধীর হলেন তপোধন। স্বভাব-কোমল যাদের হৃদয়, সামান্য কাতর প্রার্থনাতেও সহজে বিগলিত হন তাঁরা। সুধামাথা কণ্ঠে বলেন করুণকান্ত দেবর্ষি, 'আমি তোমার পতি হব 'না, তবে পতি নিশ্চয়ই পাবে তুমি। সৃষ্টির অভিশাপ হলেও বিধাতার সৃষ্টিতে তুমি অবাঞ্ছিত নও। প্রবল তোমার সন্তোষকামনা, ব্যর্থতায় তুমি ক্লান্ত। পাঞ্চালপুরী আক্রমণ করতে আসছে দুর্ধ্ব যবনসেনা। অধ্যক্ষ তার যবনেশ্বর। তুমি তাঁর কাছে যাও, তাঁর কাছেই আশ্রয় পাবে তুমি। আমি বর দিচ্ছি, অতৃপ্ত সন্তোষ-বাসনা অবশ্যই পূর্ণ হবে তোমার।'

দুর্ভগার অন্তরের হতাশার আলো আবার উজ্জ্বল হয়ে ওঠে, যেমন স্তিমিত-প্রায় প্রদীপ মাঝে মাঝে নিবতে নিবতেও জ্বলজ্বল করে। দুর্বল দেহে সে অনুভব করে নৃহন উত্তেজনা, নিজীব রক্তকণায় নবচাঞ্চল্য। যষ্টি তুলে সে নমস্কার জানায় ঋষিকে, স্পর্শ করে না। দেবতা ও ধৃতব্রত যোগীকে স্পর্শ করার অধিকার নেই তার।

অন্তরীক্ষপথে অন্তর্ধান করেন পরমহংস নারদ। কালদত্ত যষ্টি ভর করে আবার পতির সন্ধানে অগ্রসর হয় পতিংবর কালকন্যা। নবোষার আলোক তখন দেখা দিয়েছে পূর্ব দিগন্তে।

সারাদিন ঘুরেছে দুর্ভগা। সে ঘুরেছে করুণময় পার্বত্যপথে—উপলে ক্ষতবিক্ষত হয়েছে চরণ। সে ঘুরেছে জনশূন্য, জলশূন্য মরুর উপর দিয়ে। মধ্যাহ্ন সূর্যের খর কিরণে দগ্ধ হয়েছে পদতল। পিপাসায় শুষ্ক তালু, রসনায় দারুণ তৃষা। সে বিভ্রান্ত হয়েছে মরুর বকে মরীচিকা দেখে। তবু সে চলেছে। বকে স্বামী-সঙ্গ লাভের স্মৃতীত্র আকাজক্ষা। অবশেষে সে এসে দাঁড়িয়েছে ভবাটবীর বিশাল প্রাস্তরে। এর পরেই পাঞ্চালরাজ্য পুরঞ্জনপুত্রী। কিন্তু কোথায় যবনেশ্বর? কোথায় তার সৈন্যদল? সম্মুখে খাঁখাঁ করছে অপরাহ্নের নির্জন প্রাস্তর। আর চলতে পারে না সে। নাসায় শ্রান্তির অগ্নিজালা, নাভিমূল কাঁপিয়ে উঠছে তপ্তশ্বাস, নিঃশেষ যেন সমস্ত উত্তম। সত্যের বাঙমূর্তি ঋতদ্রষ্টা ঋষি—তাঁর বাক্য তো মিথ্যা হতে পারে না। নিশ্চয় পাঞ্চাল নগর আক্রমণ করতে আসবে তার পতি। দারুণ উৎকর্ষা নিয়ে প্রতীক্ষা করতে থাকে দুর্ভগা।

সহসা প্রাস্তর কাঁপিয়ে এল কার কটক। বিভীষণ মূর্তি সব সেনা। কারও মুখে অট্টহাস, কারও মুখে চিংকার। বুক-উলুকের মত কারও বদন, কেউ বা তীক্ষ্ণ-দ্রষ্টা ঘোরদর্শন। কারও হাতে জলন্ত অনলের মত সমুজ্জ্বল খড়্গ, কারও হাতে বজ্র

দণ্ড। রথের ঘর্ষর, অশ্বের হ্রেষা, হস্তীর বৃংহণ, অস্ত্রের ঝনংকার—সব মিলিয়ে মুখর মুক প্রাস্তর।

দুর্ভগার অন্তরে নববিবাহের বধূর মত পুলককম্পন। পাঞ্চাল পুর্ববাসীর পক্ষে যা দুর্নিমিত্ত, দুর্ভগার নিকট তাই শুভ মাহুলাক। বাণভাণ্ডের সমারোহে সমাগত বরযাত্রী। নবউৎসাহে উঠে দাঁড়ায় দুর্ভগা। সত্যমূর্তি ঋষি, সতাময় তাঁর বচন। দুর্ভগার ত্রিমিত নয়নে খর সঙ্কানী দৃষ্টি—কোথায় সৈন্যাদাক্ষ যবনেশ্বর ?

ওই যে অদূরে দেখা যাচ্ছে—নীলগিরির মত বক্ষকায় মহিস, তাই পৃষ্ঠে পর্বতের মত বিশালকায় এক মূর্তি। উনিই যবনেশ্বর—দুর্ভগার বিধি-নির্দিষ্ট পতি। বিবাহের কণ্ঠার মত দুর্ভগার হৃদয়ে দুর্কদুর্ক কম্পন, এবটা অবশ্য-করা আনন্দানুভূতি। বহুকালের ব্যাক্ত দেহ ঈযং ঋজু হয়ে ওঠে। মুহূর্তে মলিন তাঁর সম্বৃত করে নেয় দুর্ভগা। কতকালের জটিল বেশ! কম্পিত হস্তে স্পর্শ কবে সে। তারপর যষ্টি ভর করে বিহ্বলার মত অগ্রসর হয়, চিরকালের অভিসারিকা—চকিতা, উৎকণ্ঠিতা, আনন্দকম্পিতা।

মুগ্ধোমুখি এসে দাঁড়াল সে, যেন চিরস্থনী নববধূ। হৃদয়ে সত্য আনন্দকম্পন, যেন নাগরদোলায় আন্দোলিতা নাগরী। আনত চিবুক উঁচু ববে, অনেক বালের বিবর্ণ মুখ, ক্ষীণ দৃষ্টি মেলে উপরের দিকে তাকাল দুর্ভগা। সলজ্জ নববধূর মুখ-চন্দ্রিকা : কম্পিত ব্রীড়াকৃষ্ণিত নেত্রপল্লব—আবেশময় চাহনি। স্থালিত বচনে দুর্ভগার মুখে উচ্চারিত হচ্ছে নিখিল নারী-হৃদয়ের চরম কামনা, 'তুমি কি আমার—

কথা শেষ হল না, নিমেষে নিবে গেল বাসরকম্বের উজ্জল আলো। নববধূর চোখে কালরাত্রির অন্ধকার! কে এ? এ যে কালের কৃতকপুত্র সেই মৃত্যু! যে ব্যর্থ করে দিয়েছে দুর্ভগার জীবনের রঙিন স্বপ্ন, জীবনের সবপ্রথম কামনা; যার জন্ম দুর্ভগার এত দুর্ভোগ—ত্রিলোকে সে পতিবঞ্চিতা!

'মিথ্যা ঋষিবাক্য!'—বৃকভাঙ্গা আর্তনাদ করে ভূমিতে লুটিয়ে পড়ল দুর্ভগা। মনে হল, ঋষির বাক্য যেন বজ্র হয়ে নেমেছে তার বৃকে; মনে হল, প্রবল ভূমিকম্পে সরে যাচ্ছে নীচেকার মাটি; মনে হল, বিদেহী প্রেতিনীর মত দুর্ভগা আশ্রয় নিয়েছে মহাশ্মশানের অনন্ত শূন্যতলে।

সম্মুখে স্তব্ধ কালের দস্তক মৃত্যু—দুর্ভগার সম্পর্কিত ভ্রাতা। নিশ্চল পুঞ্জিত মেঘের মত বোর বিশালাকার দেহ। তার রক্তনয়নে অশ্রু ছল ছল করে, বক্ষণ দৃষ্টিতে সে তাকায় ভগ্নীর মূর্ছাহিত দেহের প্রতি। ভগ্নী দুর্ভগা—বঞ্চিতা, আশাহতা। ত্রিভুবনে পতি খুঁজে পায় নি সে।

তখন বিনায়ী অমিতবিক্রম আদিত্যদেব। ওপরের আকাশটা ঘননীল। অসীম নীলায় জমেছে যেন কতকালের কত বেদনা! দিগন্ত, রক্তরঞ্জিত সঙ্ঘাত— যেন কত রুঢ় আঘাতের রক্তচিহ্ন! ছুঁ করে বয়ে যাচ্ছে বেলাশেষের সমীরণ—বুকে যেন অন্তহীন নৈরাশ্যের হাহাকার! সূর্য্য শেষ রশ্মিঝালে অসংখ্য ত্রসরেণুর আবর্ত—যেন ঘনকম্পনে স্পন্দিত ব্যর্থতার সহস্র শব্দ অশ্রু-কণা!

সহানুভূতিতে করুণায় কঠিন হৃদয় মূহুর রক্তাস্ত্রলাচনে অশ্রু-সাগর টলমল করে। ভূমিতে লুট্টয়ে কাঁদছে চির-লাঞ্ছিতা তারই ভগ্নী—তার শূন্য হৃদয়ে স্বামীর স্বপ্ন। ধীরে মহিষপৃষ্ঠ থেকে নেমে আসে, ধীরে দাঁড়ায় ভূপতিত। দুর্ভগার দেহের সামনে—অতি ক্ষীণ, অতি শুষ্ক, কঙ্কালসাব তনু। অশ্রু-সঞ্জন, স্নেহদ্রব কণ্ঠ বলে মৃত্যু, ‘ওঠ দুর্ভগা, ঋষিবাক্য কোনদিন ব্যর্থ হয় নি, ব্যর্থ হয় না। পতি নিশ্চয় লাভ করবে তুমি। তোমার বিদ্যা তোমার আয়ত্ত্ব : সেই বিদ্যাবলে অলক্ষ্যচারী হয়ে মর্ত্যের প্রত্যেক প্রাণীকে তুমি সন্তোষ করতে পারবে। পতিরূপে তোমার ভোগ্য হবে যৌবন-অতিক্রান্ত যে-কোন জীব। সংযত, মিতাচারী, ধর্মণীর ধার্মিককে বশ করতে তোমার বিলম্ব হবে, কিন্তু কামাসক্ত যারা কামকিঙ্কর, অমিতাচার ভোগে যারা আকণ্ঠ লিপ্ত—তাদের অতি সহজে আয়ত্ত্ব করতে পারবে তুমি। তোমার আর এক নাম হবে ‘জরা’। কালের অবাধ সংক্রমণে প্রত্যেক প্রাণী জরার বশ হবে। তোমার ভোগ পূর্ণ হলে তারা আসবে আমার অধিকারে। আমার অগ্রদূতী বলে ত্রিলোকে মৃত্যুদূতী নামেও বিখ্যাত হবে তুমি। যাও, আমারই সৈন্যদলে আছে প্রজার আর স্মৃতিহরা। তাদের সহায়ে সৃষ্টির রাজ্যে পতিসন্তোষ কর, পাঞ্চালরাজ্যে বিস্তার কর তোমার অধিকার।

এই কথা বলে ধীরে চলে যায় মহিষ-বাহন মৃত্যু। গোধূলির শেষ আলোয় উৎসাহে ঈষৎ ঋজু হয়ে দাঁড়ায় কুঞ্জা দুর্ভগা। গোধূলির বসুমতী যেন জরারই প্রতিমূর্তি : স্তিমিত প্রতীপের শেষ দীপ্তির মত তৃপ্তির হাসি তার ম্লান মুখে। দুর্ভগার লুলিত ওষ্ঠেও সেই হাসি। আর সে পতি-বঞ্চিতা নয়, সকল প্রাণীর ওপর তার পত্নীত্বের অধিকার। সেই অধিকার গ্রহণ করার জন্য যষ্টি ভর করে অগ্রসর হয় মৃত্যুদূতী।

তখন পাঞ্চাল পুত্রী থেকে বেরিয়ে আসছেন পাঞ্চালরাজ অমিত-বিক্রম পুত্রজন। ভোগবতী সদৃশ মনোরম পুত্রীতে এতদিন অতি সুখে তিনি রাজত্ব করেছেন। আজ শত্রু আক্রমণ করতে এসেছে সেই পুত্রী! সহসা যেন শক্তি হারিয়ে ফেলেছেন তিনি : বিদ্রোহী পঞ্চ মন্ত্রী, পঞ্চ সেনাপতি। ম্লান নয়নদীপ্তি, চোখের কোণে গাঢ়

কালিমা রেখা । সহস্র বলিকুঞ্চিত তার সতেজ দেহ—পলিত কেশ, স্থলিত দন্ত,
শিথিল অস্থি-গ্রস্থি । দুর্বল দেহে ক্রোধের অস্থির কম্পন, মুহমূহ স্থলিত চবণ ।
কে যেন তার হাতে তুলে দিয়েছে একটি ষষ্টি । সেই ষষ্টি ভর করে আসছেন তিনি
—অসহিষ্ণু, বিরক্ত, ক্রোধান্বিত ।

দূরে মহিষ-পৃষ্ঠ বসে তৃপ্তির হাসি হাসছে অস্তক মৃত্যু । দুর্ভগার পতিসন্তোগ
শুরু হয়েছে তাহলে ? অদ্ভুত তার পতিপ্রাণতা, আশ্চর্য পতিচর্যা । মনের সাম
মিটিয়ে গভীর প্রেমে, পরম যত্নে নিজের রূপে তিল তিল করে পতিকে সাজিয়ে
দিয়েছে মৃত্যুদাতী জরতী দুর্ভগা ।*

* শ্রীমদ্ভাগবত—৪র্থ স্কন্ধ, ২৭-২৮ অধ্যায় ।

॥ অন্তক ॥

ত্রিলোকীর দক্ষিণদিকে অন্ধকারের উত্তম গ্রাসের মত ভয়ঙ্কর সেই গুহা-
গহ্বর। তারই ভিতর দিয়ে বহুদূর প্রসারিত সৃষ্টির পুরাতন পথ। বিশ্বমানবের
শাস্ত্রী ধ্রুবা গতি। কিন্তু পরমাশ্চর্য! সে পথের পরিচয় কেউ জানে না।
বিশ্বত্বির আঁধারঘেরা নীহার-শীতল পথ—ঘন কুহেলিকাময়, গাঢ় অন্ধকারে
সমাক্রম। সেখানে সূর্য নেই, চন্দ্র নেই, নক্ষত্র নেই। নিরগ্নি, নিস্প্রদীপ—
জ্যোতিঃশূন্য মহাতমিস্রা। তমিস্রার জ্যোতিঃশব্দ। সেখানে নিস্তন্ধ শব্দতরঙ্গ।
অন্ধ শুষ্ক ব্রাক্ষীনিশার মত অনন্ত শূন্যতা, অনন্ত নৈঃশব্দ—যেন এক অনন্ত
অনুত্তর জিজ্ঞাসা।

অজ্ঞাতপরিচয় সেই নির্গম নিগূঢ় পথের সন্ধান জানে শুধু সে। পুরাণ পথের
অগ্র-পথিক—অনাদি কাল থেকে সে সেই পথের পথ-প্রদর্শক। ওই পথের মতই
সে রহস্যময়। সে অদৃশ্য, অলক্ষ্য—চির-অচেনা, চির-অজানা। কে বলতে পারে,
কে তাকে দেখেছে? কে তার সন্ধান জেনেছে?

কিন্তু সে আছে। জগতের বুকে সে এক নির্মম, কঠিন সত্য। মমতা-বর্ষণ
মহাভয়াল। তার অমোঘ পদক্ষেপে মর্ত্যলোক আতঙ্কে শিউরে ওঠে। বলহাস্তে
সে করুণ ক্রন্দন, সুখের নীড়ে মহা দুঃখ, বসুপূর্ণা বসুঙ্করায় বসুহা বর্ষোপল। সে
মৌন কিন্তু অমোঘ তার হস্তসংক্কেত। প্রচণ্ড শক্তি, প্রচণ্ড বেগ। তারই প্রবল
আকর্ষণে সম্মোহিতের মত তার পশ্চাতে দ্রুতবেগে ধাবিত হয়—কষিত বৃষ্টি ছায়ার
মত অশরীরী সত্তা, যেন ঘোর ছায়ার পশ্চাতে লক্ষ লক্ষ সুসূক্ষ্ম ছায়ার বীজাণু।
তারা পাশবিক, লুপ্তস্মৃতি। তারা জানে না, কেমন করে পথ অতিবাহিত হয়—
কোন স্মৃতিহরা হরণ করে স্মৃতি, কোন স্বয়ংহারিকা হরণ করে জ্ঞান।

সেই ভীষণ বিশ্বত্বির পথে একমাত্র স্থির বৃদ্ধি, স্থিতিদৃষ্টি সে। ধ্রুবা স্মৃতি, ধ্রুব
লক্ষ্য। যে পথে পদাঙ্ক পড়ে না—তমিস্রায় নিশ্চিহ্ন পদচিহ্ন, যে অন্ধকারে আচ্ছন্ন
দৃষ্টি, সে অন্ধকারে সে অতন্দ্র, অভ্রান্ত—যেন অকূল অন্ধকার সাগরে এক অভ্রান্ত
দিগ্-দর্শন। প্রলয়ের প্রাক্কালের মত অটল গাঙ্গীর্ষ নিয়ে সে নিঃশব্দে অতি
দ্রুতবেগে সেই গুহাহিত ভয়ঙ্কর পথ অতিক্রম করে।

তার জীবনের আর-এক গুঢ় রহস্য তার একাকিত্ব বছর মধ্যে সে একা। কোটি কোটি সত্তার নিয়ন্তা, কিন্তু সঙ্গীহীন। সে নিঃসঙ্গতা ধারণার অতীত। উত্তপ্ত মধ্যাহ্নে তপ্তবোর মরুভূমির নির্জনতা ধারণা করা সম্ভব, আসন্ন সমেঘ সন্ধ্যায় বিশাল প্রান্তরের বিপুল বিরলতাও বোধের অতীত নয়, গভীর অমাবস্য়ার রাত্তিতে পরিত্যক্ত স্থানের ভয়াবহ একাকিত্বও কল্পনা করা যায়—কিন্তু সকল বোধের অতীত, অনির্দেশ্য অনির্বাচ্য তার একাকিত্ব। সেই ভীষণ একাকিত্ব নিয়ে গাঢ় কৃষ্ণ ছায়ার মত নিঃশব্দে গম্ভীর মুখে সে পথ চলে।

সূর্যীর্ঘ সেই গুপ্ত পথের হুই প্রান্ত কোলাহলমুখর। যে প্রান্তে অন্ধকারের মত রহস্যময় সেই গহ্বর, সেই প্রান্তে গুহার গ্রাসস্বরূপ প্রাণ প্রাচুর্যে পূর্ণ হাসি-কান্নার সংসার—অপর প্রান্তে ক্রন্দনে-উত্তরালে উত্তাল ভয়ঙ্করী, সংযমনী পূবী। সংযমনী পূবীর প্রত্যস্ত সীমায় এসে পথ দ্বিধাবিভক্ত হয়েছে : উর্ধ্বে দেবদান, নিম্নে পিতৃদান। উর্ধ্বে নভোমণ্ডলে আলো—আলো—শুধু আলোর বরণ। ওই আকাশগঙ্গা অলকনন্দা, ওই সুশুভ্র ছায়াপথ ওই দিব্য চরণায় আদি শালোক, —আলোকস্নাত উত্তবায়ণ। আর নিম্নে অন্ধকার—নিদারুণ অন্ধকার, তেনা নিভাঁজ তমিস্রার পুঞ্জিত স্তূপ। সেদিকে পাতালগঙ্গা ভোগবতীব উত্তরঙ্গ গর্জন, কাদেব যেন হুহকার, কাদেব যেন বুকভাঙা আর্তনাদ, সেদিকে পিতৃলোক, নিদেপূর্ব—দক্ষিণায়নে গ্রথিত ভবচক্র। 'শুক্ল কৃষ্ণে গতীহেতে'—বিশ্বের শাস্ত্রনী হুই গণি।

এই দ্বিপথের সংযোগস্থলে কখনও কখনও সে এসে দাঁড়ায় উগ্রদৃষ্টিতে ত্রাবায় চতুর্দিকে। জীবনের একাকিত্ব যেন বিভীষিকার মত গাকে অধিকার বনে। পৃথিবীতে যখন দিন, এখানে তখন রাত্রি। কোব্দী-দৌত অনন্ত নীলবতা। উপরে অসীম শূন্য আকাশ, আকাশের বৃকে কালচক্রে গ্রথিত অগণিত নক্ষত্র। শূন্যতার বৃকের আনন্দ এই নক্ষত্রবাহি। আবও দূরে অস্পষ্ট নীহারিকা—নটিনীর মত নৃত্যচপল। ওদের নিঃশব্দ চপল চরণ স্পর্শে শিহরিত শুভ্রাংশু। আকাশের শেষ সীমায় দিগন্তয়—বলয়বেষ্টনে আনন্দনিলীন দিগ্‌বধু। সর্জিত স্তম্ভ স্থায়ী নিখিল আকাশ—শূন্যতার পূর্ণতার আনন্দ। কিন্তু সে ৭ .স একা, অসংলগ্ন—যেন সৃষ্টির বিবাত ব্যতিক্রম।

ছু করে হৃদয়। আপিস্বল অশ্রুহীন নয়ন। অতি শুষ্ক, অতিশয় ক্রমদৃষ্টি। আনন্দ-পূর্ণ আকাশের দিকে তাকিয়ে সে দীর্ঘশ্বাস ফেলে। অসহ বোধ হয় ভীষণ একাকিত্ব। সে জানে, সংযমনী পূবীর ওপাটে—ওই আলোক-লোকে তার প্রবেশ নিহিত। ওই নক্ষত্র, ওই নীহারিকা, ওই ছায়াপথ, ওই দিগন্তনা—তার নিরাশার স্বপ্ন।

নিঃশব্দে আপন কক্ষপথে পদক্ষেপ করে সে। সে পথ অনন্দ, অসুখ। 'অনন্দা নাম তে লোকা অক্ষয় তমদাবুতা'। কিন্তু সেই পথটিই বুঝি তার একমাত্র আপন, একান্ত পরিচিত। তাই মত ঘোর ক্লেশ, তাই মত গহন-গভীর, তাই মত রহস্যময়। অপলক দৃষ্টিতে খানিক সেই পথের দিকে তাকিয়ে থাকে সে। শূণ্য জীবনের প্রিয়তম বন্ধু ওই পথ—বিশ্বালাকের মহাভয়, ঘোর কুটিল—কিন্তু তার প্রিয় বান্ধব। চির নীরব বন্ধু, চির নীরবতাময় বন্ধুত্ব। মৌন সখ্যে সুখ আছে কি?—দীর্ঘনিশ্বাস পরিত্যাগ করে সে পথের এ-প্রান্তে এসে দাঁড়ায়।

পথের এ-প্রান্তে প্রাণময়ী পৃথিবী, উচ্ছল জীবন নদী। কি মত্ততা, কি উচ্ছ্বাস, কি আনন্দ চাকল্য! মৌনব্রত ভঙ্গ করেছে মমতাময়ী ধরণী। সঙ্গীতগুথর সমীরণ, কলমুগর কল্লোলিনী পিবকৃষ্ণিত কুঞ্জবন। পঞ্চযজ্ঞে প্রতিষ্ঠিত কল্যাণী প্রজা। গৃহে গৃহে মাতা-পিতা, ভ্রাতা-ভগ্নী, পতি-পত্নীর কলকোলাহল। বাৎসল্যে, প্রীতিতে, প্রেমে—মিলন-সুখের আনন্দ-জুজনে আত্মহারা স্নেহময়ী বসুন্ধরা।

ধরণীর এ-মিলনযজ্ঞে সে অনাহৃত, অবাস্তিত। জগতে কেউ তাকে প্রার্থনা করে না। সঙ্গাত্মক সংস্কারের জগতে সে একা, সৃষ্টির বুকে এক মহাশূণ্য। উদাসীন সাক্ষীর মত সে দূরে দাঁড়িয়ে দেখতে পায় নিখিলের আনন্দ-উৎসব, ইচ্ছা করলে নিমেষে নীরব করে দিতে পারে সমস্ত কোলাহল—কিন্তু যোগ দিতে পারে না। জগতের আনন্দ-জোয়ারে অবগাহন করার অধিকার তার নেই।

বক্ষ ভেদ করে আগে শুক ক্রন্দন! কেন এই অভিশাপ? কেন সে একা? সে তো একা ছিল না। মিথুন-সম্ভব সমাজে তার জন্ম—মাতা ছিল, পিতা ছিল, ছিল ভ্রাতা ও ভগ্নী। অধর্মপ্রভব মহাভয় 'অনৃত' তার জনক, নিকৃতি-নিপুণা 'নিষ্কৃতি' তার জননী। কামনা-কুটিল সমাজ, অত্যাগ্র ক্ষুধা। সে ক্ষুধা গ্ৰায়-অগ্ৰায় বিচারহীন। চিংলোভী, চিরমদাক্ষ অধর্মের কুল। ইচ্ছা করলে এই জীবনকে গ্রহণ করে সে সুখী হতে পারত। কিন্তু পারে নি। কোথা থেকে যেন তার ভিতরে দেখা দিয়েছিল অস্তুত ধর্মবোধ। দুর্নীতির রাজত্বে সে হয়েছিল নীতির ধারক। সে-ও উগ্র, উদ্ভত, ক্রোধবশ—নিরঙ্কুণ তার ক্ষমতা, কিন্তু নিরপেক্ষ বিচার।

ন্যায়ধীশ বিধাতাপুরুষ তারই হাতে গুস্ত করেছিলেন সুবঠিন এক বর্মভার। অধর্মের বংশধর হয়েও সে হয়েছিল ধর্মরাজের অনুচর। যেমন সৃষ্টি, তেমনি প্রণয়; যেমন আনন্দ, তেমনি বেদনা; প্রলয়-বন্দনার হৃদয়দণ্ড বিধাতা তার হাতেই তুলে দিয়েছিলেন; বলেছিলেন, 'দুঃখের আঘাতে ধরণীতে সুখের শতদল

ফুটিয়ে তোল তুমি, শ্মশানের চিতাধূম মেঘ সঞ্চার করে নবসৃষ্টির সহায়ক হও তুমি! নাও এই প্রাণ ও অপান বায়ুর বিশ্লেষকারী 'উঃক্রান্তিদা শক্তি', নাও এই অমিতপ্রভ ঞায়ের দণ্ড। নবজীবনের অভ্যুদয় সূচিত হোক তোমার 'প্রাণস্বী-বেদনায়', নীতির নিয়ম রক্ষা কর প্রলয়-বদন হাতে রেখে। কণ্টক-মুকুটে তোমায় অভিষেক করলাম।'

সে এক বিশ্বয়কর পৌরাণিক ইতিবৃত্ত। তখন আতঙ্কিত। প্রজাপতি ব্রহ্মার ঋত্বাভিধানে প্রজায় পূর্ণ সপ্তালাক, পরিপূর্ণা সৃষ্টি। সুন্দর নিয়ম, সুন্দর শৃঙ্খলা। কিন্তু সৃষ্টি চলল অব্যাহত-গতিতে, দেখা দিল স্থানাভাব। ভূরি-সৃজনে ঋত্বাক্রম ত্রিভুবন। চিন্তিত হলেন প্রজাপতি। তিনি লক্ষ্য করলেন, শৃঙ্খলার বিশৃঙ্খলা সৃষ্টি করে একদল প্রজা হয়ে উঠেছে স্বার্থক, স্বাধিকারপ্রমত্ত। উদ্‌গ্র তাদের লালসা, উৎকট দস্ত। তাদের হুঙ্কারে-গর্জনে, শাসনে-শোষণে পীড়িতা কল্যাণা সৃষ্টি। অবাস্তিত এই জীবনের ভারেই ভারাক্রান্ত ধরণী।

ক্রুদ্ধ হলেন সৃষ্টিকর্তা ব্রহ্মা। শাস্তির রাজ্যে একি অশাস্তি! কল্যাণী সৃষ্টিতে একি বিপর্যয়!

সহসা সংক্রুদ্ধ ব্রহ্মার ইন্দ্রিয়রঞ্জে অগ্নি প্রজ্জ্বলিত হল। আকুঞ্চিত ক্রফলক ভেদ করে দক্ষিণাবর্তে বহির্গত হল সেই ক্রুদ্ধবর্ষা বহির্গিথা! নীল-লোহিত বর্ণ, পুঞ্জিত প্রগাঢ় ক্রোধের ভীষণ সংহার মূর্তি। নীল-লোহিত সেই অগ্নি ক্রত অগ্রসর হল উচ্ছ্বল প্রজার প্রতি। পলকে প্রলয়। ক্রন্দন করে উঠল অত্যাচারী স্বার্থপর। 'ত্রাহি ত্রাহি' আর্তবাণী উচ্চারিত হতে না হতেই ভস্মীকৃত হল কামুক, লম্পট। রুদ্ধ কালাগ্নি তাদের ধ্বংস করেই শাস্ত হল না, প্রচণ্ডবেগে প্রধাবিত হল সমগ্র সৃষ্টির দিকে। স্বর্গে, মর্ত্যে, পাতালে ব্যাপ্ত ক্রোধবহি। বক্রণ ক্রন্দনে পূর্ণ চতুর্দশ ভুবন।

মহাপ্রলয়ের অধিবর্তা মহাকাল রুদ্ধ, কিন্তু তিনি শিব, তিনি শঙ্কর। তাঁর বামপদের নৃত্য রুদ্ধবীণায় অগ্নি করে, দক্ষিণ পদের নৃত্য সুন্দর হয়ে ফোটে, সৃষ্টির শতদল! ত্রিলোকের এই অশিব অকাল প্রলয়ে তিনি ব্যথিত হলেন। দেব-সজ্জের পুরোবর্তী হয়ে তিনি উপস্থিত হলেন ক্রোধাক্ত ব্রহ্মার নিকট, কাতরবর্তে বললেন, 'ক্রোধবহি সংহরণ করুন, সংহরণ করুন। সৃষ্টির উপর এ উপদ্রব অশিবজনক।'

শুভঙ্কর শঙ্করের প্রার্থনায় প্রজাপতি প্রকৃতিস্থ হলেন। দেখলেন, মুহূর্তের ক্রোধে প্রলয় ঘটে গেছে। ক্রত রুদ্ধবহি সংহরণ করলেন তিনি। স্বীয় দেহেই

সংরুদ্ধ হল তেজ, শাস্ত হল সৃষ্টি। সবিস্ময়ে প্রশ্ন করলেন মহাকাল, 'কার এই প্রলয়ঙ্করী শক্তি? কে এই মহাভয়ঙ্কর লোক সংহারক?'

সহসা দেখা গেল ব্রহ্মার দক্ষিণদিকে প্রজ্জ্বলিত বহির মত আবির্ভূত হয়েছে—অতি ঘোর ক্রমবর্ধন, মহাকায় উর্ধ্বরোমা, জগজ্জটা ক্রোধভীষণ এক উগ্র মূর্তি! একি নারী, না পুরুষ? ইচ্ছানুরূপ বেশধারী আশ্চর্য শক্তি। ক্ষণকাল পরে আরো স্পষ্ট হল মূর্তি! সাতকে সবিস্ময়ে সকলে দেখল, সে আর কেউ নয়—সেই উগ্র ভীষণ নীতিধর নিষ্ঠাতি-নন্দন।

সে-ও বিস্মিত! বুঝতে পারে নি, কোন্ শক্তিবলে সে উপস্থিত হল ব্রহ্মার সম্মুখে। মূর্তিতে বিচিত্র অভিজ্ঞতা লাভ করেছে সে। প্রচণ্ড বহিরূপে সে প্রত্যক্ষ করেছে নিজের প্রলয়ঙ্কর তেজ, প্রত্যক্ষ করেছে স্ব-শক্তির বিভীষণ রূপ। ধ্বংসের রুদ্ধ মূর্তিতে অগ্রসর হয়েছে সে। তার পদার্পণে পৃথিবীতে জেগেছে আকুল ক্রন্দন! কী কাতর মিনতি। তবু সে ক্ষান্ত হতে পারে নি। মাতা-পিতা-পত্নীর প্রার্থনা উপেক্ষা করে নির্মমভাবে সে আকর্ষণ করেছে প্রাণীর প্রাণ! শুধু আকর্ষণ নয়, আরও বিস্ময়কর তার অভিজ্ঞতা। নিদারুণ অন্ধকার—সেই অন্ধকারে গুহাহিত এক রক্তপথ। বায়ুহীন, নিষ্কম্প, হিমশীতল, শুষ্ক। সেই পথে প্রচণ্ডবেগে সে অগ্রসর হচ্ছে—পশ্চাতে ছায়ার মত অসংখ্য সূক্ষ্ম জীবাণু। আলোহীন সেই মহাতমিস্রাঘ কেমন করে সে অগ্রসর হল?—তা সে জানে না। শুধু এইমাত্র জানে, নিমেষের প্রথর দৃষ্টিতে সে সে-পথ দেখেছে—স্পষ্ট দেখেছে পথের প্রতিটি রেখা, প্রতিটি বাক, প্রতিটি অন্ধিসন্ধি। অতি ভীষণ বিভীষিকাপূর্ণ সে পথ।

সপ্রশংস নয়নে তাকিয়ে প্রশ্ন করলেন মহাকাল মহাদেব, 'এই সেই?' সগর্বে স্মিতহাস্তে চতুর্মুখে উত্তর করলেন অষ্টা ব্রহ্মা, 'এই সেই।' তারপর আপন ক্রোধমূর্তিকে উদ্দেশ্য করে তিনি বললেন, 'অধর্মের বংশে অনৃত-নিষ্ঠাতির নন্দন তুমি, আমার ক্রোধাংশে নবজন্ম হল তোমার। আজ থেকে জীব-জগতের মূর্তি-শক্তির অধিকারী হলে তুমি, তোমার নাম হল 'মৃত্যু'। তুমি জীবনের অন্তকারী 'অন্তক', পার্শ্বভৌতিক দেহের 'পঞ্চত্ব'—তুমিই 'অবসান' তুমিই 'নিমীলন'। হে ভয়ঙ্কর, যাও, ইচ্ছানুরূপ মূর্তি ধারণ করে, কর্মের বিধান অনুসারে, পুরুষরূপে পুরুষের—নারীরূপে নারীর প্রাণ সংহার কর।'

নীরবে দাঁড়িয়ে রইল অন্তক। একেই সে গম্ভীর, স্বল্পভাষী। দুঃখে কণ্ঠ রুদ্ধ হল তার। এ কি পুংস্কার, না অভিশাপ?

অধর্মের বংশধর বলে বিধাতা কি কঠিন শাস্তি দিলেন তাকে ? কি নির্দয় এই লোক-সংহার কর্ম । প্রীতির জগতে প্রীতির বন্ধন ছিন্ন করতে হবে, স্নেহের নীড় থেকে হরণ করতে হবে প্রাণময় জীবন । অত্যন্ত হৃদয়-বিদারক এই সংহার-ক্রিয়া !

বেদনায় কম্পিত হয় অস্তকের আয়ত রক্তলোচন । অস্তকের অন্তর্ভাব বোধেন অস্তর্যামী ব্রহ্মা । প্রশান্ত কণ্ঠে তিনি বলেন, ‘আমার বাক্য অসত্য হয় না । জগতে তুমিই প্রথম রহস্যময় নিমীলনের পথ সন্দর্শন করেছ । গুহাহিত নিগূঢ় পথের সন্ধান জেনেছ তুমি । তোমাকেই এ দুর্লভ কত'ব্য গ্রহণ করতে হবে ।’

তবু পাষাণের মত স্তব্ধ দাঁড়িয়ে থাকে অস্তক । হায়, প্রিয় পিতা, প্রিয় মাতা, প্রিয় পতি, প্রিয় পত্নী মিলন-ডোর কেমন করে ছিন্ন করবে সে ! মহা ভয়ঙ্কর এই নিমীলন, অতি ভৈরব এই মৃত্যু ! শাস্তির জগতে এ অশাস্তি, এ অকল্যাণ ! মনে মনে প্রার্থনা কবে অস্তক—স্নেহ-প্রীতির জগতে অক্ষয় হোক প্রীতির বন্ধন, মৃত্যুর কবলমুক্ত হয়ে কল্যাণ লাভ করুক মানুষ ।

গম্ভীর স্বরে বলেন বিধাতাপুরুষ, ‘জগতের পক্ষে মৃত্যু অকল্যাণকর নয় । জাতমাত্রেরই অবশ্যস্বাভাবী পরিণাম মৃত্যু । সত্য যেমন জন্ম, তেমনি সত্য মৃত্যু :

মৃত্যুর্জন্মবতা° বীৰ দেহেন সহ জায়তে ।

অজ্ঞ বা অক্ষ শতাস্ত্রে মৃত্যুর্বে প্রাণিনাং ধ্রুবঃ ॥

মৃত্যু সনাতন । মৃত্যু আছে, তাই অবাঞ্ছিত বস্তুর ভারে সৃষ্টি দুর্বল হয় না । মৃত্যু আছে, তাই বক্ষা হয় সৃষ্টির ভাবসাম্য । অস্তক, তুমি এই সনাতন সত্যকে স্বীকার কব, আমার বাক্য বক্ষা কব । আমার ক্রোধই লোক-সংহার করবে, তুমি হবে নিমিত্তমাত্র ।’

তবু বিধাতার বাক্য স্বীকার করতে পারে না অস্তক । মানুষের অভিষাপ-ভয়ে সে ভীত হয় । বিচ্ছেদ-কাতর সংসার অভিষাপ দিতে তাকেই দেবে ! অন্যদিকে মানুষের প্রতি করুণায় পূর্ণ হয়ে ওঠে তার অস্তর । একান্তমনে মানুষের কল্যাণ কামনা করে সে, একান্তমনে বিধাতার ক্রোধকে শাস্ত করতে চেষ্টা করে সে । অস্তক-ব্রতী হয় স্কন্ধকঠিন তপশ্চর্যায় । উপবাসে ক্ষীণতমু বায়ুভুক অস্তক প্রার্থনা করে, ‘ক্রোধশাস্ত হোন বিধাতাপুরুষ, জগৎ শান্তিময় হোক ।’ একপদে দণ্ডায়মান হয়ে সে আকুল কামনা জানায়, ‘প্রসন্ন বিধাতার আশীর্বাদে মৃত্যুমুক্ত হোক অসহায় মানুষ—শাস্তি হোক জগতের ।’ তীর্থে তীর্থে পরিভ্রমণ করে বিশ্বের কল্যাণে করুণাভিক্ষা কবে অস্তক—পবিত্র তীর্থনীরে শুচির্নান করে মানুষের জন্ত শাস্তি প্রার্থনা কবে সে ।

কিন্তু সত্যমূর্তি বেদগর্ভ ব্রহ্মা। তিনি বলেন, ‘মিথ্যা অধর্মের ভয়ে কাতর হয়েছ তুমি। তোমার কর্ম ভয়াল হলেও—এ তো পাপ নয়, অধর্ম নয়, নবজীবনের অভ্যুদয়সূচক তোমার কর্ম—পাপের প্রায়শ্চিত্ত, পুণ্যের আকর। দুঃখীর জীবনে তুমি স্বর্গের আশীর্বাদ, ধার্মিকের জীবনে গভীর প্রশান্তি। তাদের কাছে তুমি সুন্দর—পরম সুন্দর। হে অনন্ত মৌন, হে রুদ্র-সুন্দর, যাও, তোমার কর্মভার গ্রহণ কর। পিতৃতর্পণে লোকে শ্রদ্ধার সঙ্গে উচ্চারণ করবে তোমার নাম।’

অবিচল সত্যের বাণ্যমূর্তি সত্যদ্রষ্টা ব্রহ্মা। অনিচ্ছাসত্ত্বেও শেষ পর্যন্ত অস্ত্রকে তাঁর আদেশ স্বীকার করতে হয়। আপিজল রক্ষ চক্ষু—সেখানে অশ্র উদ্গত হয় না। তবু বেদনায় চিকচিক করতে থাকে রক্তসঙ্কার অস্ত্রের মত তার রক্ত নয়ন। বাত্রিদেবী—কালরাত্রি, মোহরাত্রি আর মহারাত্রি ছায়ায় সাজিয়ে দেন তাকে; মহাকাল রুদ্র তার দেহে আধান করেন রুদ্র তেজ। পাশী বরণ তার হাতে তুলে দেন অমোঘ পাশ, ধর্মরাজ দেন অমিতপ্রভ গায়ের দণ্ড। প্রলয়-বেদনার বণ্টক-মুকুটে অভিহিত হয়ে নিজের সমাজে ফিরে আসে সর্বসংহারক অনৃত-নন্দন।

সমাজে তার প্রতি নিষ্ফিষ্ট হল বক্রকটাক্ষ। কেউ সম্মুখে বলল, ‘ওহে, অধর্মের বংশে ইনি যে হলেন ধর্মপুত্র! পক্ষে পক্ষজ।’ কেউ ব্যঙ্গ হাস্য করে বলল, ‘অস্ত্র হল সর্বাস্ত্রক। ভালই হল, আমবা ওর আত্মীয়স্বজন—আমরা অমর হব।’ সর্বাপেক্ষা ক্রুদ্ধ হল কামনা-বভৃক্ষ সমাজের নারী। অনিরুদ্ধ উচ্ছ্বল কামনার মহাভয় মৃত্যু। তারা বলল, ‘আমরা দেখে নেব কত বড় শক্তিমান অস্ত্রক।’

সেদিন সমাগত হল কাল-রাত্রির মত দুর্যোগঘন এক রজনী। অন্ধকারে আচ্ছন্ন দিগ্‌মণ্ডল, মহামেঘে আবৃত আকাশ। কৃষ্ণ যবনিকায় অবরুদ্ধ দৃষ্টি। নেপথ্যে সংবর্ত জীমূতের ঘোব উষ্ব—উনপঞ্চাশ পবনের মত হুকার। বৃক্ষ বৃক্ষে সঘন কম্পন, মৃত্তিকা গর্ভে হাহাশ্বাস। দশদিকে আজ বন্ধনমুক্ত দিগ্‌নাগ, আজ উন্মাদ সহস্রাঙ্গণা বাসুকী। সৃষ্টি জুড়ে যেন গর্জন করছে রুদ্রসর্গের ভূত প্রেত পিশাচ। অন্ধ দৃষ্টি, বধির কর্ণ, তন্দ্রাহীন নয়নে দুঃস্বপ্ন।

স্বীয় প্রকোষ্ঠে দাঁড়িয়েছিল অস্ত্রক—গায়ের রক্ষক, নীতির তত্ত্বাবধায়ক। তাকেও গুরু করতে হবে এই সংহারলীলা। কী কঠিন বিধাতার নির্দেশ। সে ভেবে পায় না কেন উন্মাদিনী হয় প্রকৃতি, কেন বেসুরে বাজে সৃষ্টির বীণা।

সহসা কে তাকে ডাকল, ডাকল তারই নাম ধরে। চম্কে ফিরে তাকাল
অস্তুক। বিস্ময়ে হতবাক হয়ে দেখল, বাইরের ওই উন্মাদিনী ঝটিকার মতই নির্জন
কক্ষের স্বপ্নালোকে এসে দাঁড়িয়েছে কামার্তা তারই সহোদরা।

কী কুটিল কদর্ষ দৃষ্টি! বিদ্রোহের মত তীব্র জ্বালাময় কটাক্ষ। বিষম বসন,
ধূসর কুস্তল। স্ফুরিত অধরে মদিরার গন্ধ।

শিউরে উঠল অস্তুক—ভয়ে নয়, ঘৃণায়। কিন্তু প্রতিবাদ করার পূর্বেই
ঝটিকার বেগে ছুটে এল কামিনী, যেন বংশের চিরাগত ব্যভিচার ছুটে এল তাকে
ব্রহ্মষ্ট করতে। প্রাণপণ শক্তি সঞ্চয় করে প্রস্তুত হল অস্তুক।

সে কথা বলে না। সহজ গম্ভীরমূর্ত্য। শুদ্ধ নীববতার মূর্ত প্রতীক। বিপুল অঙ্ক-
কারের মত বিশাল বপু, স্ফুটমুখ শঙ্কর মত উদ্ভীরোমা। সংরক্ত নয়নে নীরবে সে শুধু
উত্তোলন করে দৌর্দণ্ড কালদণ্ড। অস্পষ্ট আলোকে অতি ভীষণ দেখায় তার মূর্তি!

দণ্ডভাতা স্বেচ্ছাচারিণী শুদ্ধ হয়ে দাঁড়ায়, যেন যাদুদণ্ড সঞ্চালনে শুদ্ধ
কালনাগিনী। উত্তম ফণা, অগ্নিবর্ষা নয়ন।

বাইরে তখন উনপঞ্চাশ পবনের মত ছন্দার, উন্মত্ত সংবর্তের গর্জন। সমগ্র
সৃষ্টিকে ধ্বংস করার ক্ষমতা তাদের নেই, কিন্তু সৃষ্টির একাংশকে পঙ্গু করে দিচ্ছে
তারা। ক্রুদ্ধ সহোদরার অভিশাপ তেমনি পঙ্গু করে দিয়েছিল অস্তুকেব ভয়ঙ্কর
জীবনের একটি দিক। ক্ষুভিতা নারীর তপ্তশ্বাস বিধৃত কণ্ঠে গর্জন করে উঠেছিল,
'বংশের নিয়ম লঙ্ঘন করে যে দণ্ডকে বড় বলে মনে করলে তুমি, সেই দণ্ড তুর্দৈব
সৃষ্টি করবে তোমার জীবনে। এ জগতে কোন নর, কোন নারী স্বেচ্ছায় তোমাকে
কামনা করবে না। হে নির্মম—নীরস, নিঃসঙ্গ মরুর মত দারাপাতাশীল শুদ্ধ, শূণ্য হবে
তোমার জীবন।'

ঝড়ের বেগে বেরিয়ে গেল কামিনী, যেন শেষ ঝাপটা দিয়ে দূরে মিলিয়ে
গেল উন্মাদিনী ঝটিকা। উত্তম দণ্ড হস্তে শুদ্ধ হয়ে দাঁড়িয়ে রইল অস্তুক।
শাস্ত ঝড়, তবু কেন মর্মবিদারী চাপা ক্রন্দন?

অভিশপ্ত অস্তুক এসে দাঁড়াল বিধাতার সম্মুখে। তেমনি মৌন, তেমনি
গম্ভীর। পাজর যেন ভেঙ্গে গিয়েছে তার। মুখে স্তম্ভীর বেদনার ছায়া।

'সাধু! সাধু অস্তুক!'—উৎসাহে বলে উঠলেন সর্বদর্শী বিধাতা: 'কদর্ষ
কামকে জয় করে অক্ষয় কীর্তি অর্জন করলে তুমি। কুটিল কামনায় যারা
অঙ্ক, তারা জাহ্নুক—শাস্তার শাস্তি কি ভয়ঙ্কর! সকল কামনার পরমা নিবৃত্তি,
আজ থেকে তোমার দণ্ড হবে কাম-কিঙ্করের মহাভয়।'

বিধাতার উৎসাহে অস্তক উৎসাহিত হয় না। হায়, সপ্রজা প্রজাপতি কেমন করে বুঝবেন, নিঃসঙ্গতার কি দুঃখ—শূণ্যতার কি হাহাকার! সুখী কি করে বুঝবে দুঃখীর অস্তর্দাহ?

অস্তর্দেহী ব্রহ্মা। তিনি সবই দেখেন, সবই বোঝেন। নিঃসঙ্গতার বেদনা তাঁর অজ্ঞাত নয়। কিন্তু এ বেদনা অস্তককে বহন করতে হবেই—এ বিধাতারই অভিপ্রেত। প্রশান্ত কণ্ঠে সাস্তনার বাক্য বলেন তিনি, ‘শোন অস্তক, জগতে তুচ্ছ মহৎ কার্যে ব্রতী যারা, তাঁরা সকলেই একা—নিঃসঙ্গ। জ্ঞানী একা, যোগী একা, কর্মী একা। আত্মীয় তাঁদের বর্জন করে, প্রিয়জন মুখ ফিরিয়ে নেয়। একাই তাঁরা অগ্রসর হন কঠিন কর্মের পথে। চেয়ে দেখ, জগতের ওই শাস্তী গতিপথ, যে পথের পরিচালক তুমি স্বয়ং। সে পথে কে একা নয়? একা কোটি কোটি প্রাণী, একা আসে—একা যায়। একা তাদের অনন্ত পথ পরিক্রমা, একা তাদের কর্মফলভোগ। মিথ্যা ভ্রান্তি মহান্ ‘এক’কে বহুরূপে প্রতিভাসিত করে। অস্তক, তুমি সেই বিরাট এককে দেখ, তাঁর স্বরূপ উপলব্ধি কর। এক ছাড়া দুইয়ের অস্তিত্ব কোথায়?’

নীরব হন বিধাতা পুরুষ, নীরব হয় একটি সুগম্ভীর নাদ। বিস্ফারিত নয়নে দিব্যদৃষ্টিতে দেখে অস্তক—বিশ্ব জুড়ে আছে শুধু এক। কমলযোনি ব্রহ্মা, কমলাপতি বিষ্ণু, প্রলয়ঙ্করী মহাকাল—সব সেই একের অস্তর্ভুক্ত। একেরই দেহগত আকাশ, সাগর, সপ্তলোক, চতুর্দশ ভুবন। এক—এক—এক। দুইয়ের অস্তিত্ব তো নেই কোথাও!

আবার সব মিলিয়ে যায়। নির্বাক, স্তব্ধ মৃত্যু। নীরবে সে বেরিয়ে আসে। নিশ্চল গাম্ভীর্যে সে আরম্ভ করে বিধি-নির্দিষ্ট কর্ম। বিশ্বের সম্ভাস সে, মহাভয়াল। প্রাণস্বী বেদনায় সে মুহূর্তে নীল করে দেয় প্রাণময় দেহ, কোটি কোটি প্রাণীকে নিয়ে যায় জীবন-নদীর ওপারে, শুক্লশীতল গুহাপথে। সে নির্মোহ, নির্ময়। পশ্চাতে ফেরে সহোদরার অভিলাষ। নিঃসীম একাকিত্ব!

অস্তরে ক্ষোভের সহস্র তরঙ্গ, বাইরে ক্রোধের কম্পন! অসহিষ্ণু হয়ে ওঠে অস্তক। বিদ্রোহী ঘেন চঞ্চল রক্তকণা! মিথ্যা, মিথ্যা! কে বলে, বিশ্ব নিঃসঙ্গ? এ জগতে কেউ একা নয়। সংজ্ঞা-প্রিয় সূর্য, রোহিণী-প্রিয় চন্দ্র, পৃথিবী-প্রিয় দৌম্পিত্য। একাকী নিরানন্দ স্বয়ং ব্রহ্মা। ‘একাকী ন রেমে’—পুরাণ-প্রসিদ্ধ এ বাক্য। ‘একোহ্মি বহু শ্যাম’—এ আকাশের স্বয়ং প্রজাপতির। আক্রোশে উত্তত হয় ভৈরব বাহু। একাকিত্বের বিধান কি শুধু তাঁর জ্ঞান?

রক্ত উগ্রদৃষ্টিতে তাকায় পৃথিবীর প্রতি। বসন্তের আবির্ভাবে আরক্তিম প্রকৃতি, দিব্যপাটলের রক্তাশ্বর পরিহিতা ধরণী যেন নববিবাহের বধু; কণ্ঠে চম্পকমালা, কর্ণে রক্তাশোকের কুম্বল, কটিতে কুম্বল মেখলা। সালোক ঋতুরঙ্গশালায় কে ওই নারী ?

‘মমতা’—প্রাণচাঞ্চল্যে সজীব প্রাণপ্রতিমা। এই মমতাকে চেনে অস্তক। জীবনের স্বতঃস্ফূর্ত এক স্ফূর্তি! মমতাকে সে দেখেছে—জায়ার প্রেমে, জননীর স্নেহে। তাকে দেখেছে গৃহীর গৃহাঙ্গনে, স্বেচ্ছাতির স্নিগ্ধ শিখায়। দেহে লাবণ্যের উচ্চল তরঙ্গ, নয়নে মেঘের সজ্জলতা। হৃদয়ের শান্তি, করুণার কমকাস্তি মমতা। ধরণী মমতা-ধন্যা।

হৃদ করে ওঠে নিঃসঙ্গ মৃত্যুর হৃদয়। ক্ষুৎকাম সমাজের চিবস্তন ক্ষুধায় উন্মাদ বৃষ্টি শোণিত-কনিকা!

তখন বসন্তের রঙ্গশালায় সজীবিত ছন্দিত জীবনের স্পন্দন, নৃত্য-চঞ্চল চরণে আর চারু অঙ্গে উচ্চল প্রাণতরঙ্গ। কোতুকে বলছে সখীদল :

‘দেখ সখি, অশোক হয়েছে লাল।’

‘দেখ, বকুল হল মুকুলিত!’

‘কার দোহদে অশোক লাল হল, বকুল হল গন্ধে ভোর?’

‘মমতার ছোঁয়ায় প্রাণময় বনতল।’

‘মমতা-ধন্য ওগো অশোক, ওগো বকুল—তোমরা প্রতিদান দাও।’

হেসে লুটিয়ে পড়ে তরুণীদল, বেদনায় ভরে ওঠে মমতার অস্তরতল। রণিত হয় কোমল করুণ কণ্ঠ, যেন স করুণ সুরে রণিত হয় বীণার তার :

‘হায় সখি, প্রতিকূল বায়ুতে ঝরে যায় অশোক, ঝরে যায় বকুল। আলোর ক্ষণিক আশীর্বাদ ক্ষণিকের ওই ফোটা ফুল! মমতার ছোঁয়ায় লাল হয়ে ফোটে, কুঁড়ি মেলে গন্ধ বিলায়। তারপর নিমেঘে মিলিয়ে যায় আনন্দের বদ্বদ। কি প্রতিদান দেবে ওরা?’

করুণায় কম্পিত হয় মমতার নীল নয়ন, যেন বাতাহত নীলোৎপল। স্ফুরিত হয় নখর ওষ্ঠাধর। সহসা তার চোখে কিসের যেন ছায়া পড়ে। অশোকের বুকে কি প্রলয় মেঘের রক্তছায়া? বকুল, কি ছাইয়ের মত বিবর্ণ? দিনে কেন আকাশে এত তারার ফুল? কে আসে ওরা? ছায়ার মত অস্পষ্ট অজুষ্ঠপ্রমাণ কোটি কোটি জীবাণু! দ্রুতবেগে দক্ষিণদিকে ছুটছে ওরা। ওদের পুরোভাগে অঙ্ককারের মত বিশালকায়, রক্তাশ্বর পরিহিত এক পুরুষ। কে ওই ভয়াল! প্রাণের আনন্দ-নিকেতনে কার আবির্ভাব?

ভয়ে একবর্ণময় বাক্য, উর্ধ্ববহ শ্বাস, বিঘূর্ণিত দৃষ্টি, পরিপূর্ণ কণ্ঠ—করণ
চিৎকার করে ভূমিতে লুটিয়ে পড়ল মমতা। আতঙ্কে ছুটে পালান সখীদল।

ক্রত এগিয়ে এল ক্ষুধাতুর অস্তক, ক্রত ভূমিতে জামু স্পর্শ করে বসল
সে, ক্রত উগ্র দৃষ্টিতে তাকাল মমতার দিকে। কিন্তু একি! একি পাণ্ডুরতা
রক্তাধরে! সূর্যোদয়ে নিমীলিত কুমুদিনীর মত সঙ্কুচিত আঁধি, চন্দ্রোদয়ে মুদ্রিত
পঙ্কজের মত স্নান বদন। শব্দহীন চারু অঙ্গ। ধীরে সে স্পর্শ করল মমতার
দেহ। স্নাত্ত হিম-শিহরণ খেলে গেল নিজেরই সর্বাঙ্গে। এ যে তুহিনশীতল।
সে করেছে কি? মুহূর্তের আত্মবিস্মরণ। সে আকর্ষণ করেছে মমতার প্রাণ—রাহুর
মত গ্রাস করেছে রাকা চন্দ্র।

বেদনায় নয়, ক্রোধে রক্তনোল অস্তক উঠে দাঁড়ায়। বসন্তের রক্তরাগ আচ্ছন্ন
হয়েছে শীতের ধূমল ধূসরতায়। সে সর্বাঙ্গক, জীবের মহা অবসান। সে নিমীলন,
সে প্রলয়। প্রলয়ই সৃষ্টি করবে সে। ফণা তুলে খাড়া হল জলজ্জটা, মাথা
তুলে দাঁড়াল সূচিমুখ শঙ্কুর মত রোমাবলী। জলজল করে উঠল পিঙ্গল চক্ষু যেন
কধিরবর্ষা রক্তমেঘ। উদ্যত পাশ উদ্যত দণ্ড। ভয়ঙ্কর ছায়াটা চলতে শুরু করল।

ব্যর্থকাম ক্ষ্যাপা প্রেমিকের বিকট ক্ষ্যাপামি। নিয়মের রাজত্বে স্বেচ্ছাচার
উত্তাল হয়ে উঠল। সবুজ শশুক্ষেত্র দগ্ধ হল, শ্মশানভূমিতে পরিণত হল জনপদ।
মাতার অশ্রু আর জায়ার রক্তসিন্দূরে প্রবাহিত হল রক্তসিন্দুর শ্রোত। মুহূর্তে
অশাস্ত ক্রন্দন, মুহূর্তে অনস্ত গুহতা।

কল্যাণী সৃষ্টির প্রতি করুণাঘন নয়ন মেলে তাকালেন কমলযোনি। বেদনায়
উন্মথিত চিত্তপ্রদেশ, নয়নে ছলছল অশ্রু। মহাভয়ঙ্কর উন্মাদকে আহ্বান করে
কন্ধকণ্ঠে বললেন তিনি, 'পাগল, দেখ তোমার কীর্তি! দেখ, আমার সৃষ্টির
করণ দৃশ্য!'

সংরক্ত নয়নে স্বীয় সংহার-লীলার প্রতি তাকাল অস্তক। শূণ্যতায় রিক্তা
বসুমতী। সঙ্ঘিৎ যেন ফিরে এল। অপরাধীর মত মস্তক অবনত করে দাঁড়াল
সে, বিচারক বিধাতা পুরুষ।

প্রথমে স্নেহদ্রব কণ্ঠেই বললেন প্রজ্ঞাপতি, 'ব্যক্তিগত স্বার্থে শক্তির প্রয়োগ—
শক্তির অপব্যবহার। তোমাকে আমোঘ উৎক্রান্তিলা শক্তির অধিকারী করেছি,
তোমার হাতে তুলে দিয়েছি প্রাণস্বী বেদনা। সে কি স্বেচ্ছাচার সৃষ্টির অভিপ্রায়ে?
এ তুমি করেছ কী?'

উত্তেজিত হলেন অমিততেজা ব্রহ্মা। কঠিন কণ্ঠে বললেন তিনি, 'তুমি কি

ভেবেছ, তোমার শক্তির ওপর শক্তি নেই? তুমি কি জান না, বিরাট বিশ্বশক্তির নিকট তুণের মত তুচ্ছ তোমার দণ্ড। তোমার অধিকর্তা কাল, কালের অধীশ্বর বৈবস্বত যম, যমের নিয়ন্তা মহাকাল রুদ্র। মহাকাল—যিনি কল্পান্তে সমগ্র সৃষ্টি কলন করেন—তারও কলন-কর্তা সেই বিশ্বশক্তি। সৃষ্টির মহাভয় সেই শক্তির প্রশাসনে সূর্য উদ্ভিত হয়, মেঘ বৃষ্টি বষণ করে, বায়ু প্রবাহিত হয়। তারই প্রশাসনে সমস্ত মহাকাল, যম, চণ্ডবেগ কাল। সে শক্তির কথা কি জান না তুমি?’

সঙ্কোচে তুণের মতই যেন মাটিতে মিশে যায় অস্তক। বজ্রস্বরে নিনাদিত হয় স্রষ্টার কণ্ঠ : ‘তোমার শক্তি আকর্ষণ করে কাকে? কার ওপর বিস্তৃত হয় তোমার অধিকার? এ জগতে ক্ষুদ্র যারা, কামকিঙ্কব, ভীকু যারা—মৃত্যুর পূর্বে সহস্রবার বরণ করে মৃত্যু, অজ্ঞান যারা—মোহাক্ষ—তারাই তোমার ভয়ে সমস্ত হয়। তুমি কি পার কীর্তিমানের কীর্তি গ্রাস করতে? পার কী অমৃতলোকের যাত্রীর প্রাণ আকর্ষণ করতে? ওই চির-চলমান মহাজীবন—কালপ্রবাহে ভাসমান অক্ষয় অমর জীবন—তুমি কি পার তার গতিরোধ করতে? তুচ্ছাতিতুচ্ছ নিত্য প্রলয় তুমি, মহাজীবন প্রবাহের ক্ষণিক ছেদ—তাতেই এত গর্ব। কল্পান্তে বা প্রতিসঙ্করে কোথায় থাকে তোমার অস্তিত্ব?’

কম্পিত হয় মৃত্যু, যেমন মৃত্যুর নামে কম্পিত হয় মোহাক্ষ জীব। রুদ্রস্বরে বলেন বেদগর্ভ ব্রহ্মা, ‘বিনা কারণে মমতাব বন্ধন ছিন্ন করেছ তুমি! হে মমতাকর্ষণ, ভাহলে কঠিন সত্যে পরিণত হোক এই বিধিবাক্য—‘দ্বিপদে বন্ধমোক্ষায় মমেতি ন মমেতি চ’—মমত্ব হোক বন্ধন-মৃত্যুর কারণ। কামনায় গিন্ন হয়ে ছিন্ন করেছ স্নেহের শৃঙ্খল—চিরকাল বঞ্চিত হও স্নেহ-মমতা থেকে, ভোগের সুধাপাত্র, গরল হয়ে উঠুক তোমার হাতে। মমতার অস্তকারী রূপে চিরশূন্য হোক তোমার জীবন।’

নীরব হন ব্রহ্মা। অপমানে, দুঃখে, লজ্জায় কাঁপতে কাঁপতে বেরিয়ে আসে অস্তক। ক্রোধের মূর্ত প্রতীক সে, ক্রোধবশ। আজ নিরুদ্ধ ক্রোধের বহিঃপ্রকাশ—কে যেন কঠিন বন্ধন-রেখা টেনে দিয়েছে দুর্দম স্রোতোমুখে। আজ সংরুদ্ধ রোষ, সংকুদ্ধ গর্জন—আজ শুধু শুধু উত্তাপ।

সে অভিশাপ, সৃষ্টির অভিশাপ! সে সর্বাস্তক—বিশ্বের আতঙ্ক। পণ্ডিত-মূর্খ, বলবান-দুর্বল, সম্রাট-দরিদ্র—সকলের কাছে সে মহাভয়। ‘নিত্যং সন্নিসিতো মৃত্যুঃ’—এ যেন চরম বিভীষিকা। কেউ তাকে প্রার্থনা করে না—না নর, না নারী। সে এক! জীবন তার শূন্য হাহাকার!

হৃদয়ে অস্তগূঢ় বিষম্ফোটকের যজ্ঞনা, মস্তিষ্কে স্মৃতীত্র জালা, দেহময় প্রচণ্ড

প্রদাহ। শাস্তি নেই স্বস্তি নেই। পাগলের মত সে ছুটে যায় পুষ্টিত ছায়াবীথিকায়, নিমেবে মিলিয়ে যায় ছায়া, দক্ষ হয়ে যায় সরিৎ-সরোবর। ব্রহ্মঘাতক নীল লোহিতের মত অভিশপ্ত, জ্বালাময় তার জীবন। রুদ্ধ নীললোহিত—তিনি একদিন শাপমুক্ত হয়েছিলেন; কপাল-মোচন তীর্থে প্রেমময়ী কপালীর স্নেহস্পর্শে শাস্তি পেয়েছিলেন তিনি। কিন্তু হায়, অস্তকের জীবনে কে বর্ষণ করবে সুধাধারা? সুধাপাত্র তার স্পর্শে গরল হয়ে যায়। মমতাকে হত্যা করেছে সে। কামনার বজ্রাঘাতে সে পঙ্গু, কামিনীর অভিশাপে সে নিঃসঙ্গ। জগতে সুদুর্লভ প্রেম!

রক্তাক্ত অস্তর বিদীর্ণ করে জাগে দীর্ঘশ্বাস, জাগে শুষ্ক ক্রন্দন। অশ্রুহীন ক্রন্দন। বিরাট পাষণ-শিলার মত, শুষ্ক তার দেহ। নিম্প্রাণ পাষণে অভাব প্রাণময় অশ্রু। সে নীরস, ভৈরব—নির্দয়, নিষ্করণ।

অথচ অশ্রুময়ী পৃথিবী। ওই গৃহপ্রাঙ্গণে কাঁদছেন জননী। কি আকুল করা ক্রন্দন! কোথাও বক্ষে করাঘাত করে কাঁদছেন পিতা—শোকের উন্মাদ মূর্তি! ওই শোকাতুর পতি, ওই শোকাতুরা পত্নী। অশ্রুতে বিধৌত সিঁথার সিঁচুর! অশ্রু কি শেষ নেই? নিখিল বিশ্বে উত্তাল অশ্রুসিকু!

অসহ মনে হয় অস্তকের। অস্থির হয়ে ওঠে সে। সেই তো অব্যাহত করেছে অশ্রু উৎস। নিজে অশ্রুহীন, কিন্তু জগৎ পারাবারে অশ্রু প্লাবন তারই সৃষ্টি। কঠিন দায়িত্বভার অর্পণ করে অভিশাপ দিয়েছেন বিধাতাপুরুষ।

বিষতিলক সংসার। সংসারে অপাংক্তেয় সে। অস্ত্যজের মত সে এসে দাঁড়ায় শ্মশানপ্রান্তে।

ধীরে প্রদোষের ছায়া নামে। এমনি করেই আলোর জগতে নামে মৃত্যুর শুষ্ক যবনিকা। অদূরের শ্মশান—মৃত্যুর নির্মম বিজয়-কীর্তি। স্থিরদৃষ্টিতে সেই দিকে তাকিয়ে থাকে অস্তক। লকলক করে জ্বলছে উর্ধ্বশিখ অগ্নি—তার জয়ধ্বজা, চিৎকার করছে অসংখ্য শিবা—তার জয়ধ্বনি।

সহসা শিউরে ওঠে অস্তক। বিজয়ের আশীর্বাদ নয়, বাক্যের অভিশাপ যেন রূপ ধরেছে অন্ধকার শ্মশানে! অন্ধকার যেন রাক্ষসের মত করাল গ্রাস বিস্তার করেছে। রক্তরাঙা নয়ন মেলে তাকিয়েছে ক্রব্যাদ চিতাগ্নি—কাদের যেন রক্তচক্ষু। সহস্র শিবর চিৎকার যেন উন্মত্ত প্রতিহিংসার গজর্ন।

অভিশাপ! অভিশাপ যেন তুরন্ত গতিতে ছুটে আসছে অস্তকের দিকে। ব্রহ্মার অভিশাপ, সহোদরার অভিশাপ, স্বজনবিরহিত আত্মায়ের অভিশাপ। অভিশাপ বাণী উচ্চারণ করছে প্রিয় মাতা, প্রিয় পিতা, প্রিয় ভ্রাতা, প্রিয় ভগ্নী

প্রিয় পতি, প্রিয় পত্নী। অনাথ শিশু, তারা অবুঝ—উচ্চকণ্ঠে দারুণ অভিশাপ দিচ্ছে তারা। চিতাগ্নির হুহু শ্বাসে অভিশাপ, শিবাকণ্ঠে ধ্বনিত অভিশাপ, বাতাসে প্রতিধ্বনিত অভিশাপ। নিখিল বিশ্বের মর্ম থেকে উচ্চারিত ভয়াল অভিশাপ!

পলায়নের পথ পায় না অস্তক। রোমহর্ষক ভীতি। শিহরিত আপাদমস্তক। কাধায় আশ্রয়? সম্মুখে সেই গুহাহিত পথ। পাগলের মত ত্রস্তে সে সেই বন্ধপথে পদক্ষেপ করে।

অন্ধকার—নিবিড় অন্ধকার। অন্ধকাবে আজ আতঙ্কগ্রস্ত অস্তক। পরিচিত পথ—তবু সর্বান্তে ছমছম! অন্ধকারের বক্ষ বিদীর্ণ করে উঠছে যেন বিকট, অশাস্ত চিংকার—চিংকার উঠছে বন্ধহীন, নিস্তক গুহাপথ থেকে। অভিশাপ দিচ্ছে কি প্রিয়তম বাঙ্কব? অভিশাপ দিচ্ছে বুঝি কোটি কোটি অজুষ্ঠপ্রমাণ সত্তা।

সভয়ে উর্ধ্বশ্বাসে ছুটে চলে অস্তক—যেন বজ্রভয়ে দ্রুত ছুটে চলে বিশাল মন্দর—যেন অন্ধশ-তাড়িত হয়ে উন্মাদের মত ছুটে চলে ঐরাবত। আতঙ্কগ্রস্ত ভীষণ মৌন, প্রচণ্ড তার গতি। পশ্চাতে পড়ে থাকে সংসার, পড়ে থাকে গহন গুহাপথ, পড়ে থাকে বিশাল সংযমনী পুরী। অন্ধ উন্মাদের মত সে এসে উপস্থিত হয় সেই শাশ্বতী গুরুকৃষ্ণ গতিপথের সংযোগস্থলে।

ভয় কাটে, কিন্তু তহু করে ওঠে সমগ্র অন্তরাত্মা। উর্ধ্ব নভোমণ্ডলে ওই দেবযান, অচিরভিম্বানী দেবলোকের পথ। অমৃত ও অভয়ের আশীর্বাদ। সহস্র ধারায় ঠিকরে পড়ছে অজস্র আলোর ধারা। জ্যোতির তরঙ্গে সঙ্গীতমুখর উত্তরায়ণ। কিন্তু সে?

আলোর আঘাতে কাঁপছে কি পাষণাশিলা? কাঁপছে কি অন্ধ গুহার পাষণচাপা নিঝর? বুকে কিসের যেন অশাস্ত কম্পন।

একি! কোথা থেকে শুষ্ক পাষণে এল জল? কোথ থেকে উত্তাল হল ভাদ্রপদ কোটাল? অস্তকের নয়নে অশ্রু! শুষ্ক নয়নে প্রাণের মুক্তধারা!

কোনদিন কাঁদে নি সে। আজ কাঁদছে—অঝোর ধারায় কাঁদছে নির্মোহ নির্মম, নিষ্করণ মৃত্যু। দুই নয়ন বেয়ে প্রবাহিত হচ্ছে স্বর্গগঙ্গার সুশুভ্র মুক্তধারা।

নির্নিমেষ নয়নে অস্তক তাকিয়ে থাকে সেই নয়ন-ধারার প্রতি। অঞ্জলি পূর্ণ করে সে ধরে রাখতে চায়—ধরে রাখতে চায় প্রাণের এই সঞ্জীবনী সূধা। কিন্তু পারে না। বন্ধাঞ্জলি ছাপিয়ে সে অশ্রুধারা সংযমনী পুরী অতিক্রম করে—অনন্ত অন্ধকারময় গহন গুহাপথ বেয়ে মুক্ত অশ্রুধারা কলকল শব্দে ছড়িয়ে পড়ে মর্ত্যে। অভিশপ্ত মৃত্যুর অশ্রাস্ত অশ্রু উচ্ছ্বাসে পূর্ণ হয়, প্রাবিত হয় ধরাতল।

শুক বন্ধ-নিংড়ানো এই অশ্রুই মৃত্যুর অভিশাপ মোচন করেছে। বিধাতা বলেছিলেন, এই অশ্রু উয়ঙ্কর ব্যাধিরূপে জীবকে আক্রমণ করবে—ব্যাধির আক্রমণেই নির্জীব হবে জীবকুল। মানুষ ব্যাধিকেই অভিশাপ দেবে, মৃত্যুকে নয়। কিন্তু অভিশাপমুক্ত হয়েছে কি অন্তক? মৃত্যুর তপ্ত অশ্রু কি রোধ করতে পেরেছে বিশ্বের অশ্রু-অভিশাপ। ভীষণ রহস্যময় সেই ছায়াদেহকে কি প্রিয় বলে গ্রহণ করেছে কেউ? অলক্ষ্যচারী মৃত্যু আজও অভিশপ্ত, আজও অবাঞ্ছিত, আজও একা। মৃত্যু বিভীষিকা, মৃত্যু অনন্ত মৌন, মৃত্যু বিরাট রহস্য।*

* স্ত্রীরাপিণী মৃত্যুর কাহিনী রয়েছে মহাভারতে (শান্তিপর্ব ২৫৩ অঃ) এখানে মৃত্যুকে পুরুষরূপে কল্পনা করা হয়েছে। মমতা-মৃত্যু কাহিনী রূপক।

॥ স্মৃতিহরা ॥

অন্ধকার নিশীথ রাত্রি। বিশাল নিজর্ন প্রান্তরে দিগ্‌ভ্রাস্ত পথচারী। কোন্
দূর জলাভূমিতে জল উঠেছে আলোয়া—আলোর মায়া। ক্রত অগ্রসর হচ্ছে
ভগ্নার্ত ভ্রাস্ত পথিক—তার চোখে আশাব নেণা। দূরে বহুদূবে মিলিয়ে যাচ্ছে
আলো। বিভ্রমবতী আলোয়া ভুলিয়ে সর্বনাশ করছে পথিকের।

উত্তপ্ত মধ্যাহ্নের দগ্ধ মরুভূমি। প্রচণ্ড সূর্যেব দহনে ধূধু কবছে বালু। তাপিত
তৃষ্ণার্ত মরুঘাতী—যেন কশাহত উচ্চৈঃশ্রবা, যেন অন্ধশ-তাড়িত ঐরাবত। সহসা
তার নয়ন সম্মুখে ভেসে উঠল মরীচিকা—মরুর মায়া। নয়ন-বিমোহন মরুগান—
শীতল ছায়াতরু, স্বচ্ছ সরসী-নীর। ক্রঃবেগে ছুটে চলল তৃষিত পান্থ। হায়!
দূরে—আরো দূরে মিলিয়ে গেল মরীচিকা। অদৃশ্য এ ভ্রাস্তি।

ওই ভূতলে নন্দনবনসম পঞ্চবটী। রাজপুত্র, রাজবধু এসেছেন নিবাসনে।
জীবনে দুঃখ নেই তাঁদের। বন যেন প্রজায় পূর্ণ জনপদ। স্মৃথিব সংসার।
তাঁদেরও ভ্রাস্তি। সজীব সোণাব হরিণ এসেছে বনে। কি অভিযাম স্বর্গাজিন।
কি সুন্দর স্বর্ণশৃঙ্গ। বধু প্রার্থনায় মৃগের প্রতি ধাবিত হলেন ঋষিবেশী রাজপুত্র।
হায় মায়া। স্বর্ণমৃগ—সে কি সত্য? তবু ভ্রাস্ত হলেন ন-রূপী নারায়ণ।

কে এই মোহিনী, যার মায়ায় মোহিত ত্রিভুবন? কে এই নিকৃতি-নিপুণা।
যে প্রতি মুহূর্তে ছলনা করে নিশ্চিত ধ্বংসের মুখে টেনে নিয়ে যায় মানুষকে?
আলোয়ার মত রূপসী, মৃগতৃষ্ণিকার মত মায়াবিনী—কে এই বিভ্রমবতী?—স্মৃতিকে
নিমেষে ডুবিয়ে দেয় বিশ্বতির অতল সাগরে?

নাম তার 'স্মৃতিহরা'। সৃষ্টির প্রথম লগ্ন থেকে বিশ্বের স্মৃতি হরণ করছে সে।
জন্ম থেকে মৃত্যু পর্যন্ত সংসারীর ওপর বিস্তৃত তার ভীষণ মায়াজাল। ভয়ঙ্করী সে,
স্মৃতির প্রলয়ঙ্করী। বিষকন্টার মত বিভ্রমবতী।

শুক্রে-শোণিতে মাতৃগর্ভে সৃষ্টি হয় জীবসত্তার বীজাকুর। ক্রমে গঠিত
হয় অঙ্গপঞ্চক, উপাঙ্গ। উদ্ভবকোষে বর্ধমান সত্তা—পূর্বজন্মের সংস্কার ও
স্মৃতির একটি বৃন্দ—অস্মৃতিপ্রবণ, সংবেদনশীল। গর্ভবাস যজ্ঞায় কাতর
সে, প্রতিজ্ঞা করে—আর দুষ্কর্ম নয়, এ জন্মে স্মৃতি অর্জন করব, স্মৃতি

লাভ করব। সহসা স্মৃতিমারুত তাকে আকর্ষণ করে, উদর থেকে অধঃশিরায় নিষ্ক্রান্ত হয় জীব। জন্মমাত্র অলক্ষ্যে আসে 'স্মৃতিহরা', মুহূর্তে আচ্ছন্ন করে গর্তস্মৃতি। কোথায় জীবের জ্ঞান? কোথায় তার কল্যাণী ইচ্ছা? —'বিস্মৃতং সকলং জ্ঞানং গর্তে যচ্চিস্তিতং হৃদি।' ভ্রষ্ট স্মৃতি, মোহগ্রস্ত জীব আবার সংসার-মায়ায় বদ্ধ হয়। আবার কাম, আবার ক্রোধ, আবার পঞ্চেন্দ্রিয় ষড়রিপুর তাড়না। এমনি করে কৈশোরে, পৌগণ্ডে, যৌবনে, বার্ধক্যে— জীবন ভরে চলে স্মৃতিহরার লীলা। তারপর জীব উপস্থিত হয় মৃত্যুর দ্বারে। তখনও অপূর্ব মোহিনীর বেশে আসে মৃত্যুদূতী 'স্মৃতিহরা'। পশ্চাতে প্রিয়জনের করুণ ক্রন্দন, সম্মুখে বিভ্রমবর্তী স্মৃতিহরার রূপমায়া। অলক্ষ্য শক্তি বিস্তার করে সে স্মৃতি আকর্ষণ করে। চেতনাশূন্য জীব মূর্ছিত হয়, বুঝতেও পারে না, কে কাঁদে, কে আকর্ষণ করে। তারপর ধীরে মৃত্যুর কোলে ঢলে পড়ে। আশ্চর্য সে স্মৃতিলোপ!

অতি ভীষণ স্মৃতিহরার ক্ষাপামি। উন্মাদিনীর মতই সে জ্ঞানশূন্য। তার নিজের স্মৃতিভ্রংশতা আরও শোচনীয়। অথচ সে রূপসী। আলেয়ার মত, মরীচিকার মত, স্বর্ণমুগের মত তার বিভ্রাস্তিকর রূপ। অবশ্য রূপের সে জলুস আজ আর নেই। তবু যেটুকু অবশিষ্ট আছে, চুষকের মত তার আকর্ষণ। আজ তার কটা কটাক্ষ, জটার মত কুটিল কেশ, রক্তাক্ত ক্ষতবিক্ষত দস্তপংক্তি, অভিক্ষত অলঙ্কাসম চরণ। আঙ-উগ্রা ভৈরবীর মত সে ভীষণা। তবু মাঝে মাঝে ঝিলিক দিয়ে জাগে সেই রহস্যময়ী রূপ, চপলার মত চকিতে চমক দেয় সেই মোহিনী হাসি। মানুষ মোহগ্রস্ত হয় তারই মায়ায়।

রূপের কেন এমন বিপর্ষয়? ভুবনমোহিনী সৌন্দর্যের কেন এমন শোচনীয় পরিণাম? নয়নে উজ্জল দীপ্তি, সুরেলা হৃদয়তন্ত্রী কি ছিল না তার? কেমন করে নিবলো নীল নয়নের জ্যোতি—এল আলেয়ার পাণ্ডুরতা? কিসের কঠিন আঘাতে ছিন্ন হল হৃদয়-বীণার তার?

—সে এক লোক-বিশ্রুত সকরুণ, পুরাণ কাহিনী :

কমলযোনি ব্রহ্মার সঙ্কলিত কলেবর থেকে একে একে উৎপন্ন হয়েছে সঙ্কলিত গুণাধার ধর্ম, ধর্মপ্রভব দেব-দেবতা, ঋষি। তাঁর তমোমাত্রাত্মিকা তন্মু থেকে সৃষ্টি হয়েছে মহামোহ অধর্ম, অধর্ম-প্রভব ক্ষুৎকাম অনাসৃষ্টি; হিংসা, ক্রুরতা, মিথ্যামতি, দুঃখ, ভয় বেদনা—বিশ্বের বিভীষিকা এরা। এই বংশেরই আর একটি লোকত্রাস সম্ভান 'দুঃসহ'।

দুঃসহ চিরকুধাতুর, চির অধোমুখ, চির অসহিষ্ণু। প্রচণ্ড ধর্মবৈরী সে। তার ভাষা 'নির্মাণি'। নির্মাণি যমদুহিতা। যেমন কুটীলা, তেমনি ভয়ঙ্করী। এই দুঃসহ-নির্মাণির ষোড়শ সন্তান—আট পুত্র, আট কন্যা। তথোক্তি, পরিবর্ত, অন্ধ-ধুক্ প্রমুখ পুত্র অতি ভীষণ জগৎ অমঙ্গলের নিদান : নিয়োজিকা, ভ্রামণী, স্বয়ংহারিকা প্রভৃতি কন্যা বিশ্ব-বিভীষিকা। বিনাশকালে এরাই জীবকে আক্রমণ করে, অধর্মের সঙ্গে যুক্ত করে প্রাণীকে মৃত্যুব পথে টেনে নিয়ে যায়। দুঃসহের প্রত্যেকটী সন্তান সাক্ষাৎ মৃত্যুদূত ও মৃত্যুদূতী। দুঃসহগণের দৌবাছ্যে ব্যাপ্ত নিখিল জগৎ।

এই দুঃসহ-নির্মাণির অন্ততমা নন্দিনী 'স্মৃতিহরা'। নিখিল মানুষের দুঃখের কারণ সে। সে কামগতি, কামচারিণী, ছলনাময়ী। সে বিদেহিণী—বিশ্বের বৃকে দারুণ অক্ষমা। স্মৃতির প্রলয় সৃষ্টিতে সে অদ্বিতীয়া।

কিন্তু আকৃতির দিক থেকে দুঃসহের কুলে আশ্চর্য ব্যতিক্রম এই স্মৃতিহরা। অদ্ভুত তার রূপ : সঙ্কার অঙ্ককারে যেমন রূপ সমুদিত একটীমাত্র সঙ্কাতারার, প্রলয়রাত্রিতে যেমন রূপ চঞ্চলা চপলার—তমোময় তামসকুলে তেমনি রূপ এই কন্যার। মনোহরা স্মৃতিহরা যেন তমিস্রার দীপশিখা।

কৃষ্ণকায় মিথুন-সমাজে কোথা থেকে এল এই প্রভাতরল জ্যোতি—ভাব পায় না মাতাপিতা। এ যে সৌন্দর্যলক্ষীর চুরিকরা অন্ধকাঙ্ক্ষি। নয়নে সুরাঙ্গনার স্নিগ্ধ দীপ্তি, ক্রবিলাসে স্বরঙ্গরীর ভক্তি, অন্ধে অন্ধে বিদ্যাধরীর লাস্য। রুচির স্বর্গশ্রী যেন শাপভ্রষ্টা হয়ে এসেছে অধর্মের বংশে। বারেক দর্শনে সে কাঙ্ক্ষিচ্ছটা নয়নদ্বয় মোহিত করে, দেহে জাগার উন্মাদনা। পরমুহুর্তেই স্তম্ভিত হয় মন, লুপ্ত হয় স্মৃতির স্মৃত্ত। সকলে আদর করে তাকে ডাকে বিভ্রমবর্তী, উন্মাদিনী। তার সার্থক নাম স্মৃতিহরা।

'যোগ্যঃ যোগ্যেন যোজ্যেৎ'—ভাবে দৃষ্টমতি দুঃসহ। কিন্তু তার রাজ্যে কোথায় এমন যোগ্য পাত্র? কুরূপ, কদাকার, ভীষণদর্শন পুঞ্জায় পূর্ণ অধর্মের কুল—কেউ বিকলাঙ্গ কেউ বিকৃত। সুন্দর-দর্শন পুরুষ ধর্মরাজ্যের অধিবাসী। যেমন শুদ্ধ তাদের অন্তর, তেমনি নয়ন-মাহন রূপ—যেন স্বচ্ছ দর্পণে প্রতিবিম্বিত সুন্দর প্রতিকৃতি।

অনেক চিন্তার পর দুঃসহ এসে উপস্থিত হল রাজা ঔশীনর শিব-পুত্রের সভায়। ত্যাগশুদ্ধ নির্মল শিববংশ, দানধর্মে প্রতিষ্ঠিত ঔশীনর কুল! শিবপুত্র নিজে যেমন ধর্মশীল, তেমনি রূপবান। অশ্বিনীকুমারের মত তাঁর রূপ, শশাঙ্ক-

সদৃশ কাস্তি। দুঃসহ ভাবল, রূপবান অবশ্যই রূপের মর্যাদা রক্ষা করবেন। তাই রাজাকে উদ্দেশ্য করে বলল সে, ‘আমার বংশে কমলাক্ষী কমলার মত প্রস্ফুটিত হয়েছে এক কমলিনী। নাম তার স্মৃতিহরা। রাজ-রাজেশ্বরীর মত রূপ—রাজ-ভোগেরই যোগ্য। তার লক্ষণ পরীক্ষা করে আপনি তাকে গ্রহণ করুন।’

যোগ্যকে সমাদর করা রাজারই কর্তব্য—ভাবলেন, শিবিধর্মে প্রতিষ্ঠিত ঐশীনের। পরীক্ষার উদ্দেশ্যে তিনি কয়েকজন লক্ষণবিদ ব্রাহ্মণকে প্রেরণ করলেন দুঃসহের গৃহে।

যথাযোগ্য অভ্যর্থনার ক্রটি হল না। ব্রাহ্মণেরা এসে উপস্থিত হলেন পরীক্ষাগৃহে। বিচিত্র আসন, বিচিত্র ভোজন-পাত্র, বিবিধ চর্বা-চোষা-লেহু-পেষ আহার্য। ‘নৃত্যাস্ত ভোজনে বিপ্রাঃ’—কিন্তু নৃত্যের কথা ভুলে গেলেন ব্রাহ্মণবর্গ। আহার্যের চেয়েও আকর্ষণীয় এক রূপপ্রতিমা তাঁদের সম্মুখে। সে স্মৃতিহরা। দীপ্ত কাঞ্চনের মত তঙ্কবর্ণ, পরিধানে শুভ্র চীনাংশুক। শুভ্র অত্র ভেদ করে যেমন ষোড়শকলায় প্রকাশিত হয় পরিপূর্ণ চন্দ্র, তেমনি সূক্ষ্ম রেশম ভেদ করে পূর্ণ প্রকাশিত নবযৌবনের ফুল সুষমা। সযত্ন-গঠিত অঙ্গে, সযত্ন-বিচ্যুত আভরণ—যেন একখানি রহস্যময় স্বপ্ন!

বিমুগ্ধ লক্ষণবিদ বটুবৃন্দ। ‘অহো রূপম্ অহো রূপম্’ ভাবতে ভাবতে স্মৃতি-বিভ্রম ঘটল তাঁদের। বিকলচিত্তে হাস্যকর কাণ্ড করে বসলেন তাঁরা। কেউ আসন ভেবে বসে পড়লেন আহার্যস্থালীতে, কেউ আহার্য মনে করে আসনকেই তুলে ধরলেন মুখে; কারও বা আসনে উপবেশন করতে গিয়ে হল পদস্থলন, কেউ বা ‘প্রাণায় স্বাহা’ বলে আহার্য দ্রব্যকে অর্পণ করলেন মস্তকে।

অস্থিরচিত্তে এই বটুবৃন্দ পরীক্ষা করবে তার রূপ?—চারু দস্ত পংক্তি বিকাশ করে উচ্চ সঙ্গে হাস্য করে উঠল কুটীলা স্মৃতিহরা। লজ্জিত হলেন লক্ষণ-বিশারদ ব্রাহ্মণ। পরমুহূর্তে ক্রোধে আরক্ত হলেন তাঁরা। অতি ভীষণ অপমানিতের ক্রোধ। সত্যকে আচ্ছন্ন করে রক্তরোষ। রাজার নিকট উপস্থিত হয়ে মিথ্যাবাক্য বললেন সত্যবাদী ব্রাহ্মণ, ‘অপ্সরী নয়, এক কালকর্ণী যক্ষী। সম্রাজ্ঞী হবার যোগ্য সে নয়।’

বিনাবিচারে তাঁদের বাক্যে আস্থা স্থাপন করলেন ধর্মভীরু ঐশীনের। নির্লোভ, সত্যসন্ধ ব্রাহ্মণ, তাঁরা মিথ্যাই বা বলবেন কেন? দুঃসহের গৃহে সংবাদ প্রেরিত হল—স্মৃতিহরাকে গ্রহণ করা রাজার পক্ষে সম্ভব নয়।

ক্রোধে উত্তপ্ত হল স্মৃতিহরা। এত দর্প রাজার? তিনি কি এতই নির্মোহ

যে শ্বুতিহরার রূপ তাঁর কাছে তুচ্ছ ! একবার যদি স্মৃযোগ আসে, দেখে নেবে সে, কত বড় যতাত্মা রাজা ঔশীনর। রুপ্তা হয়ে রইল আহতা ভূজঙ্গিনী। স্মৃযোগ পেলে সে বিষোদগার করবে।

ঔশীনরের পরম বন্ধু, আবাল্যের সহচর, স্মৃযোগ্য সেনাপতি অহিপারক। ধর্মবুদ্ধিতে ও কর্তব্যে সে অবিচল। সে শাস্ত্রপারদম অস্ত্রাভিজ্ঞ। রাজা শ্বুতিহরাকে প্রত্যাখ্যান করেছেন জেনেই, সে তাকে বিবাহ করল। রাজা জানলেন না, আহতা নাগিনী আশ্রয় পেয়েছে তাঁরই রাজ্যে, দংশন করার স্মৃযোগ খুঁজছে সে। বন্ধুবৎসল অহিপারকও জানতে পারে নি পত্নীর অভিসন্ধি। সে শুধু জেনেছে, মর্মে মর্মে উপলব্ধি করেছে—আশ্চর্য শ্বুতিহরার উন্মাদিনী শক্তি, অতিশয় বিভ্রান্তিকর তার রূপ। ইচ্ছা করলে যে কোন মানুষকে সে উন্মাদ করতে পারে।

সেদিন শিবিরাজ্যে কাঠিকী পৌর্ণমাসী উৎসব। চন্দ্রিকান্নাত, আলোকমালায় সজ্জিত সঙ্কায় এইদিন রাজা নগর প্রদক্ষিণ করেন, গৃহের দ্বারে দ্বারে উপস্থিত হয়ে বিতরণ করেন দৃষ্টি-প্রসাদ। অহিপারকের গৃহে থাকবার উপায় নেই—নগর সীমান্তে অতিক্রমিত আক্রমণ প্রতিরোধ করার দায়িত্ব তার ওপর। বহির্গমনকালে শ্বুতিহরাকে উদ্দেশ্য করে সে বলল, ‘আজ কাঠিকী পূর্ণিমার উৎসব। রাজা নিশ্চয় আমার গৃহদ্বারে উপস্থিত হবেন। তাঁকে দর্শন দিও না তুমি।’

‘কেন, ভয় কিসের?’

‘ভয় তোমার উন্মাদক রূপের।’

‘রূপজয়ী রাজর্ষি ঔশীনর। তিনি নির্মোহ।’

‘রাজর্ষি বিশ্বামিত্রও নির্মোহ ছিলেন, তাঁরও পরাজয় হয়েছিল।’

‘বিশ্বামিত্রের চেয়েও অজেয় তোমার রাজা, তিনি নিষ্কাম। প্রভুভক্ত সেনাপতির স্ত্রীর কর্তব্যই পালন করব আমি।’

বর্মচর্মে আবৃত অহিপারক বহির্গত হল নিজের কর্তব্যপথে। জলজল করে উঠল শ্বুতিহরার হিংসাকুটিল চাখ। প্রত্যাখ্যানের মর্মজালায় অস্থির রূপপ্রমত্তা। আজ প্রতিশোধ নেবার মাহেন্দ্র যোগ। দাসীকে নির্দেশ দিল সে, ‘রাজা উপস্থিত হলেই সংবাদ দিবি আমাকে।’ স্বভাবসুন্দরী তিলোত্তমা তারপর মনোনিবেশ করল অঙ্গপ্রসাধনে। বন্দর্পের দর্পহরণ করতে হবে আজ।

ক্রমে প্রতীচী সীমান্তে অস্ত্রে গমন করলেন দীপ্ত দীধিতি দিবাকর, পূর্বাচলে দেখা দিলেন ষামিনী শ্রীচন্দ্র। মহাতেজা মহর্ষি অত্রির নয়ন-সঙ্কুত স্নিগ্ধ তেজে

সোমের জন্ম—পূর্ণিমায় তাঁর পূর্ণ সমৃদ্ধি। সুমিষ্ট কিরণ বিস্তার করে সমগ্র সৃষ্টিতে রসসঞ্চার করেন তিনি। রসময় হয়ে ওঠে ওষধি-বনস্পতি, প্রাগচাঞ্চলো উন্মাদ হয় নিস্তরঙ্গ সাগর। এই চন্দ্রোদয়ে শিবপুরী অপূর্ব শোভা ধারণ করল। গৃহচূড়ায় দীপমালার দীপালি, পুষ্পহারে সজ্জিত গৃহতোরণ। পূর্ণচন্দ্র, ফুলকুসুম, উজ্জ্বল দীপালোক, মধুর সঙ্গীত। উৎসবমত্তা শিবপুরী যেন দ্বিতীয় অমরাপুরী।

অহিপারকের গৃহও আজ সৌন্দর্যশোভায় সুসজ্জিত। শুভ স্ফটিকে নির্মিত দ্বিতল মর্মর প্রাসাদ, প্রাচীর-গাত্রে মনঃশিলার মণিদীপ্তি। রাত্রির সহস্র চকুর মত জ্বলজ্বল করছে তাদের ছাতি। তোরণে সহস্র দীপসজ্জা, আলোয় আলোয় উদ্ভাসিত প্রাসাদ-প্রাকার।

প্রজাবৎসল প্রিয়দর্শী রাজা শুশীনের বহির্গত হয়েছেন নগর-ভ্রমণে। সপ্তাশ্ব-বাহিত রথ চলেছে মৃদুমন্দ গতিতে। অগ্রে, পশ্চাতে পাত্র, মিত্র, সভাসদ। বাজ্ঞভাণ্ডে মুখর উৎসব যাত্রা। প্রিয়দর্শন রাজা আজ দ্বারে দ্বারে উপস্থিত হয়ে দৃষ্টি-প্রসাদ বিতরণ করছেন। উন্মুক্ত পুর-বাতায়ন। গবাক্ষপথে সহস্র পুরনারীব নীল উৎসুক নয়ন রাজাকে অভিনন্দিত করছে। ওপর থেকে ধারাসারে পুষ্পবৃষ্টি হচ্ছে, বর্ষিত হচ্ছে পবিত্র, শুভ লাজাঞ্জলি। আজ রাজায়-প্রজায় মিলন, আজ রাজায়-প্রজায় দৃষ্টির কোলাকুলি। ধন্য রাজা, ধন্য তাঁর প্রজা।

উৎসব-যাত্রা এসে দাঁড়াল অহিপারকের গৃহ-তোরণে। কি আন্তরিক নিষ্ঠা। রাজা জানেন না, কার এ গৃহ, কে গৃহস্বামী। যে-ই হোক, রাজভক্ত প্রজা। উৎসবের মযাদা যথাসাধ্য রক্ষা করতে যত্ন করেছে সে। পরিতপ্ত রাজাব বথ এসে থামল বহির্দ্বারে।

দাসী এসে ভ্রুবিতে স্মৃতিহরাকে জানাল রাজার আগমন সংবাদ। সবশৃঙ্খার-বেশাঢ্য সজ্জা, পুষ্পকরুণ হস্তে স্মৃতিহরা এসে দাঁড়াল বাতায়ন পথে। বহিম নয়নে বহিম কটাক্ষ। কিরুরীলীলায় রাজার মস্তকে সে পুষ্প বর্ষণ করল। দাসীরা বাজাল শুভ শব্দ।

সবিস্ময়ে উর্ধ্বদিকে দৃষ্টিপাত করলেন যত্নায়া শুশীনের। বাতায়নপথে কে ওই সুন্দরী? আবক্ষমস্তক মাত্র প্রকাশিত, যেন তৈলচিত্রে অঙ্কিত একটি চিত্রাধ। একি গঙ্কবকণ্ঠা, অপ্সরী, না সুরবালা! রহস্যময় চন্দ্রালোকে রাজার মনে হল, স্বপ্নাবেশময় সুরলোকে উপস্থিত হয়েছেন তিনি। দৃষ্টির সম্মুখে জ্যোতিবিমণ্ডিতা সুরকণ্ঠা; রাকাচন্দ্রের মত অঙ্গবর্ণ, সুবিণ্যস্ত কবরী সীমস্তে চন্দনচর্চিত রক্তাসন্দুর। মরি মরি, কি রূপ! কি অপরূপ প্রসাধন-নৈপুণ্য! বিধাতার নির্মাণ-কৌশল

সেই দেহে, মানুষের কলাচাতুৰ্য সেই সজ্জায়—যেন উভয়ের শিল্পরচনা পরস্পর প্রতিদ্বন্দ্বিতা করে এই অঙ্গে তাঁদের স্ব স্ব শক্তিসীমা নিঃশেষ করেছে।

বিক্রমে আদিত্যতুল্য ঔশীনর, সংযমে ব্রহ্মচারীতুল্য শিবপুত্র মুহূর্তে বিক্রম ও সংযম হারিয়ে ফেললেন। বিহ্বলকণ্ঠে প্রশ্ন করলেন তিনি, 'কে এই রমণী?'

উত্তর করলেন অমাত্য-প্রধান, 'মহারাজ, ইনি আপনার হিতকাম সেবক অহিপারকের পত্নী। দুঃসহ কুলে উৎপন্ন ইনি বিক্রমবতী স্মৃতিহরা।'

'স্মৃতিহরা! যাচক হয়ে যার পিতা এসেছিলেন—আমারই দ্বারে? লক্ষণবিশারদ পণ্ডিতগণ যার লক্ষণ পরীক্ষা করে বলেছিলেন—ও একটা যক্ষী, কালকর্ণী?'

ক্রোধে আরক্ত হলেন ঔশীনর। করজোড়ে নিবেদন করলেন অমাত্য, 'এই বিক্রমবতী কণ্ঠকে গ্রহণ কবলে আপনি রাজকায়ে উৎসীন হবেন, তাই আপনাকে মিথ্যা বলা হয়েছিল মহারাজ!'

ঈষৎ শান্ত হলেন রাজা। ষথার্থই বটে। অলোকসামান্য এ রূপের অত্যাশ্চর্য মোহিনী শক্তি। আশ্চর্য তার মাদকতা। নিজের অজ্ঞাতসারে পুনর্বার উর্ধ্বদিকে দৃষ্টি নিক্ষেপ করলেন ধর্মশীল ঔশীনর।

কোথায় রূপমায়া? রুদ্ধ বাতায়ন, অস্তহিত লাবণ্যরাশি। রাজার মনে হল, সহসা অস্তমিত হয়েছে চন্দ্র, সহসা নিবে গিয়েছে দীপের সহস্র আলো, সহসা রুদ্ধ ষবনিকার মত নেমে এসেছে অন্ধকার। দোলাচল চিত্ত নূপতি আর অগ্রসর হতে পারলেন না। গম্ভীর মুখে সারথিকে বললেন তিনি, 'রাজপ্রাসাদে রথ ফিরিয়ে নিয়ে চল সারথি।'

নিমেষে নীরব হয়ে গেল উৎসববাণ, নীরব হল প্রমত্ত কোলাহল। আত্মানন্দ অশ্ববাহিত রথের গতিমুখ ঘুরে গেল। বিরস বদন রাজাকে বহন করে লঘুসঞ্চারে রথ ফিরে এল রাজপ্রাসাদে। কারও সঙ্গে কথা বললেন না রাজা। স্থলিত চরণে স্বকক্ষে প্রবেশ করে শয্যা আশ্রয় নিলেন তিনি। রুদ্ধ হয়ে গেল কক্ষদ্বার।

পরদিন আর রাজসভা বসল না। অমাত্যগণ নীরবে প্রতীক্ষা করলেন; প্রার্থী নিরাশ হয়ে ফিরে গেল, বিচারার্থী বিমুখ হয়ে গৃহে প্রত্যাগমন করল, রাজসিংহাসন রইল শূন্য। শিবিরাজ্যে এই প্রথম নিয়মভঙ্গ। রাজা সেই যে শয্যা আশ্রয় করেছেন, আর বাইরে আসেন নি। কে জানে, তাঁর অন্তরে চলেছে কোন্ স্বর্গ ও নরকের কি ভীষণ দ্বন্দ্ব!

চিন্তিত হলেন অমাত্যবর্গ। অহিপারককে জানালেন তাঁরা—সেনাপতির গৃহদ্বারে পৌঁছেই বিচেতন হয়েছেন ঈশ্বরতুল্য নরেশ্বর।

অহিপারক বুল, সর্বনাশ হয়ে গেছে। জুত গৃহে কিরে অভিযোগের সুরে
স্মৃতিহরাকে প্রশ্ন করল সে, 'রাজাকে দর্শন দিয়েছ তুমি ?'

'আমি ! কখন ?'

'কাল কার্তিকী পূর্ণিমার সন্ধ্যায় !'

'কে জানে, তিনিই রাজা কি না ! গৃহঘারে এসে একটি রথ ধেমেছিল বটে !
সম্ভ্রান্ত কোন ব্যক্তি হবেন বিবেচনা করে আমি বাতায়ন-পথে তাঁর মস্তকে পুষ্পবৃষ্টি
করেছি ।'

'সর্বনাশ করেছ। তিনিই রাজা। তোমায় দেখে রাজ্যকাৰ্য বিন্মত হয়েছেন
তিনি ।'

বিজয়ের আনন্দে নৃত্য করে উঠল উম্মাদিনীর অস্তর। আশ্চর্য ছলনাময়ী
নারী। হৃদয়ে কুটিল হাস্য, মুখে ছদ্ম বিষাদ গান্ধীর্ষ। কপট সমবেদনার সুরে
টেনে টেনে বলল সে, 'ভারি দুঃসংবাদ! এখন উপায় ?'

'উপায় ?'—উত্তর দিতে পারে না অহিপারক। দুঃখে ক্রোধে জর্জর হৃদয়।
পাগলের মত সে বেরিয়ে আসে কক্ষ থেকে। বিজয়োল্লাসে বিহ্বলা বিজয়িনী।
শিকারকে হিংস্র নথরে আহত করে স্মৃতীত্র উল্লাস-দৃষ্টি নিয়ে প্রতীক্ষা করে ব্যাত্ত্রী।
যন্ত্রণায় ছটফট করে শিকার—পাশব প্রসন্নতায় পূর্ণ হয়ে ওঠে ব্যাত্ত্রীব বদন।
তেমনি পৈশাচিক উল্লাসে উল্লসিত হয় রূপদর্পিতা স্মৃতিহরা। ঔৎসুক্যে সে প্রতীক্ষা
করে—আরও কি তৃপ্তিকর সংবাদ বহন করে আনে তার স্বামী !

ওদিকে চিন্তাক্লিষ্ট অহিপারক এসে উপস্থিত হয় প্রজাবৎসল, তপোধীর
ঔশীনরের কক্ষঘারে। অর্গলবন্ধ কক্ষ। কক্ষমধ্যে অস্থির পদচারণা ধ্বনি। মধ্য
মধ্যে দীর্ঘ হা-হতাশ, তীত্র আত্ম-সংযমন। 'ছি ছি—শিবিপুত্রের একি চিন্ত-
বৈকল্য ! এতদিনের অভ্যস্ত সংযম, এতদিনের অর্জিত ঋদ্ধি, তার এই
পরিণাম ? রূপমোহে পদভ্রষ্টে ধর্মাত্মা ? অসঙ্গ আজ সঙ্কোমুখ, অনাসক্ত আজ
অহুরক্ত ! রাজা কিনা প্রজার সম্পদ-লোলুপ ! ধিক্ আমার শিক্ষায়, ধিক্
আমার জীবনে ।'

হৃদয় বিদীর্ণ হয়ে যায় অহিপারকের। রাজার এই মোহ, এই দুঃখের হেতু
সে। সে যদি স্মৃতিহরাকে গ্রহণ না করত, তাহলে এ বিপর্যয় ঘটত না আজ।
এর প্রতিবিধান করতেই হবে। মুহূর্তে বুদ্ধি স্থির করে সে, কক্ষঘারে করাঘাত
করে বলে, 'হার খুলুন মহারাজ !'

কক্ষাভ্যস্তর থেকে উত্তর আসে, 'কে ?'

‘আমি অহিপারক !’

‘অহিপারক ! না-না, তুমি কিরে যাও ।’

‘কিরে যাব না । প্রজা রাজার দর্শনপ্রার্থী ।’

‘রাজা আমি নই । বিনষ্ট আমার রাজধর্ম !’

‘শিবিরাজ্যে রাজধর্ম বিনষ্ট হতে পারে না । দুয়ার খুলতেই হবে । আমি শুধু প্রজা নই, আপনার ভৃত্য । ভৃত্য কি প্রভুর দর্শনলাভে বঞ্চিত হবে ?’

পবিত্র-মধুর প্রভু-ভৃত্যের সম্পর্ক অস্বীকার করতে পারেন না রাজা । কিন্তু আজ কে প্রভু, কে ভৃত্য ? আজ অনদ্বায়ত্ত ঔশীনর । আর্তনাদ করে তিনি বলেন, ‘প্রভু আমি নই । আমি ভৃত্যেরও অধম অহিপারক !’

ব্রহ্মাণ্ডক্ষোভকারী রাজার দৈন্ত্যে অহিপারক অশ্রু সংবরণ করতে পারে না । সিন্ধু কণ্ঠে সে বলে, ‘আপনি তো শুধু রাজা নন, শুধু প্রভু নন । শৈশবের বন্ধু আপনি ! বন্ধু কি কেবল সম্পৎকালের সঙ্গী ? আপৎকালের কেউ নয় ?’

এ কাকুতি উপেক্ষা করতে পারেন না ঔশীনর । কক্ষদ্বার উন্মুক্ত হয়ে যায় । দ্রুত কক্ষে প্রবেশ করে অহিপারক । এ কি মৃতি হয়েছে রাজার ! একটি রাত্রি ও একটি দিনের কয়েক প্রহরের মাত্র ব্যবধান । অকাল বার্ধক্য দেখা দিয়েছে পূর্ণ যৌবনে । চক্ষু কোটরাগত, নয়নকোণে গাঢ় কালিমা, মুখে বিনিন্দ্র রজনীর তুচ্ছিতার চিহ্ন—যেন অগ্নিস্পর্শে বিলুপ্ত অন্নান পঙ্কজ । কাতরকণ্ঠে ক্রতাজলিপুটে বলে অহিপারক—‘উপায় থাকতেও কেন অসিধারা ব্রত গ্রহণ করেছেন, মহাবাজ ! স্মৃতিহরা আপনার দাসী । আদেশ করলেই সে আপনার সেবায় নিযুক্ত হতে পারে ।’

তীক্ষ্ণদৃষ্টিতে অহিপারকের প্রতি তাকান ধর্মশীল ঔশীনর । তিনি কামমোহিত, কিন্তু বিবেকরহিত নন । লজ্জায় আরক্ত হয়ে বলেন, ‘আমি স্মৃতিহরার রূপমুগ্ধ, একথা তুমিও জেনেছ অহিপারক ? সবাই জেনেছে ?’—ক্ষোভে ভেঙ্গে পড়েন ধর্মধীর । সুগভীর আর্তনাদ ধ্বনিত হয় তাঁর কণ্ঠে, ‘নিষ্কলঙ্ক শিবিকূলে কলঙ্কের কালিমা লেপন করেছি আমি । রাজার যদি ধর্ম গেল, তবে আর কি অবশিষ্ট থাকল, অহিপারক !’

‘আপনার পক্ষে এ দৈন্ত্য অশোভন । আপনি রাজা, রাজ্যের প্রভু । রাজ্যের যে-কোন ভ্রব্য গ্রহণে রাজার পূর্ণ অধিকার ।’

‘এ যুক্তি স্বেচ্ছাচারী রাজতন্ত্রের । রাজা প্রজার রক্ষক । রক্ষক যদি ডাক্তর হয়, তাহলে তা স্বৈরাচার । আমি স্বরাতুর হলেও শাস্ত্রজ্ঞান হারাই নি, অহিপারক ! ‘বরং ভিক্ষার্থিত্ব ন চ পরধনানাং হি হরণম’—শাস্ত্র এ শাস্ত্র-শাসন ।’

‘শাস্ত্রে এ অনুশাসনও আছে, ভর্তা ইচ্ছা করলে পরের কল্যাণে আপন ভাষাকে দান করতে পারে। পতি আমি, আমি স্বৈচ্ছায় আমার পত্নীকে দান করছি। আপনি গ্রহণ করুন।’

মুহূর্তে কঠিন হয়ে ওঠেন ধর্মধীর বীর ঔশীনর, বলেন, ‘শিবিবংশের রাজা চিরকাল দান করেই এসেছে, দান গ্রহণ করে নি। পরার্থে প্রাণ পর্যন্ত দান করেছেন তাঁরা। দুর্বলতার সুর্যোগে সেই মহৎ মর্ষাদায় আঘাত করছ তুমি?’

ক্লেভে উন্মাদবৎ হয়ে ওঠেন শিবিপুত্র। ধার্মিকের হৃদয়হন্দ অতি প্রচণ্ড, অতি প্রচণ্ড তার অভিঘাত। আত্মহন্দে তিনি আর্তনাদ করে ওঠেন। চিৎকার করে বলেন, ‘তা হয় না। ‘অনন্তপারা দুম্পুরা তৃষ্ণা’—তার নিবৃত্তি নেই, শাস্তি নেই। আমি মৃত্যু বরণ করব, তবু তৃষ্ণাকে প্রশ্রয় দেব না। রাজা প্রজার নেতা, রাজার আদর্শই প্রজার আদর্শ। বক্র পথানুসারী রাজা প্রজাদের বক্রপথেই আকর্ষণ করে। সে রাজধর্ম শিবিকুলের ধর্ম নয়। তুমি যাও অহিপারক, আমার ব্রত আমি রক্ষা করব।’

অহিপারক আর প্রতিবাদ করতে পারে না। দুঃখে তার হৃদয় বিদীর্ণ হয়। কিন্তু অলঙ্ঘনীয় প্রভুর নির্দেশ। বেদনা-বিধুর হৃদয়ে কক্ষ থেকে বেরিয়ে আসে সে।

এদিকে চরম রূপ ধারণ করে রাজার অন্তহৃন্দ। বিষক্ষোচকের মত গূঢ়দাহী যন্ত্রণা। একদিকে নীতির অনুশাসন, অন্যদিকে রূপের উন্মাদনা; একদিকে বিবেকের বাক্য, অন্যদিকে কন্দর্পের প্ররোচনা; একদিকে নিয়মের বন্ধন, অন্যদিকে অনিয়মিত মোহ। অস্থির ঔশীনর। পক্ষ বন্ধ মন্ত হস্তী যেমন হস্তীপকের কঠিন কশাঘাতে পক্ষ থেকে উখানের প্রয়াস করে, গভীর পক্ষ-গহ্বর থেকে তেমনি উঠতে চেষ্টা করেন তিনি। ভীষণ হন্দে ক্ষতবিক্ষত শিবিপুত্রের হৃদয় যেন বিবেক ও মোহের ভয়ঙ্কর রণভূমি—দঙ্ক, প্রাবিত, বিপযস্ত।

দশদিন ধরে চলল এই ভীষণ হন্দ। দশদিনে বিরহজনিত দশ দশা অতিক্রম করলেন ঔশীনর। লালসা, উদ্বেগ, জাগরণ, তানব, জড়িমা, বৈয়গ্র্য, ব্যাধি, উন্মাদ, মোহ ও মৃত্যু। অষ্টম দিনে স্পষ্ট উন্মাদ লক্ষণ দেখা দিল। ঘোর বিকার, ঘোর উন্মত্ততা! নবমদিনে অদ্ভুত মোহ—অচৈতন্য জড় দেহ। দশম দিনে বিরহের দশমী দশায় উপনীত হলেন ধার্মিক, প্রজাবৎসল রাজা।

বিষাদাক্ষর রাজ্য, আকুল প্রজা। চিন্তাক্লিষ্ট অমাত্য, পুরোহিত। শাস্তি, স্বস্ত্যয়ন, প্রার্থনার পূর্ণ শিবিরাজ্য। সকলের মুখে এক কথা—‘সুস্থ হোন রাজা, সুস্থ হোক শিবিরাজ্য।’ সর্বাপেক্ষা মর্ষাহত হল অহিপারক।

কিন্তু উৎকট উল্লাস আজ স্মৃতিহরার। গবিতার গর্ব—সার্থক তার স্মৃতিহরা নাম। নিঃশেষে খর্ব করেছে ধার্মিকের দম্ভ, স্মৃতিভ্রংশ করেছে যতাত্মা পুরুষকে। নিজের প্রকোষ্ঠে বিজয়োৎসবের আয়োজন করে কুটীলা বিজয়িনী। উন্মাদের মত এসে উপস্থিত হয় অহিপারক, ‘রাজার কথা নিশ্চয় শুনেছ তুমি !’

‘ও, সেই রাজা !’—নিতান্ত তাচ্ছিল্য ভরে উত্তর করে স্মৃতিহরা, যেন রাজার ব্যাপারটা নগণ্য। অসহ্য মনে হয় অহিপারকের। ক্ষুব্ধ কণ্ঠে সে বলে, ‘দুঃখ হচ্ছে ন’ তোমার ?’

‘দুঃখ ? কেন ?’—আলেখ্যার মত কুটিল দৃষ্টি স্মৃতিহরার কণ্ঠে যেন বিষের বীণা, ‘ধার্মিক তোমার রাজা, রূপাতঙ্কে কঠিন তার প্রায়শ্চিত্ত !’

‘এ রূপাতঙ্ক সৃষ্টি করেছে তুমি’—গর্জন করে ওঠে অহিপারক।

সম্মুখে বলে স্মৃতিহরা, ‘আমি নই। আতঙ্কের বীজ ছিল তোমার রাজারই মনে। বাইরে ধার্মিক, অন্তরে কুটিল কামনা ! ভণ্ড, কামাচারী ঔশীনর !’

ললনাব বসনা যেন খোপানসী খড়্গ। ক্রোধে দিগ্-বিদিক জ্ঞানশূন্য হয় অহিপারক। পিধানমুক্ত হতে চায় অস্ত্রাভিজ্ঞের অস্ত্র। রুদ্ধস্বরে গর্জন করে ওঠে সে।

কিন্তু মূহুর্তে স্তব্ধ হয়ে যায় অহিপারক। দূত এসে ত্রস্তে জানায়, ‘অস্টিম দশায় উপনীত রাজা। সচিব সেনাপতিকে স্মরণ করেছেন।’

ঝড়ের বেগে বেরিয়ে যেতে উদ্ভত হয় অহিপারক। বাধা দেয় স্মৃতিহরা। প্রতিহিংসার আগুন তার চোখে, রূপের আগুন তার দেহে। সে অহিপারকের সামনে এসে দাঁড়ায়। মরিয়া হয়ে ওঠে অহিপারক। বজ্ররবে সে বলে, ‘সরে দাঁড়াও ! রাজার চেয়ে প্রেয় নয় প্রিয়া, বন্ধুত্বের চেয়ে বড় নয় রূপজ্ঞ মোহ !’

কঠিন বীষ দুর্বার বিক্রমে রূপকে দলিত করে চলে যায়।

গর্জন করে ওঠে অপমানিতা, যেন দলিতা কণিনী। পিশাচীর মত জল জল করে তার হিংস্র চোখ ! তারপর কি ভেবে সে এসে দাঁড়ায় বাতায়ন পথে, দেখে, ঝটিকাবেগে অহিপারক চলেছে রাজ-সন্নিধানে।

রাজপথে বাধামুক্ত জনশ্রোত। শ্রোত চলেছে রাজপ্রাসাদের দিকে। সকলের মুখে এক প্রার্থনা, ‘হে ঈশ্বর রাজাকে রক্ষা কর।’ কেউ বা বক্র কটাক্ষ নিক্ষেপ করেছে অহিপারকের গৃহ-গবাক্ষে ‘ওই পিশাচীই রাজার সর্বনাশ করেছে ! নিপাত যাক্ যক্ষী !’

স্তব্ধ স্মৃতিহরা। কে যেন কণ্ঠ রোধ করেছে তার। অথবা কে জানে, স্তব্ধ সাগরতলে রচিত হচ্ছে কিসের আবর্ত। অথবা এ স্তব্ধতা প্রলয়ের পূর্বাভাস।

সহসা দূর থেকে ভেসে আসে বিবাদঘন বিপুল ক্রন্দন। হাহাকারে পূর্ণ গগন, পূর্ণ প্রতিটি ভবন। যুগ কাঠে নিহতশির কোটি কোটি মেঘশাবক যেন সমবেত আর্তক্রন্দনে দিগ্‌মণ্ডল কাঁপিয়ে তুলছে। বিদীর্ণ হয়ে যায় স্মৃতিহরার কর্ণ। তবু সে স্থির। তার বক্ষ বেদনাহীন, তার কণ্ঠ ক্রন্দনহারা। দাসী এসে বৃথাই জানিয়ে যায়, ‘শেষ নিশ্বাস ত্যাগ করেছেন প্রজ্ঞাপ্রিয় ঔশীনর।’—তেমনি নিশ্চল দাঁড়িয়ে থাকে স্মৃতিহরা। অবিকৃত বদন, অবিচল হৃদয়, শুষ্ক স্থির নয়ন—যেন নিশ্চয় অনড় পাষণ।

নিম্পলক দৃষ্টিপথে দিবসের গতি অগ্রসর হয়। ত্রিবিক্রম সূর্যের রথ এগিয়ে চলে। ক্রটি, বেধ, লব, নিমেষ, ক্ষণ কাষ্ঠা লঘু দণ্ড, মুহূর্ত, প্রহর অতিক্রান্ত হয়। সপ্তাশ্ববাহিত হিরণ্যয় রথ এখন মস্তকশীর্ষে। তৃষ্ণার্ত অশ্ব যেন মরুর মত জিহ্বা বিস্তার করে ভুবনরস পান করছে। অনাথ প্রজ্ঞাবর্গের হাহাকার যেন ক্রান্ত সপ্তাশ্বের শ্রান্তিহীন হ্রেষা। কে যেন দারুণ কশাঘাত করেছে তাদের।

ক্রমে উপস্থিত হয় অপরাহ্নকাল। তপ্তশ্বাস পরিত্যাগ করে উত্তপ্ত ধরণী। শুষ্ক সমীরণে সমীরিত দীর্ঘশ্বাস। একটা শূন্য ঘূর্ণি ধরণী-ক্রোড় থেকে আকাশের দিকে উড়ে চলে।

শবযাত্রা বেরিয়েছে রাজপথে। অপার জনসাগর। কৃষ্ণসাগরে কোটি কোটি কৃষ্ণ চলোর্মি। নীরবে বর্ষিত হচ্ছে অশ্রুধারা, কৃষ্ণ উর্মির সিক্ত শীকর। কি গভীর নিস্তব্ধতা! মধ্যভাগে স্বর্ণপালঙ্কের শবাধার। রক্তরেশমে আচ্ছাদিত শবদেহ, পুষ্পমাল্যে আবৃত রক্ত-রেশম। কালীয় দহে কি ফুটে উঠল রক্তকমল।

গৃহে গৃহে উন্মুক্ত বাতায়ন। বাতায়নপথে সহস্র বরাজনার নীল উৎসুক নয়ন। আজও যেন কার্তিকী পূর্ণিমার উৎসব। রাজা নগর-প্রদক্ষিণে বহির্গত হয়েছেন। দিকপাল সদৃশ মহাভাগ রাজা ঔশীনর। প্রিয়দর্শী তিনি, লোকপ্রিয়। সহস্র সহস্র পুরাজনা অন্তরের শুভ কামনা নিয়ে পরম আগ্রহে নয়নভরে দর্শন করছে প্রিয়দর্শী রাজাকে। ধারাসারে হচ্ছে পুষ্পবৃষ্টি—রঙিন শুভ কামনা; বর্ষিত হচ্ছে শুভ্র লাজাঞ্জলি—হৃদয়ের পবিত্র আশীর্বাদ! আজও রাজার পাশে পাশে চলেছে কাতারে কাতারে অমাত্য সদস্য। সেদিন তারা ছিল মুখর, আজ মুক। আজ তাদের মৌনব্রত। উপরন্তু আজ রাজার সঙ্গে পদব্রজে চলেছে সৈন্যাধক্ষ অহিপারক, রাজার আবাল্যের বন্ধু—নগ্নশির, নগ্নপদ, আনত আনন। গভীর শোকে মিল্লন্ত, নিরস্ত্র অন্ত্রবীর।

শবযাত্রা অহিপারকের গৃহের সম্মুখে আসে। মূর্ত্তে চঞ্চল হয়ে ওঠে জনসমূহ, মূর্ত্তে গর্জমুখর হয়ে ওঠে উত্তাল তরঙ্গ। ক্রুদ্ধ শ্লেষ বর্ষিত হয় বাতায়নে। আবার সব নিস্তব্ধ। পুষ্প করণ্ড হস্তে দাসীরা পুষ্প বর্ষণ করে। আজ সে পুষ্পবর্ষণে কেউ সাড়া দেয় না, মুগ্ধ লোচনে কেউ উর্ধ্বদিকে দৃষ্টি নিক্ষেপ করে না। সভয়ে স্থির দাঁড়িয়ে থাকে স্মৃতিহরা। স্বর্ণপালঙ্কের শবাধারে রক্ত-রেশমে আবৃত দেহ, পুষ্পে পুষ্পে সমাচ্ছন্ন—কেবল অনাবৃত রাজার বদন। একখানি সুশুভ্র পাণ্ডুর প্রসন্নতা! স্থির, উদাসীন। কোথাও কি মদনাতুরতার চিহ্ন আছে? —কোথাও নেই। নিম্পলক তাকিয়ে থাকে স্মৃতিহরা। তার আয়ত উগ্র চক্ষু দুটি আরও বিস্ফারিত হয়। প্রকাণ্ড, নিশ্চল, অতিশয় তীব্র তার দৃষ্টি।

শবযাত্রা অহিপারকের গৃহ অতিক্রম করে যায়। অদূরে অস্ত যাচ্ছেন প্রদীপ্ত স্বর্ণভানু। রঞ্জিত সঙ্ঘাতের আবরণে যেন একখানি দীপ্ত আনন! কিঞ্চিৎ স্নান, কিন্তু কি প্রশান্ত কি মহনীয়। অথচ কেমন উদাসীন।

এ উদাসীন স্মৃতিহরাকে উত্তেজিত করে তোলে না, এ অপমানে দুঃসহনন্দিনী অসহিষ্ণু হয়ে ওঠে না। নিঃশেষিত কি প্রতিশোধ স্পৃহা? কালনাগিনীর চোখে কী আজ অঙ্ককার?

সঙ্ঘাত ঘনিয়ে আসে। শূন্য রাজপথে আলো জ্বলে না। অহিপারকের গৃহও আজ নিম্প্রদীপ। শোকের কালিমায় আচ্ছন্ন নগরী, মূর্ছাহত পুরবাসী। এই অনন্ত শোকের ছায়া নিয়ে নেমে আসে কৃষ্ণাদশমীর তামসী রাত্রি। শূন্য দৃষ্টিতে তাকিয়ে থাকে স্মৃতিহরা। দূরবগাহ অঙ্ককারে অর্থহীন দৃষ্টি মেলে কি যেন অর্থ খোঁজে সে।

হয়তো এতক্ষণ শ্মশানভূমিতে প্রেতকাঁধ আরম্ভ হয়ে গিয়েছে রাজোচিত মর্ষাদায়। দক্ষিণ শিরায় শয়ান ধর্মশীল শিবপুত্র। মন্দাকিনী নীরে স্নাত শব—সপ্ত ছিদ্রে সপ্ত রত্ন, গঙ্গচন্দনে চর্চিত রাজদেহ, পরিধানে শ্বেত উত্তরীয়। রাজপুরোহিত অশ্রুসিক্ত কণ্ঠে উচ্চারণ করছেন প্রেত-আবাহন মন্ত্র: 'এহি প্রেত সৌম্য গম্ভীরেভি: পথিভি: পূর্বেণেভি'—আর যেন শোনা যায় না। কোটি কণ্ঠের আর্তনাদে মঞ্জুধনি মজ্জিত হয়ে যায়। তুঙ্গ ও পদ্ম নামক গঙ্গদ্রব্য-মিশ্রিত স্নগন্ধি চন্দন কাষ্ঠের চিতায় আরুঢ় শব: সহস্রকণ্ঠে অগ্নির আবাহন: হাহাকার, বিপুল আর্তনাদ। ওই লকলক করে বৃষ্টি জলে উঠল চিতা!

নিস্তব্ধ স্মৃতিহরা। তার বিস্ফারিত চক্ষু আরও বিস্ফারিত হয়। কৃষ্ণাদশমীর রাত্রিতে ভয়সাম্বর কি নিত্ৰাভঙ্গে নয়ন মেলে তাকিয়েছে? ঘোর কৃষ্ণদেহে

ঘোর আরক্ত দৃষ্টি ! তার লেলিহান জিহ্বা ! পুরোহিতের কণ্ঠে উচ্চারিত গম্ভীর
মন্ত্র যেন বজ্রমস্ত্রে কার ভৎসনা :

• বায়ুরনিলমমৃতমধেদং ভস্মাস্তং শরীরম্ ।

ওঁ ক্রতো স্মর কৃতং স্মর ক্রতো স্মর কৃতং স্মর ॥

—মহাবায়ুতে বিলীন প্রাণবায়ু । এখন স্মরণ কর, স্মরণ কর । স্মরণীয় যা কিছু,
স্মরণ কর, যা করেছ স্মরণ কর, কৃতকর্ম স্মরণ কর—‘ক্রতো স্মর কৃতং
স্মর ।’

কিছুই স্মরণ করতে পারছে না স্মৃতিহরা । লুপ্ত পূর্বস্মৃতি । উদ্ভ্রাস্ত দৃষ্টি ।
প্রাণপণ চেষ্টা করেছে সে । কে স্মৃতিহরা ? কার ওই শব ? কিসের ওই চিত্তা ?
—অন্ধকারে দিগ্ভ্রাস্ত পথিক । বিভ্রমবতী আজ নিজে বিভ্রাস্ত ।

সহসা সম্মুখে দাসী কক্ষ প্রবেশ করে, সভয়ে কাঁপতে কাঁপতে ব্যাকুল ভাবে
বলে, ‘সর্বনাশ উপস্থিত !’

কিছুই বোঝে না স্মৃতিহরা । শূন্য দৃষ্টিতে সে তাকায় দাসীর প্রতি । দাসী
এক নিশ্বাসে বলে, ‘প্রভুর মৃত্যুতে ক্ষুধা সেনাপতি, কেউ তাঁকে ধরে রাখতে পারে নি,
কেউ বাধা দিতে পারে নি । রাজার অকালমৃত্যুর কারণ তিনি—এই বিবেচনা
করে চিত্তায় আরোহণ করে আত্মবিসর্জন দিয়েছেন প্রভুভক্ত সৈন্যধাক্ষ ।’

ভীষণ চীৎকার করে ওঠে স্মৃতিহরা । বহুকণের নীরবতা যেন এক সঙ্গে উদ্দাম
হয়ে ওঠে, যেন সহসা রুদ্ধ আগ্নেয় বিদারণ ! বাধাবন্ধহীন উন্মাদ আবেগাগ্নি যেন
ক্রম চূটেতে আরম্ভ করে । আতঙ্কে তাকে জড়িয়ে ধরে দশবারজন দাসী । বাধা
কি মানে ? দুর্বলার দেহে সহস্র প্রমত্তা করিণীর শক্তি ! প্রোদ্দাম গতি, কণ্ঠে
মুহুমুহু স্থলিত গর্জন । ভীষণ চীৎকার ! ভীষণ অঙ্গ-বিধ্বনন ! কুটীলা হলেও
স্বভাবদুর্বলা নারী । তাই উচ্চগ্রামে বাজতে গিয়ে ছিন্ন হয় হৃদয়-তন্ত্রী ! প্রলয়-
কম্পনে বিপর্ষস্ত দেহ-প্রাকার, চূর্ণ-বিচূর্ণ বুদ্ধির দুর্গ ।

তারপর সেই অনিন্দ্যসুন্দর দেহকাস্তির এক শোচনীয় পরিণাম । কাঁকনের
মত অঙ্গবর্ণ বছদিনের ধররৌদ্রে বিবর্ণ হয়ে গেল, সুবিন্যস্ত কেশপাশ হল
অবিন্যস্ত । দীর্ঘদিনের অযত্নে জটার আকার ধারণ করল কাজল কুন্তল ।
ঘোলাটে চোখ, অর্থহীন দৃষ্টি । কুণ্ডলীকৃতা স্মৃতি—মাঝে মাঝে স্মৃতিহীন প্রলাপ ।
এই উদ্বেজনা, এই গর্জন, এই মৃত্যুর স্তব্ধতা । কখনো বুকভাঙ্গা আর্তনাদ !
অতি মর্মান্তিক সে ক্রন্দন ! বন্ধ উন্মাদিনী স্মৃতিহরা—সঙ্গে সঙ্গে উন্মাদিনী তার

কুটিল প্রকৃতি। ভীষণ আক্রোশ, বিচারহীন তার আক্রমণ। স্তম্ভ মানুষকে মুহূর্তে মাতাল, উন্মাদ, বিভ্রান্ত করে সে। কিন্তু একটু লক্ষ্য করলে দেখা যায়, এই বীভৎস উন্মত্ততার মধ্যেও কোথায় যেন রয়েছে উদ্ভ্রান্তিকর এক রূপের মায়। এই রূপ-মায়াই মানুষের স্মৃতি হরণ করে।

আজও সৃষ্টিকে উন্মাদিত করছে আলেয়ার মত রূপবতী এই উন্মাদিনী। মরীচিকার মত বিভ্রান্ত করছে এই বিভ্রমবতী। জন্মে, জীবনে, মরণে, স্মৃতিহরা লুপ্ত করে দিচ্ছে স্মৃতি। ত্রিলোকময় তার প্রমত্ত সঞ্চরণ। প্রচণ্ড আক্রমণ। ধৃতব্রত সংযমীরও মুক্তি নেই তার হাতে। রূপের মোহিনী মায়। স্মৃতিহরা— সে উন্মাদিনী, সে বিভ্রমবতী ; স্মৃতিহরা যত্নার অগ্রদূতী।*

* দুঃসহ-নন্দিনী স্মৃতিহরার পরিচয় ও প্রকৃতির বর্ণনা রয়েছে মার্কণ্ডের পুরাণে (৫০—৫১ অধ্যায়) ; উশীনর-বচন যে কাহিনীটি স্মৃতিহরার ওপর আরোপিত হয়েছে, তা 'উন্মাদিনী' জাতক থেকে গৃহীত। কথাসরিৎসাগর ও .বস্তাল পঞ্চবিংশতি গ্রন্থেও পরিবর্তিত আকারে 'উন্মাদিনী'র কাহিনী আছে।

॥ नरक ॥

गङ्गीर हये गेल राजा नरक ! प्रदोषेर स्वर्गालोके तार चोखे फुटे
उठल एकटा सुतीर सक्कानी दृष्टि । सेइ दृष्टि दिसे से देखे निल प्रियतमा
महिषी वेदनार आपादमस्तक ।

विधातार सृष्टिराज्ये महाघोर निरयलोकेर अधीश्वर नरक । से पापीर
एक दण्डर—दुरस्त, निर्मम । तार नामेइ अङ्कार-घन अधोलोकेर नाम
'नरक' । नरक अति भीषण, पापीर भोग्यास्थान ।

येमन भीषण राज्या तेमनि भयङ्कर तार राज्या । अञ्जन पर्वतेर मत घोर
कृष्णवर्ण देह, झटिल पिङ्गल केशसटा । तदुपरि रत्नमय मुकुट—येन सुर्वरश्मि
प्रतिघाती मन्दरशृङ्ग । बलिकुक्षित ललाटतले तीक्ष्ण ज्वालाबहल नयन । प्रलय
मेघविश्रित उन्नाल सागरे बाडवासदृश भयाल क्रोध-संरक्त कटाक्ष । से कटाक्ष
पापात्मार मर्मभेद करे । नरकेर कर्णे मणिमय कुण्डल, कुण्डलेर दोलाय देवता-
त्रास शुकृत्य । अति विभीषण से मूर्ति ।

तारइ समुखे दाडिये आछे महिषी 'वेदना' । आज तार अद्भुत प्रार्थना—
'आमि नरक देखते चाहि, आमाके नरके निसे चल ।'

नरकेर मुख आरु गङ्गीर हये ओठे, दृष्टि हय तीक्ष्णतर । सुगङ्गीर कठे से
बले, 'ता हय ना, नरक देखार अधिकार सकलेर नेइ ।'

'केन नेइ !' व्याकुलभावे प्रश्न करे वेदना ।

तेमनि गङ्गीर कठे बले नरक, 'कर्मकलेइ स्वर्ग वा नरक दर्शन हय । यारा
पुण्यवान, प्रेमिक—सत्यवाक्, धर्मशील—तारा येमन सुखेर पर सुख, स्वर्गेर पर
अनस्त स्वर्ग भोग करेन—तेमनि यारा पापी मिथ्याचारी—तारा भोग करे
केश, नरक । नरक दर्शनेर अधिकारु पापीर । तूमि तो जीवने कोन
पाप कर नि !'

प्रसङ्ग एडिये यार वेदना । अश्रु-सिक्त कठे बले, 'नारकीर कातर क्रन्दन
आमाके अश्विर करे तोले । आमि सह करते पारि ना । उः, कि करुण
आर्तनाद ! आमाके निसे चल, आमि ओदर देखि ।'

নরকের স্বভাব-গম্ভীর বদনমণ্ডল আরও গম্ভীর হয়ে ওঠে, যেন অঙ্ককার মেঘলোকে আসন্ন সন্ধ্যার ঘোর। রক্তচক্ষু কুটিল শকুনের মত স্মৃত্তিক সন্ধানী দৃষ্টি তীব্রতর করে সে আবার মহিষীর আপাদমস্তক লক্ষ্য করে।—নিষ্পাপ, নিষ্কলঙ্ক আনন—নির্মল, নিষ্কলুষ নয়ন! আকৃতি কি অস্তরের দর্পণ নয়!

দীর্ঘ দিন ধরে দেখে আসছে নরক, করুণায়-কোমলতায়, যত্নে-সেবার অতুলনীয় বেদনা। প্রশ্নের অতীত তার পাতিব্রত। সপ্তর্ষি লোকের অননুয়া, অরুক্ষতীর মতই অনিন্দিতা সে—অনিন্দনীয় তার চরিত্রগৌরব। স্বর্ণাকরে হৃদয়ে মুদ্রিত হয়ে আছে সেই প্রথম দিনের স্বরণীয় ইতিহাস, যেদিন ভীমকাস্ত নরকের সম্মুখে এসে দাঁড়িয়েছিল বেদনা। যেমন উগ্ধত-গ্রাস মেঘ মুখে স্থির দাঁড়ায় নীল তারা, বিপুল কৃষ্ণকায় নরকের সম্মুখে তেমনি দাঁড়িয়েছিল সে। পরিপূর্ণ শ্যামাঙ্গী—যৌবনে উচ্ছল। নিখুঁত নীলকাস্ত মণির মত নীলদ্যুতি, শতকুঞ্চিত ঘন নীল কেশকলাপ, নীলোৎপলের মত স্তম্ভিত নয়ন, মমতা-মাতানো আবেশ-বিহ্বল ঞ্জ্ঞান—যেন চাক্রস্বাক্ষী অনঙ্কলতা। এমন করে কোন নারী তার সম্মুখে দাঁড়ায় না, দাঁড়াতে সাহস পায় না। নারীর বিভীষিকা নরক।

নারীকে দেখে সুগম্ভীর মেঘমঞ্জে প্রশ্ন করেছিল নরক, বীণানিন্দিত মধুক্ষরা কর্ণে উত্তর দিয়েছিল বেদনা—যেন কড়ি ও কোমলে উদাস্ত .ও অচ্যুদাস্তে সাধা সংলাপ :

‘কে তুমি?’

‘অপহৃত্তা আমি, পতিংবরা!’

‘আমায় অভিশাপ দিতে এসেছ, নারী?’

‘তোমায় পতিরূপে বরণ করতে এসেছি আমি!’

‘আমাকে? জ্ঞান, আমি কে!’

‘নিরয়লোকের অধীশ্বর, সম্রাট, নরক।’

‘আমি ভয়াল অত্যাচার—নির্মম, নিষ্ঠুর।’

‘তুমি শাস্তা, দণ্ডধর—নবজীবনের প্রেরণা।’

হতবাক হয়ে গিয়েছিল রাজা নরক। এত সংবাদ কি করে জ্ঞানল, ওই নীল-তারার মত ছোট্ট একটি নারী। কেনই বা পতিরূপে প্রার্থনা করছে তাকে? বিশ্বের চোখে মহাভয়াল নরক, নারী-জীবনের দুর্দৈব। কি একটা আক্রোশ অনির্বাণ অনলের মত তার বুকে জ্বলে। সেই প্রজ্বলিত ক্রোধানলের আহুতি গন্ধর্ব, কিয়র, যক্ষ, বিষ্ণাধরপুরের সহস্র রমণী। অপহৃত্তা তারা মলদিষ্টাদী—



তারা এক-বেগীধরা। তাদের তপ্ত দীর্ঘশ্বাসে অস্থির নরক। সহস্র মুখে তার নরককে অভিশাপ দেয়। এমন করে তো কেউ পতিরূপে প্রার্থনা করে ন তাকে। এ নারী কি জানে না, কি অভিশপ্ত তার জীবন। পরিত্যক্ত, মাতৃ-স্নেহ বঞ্চিত, গোত্র পরিচয়হীন সে—অতি কুৎসিত, অতি কঠোর। অসীম তার প্রতাপ, কঠিন শাসন—কিন্তু অন্তরময় শূণ্য হাহাকার যেন শূণ্যগর্ভ অগ্নিগোলক!

নরকের মনে পড়ে, কত কাল আগের এক কাহিনী—সন্তুপ্রসূত অনাথ এক শিশু। নির্জর্ন শ্মশানপ্রান্তে প্রাণরক্ষার তাগিদে প্রাণপণে চিৎকার করছিল সে, ক্রন্দন করছিল শুধু একটা মৃত নরকপালের ওপর মস্তক স্থাপন করে। যে-কারণেই হোক—জন্মী পরিত্যাগ করেছে তাকে। হয়তো সে কানীন, হয়তো সে মাতার অবৈধ কামনার বিষফল। হয়তো মৃত্যুই ছিল তার লগাট-লিখন। কিন্তু মৃত্যু ঘটে নি তার। অমর বিষবীজ, অমর বিষবৃক্ষ। বিশ্বতোচক্ষু বিধাত পুরুষের দৃষ্টি পড়েছিল তার ওপর। করুণাভরে তাকে রক্ষা করেছিলেন কমলযোনি।

আশ্রয় পেয়েছিল মাতৃত্যুক্ত অনাথ শিশু। বিধাতার অভিপ্রায়ে বর্ধিত হয়েছিল অষ্টার অমোঘ শাস্তা—‘নৈঋতো নরকো নাম ব্রহ্মণো বরদর্পিতঃ’। যেমন বিপুল দেহ, তেমনি নিষ্ঠুর প্রকৃতি—যেমন উত্তপ্ত হাহাকারময় জীবন, তেমনি ক্রন্দন-সিসৃক্ষ শাসন। কঠিন কণ্ঠে তাকে সুকঠিন নির্দেশ দিয়েছিলেন বেদগর্ভ ব্রহ্মা, ‘জন্মের পর নরকপালে মস্তক স্থাপন করে ভূমিতে শায়িত ছিলে তুমি—তোমার নাম হল ‘নরক’। তুমি ভীষণ হলেও আমার বিরাট সৃষ্টিতে তোমারও প্রয়োজন আছে। সৃষ্টি রাজ্যে যারা শৃঙ্খলার বাভিচারী—যারা প্রবঞ্চক, নরঘাতী, অত্যাচারী—যারা কামাঙ্ক, মদোদ্ধত—সেই সকল অধর্ম-বন্ধুর শাস্তিদাতা হবে তুমি। ত্রিলোকীর দক্ষিণ ভাগে ভূ-নিম্নস্থ নিরয়লোক—আজ থেকে তুমি তার অধীশ্বর হলে। তোমার নামেই সে রাজ্য নরক নামে অভিহিত হবে।’

শিউরে উঠেছিল বিভীষণ নরক। সে ভীষণ, কিন্তু তারও চেয়ে ভীষণ নরক; সে কঠিন, কিন্তু আরও কঠিন নরকলোক। রুদ্র-শাসনে ক্রন্দনমুখর প্রজা—রোক্ত, করুণ, বীভৎস রসের সাগরে নিমজ্জিত হয়েও পার পায় না। এমনি ভয়ঙ্কর শাস্তি। শুধু স্বরে প্রতিবাদ করেছিল সে, বিভীষণ নামে উত্তর দিয়েছিলেন বেদগর্ভ ব্রহ্মা, ‘এ কর্মভার তোমারই উপযুক্ত। তুমি ভয়ঙ্কর, করাল তোমার

শাসন—তুমি নির্দয়, নির্মম তোমার পীড়ন। নরকের পতি হবে নরক—এই-ই কল্পের বিধান।’

তারপর একটু নীরব থেকে বলেছিলেন বিধাতাপুরুষ, ‘সৃষ্টির সুর বিচিত্র, বিশ্বয়কর! যাদের কান আছে, তারাই সুরের ঐকতান শুনতে পারে। অঙ্ককারের বৃকে ঘুমায় আলো, ক্রতের বৃকে সুখে ঘুমায় পরম শিব। কঠিন শাসন কেবল দণ্ডবিধান করে না, আত্মকে পরিশুদ্ধ করে। অঙ্কারের মলিনত্ব সহজে ঘোচে না, কিন্তু সুকঠিন অগ্নিতাপে তাকে দগ্ধ করে—অঙ্কার হীরক হয়ে উঠবে। নরকের শাসন হবে মলধৌত ধর্মজীবনের প্রবর্তক। হে নির্মম, হে অমিত্র-কর্ষণ, তোমার হৃদয়হীন দণ্ডের তাড়নায় পাপীর ভোগক্ষয় হবে—নরকাগ্নিতে অগ্নিশুদ্ধ হয়ে নারকী হবে অভূদয়সূচক নবজীবনের অধিকারী।

নির্বাক নরক। বিধাতাপুরুষের নির্দেশ নত মস্তকেই তাকে স্বীকার করে নিতে হয়। তার হাহাকারময় করাল জীবনের একটি ক্ষত থেকে প্রতিনিয়ত নির্গত হয় তপ্ত রক্ত, সেই রক্তই উত্তেজিত করে তোলে তাকে। তার জীবনের সেই ক্ষত একটি অমৃতের প্রস্র, কে সে? কেন সে পরিত্যক্ত? মাতার মমতা নির্মম হল কিসের অভিশাপে?

নরক-পতনের পূর্বে সে শুধু সেই প্রশ্নটিই করেছিল সবজ্ঞ বিধাতাকে—‘আমার নীরস জীবনে একমাত্র রসের নির্ঝর আপনার স্নেহ, অপরিশোধ্য আপনার ঋণ। চিরকাল কি অজ্ঞাত থাকবে আমার পরিচয়? কোনদিন কি জানব না আমি, কে আমার মাতা, কে আমার পিতা?’

প্রশান্তকণ্ঠে উত্তর করেছিলেন অশ্বলিত সত্যের বাণ্যুতি ব্রহ্মা, ‘সত্যকে প্রকাশ করতে হয় না, বৎস! সত্য স্বয়ং-প্রকাশ। সময়ান্তরে এ সত্য আপনিই উদ্ঘাটিত হবে।’

আর কোন কথা বলে নি নরক। রহস্যঘন জিজ্ঞাসা অন্তরে রুদ্ধ রেখে সে গ্রহণ করেছিল বিধি নির্দিষ্ট কর্তব্যভার। উর্ধ্ব পুণ্যবানের স্বর্গ, নিয়ে পাপীর নরক। এই নরকেরই অধীশ্বর হয়েছিল সে। স্বর্গ তার প্রতিদ্বন্দ্বী, স্বর্গের অধিবাসী তার শত্রু। স্বর্গের মহাভয় নরক—প্রাণাস্তকর ব্যাধির চেয়েও ভয়ঙ্কর, মৃত্যুর চেয়েও করাল, যমদূতের চেয়েও দুরন্ত। মাতৃস্নেহের বঞ্চনা আরও ভীষণ করে তুলেছিল তাকে। সমগ্র নারী জাতির প্রতি বিতুষ্ণা! তার আক্রমণে সন্ত্রস্তা ঘোষিতকুল। নারীকে সে করেছে নরকের দ্বার। সংস্র রমণীর দীর্ঘশ্বাসে অস্থির নরক, ক্রন্দনে উত্তেজিত নরক, একবেগীধরা সীমন্তিনীর অভিশাপে উত্তপ্ত নরক। সে উত্তাল

উন্মাদ। উন্মত্ততার কঠিন হয়ে ওঠে সুকঠিন পীড়ন, নিশ্চিত হয় কোটি কোটি অদৃষ্ট প্রমাণ পুরুষ। বাইরের প্রতাপ অন্তরের ক্রন্দনকে যেন চাপা দিতে চায়, কিন্তু পারে না। নরক যেন অনন্ত হাহাহারে পূর্ণ একটা শৃগুগর্ভ উচ্চ।

সেই নরককে—বিশ্বলোকের বিভীষিকা, নারীকুলের মহাভয়, চির অভিশপ্ত সেই নরককে স্বেচ্ছায় বরণ করতে বসেছে এক নারী—যে নারী তারই কর-পীড়নে পীড়িতা, বঞ্চিতা ও লাঞ্চিতা। সে কি নরককে চেনে না? কুৎসিত, মহাভয়াল নরকের পরিচয় কি অজ্ঞাত তার কাছে? সুন্দরকে সকলেই প্রার্থনা করে, কিন্তু যে অসুন্দর, যে অভিশপ্ত, যে মহাভয়ঙ্কর—তাকে স্বেচ্ছায় বরণ করে কে!

ক্রভঙ্গে উত্তপ্ত কণ্ঠে তাকে বলেছিল নরক, ‘জান, কোটি কোটি নারীর চোখের অশ্রু আমি, মহা অভিশাপ।’

আয়তনয়ন বিস্তার করে কোমলকণ্ঠে বলেছিল নীলনয়নী বেদনা, ‘একটি নারীর নয়নের হাসি তুমি, জীবনের আশীর্বাদ।’

‘শোন নারী, বিরামহীন আমার জীবন, ক্লাস্তিহীন শাসন!’

সেই ক্লাস্তিহীন জীবনে আমি হব শাস্তি।’

‘তুমি কি জান না, আমি গোত্র পরিচয়হীন, আজন্ম মাতৃ-পরিত্যক্ত, স্নেহবঞ্চিত?’

‘জানি, জানি—’ উচ্ছল হাসির তরঙ্গ ছড়িয়ে উত্তর দিয়েছিল মেঘবরণী, মমতাময়ী বেদনা, ‘তাইতো জায়ার প্রেম দিয়ে পূর্ণ করতে চাই জননীর স্নেহ—শৃগু হৃদয়ের অভাব দূর করতে চাই মমতার মাধুর্যে।’

এরপর আর কোন কথা বলতে পারে নি রাজা নরক। প্রীতির যে শৃঙ্খলে বন্দী বিশ্বজগৎ, সেই শৃঙ্খলেই বন্দী হয়েছিল মদকলমত্ত নরকেশ্বর। বন্দী হয়ে বঞ্চিত হয় নি সে। মমতাময়ী বেদনা—করণা ও শাস্তির একমূর্তি। বর্ষার বারিবর্ষণে যেমন সবুজ শ্যামলতায় পূর্ণ হয়ে উঠে দাবদগ্ধ, শুষ্কাতিভৈরব গ্রীষ্ম—বেদনার স্নেহধারায় তেমনি পূর্ণ হয়ে উঠেছিল নরক। নরকের জীবনে একেশ্বরী বেদনা, তার প্রিয়তমা মহিষী। ক্লাস্ত জীবনে একখানি পরিপূর্ণ আরামের বিশ্রামাগার—ছায়া শীতল, প্রীতি-স্নিগ্ধ, শাস্ত। স্বামীর সেবায় বেদনাও অক্লান্ত। একনিষ্ঠ পাতিব্রতা, পতির ইচ্ছাই তার ইচ্ছা—পতির আদেশ তার পরম আদেশ।

সেই পতিব্রতা আজ স্বামীর ইচ্ছার বিরুদ্ধে বলছে, সে নরক দর্শন করবে।

হতবার নিষেধ করছে নরক, ততবার জেদ করছে বেদনা; যেমন অটল নরক, তেমনি দৃঢ়প্রতিজ্ঞ বেদনা। তৃতীয় কঠিন পণ ভঙ্গ করতে চায়। নরক বলে, 'এ ইচ্ছা পরিত্যাগ কর। অতি ভীষণ সে স্থান।'

'ভীষণ বলেই আমি তা দেখতে চাই।'

'আমার দিকে তাকিয়ে দেখ। আমি নরকের অধীশ্বর, নরকের প্রতীক। আমার এই রত্নমুকুটের চেয়েও জ্বালা-করাল নরক, আমার এই কুণ্ডলের চেয়েও বহিমান নরকলোক।'

'আমি সেই বহিঃশিখাই স্পর্শ করতে চাই।'

'ভীষণদর্শন নরক-কিঙ্কর সেখানে লৌহশূর্মির আঘাতে নারকীদের শাস্তি দেয়।'

'নারকীয় বেদনায় আমি আকুল হয়ে উঠি। আমি বুক পেতে নিতে চাই শূর্মির আঘাত।'

বেদনায় কাঁপতে থাকে বেদনার কণ্ঠ। সসংশয় স্মৃতিস্ব দৃষ্টি মেলে আবার বেদনার আপাদমস্তক নিরীক্ষণ করে নরক। এবার তীব্র শ্লেষ ধনিত হয় তার কণ্ঠে, 'নারকীর জন্ম নরক-মহিষীর এ-অভূতপূর্ব বেদনা যেন এক নূতন বিশ্বয়।

'বেদনার সমবেদনায় বিশ্বয় তো নেই কিছু—' কল্প কণ্ঠে বলে বেদনা।

ইচ্ছার বিরুদ্ধাচারে নরক ক্ষিপ্ত হয়ে ওঠে। হারিয়ে যেতে চায় ধৈর্য। বজ্রস্বরে সে বলে, 'জ্ঞান, নরক-দর্শনের ইচ্ছা হওয়াও পাপ।'

'পাপ!—করণ কণ্ঠে আর্তনাদ কবে ওঠে বেদনা।

'হ্যাঁ!—কঠিন কণ্ঠ বলে নরক। ভুবিতে আবার মহিষীর মুখে, চোপে সর্বাঙ্গে তীক্ষ্ণ দৃষ্টি বুলিয়ে বলে সে, 'ভেবে দেখ, ভাল করে ভেবে দেখ। আমাদের এখনি যেতে হবে 'অসিপত্র' বনে। পৃথিবী থেকে নূতন একদল পাপীয়সী নারী এসেছে। পতিকে প্রবঞ্চনা কবে মহাপাতকের ভাগী হয়েছে তারা। তাদের জন্ম ভীষণ শাস্তির ব্যবস্থা করতে হবে।'

শিউরে ওঠে বেদনা, কাতরস্বরে বলে, 'আমাকে ওপানে নিয়ে চল, আমাকে ওদের দেখতে দাও।'

আরক্ত নয়নে তাকায় নরক। ক্রুদ্ধ গর্জনে কক্ষ পরিত্যাগ করতে করতে সে বলে, 'যদি প্রয়োজন হয়, নিশ্চয়ই নরক-মহিষীর জন্ম মুক্ত করতে হবে নরকের দ্বার। প্রতীক্ষা কর, আমি পাপীয়সীদের একটা ব্যবস্থা করে আসি।'

মস্ত পদক্ষেপ করে কক্ষ ত্যাগ করল নরক। তখন সন্ধ্যা ঘোর হয়ে উঠেছিল কক্ষে অল উঠেছিল উজ্জল আলো। বেদনার মনে হল, উজ্জল আলোর বুক

থেকে একটা কৃষ্ণ বহির্শিখা যেন বেরিয়ে গেল সৃষ্টিকে দগ্ধ করতে । ভয়ে, হুঃখে
শুষ্করে কেঁদে উঠল বেদনা । স্বামী তার এত নিষ্ঠুর ।

ব্যাকুলভাবে প্রতীক্ষা করতে থাকে বেদনা । অস্থির চরণে কক্ষময় পদচারণা
করে সে । দারুণ অস্থিত্তি । প্রতীক্ষার মত এমন অস্থিত্তিকর বৃষ্টি আর কিছু
নেই । রাজ্যের দুশ্চিন্তা ভর করে মস্তিষ্কে, রাজ্যের অশান্তি আন্দোলিত করে
হৃদয় । সময় কাটে না, এক মুহূর্তে যেন এক যুগ ।

সহসা ধমকে দাঁড়ায় বেদনা । ঢং ঢং ঢং...দূরে যেন বাজে নরকের ঘণ্টা ।
রহস্যঘন দূরগত ধ্বনি । আতঙ্কিত হয়ে ওঠে সে । বেদনা দেখে নি, কিন্তু শুনেছে,
অসংখ্যবার শুনেছে—অতি ভয়ঙ্কর নরকলোক । ত্রিলোকীর দক্ষিণ প্রান্তে
কালাগ্নিকল্পপুরের উর্ধ্ব ভূগর্ভস্থ নিরয়লোক । কোটি কোটি যোজন তার বিস্তার ।
নরকের সংখ্যাও অসংখ্য : চৌরাশি লক্ষ নরক—তার মধ্যে আবার প্রধান
একবিংশতি নরক । অতি ভীতিজনক তাদের নাম : রোরব, মহারোরব, তামিশ্র,
অন্ধতামিশ্র, কুস্তীপাক কালসূত্র, অসিপত্র, অপ্রতিষ্ঠ, ঘটমন্ত্র, সন্দংশ, তপ্তশূর্মা,
সংশোষণ, কুমিভোজন, পূঁজশোণিত ভোজন, খান ভোজন, বজ্রকণ্টক শাম্বলী,
করস্তুসিকতা, বৈতরণী, অবীচি, সূচিমুখ ও অয়ঃপান । নাম স্মরণ করে ভয়ে
শিউরে ওঠে বেদনা । কেবল নরক নয়—একবিংশতি নরকে প্রতিষ্ঠিত ষড়শীতি
নরককুণ্ড । এদের মধ্যে অতি ভয়াবহ ষাটশ কুণ্ড : বহিকুণ্ড, উচ্চামুখ, ক্ষারকর্দম,
শুক্ককুণ্ড, বসাকুণ্ড, লালভক্ষ, সর্পকুণ্ড, দংশকুণ্ড, বজ্রদংষ্ট্রা, অশ্রুকুণ্ড, মসীকুণ্ড,
প্রাণরোধ । পাপাত্মার অবশ্যস্তাবী গতি এই নরক, এই নরককুণ্ড ।
রক্তলোচন, তাম্রপিঙ্গল জলিচ্ছটা কোটি কোটি নরকভৃত্য এদের রক্ষক । নির্দয়
তাদের শাসন, মর্মান্তিক পীড়ন ! কি হৃদয়বিদারক পাপাত্মার আর্তনাদ !

নিশ্চল পাষাণের মত স্তব্ধ দাঁড়িয়ে থাকে বেদনা । সেই ক্রন্দন, সেই বকভাঙ্গা
হাহাকার উঠছে যেন নরকের অন্ধকার বিদীর্ণ করে । ‘মহারোরব’ নরক থেকে
উঠছে কী এ ক্রন্দন ? বেদনা জানে, যারা হিংসক, নরঘাতী—যারা ক্ষমাহীন,
নররক্তে সিক্ত করে ধরাতল—হিংসায় যারা উন্মাদ, তাদেরই ভোগস্থান ভয়ঙ্কর
মহারোরব । ষাটশ যোজন বিস্তৃত এই মহানরক—তাম্রময়ী এর ভূমি । নিরে
প্রচণ্ড হতাশন উর্ধ্ব প্রলয়সূর্যের দাহন । অনলতাপে উত্তপ্ত তাম্রে পদক্ষেপ করামাত্র
দেহ দগ্ধ হতে থাকে, ওপর থেকে অগ্নিবর্ষণ করে মার্তণ্ড । একে দাবদাহে দগ্ধ দেহ,
তদুপরি বজ্রদংষ্ট্রা দংশশূকের আক্রমণ—একযোগে আক্রমণ করে কোটি দংশশূক ।
দহনে ও দংশনে জর্জর পাপী ‘হা মাতা, হা পিতা’ ক্রন্দনে আকুল করে তোলে

নরকের বাতাস। উল্লাসে পৈশাচিক হাসি হাসে নরক-কিঙ্কর। ভীমদর্শন তারা, মমতাহীন—তাদের হস্তে দণ্ড, অঙ্কুশ। অঙ্কুশের তাড়নায় তারা পাপীকে উন্মাদ করে তোলে। কাতর ক্রন্দন, সকাতর অনুনয় 'ত্রাহি ত্রাহি' আর্তরব। কেউ কর্ণপাত করে না। ভ্রমিষন্ত্রে স্থাপন করে নরকদাস তাদের নিক্ষেপ করে 'রুকুণ্ডে'। মহাসর্পের চেয়েও হিংস্র, ক্রুর, ভারশূন্য রুকু। মহারুকু আরও ভয়ঙ্কর। তাদের নামেই নরকের নাম—'রৌরব', 'মহারৌরব'। কুণ্ডে নিক্ষিপ্ত হওয়ামাত্র এই হিংস্র ক্রব্যাদ জঙ্ক পাপীকে আক্রমণ করে। হিংসাব শাস্তি হয় হিংসায়। মর্মবিদারী সে শোচনীয় পরিণাম !

কল্পনাতেও সে দৃশ্য সহ্য করতে পারে না বেদনা। কোমল অস্তবে যেন তীব্রতুণ্ড রুকুর আক্রমণ, কমনীয় দেহে যেন তপ্ত তাগের অসহ্য দহন। নিজেই যেন মহারৌরবে পতিত হয়েছে সে। আতঙ্কে দুই হস্তে সে নয়ন আবৃত করে। আবৃত নয়নে অনাবৃত হয় যেন 'মহাতামিশ্র' নরকের দৃশ্য।

ঘোর অঙ্ককাবে সমাচ্ছন্ন 'মহাতামিশ্র' নরক। অঙ্ককার—কেবল অঙ্ককার। সে অঙ্ককারে কিছুই দৃষ্টিগোচর হয় না, নিজের দেহটি পয়স্তু নয়। সেই নিদারুণ অঙ্ককারে হিমখণ্ডপ্রবাহী অতি শীতল বায়ুপ্রবাহ। অতি প্রচণ্ড তার বেগ। সেই বায়ুব আঘাতে মুহূর্তে চূর্ণ-বিচূর্ণ হয়ে যায় পাপীর অস্থি, মজ্জা। এ জগতে যারা মদাঙ্ক, দস্যু, ধর্মসেতু লঙ্ঘনকারী—তারাই এ নরকে 'প্রবেশ' করে। একে মহাতামিশ্রায় অঙ্ক দৃষ্টি, তার ওপর হিমশীতল বায়ুর কঠিন প্রহার। চূর্ণ দেহের গলিত রক্তে হিমস্তুপ রক্ততুষারে পরিণত হয়। শুষ্ক, তৃষিত, অঙ্ক পাপী স্মৃতিহারা উন্মাদের মত সেই রক্ততুষার ভঙ্কণে উত্তত হয়। ঠিক সেই মুহূর্তে আসে বজ্রদণ্ডধারী নরক-রক্ষক। বজ্রদণ্ডের প্রচণ্ড আঘাত হানে পাতকীর মস্তকে। আঘাতে আর্তনাদ করে ওঠে পরস্বাপহারী মদাঙ্ক। দিগ্বিদিক জ্ঞানশূন্য হয়ে ছুটতে আরম্ভ করে তারা—অঙ্ককারে দিশাহারা' ভ্রষ্টবুদ্ধি, নষ্টস্মৃতি পাপী—অধৈ 'অশ্রুকুণ্ডে' নিমজ্জিত হয়।

আর যেন ভাবতে পারে না বেদনা। তারও চোখে উত্তাল হয় অশ্রুস্রাবী। সভয়ে চোখ গোলে সে। নরকে নয়, নিজের প্রকোষ্ঠেই সে দাঁড়িয়ে আছে। কক্ষ উজ্জ্বল হয়ে জ্বলছে দীপালোক। বাতায়নপথে দেখা যায় সেই অঙ্ককার। কক্ষের আলো যেন আরও ভয়াবহ করে তুলেছে বাইরের অঙ্ককারকে। অঙ্ককার অঙ্ককারই থাক। অঙ্ককারই নেমে এসেছে তার জীবনে। কি প্রয়োজন প্রদীপের ? উচ্চকণ্ঠে সে দাসীকে ডাকে, নিজের চিৎকারে নিজেই শিউরে ওঠে। দাসী কক্ষ

প্রবেশ করে। কিসকিস করে সভয়ে বলে বেদনা, 'প্রদীপ নিবিয়ে দে।' দাসী ঠিক বুঝতে পারে না। দীপ নিবে না, স্তিমিত হয়। ভয়ে ভয়ে বেরিয়ে যায় দাসী। আনমনে বেদনা এসে দাঁড়ায় গবাক্ষপথে। বাইরে নিঃসীম অন্ধকার। অন্ধকার-দর্পণে কি স্বামীর প্রতিবিম্ব পড়েছে? অন্ধকারে অঙ্গুষ্ঠপ্রমাণ কাদের ওই প্রেতদেহ? একি হল বেদনার! কেউ কি সত্যিই স্মৃতি হরণ করল তার? মনে হল, সে যেন 'অবীচিমৎ' নরকে নিষ্কিন্ত হয়েছিল। নিস্তরঙ্গ নীরের গ্নায় মহাশূণ্ডে অবস্থিত নিরালম্ব অবীচি নরক। নরক-কিঙ্কর সুউচ্চ পর্বত থেকে পাপীকে অধঃশিরায় এই নরকে নিষ্ক্ষেপ করে। তরঙ্গহীন, নিরালম্ব কঠিন 'অবীচি'। পতনভয়ে আতঙ্কে ক্রন্দন করে ওঠে জীব। প্রচণ্ড ঘূর্ণনে ঘূর্ণিত মস্তক, ঘূর্ণিত নেত্রতারকা। অনন্তশূণ্ডে মূর্ছিত হয় পাপমতি।

দুই করে নিজের মস্তক তাড়না করতে থাকে বেদনা। স্মৃতিকে সে প্রাণপণে আঁকড়ে ধরে রাখতে চায়। সে দেখতে চায়, এ নরকের শেষ কোথায়? ব্যাকুলভাবে সে স্বামীর প্রতীক্ষা করে।

অতিক্রান্ত রাত্রির 'দ্বিতীয় প্রহর। এদিকে নিস্তরঙ্গ জগৎ। খুব কান পেতে শুনে শোনা যায়, কিসের যেন বোঁ-বোঁ শব্দ। সেই শব্দ ভেদ করে মাঝে মাঝে যেন ভেসে আসে অজ্ঞাত নরকের ক্রন্দন। সত্যিই কি এ নারকীর ক্রন্দন? না তারই হৃদয়ে প্রচ্ছন্ন কোন প্রেতের আর্ত চিৎকার? বুক দুর্দুর্দুর করে বেদনার। সর্বান্তে এক সভয় কম্পন! অন্তঃকর্ণে সে শুনে পায়, নরককিঙ্করের ভৈরব গর্জন, পাপীর 'হা হতোম্মি' আর্তনাদ! বৈতরণী কি উত্তাল হয়েছে তার হৃদয়ে, নারকী কি নীড় বেঁধেছে তারই অন্তরে? অস্থির হয়ে ওঠে বেদনা।

সহসা স্তিমিতপ্রদীপ কক্ষে প্রবেশ করে নরক। কি ভীষণ মূর্তি! পর্বতপ্রমাণ দেহে সরোষ কম্পন, ক্রোধে জ্বলজ্বল করছে সংরক্ত নয়ন, ললাটে সহস্র কুঞ্চিত ক্রভঙ্গ, কণ্ঠে সংক্রুদ্ধ গর্জন—যেন মূর্তিমান কৃতান্ত, অথবা তার চেয়ে ভয়ঙ্কর। ভয়ে আর্তনাদ করে ওঠে বেদনা, 'এ কি মূর্তি তোমার! কার সর্বনাশ করে এলে তুমি?'

বিকট অট্টহাস্য করে নিশীথের মেঘমন্ড্রে বলে নরক, 'কূটমত্যাভাষীদের ভীষণ শাস্তির ব্যবস্থা করে এলাম। মিথ্যাচারী 'বিষকুণ্ড পয়োমুখ'—তাদের জন্ম রয়েছে মহাঘোর 'অসিপত্রবন' নরক। জ্বলজ্বলমান অনলে পরিব্যাপ্ত সহস্র যোজন পরিমিত গভীর অরণ্য। দ্বাদশ সূর্যের তেজে অতি উত্তপ্ত সে স্থান। তারই মাঝে সন্ন্যাসিষ্ট খড়্গফলকময় অসিপত্র বৃক্ষ। আপাতরমণীয় ছায়াতরু—দেখে

মনে হয় বড় শীতল, বড় স্নিগ্ধ। ভ্রাস্তি, ভ্রাস্তি! অসিপত্র অসির মতই কুরধার—
উত্তরত তীক্ষ্ণ। তাপদঙ্ক তৃষ্ণার্ত জীব বড় আশা সেই বনে প্রবেশ করে, আশার
নেশায় ছুটে যায় অসিপত্র বৃক্ষের দিকে। ঠিক সেই মুহূর্তে প্রবাহিত হয়
অসিপত্রপাতী প্রলয়বাত্যা, শ্রাবণের ধায়ার ন্যায় পাপাত্মার ওপর পতিত হয়
তীক্ষ্ণধার অসিপত্র। মুহূর্তে উৎপলনালের ন্যায় খণ্ডবিখণ্ড দেহ, মুহূর্তে বিপন্ন।
আকুল ক্রন্দন করে ওঠে মিথ্যাচারী, বাক-অপহারী—মিথ্যার কুহকে মিথ্যাবাদিতার
নিদারুণ শাস্তি ভোগ করে তারা। এইখানেই সাজ্জার শেষ নয়।

‘আর বলো না, আর বলো না’—কাতর ক্রন্দন করে ওঠে বেদনা। অসিপত্র-
বন নরকে যেন নিজেই পতিত হয়েছে সে। সভয়ে পালাতে চেষ্টা করে বেদনা।
ভীম বাহু বিস্তার করে বাধা দেয় নরক। তেমনি উৎকট অট্টহাস্তে কক্ষ প্রকম্পিত
করে বলে, ‘তাদের মধ্যে আবাব রয়েছে ছলনাময়ী পুংশলী। পাপীয়সী কামিনী—
তারা পতিরূপে সম্ভোগ করেছে সগোত্র সহোদরকে—’

আহত, রক্তাক্ত বিহঙ্গীর মত নরকের কবলে ছটফট করে বেদনা। দস্তে দস্ত
ঘর্ষণ করে ক্ষুদ্র গর্জনে বলে নরক, ‘আরে, পাপীয়সী! তাদের জন্তু যে রয়েছে
‘বজ্র কণ্টক শাল্মলী’। ব্যভিচারী পুরুষ, আর ব্যভিচারী নারীর জন্তু নির্দিষ্ট এই
নরক। বজ্রতুল্য কণ্টকময় শাল্মলী, তপ্ত লৌহতুল্য তার কণ্টকশলাকা।
নরককিঙ্করের অক্লুশ তাড়নায় জর্জর হয়ে কামাচারী লম্পট সেই শাল্মলীবৃক্ষকে
আলিঙ্গন করে—’

গভীর যন্ত্রণায় চিৎকার কবে ওঠে বেদনা। কোনদিকে লক্ষ্যেপ না করে নির্ভর
হাস্তে হৃদয় কম্পিত করে বলে নরক, তপ্তকণ্টকে বিদ্ধ রক্তাক্ত কামুক যন্ত্রণায় ছটফট
করতে থাকে, লৌহদণ্ডের আঘাতে তাড়না করতে করতে নরকভৃত্য তাদের লক্ষ্যেপ
করে উত্তপ্ত ‘শুকুকুণ্ডে’—

ভয়াল দস্তপংক্তি বিকাশ করে ভয়াবহ হাসি হেসে ওঠে নরক। স্বামীর এ
মূর্তি কোনদিন দেখিনি বেদনা। দুই হস্তে মস্তক পীড়ন করে গভীর আতর্নাদ
করে ওঠে সে, অশ্রু-উচ্ছ্বসিত কণ্ঠে বলে, ‘এ জগতে পাপ নেই কার? পাপী
নয় কে? তার জন্তু এ নির্ভর পাশবিক শাস্তির ব্যবস্থা কোন্ নির্মম বিধাতার?’

বিধাতার বিরুদ্ধে অভিযোগ শুনে থমকে দাঁড়ায় নরক। বজ্রমুষ্টি শিথিল করে
বেদনাকে ছেড়ে দেয়। অতি তীক্ষ্ণ দৃষ্টি মেলে পলকে দেখে নেয় বেদনার পাংগু
বদন। সবই নিমেষের ঘটনা। সহসা যেন বজ্র বিদীর্ণ হয় কক্ষে। নরক ডাকে,
‘বেদনা!’

স্বামীর কণ্ঠে অশ্রুতপূর্ব এ স্বর। সভয়ে জিজ্ঞাসু নেত্রে তাকায় বেদনা।
রক্তস্বরে বলে নরক, 'এখনও নরক দেখতে চাও তুমি?'

মস্তক আনত করে মৌন থাকে বেদনা। তারপর বলে :

'জানি, যজ্ঞগাময় নরক—ভীষণ, বীভৎস তার চিত্র। কিন্তু যে যজ্ঞগা ভোগ
করছি আমি, তা নরকের চেয়েও ভয়ংকর'—অশ্রুসজ্জল বেদনার নয়ন, যেন
নীলসাগরের সজ্জল ঢেউ ; আবেগকম্পিত স্বরে সে বলতে থাকে, 'যখন জেগে থাকি,
নরকের ক্রন্দনধ্বনি আমাকে আকুল করে তোলে। কোথা থেকে, ভেসে আসে
'রক্ষা কর, রক্ষা কর' আর্তরব—আমি অস্থির হয়ে উঠি। আমারই হৃদয়ে অনুভব
করি দংশনশব্দের দংশন, তপ্তকুণ্ডের জ্বালা।'

নরকের রক্তনেত্রে প্রথর হয়ে ওঠে উগ্র ভয়াল দৃষ্টি। একটু নিঃশ্বাস নিয়ে
বলে চলে বেদনা, 'দিনে সূর্যবিম্বকে আমি রশ্মিবিহীন দেখি, শুক্র বজ্রখণ্ড আমার
চোখে দেখায় ঘোর কৃষ্ণবর্ণ। মনে হয়, ছায়ার অসংখ্য কায়া ঘুরছে আমার
চারপাশে।'

নরকের বদনমণ্ডলে গাঢ় মেঘের ওপর গাঢ় মেঘ জমে। ক্রমে আরও যেন
ভীষণ আকার ধারণ করে তার ঘোর কৃষ্ণ আনন। স্বপ্নালোকে সে এক
রহস্যঘন ভয়াল মূর্তি। উদ্ভ্রাস্তের মত গর্জন করে সে বলে, 'আরও কিছূ?'

'আরও অনেক কিছূ'—অশ্রুধ্বস্ত ভীত কণ্ঠে বলে বেদনা, 'ঘুমিয়েও শাস্তি
নেই আমার। অর্ধ তন্দ্রা, অর্ধ জাগরণ। সেই অবস্থায় স্বপ্ন দেখি, রক্তকৃষ্ণ
বজ্রধারী বিকটাকার দেহ—হাতে পাশ, বজ্রদণ্ড—আমাকে পাশবদ্ধ করে টেনে
নিয়ে যাচ্ছে দক্ষিণদিকে! সামনে তরঙ্গায়িত হুস্তর 'বৈতরণী'—জলশ্রোতে পুষ,
শোণিত, মাংস, বসা—কি বীভৎস! ঘুণায় সঙ্কুচিত হই আমি, পালিয়ে আসতে
চাই—পারি না। বজ্রদণ্ডধারী পুরুষ বজ্রদণ্ডে প্রচণ্ড আঘাত করে মস্তকে—
যজ্ঞগায় চিৎকার করে উঠি আমি। তন্দ্রা ভেঙ্গে যায়। দেখি, পাশে শুয়ে
আছ তুমি। তবু ভয়ে সারা হই!'

সভয়ে কাঁপতে থাকে বেদনা, যেমন অসিপত্রপাতী বায়ুর প্রহারে কাঁপে
পাপাত্মা। অগ্নিকটাক্ষ নিষ্ফেপ করে সিংহনাদে গর্জন করে ওঠে নরক, 'তা হলে
সত্যিই নরক-দর্শনের সময় হয়েছে তোমার। শোন বেদনা, নরকের নিগূঢ় তত্ত্ব
উদ্ঘাটন করছি তোমার কাছে। বেদগর্ভ বিধাতার অশ্লিলিত সত্যের বাক্যই
বেদের মত উচ্চারিত হয় জাননী, পণ্ডিতগণের কণ্ঠে। তাঁরা বলেন, 'জীবকে
প্রত্যেকটি কর্মের ফলভোগ করতে হয়।' 'প্রাক্তনং বলবৎকম'—এ উক্তি

মিথ্যা নয়, কল্পনাও নয়। অনাদি অবিচার কল দুর্কর্ম—এই কর্মই মানুষকে তার স্বভাবের বিপরীত পথে চালনা করে, তাকে প্ররোচিত করে দোষাবহ লোকনিন্দক পাপে। এরই পরিণাম প্রকৃতি বিপর্যয়, মৃত্যু, সহস্র সহস্র নরকগতি।’

নিশ্চল দাঁড়িয়ে শুনে যায় বেদনা, বজ্রমস্ত্রে বলতে থাকে নরক, ‘মৃত্যুর পর স্থূলদেহ ধ্বংস হয়ে যায়, কর্মামুসারে পারলৌকিক ভোগের জন্তু থাকে অজুষ্ঠপ্রমাণ এক সূক্ষ্ম লিজদেহ। তার অনুভূতি এই দেহেরই মত—একই সংজ্ঞা, একই বোধ, একই সংবেদন। যমদূত নিষ্ঠুর পীড়নে তাড়না করতে করতে এই দেহকে নিয়ে আসে ‘যম’ লোকে। সেখানে হয় কঠিন বিচার। সেই চুলচেরা বিচারে যারা পাপী সাব্যস্ত হয়—‘অববোধিণী গতি’ প্রভাবে তারা নিমেষে উপস্থিত হয় নরকে। শুরু হয় নরকভোগ। এ ভোগ যে কী ভয়ঙ্কর, জীবিত মানুষ তা কল্পনা করতে পারে না। কালসূত্রে দেহ খণ্ডিত হয়, অসিপত্রে শতধা ছিন্ন হয়, বহ্নিকুণ্ডে দগ্ধ হয়, শোষকুণ্ডে শুষ্ক হতে থাকে। সে লিজ-দেহ তবু বিনষ্ট হয় না। ক্লেশের পর ক্লেশ সহ করেও তাকে অপেক্ষা করতে হয় পরবর্তী কর্মকালের জন্তু। জীবের পারলৌকিক নরকভোগ হয় মৃত্যুর পরে, কিন্তু মৃত্যুর পূর্বে ইহজীবনেই রয়েছে, আর এক ভয়ঙ্কর নরক—নাম তার ‘ভৌম নরক’।’

বহুদিনের বুভুক্ষ, যেমন লোলুপ উগ্র দৃষ্টিতে তাকিয়ে থাকে ভোজ্যভ্রবোর প্রতি, তেমনি দৃষ্টিতে নরকের দিকে তাকায় বেদনা, গ্রাস করে তার কথা। নরক বলে চলে, ‘ই্যা, ভৌম নরক। জীবরূপে সত্তার পৃথিবীতে জন্মগ্রহণ করার নামই ‘ভৌম নরক’। আলোর জীব—শুক্ৰশোণিতের পিণ্ডরূপে বর্ধিত হয় মাতৃগর্ভে, দশমাস দশদিন গর্ভযজ্ঞা ভোগ করে ‘প্রাজাপত্য বায়ু’র আকর্ষণে মায়ার সংসারে ভূমিষ্ঠ হয়—কর্মবশে ভ্রমণ করে ‘ভবচক্র’, চৌরাশি লক্ষ যোনি। কখনও হয় স্থাবর—তমোময় অন্তঃসংজ্ঞ বৃক্ষ, লতা, গুল্ম; কখনও লাভ করে তির্ধক গতি—কুমি হয়ে, কীট হয়ে আশ্রয় করে নারকীয় যোনি। এও নরকভোগ—এ ভৌম নরকের সংখ্যা চৌরাশি লক্ষ। ভৌম নরকের মধ্যে প্রধান নর-জীবন। সূক্ষ্ম বীজ থেকে যেমন অঙ্কুর, তেমনি ভ্রূণস্থ সূক্ষ্ম বীজে এ দেহের উৎপত্তি। কি আকর্ষণ এই দেহের! কি অদ্ভুত তার মমত্ববোধ! প্রিয় বন্ধু, প্রিয় পত্নী, প্রিয় পুত্র—এই প্রিয়জনের জন্তু অগ্নায় কর্মে অর্থসঞ্চয়; কামোপভোগের জন্তু পরকে বঞ্চনা, শোষণ; আত্মস্বার্থের জন্তু জঘন্য পৈশুন, নরহত্যা! সুখ-সুখ করে উন্মাদ জীবকুল। কিন্তু সুখী কি হয় মানুষ?’

বিস্ফারিত নেত্রে তাকিয়ে থাকে বেদনা। সেই নেত্রে তীক্ষ্ণ দৃষ্টি রেখে

গম্ভীর নাদে বলে নরক, 'সুখী হয় না। বিদ্যাবিকাশের ত্রায় ক্ষণস্থায়ী সুখ, প্রস্ফুটিত পুষ্পের ত্রায় অচিরস্থায়ী যৌবন। সর্বোপরি বন্ধন-রজ্জু হস্তে অপেক্ষা করে দুর্জয় কাল, সুখপ্রমত্ত মানুষ সে কাল-বৃককে দেখে না—যেমন মাংসলুক মৎস্য দেখে না লৌহ শঙ্কু। আপাতরমণীয় স্তূথে বিভোর হয় মানুষ। বড় মধুর পঞ্চেন্দ্রিয়, ষড়রিপুর আকর্ষণ—বড় সুন্দর কামনা-কাস্তা, ইন্দ্রিয়ভোগ! তারই বিষময় পরিণাম নরক। এ নরক পরলোকের নরক নয়, ইহলোকের নরক। চিরকাল ধরে পণ্ডিতেরা বলে আসছেন, ইহলোকেই রয়েছে স্বর্গ, ইহলোকেই রয়েছে নরক। মানুষের মন সেই স্বর্গ, সেই নরক। কর্মের ভোগ এই স্থূল দেহেই শুরু হয়, পরলোকের নারকীয় যন্ত্রনার সূচনা হয় ইহজীবনে। মানুষের মনই দুর্কর্মের ফলে দুশ্চিন্তার নরক সৃষ্টি করে। মনেই জালা, উত্তাপ—মনেই অন্তশোচনার বজ্রকীটের সহস্র দংশন। রোগ, শোক, দুঃখ, দারিদ্র্য, ভয়—এগুলি তো আছেই, তার ওপর দুষ্কৃতিজনিত মানসিক পীড়া। অতি ভীষণ তার প্রতিক্রিয়া। শাস্তি নেই, স্বস্তি নেই, নিদ্রা নেই—অহরহ বিষজালা। মহারৌরব, মহাতমিস্রের চেয়েও দুঃসহ মন-নরকের বিভীষিকা। এই বিভীষিকা জাগ্রত অবস্থায় যেমন মানুষকে আক্রমণ করে, তেমনি ভয়ঙ্করভাবে আক্রমণ করে স্বপ্নরূপে। দিবসের দুশ্চিন্তাই রাত্রির দুঃস্বপ্ন, দিবসের কদম্ব কামনাই রাত্রির ভয়। এরই আক্রমণে মানুষ স্বপ্নঘোরে আতঙ্কে আর্তনাদ করে ওঠে।'

ক্ষণেকের জন্ম নীরব হয় নরক। নীরব কক্ষে যেন প্রতিধ্বনিত হয় নরকের কণ্ঠ! প্রকোষ্ঠে আলো-ছায়ার রহস্যময় কম্পন! বেদনার চোখে-মুখে স্পন্দিত প্রকাশিত হয় ভীতির চিহ্ন। স্তিমিতপ্রায় প্রদীপের মত ধরধর কাঁপছে তার দেহ, অধরপল্লব। নয়নের তারায় তারায় চঞ্চল কম্পন। নিশীথকালের গর্জিত বজ্রের মত গর্জন করে ওঠে নরক, 'বেদনা!'—তার রক্তনেত্রে আগ্নেয় উচ্ছ্বাস : 'তোমারও মধ্যে স্পন্দিত প্রকট হয়েছে সেই নারকীয় যন্ত্রণা। এ শুধু সমবেদনা নয়, নরকের ভয়ে ভীত পাপীর মর্মবেদনা। বল, কি ভয়ঙ্কর পাপ করেছ তুমি জীবনে ?'

বজ্রাহতের মত নিষ্পন্দ বেদনা। শুষ্ক বক্ষ, শুষ্ক রসনা—যেন বজ্রবাতে শোষিত পাতকী। শুষ্ক স্বরে সে শুধু বলে, 'আমি !'

'হ্যা, তুমি !'—বজ্রস্বরে, নিনাদিত হয় বিচারকের কণ্ঠ : 'বল কি পাপ করেছ জীবনে ? সাবধান, গোপন করো না—কোন কথা গোপন করো না।'

বেদনার মনে হয়, বজ্রদণ্ড হস্তে কে যেন সম্মুখে দাঁড়িয়েছে, কে যেন করাল

ক্রকুটি করে অক্ষুণ্ণ উত্তত করেছে। সাধ্য নেই কোন কথা গোপন করে, সাধ্য নেই সে পালিয়ে যায়। উঃধ্বংস অসিপত্র, নিম্নে বহিকুণ্ড সম্মুখে মহা হিংস্র রুদ্র, পশ্চাতে বজ্রাক্রম। কম্পিত কণ্ঠে স্থলিত বচনে বলতে থাকে বেদনা, চির অসত্যময়ী আমার জননী নিষ্কৃতি, চিরন্তন মিথ্যার বিগ্রহ আমার জনক অনৃত। সহোদর সহোদরা হয়েও তারা স্বামী-স্ত্রী।

ক্রভঙ্গে বলে নরক, 'সে পাপ তাদের। জনক-জননী স্বভাব সন্তানে সংক্রমিত হয়, তাদের পাপ সন্তানকে স্পর্শ করে না।'

'তাদেরই চার সন্তান আমরা। দুই ভ্রাতা, দুই ভগ্নী। জ্যেষ্ঠ অগ্রজ—নাম 'ভয়া, অগ্রজার নাম 'মায়া'। ভ্রাতা-ভগ্নী হয়েও তারাও পতি-পত্নী।'

'সে পাপও তাদের। এক ভ্রাতা বা ভগ্নীর কর্মের অশ্রু অশ্রু ভগ্নী দায়ী হতে পারে না।'

'মাতাপিতার চতুর্থ সন্তান আমি।'

'তোমার তৃতীয় ভ্রাতা?'

'মাতা তখন ছিলেন রজঃস্বলা। পর্বকালে তিনি চণ্ডাল দর্শন করেন। সেই চণ্ডালের ঔরসে আমার মাতার ক্ষেত্রে তৃতীয় সন্তানের আবির্ভাব হয়। শুনে ক্রুদ্ধ হয়ে ওঠেন পিতা। আমাদের সমাজে চির অবারিতা নারী, তাই পিতাকে নীরবে সহ্য করতে হয় ব্যভিচার। কিন্তু প্রসবের ঠিক পূর্বক্ষণে সহসা বজ্রনির্ঘোষে গর্জন করে উঠলেন তিনি, 'আরে পুংশলী, এ ক্ষেত্রজ সন্তান যেন আমার গৃহে প্রসূত না হয়।'

'তার পর।'

'হতভাগিনী জননী এক নির্জন শ্মশানে এসে অতি দুঃখে সেই সন্তান প্রসব করেন। প্রচণ্ডস্বভাব স্বামীর ভয়ে অপত্য-স্নেহ বিসর্জন দিতে বাধ্য হন তিনি। সন্তোজাত সেই অনাথ শিশুকে অসহায় অবস্থায় শ্মশান প্রান্ত্রে পরিত্যাগ করে, নয়নের জল মুছতে মুছতে গৃহে ফিরে আসেন ব্যথা-অভিহতা জননী।'

নীরব হয় বেদনা। দুঃখে সিক্ত নয়ন। বস্ত্রাঙ্কলে অশ্রুমোচন করে সে। ক্ষণেক নীরব থাকে মহাভয়ঙ্কর নরক। তারও মানস-পটে জেগে ওঠে আর একটি পরিত্যক্ত অনাথ শিশুর চিত্র। এমনি করে কোন মাতা তাকেও বর্জন করেছিল। ঘৃণায় নাসিকা কুঞ্চিত করে নরক, পরমুহূর্তে ক্ষোভে ক্রোধে নিজের মনেই গর্জতে থাকে সে—চিরকালের ব্যভিচারিণী নারী—কামনার চির-দাসী। সে কদর্ভ কামনার নিকট তুচ্ছ স্বামী-প্রেম তুচ্ছ সন্তান-স্নেহ। বেদনাও কি সেই পাপে

পাপী ? রক্তনয়নে ঘোর রবে সে বলে, অগ্নের কাহিনী শুনতে চাই না আমি ।
তোমার পাপ, তোমার কুকীর্তির কথা ঘোষণা কর, নারী ।’

অসিপত্রাঘাতে ছিন্নবিচ্ছিন্ন নারকীর মত করুণকণ্ঠে বলে বেদনা, ‘আমার
পাপ—আমি পতিরূপে বরণ করেছি সেই ভ্রাতাকে, রজঃস্বলা অবস্থায় চণ্ডাল-দৃষ্ট
হয়ে আমার জননী যে দুর্ভাগ্য সন্তানকে জন্ম দিয়েছিলেন—’

‘আমি ! আমি সেই পরিত্যক্ত শিশু ? তোমার সহোদর ?’—ক্রোধ ও
ক্রন্দন মিশ্রিত কণ্ঠে আর্তনাদ করে ওঠে নরক । তার সর্বাঙ্গে বহিঃজ্বালা ।

স্থির নীল নয়নে স্বামীর রক্তাক্ত লোচনের প্রতি দৃষ্টি রেখে ক্লাস্তস্বরে বলে
বেদনা, ‘তুমিই সেই সহোদর—‘নৈঋতৌ নরকো নাম ব্রহ্মণো বরদর্পিতঃ’—

দেহের সমস্ত রক্ত যেন মাথায় ওঠে । আরক্ত চক্ষু, ঘূর্ণিত মস্তক । ‘ধ্বস্ত
হও, ধ্বস্ত হও’—বলে ভীষণ গর্জন করে ওঠে নরক । জ্ঞানহারা উন্মাদের মনে
হয়, নিজেই ধ্বস্ত হচ্ছে সে । বজ্রকণ্টক শাল্মলীর আলিঙ্গনে জর্জর দেহ
মহারৌরবের রুদ্র দংশনে বিক্ষত অঙ্গ, তপ্ত কুণ্ডের দহনে দগ্ধ মস্তিষ্ক—অবীচি
নরকের নিস্তরঙ্গ, নিরালস্য শূন্যে আশ্রয়হীন হয়ে যেন ঘুরতে ঘুরতে সে পড়ছে—
ঘোর অন্ধকারাচ্ছন্ন মহাতমিস্র নরক, সঙ্গে পত্নীরূপা তারই সহোদরা বেদনা ।
তারই ঔরসজাত পুত্র ‘দুঃখ’ যেন এসে ঘিরে ধরেছে নরককে । *

* নরক বর্ণনা সকল পুরাণেই আছে । এখানে শ্রীমদভাগবত (৫।২৬), বামন পুরাণ
(১১, ১২ অধ্যায়) এবং ব্রহ্মবৈবর্ত পুরাণ (প্রকৃতি ২৯ অঃ) অনুসরণ করা হয়েছে । নরক
স্বীয় ভগ্নী বেদনাকে বিবাহ করে এবং তাদের পুত্র ‘দুঃখ’—এই তথ্য মার্কণ্ডেয় পুরাণ (৫০
অধ্যায়) থেকে গৃহীত ।

॥ ভয়া ॥

অতি ভয়ঙ্কর বীভৎস সে দৃশ্য! কালনাগিনীর মত ঘোব কৃষ্ণবর্ণা এক ললনা—দুই হাঁটু গেড়ে বসেছে মাটিতে। পশ্চাতে প্রসারিত পদযুগল, ঈষৎ মত সম্মুখের কঙ্কালসার দেহযষ্টি। বিকট করাল বদন, কটা চোখে অত্যাগ্র দৃষ্টি। স্থলিত কণ্ঠে অস্পষ্ট উচ্চারিত আভিচারিক মন্ত্র। দুই হস্ত অঞ্জলিবদ্ধ করে তৃষিত লেলিহ রসনায় কি যেন পান করছে সে।

তামসী বিদ্যাবলে কলেবর পান করছে কালকণ্ঠা 'ভয়া'। দুঃস্থ, মহাভয়ঙ্কর কাল। ক্ষমাহীন করাল গ্রাসে তিনি বিশ্বরস পান করবেন। তার তিনশত মাট পুত্র, তিনশত মাট কণ্ঠা। প্রত্যেকেই ভীষণদর্শন, উগ্রস্বভাব, পিতৃ-প্রকৃতির প্রতিক্রম।

এই কালেরই অন্ততমা কণ্ঠা ভয়া। পিতার মতই অত্যাগ্র, ভ্রাতা-ভগ্নীর মতই ভয়ঙ্করী। তারও স্বভাবে চিরজাগ্রত ক্ষুধা। উদ্যত গ্রাস, উদ্বৃত্ত প্রকৃতি। কুটিল-ভাষণে সে অদ্বিতীয়া—বাক্যে বহিস্কুলিক, জিহ্বায় দুষ্টা সরস্বতী। ভগ্নীরা সহোদরার নাম রেখেছিল 'দুমুখা'। দুমুখা কেবল দুষ্টভাষিণী নয়, সে দুষ্টমুখে পান করে মানুষের কলেবর—নিমেষে শোষণ করে নেয় দেহের সদৃশ্য—বিদ্যা, বিনয়, সদাচার। অতি ভীষণ তার তামসী বিদ্যা।

পিতা আদর করে নয়নানন্দ ছালী কণ্ঠার নাম রেখেছিলেন 'স্বনীথা' অর্থাৎ ধর্মশীলা। অধর্ম-সম্ভব কাল, ধর্মের চিরবৈরী। কিন্তু তিনি জানতেন, ধর্ম ও অধর্মের আদি পুরুষ এক। একই বিরাট পুরুষের বক্ষ থেকে ধর্ম, পৃষ্ঠ থেকে অধর্মের উৎপত্তি। কালক্রমে বংশলতিকা বিচ্ছিন্ন হয়েছে, দুই বংশের মধ্যে জেগেছে বিরোধ। বৃদ্ধ কালের অন্তরে তাই প্রচ্ছন্ন ছিল একটি কামনা—আবার দুই বংশের মেলবন্ধন স্থাপন করা যায় কিনা। তিনি স্থির করেছিলেন, এই কণ্ঠাকে সমর্পণ করবেন কোন ধর্মশীলের করে, একসূত্রে গ্রথিত করবেন দুই বিরোধী কুল। সাধ করে তাই তিনি ভয়ার নামকরণ করেছিলেন স্বনীথা।

শৈশব অভিক্রম করে স্বনীথা ঘোবনে উত্তীর্ণ হল, সঙ্গে সঙ্গে প্রকট হল

বংশগত দুৰ্গুণ। বক্রকূটিল প্রকৃতি, দুর্দমনীয় ঔদ্ধত্য। সর্বোপরি তার কলেবর পানের মত্ততা। চিস্তিত হলেন প্রবুদ্ধ কাল, কোন্ ধর্মশীল গ্রহণ করবেন এই দুর্বিনীতা অধর্মশীলাকে ?

স্বায়ম্ভুব মনুবংশের ধর্মপ্রভব রাজা অঙ্গরাজ ‘ক্ষুত’—সুকৃতকর্মা, আচারনিষ্ঠ, শাস্ত্রপারঙ্গম। তিনি প্রজাবৎসল, সাধুসজ্জনের একাশ্রয়। তাঁর রাজ্যে নিত্য যাগ নিত্য দানক্রিয়া, নিত্য অতিথিসংকার। প্রজাপুঞ্জ রাজভক্ত, সুশীল, ধর্মপরায়ণ।

কাল ভয়াকে নিয়ে উপস্থিত হলেন রাজা অঙ্গের ঘারে। ত্রিলোকত্রাস মহামান্য কাল। অঙ্গরাজ পবন সমাদরে অতিথিকে পাণ্ড-অর্ঘ্য দিলেন, মধুপর্ক ও আসন নিবেদন করে বিনীতভাবে করলেন কুশলপ্রশ্ন।

কাল বললেন, ‘প্রার্থী হয়ে আমি তোমার কাছে এসেছি। আমার বহু কন্যার মধ্যে আদরিণী কন্যা এই সুনীথা। সৎপাত্রের কন্যাদান করাই পিতার কর্তব্য। তুমি ধর্মপরায়ণ, সুকৃতিশীল। আমার কন্যাকে তুমি গ্রহণ কর।’

কাল-বাক্যে চিস্তিত হলেন অঙ্গরাজ। কালের বংশগত শীলাচার তাঁর অজ্ঞাত নয়। সেখানে পুরুষ দুঃশীল, নারী দুঃশীলা—প্রত্যেকেই অধর্মবন্ধু, ধর্মবৈরী। অথচ প্রার্থী স্বয়ং কাল। প্রার্থীকে বিমুখ করাও অধর্ম। চোখে যেন অঙ্ককার নেমে আসে, সে অঙ্ককারে পথ খোঁজেন আলোর সস্তান অঙ্গরাজ।

মিনতিভরা গম্ভীর কণ্ঠে বলেন কাল, ‘ধর্মের পুত্র স্পর্শে আমার বংশ পবিত্র হোক—এই আমার আকাঙ্ক্ষা। স্পর্শমণির স্পর্শে লৌহ স্বর্ণে পরিণত হয়, তোমার করস্পর্শে কলধৌত সুবর্ণের মত উজ্জ্বল হোক আমার কন্যা। তুমি একে গ্রহণ কর। এই সেতুবন্ধে যুক্ত হোক ধর্ম ও অধর্মের দুই বিরোধী কুল।’

মূহূর্তের দ্বিধা, পরমূহূর্তেই স্থির-সঙ্কল্প। স্থিতধী, সংযত অঙ্গরাজ—নীলকণ্ঠের মতই তাঁর দুর্জয় তপঃশক্তি। কালকূটে তিনি নির্ভয়। তাঁর নিকট সমান মৃত্যু ও অমৃত, ভয় ও অভয়। পুণ্যের স্পর্শে পাপ যদি সুগতি লাভ করে, পুণ্যবান্ কি তাতে বিমুখ হয় ? কল্যাণ-মিত্র অঙ্গরাজের আননে ধর্মের জ্যোতির্ময় প্রভা বিকশিত হয়, মধুর কণ্ঠে তিনি বলেন, ‘প্রার্থীকে বিমুখ করা অধর্ম। আপনার যদি একান্তই এই ইচ্ছা—‘এবমস্ত’, আমি সানন্দে আপনার কন্যাকে গ্রহণ করব।’

প্রজাগণ কিন্তু সন্তুষ্ট হল না, সন্তুষ্ট হলেন না রাজ্যের কল্যাণকামী

ঋষিবৃন্দ। দুর্নিমিত্ত আশঙ্কা করে শঙ্কাকুল হলেন কুলপুরোহিত। অথচ রাজাকে বাধাও দিতে পারলেন না তাঁরা। সাহসে বুক বেঁধে যথাবিহিত আচারে অন্ধরাজ কাল-কন্যা ভয়াকে বিবাহ করলেন। সুনীথা পেল ভাষার অধিকার।

‘পুত্রার্থে ক্রিয়তে ভার্যা’—শাস্ত্রের এ অনুশাসন অন্ধরাজ জানতেন। কিন্তু শিউরে উঠলেন তিনি সুনীথার কুৎসিত মত্ততা দেখে। কি বীভৎস কাম-বিহ্বলতা, কি কদর্য কুটিলভাষণ! সে কালকাল জ্ঞানশূন্য। ভয়াল গ্রীষ্মের ক্ষুধা যেন ভয়ার বৃকে।

কোন দূর অন্ধকার পূর্বী থেকে যেন কালরাত্রির ছায়া নেমে আসছে! কারা যেন ব্রতভ্রষ্টে কবার জগু জোট পাকাচ্ছে! প্রাণপণে আত্মদমন করলেন অন্ধরাজ, সঙ্কল্প করলেন, ‘সংযম হোক আমার আশ্রয়। বংশপরম্পরায় সন্তানে সংক্রমিত হয় মাতাপিতার স্বভাব। মাতার পাপবৃত্তি থেকে মুক্ত হোক আমার পবিত্র কুল। হোক বংশ লোপ, তবু অক্ষয় হয়ে থাক বংশের পুণ্য, নিষ্কলঙ্ক থাক স্বায়ত্ত্ব মমুর গোত্র।’

কামিনীর উৎকট কামনা ব্যর্থ হল ধৃতব্রত অমিতাভের নিকট, কিন্তু ভয়ঙ্কর আকার ধারণ করল অভিহতা নারীর আক্রোশ। ভয়ার কুৎসিত বদন আরও ভয়াল হল, বক্রস্বভাব হল বক্রকুর। ‘সে কি শক্তিহীনা?’—গর্জন করে উঠল দুর্মুখা। কালকন্যা সে, কালের মতই দোঁর্দিগু, দুর্বীর। তামসী বিঘ্না, তার আয়ত্ত, সে কলেবরপায়ী। স্বামীর কলেবর সে পান করতে পারে না, কিন্তু রাজ্যে সৃষ্টি করতে পারে বিপর্যয়। সে গ্রাস করতে পারে প্রকৃতিপুঞ্জের সদগুণ!

সেদিন রাত্রিতে সে উদ্‌যাপন করল সেই মহাঘোর তামস ব্রত। অমাবস্তার রাত্রি। বাইরে অন্ধকার—তমসাবৃত্তা প্রকৃতি। আচ্ছন্ন দিগ্‌মুখ—মুক্তবন্ধ যেন অশরীরী আত্মা। অন্ধ অন্ধকারে সহস্র প্রেত-পিশাচের তাণ্ডব, নিশাচর-বৃত্তি যেন নিশীথের বৃকে। সেই ভীষণ রজনীতে রাজ-প্রাসাদের একটি নির্জন প্রকোষ্ঠে উজ্জ্বল দীপাবলী নিবিয়ে দিল ভয়া, জ্বালাল এক মহাঠৈল প্রদীপ। উৎপাতই সৃষ্টি করবে সে! রাজ্যময় ছড়িয়ে দেবে পুত্রকামা নারীর ব্যর্থ হাহাকার!

রাত্রি গভীর হলেও শয্যাকক্ষে সুনীথাকে না দেখে চিন্তিত হলেন অন্ধরাজ। অনেকক্ষণ প্রতীক্ষা করলেন। ‘কোথায় গেল সে!’—এমন তো হয় না কোনদিন! কামার্তা আশ্ফালন করে, গর্জন করে—শেষ পর্যন্ত শাস্ত হয়ে ঢলে পড়ে নিজার ক্রোড়ে। কিন্তু আজ—

চিন্তাকুল চিন্তে রাজা বেরিয়ে এলেন কক্ষ থেকে। পার্শ্বকক্ষে প্রদীপ নেই, অথচ কক্ষ নিপ্রদীপও নয়। ভেতর থেকে শোনা যাচ্ছে অস্পষ্ট কণ্ঠধ্বনি! সোৎকণ্ঠ অন্ধরাজ-দ্বারের কাছে এলেন। দ্বার অর্গলবদ্ধ নয়। একটু ঠেলে দেখলেন, তৈলপ্রদীপের স্বল্পালোকে রহস্যঘন কক্ষ। রুদ্ধশ্বাসে কক্ষে প্রবেশ করলেন তিনি।

এ কি ভয়ঙ্কর দৃশ্য! প্রায়াক্ষকার প্রকোষ্ঠে অভিচার ক্রিয়ায় রত সুনীথা। সম্মুখে ক্রিয়ার দ্রব্য—কপালপাত্র, রক্তজবা, রক্তসিন্দূর। নতজানু হয়ে পদযুগল পশ্চাতে প্রসারিত করে বসেছে সে, সম্মুখে ঝুঁকে পড়েছে কৃষ্ণসার বিশীর্ণ দেহ। আধবর্ণ মস্তকের অস্পষ্ট ছাঁক তার কণ্ঠে, দ্রুত চলেছে উপাংশু জপ। মাঝে মাঝে হস্ত অঞ্জলিবদ্ধ করে উগ্র তৃষাতুরের মত কি যেন পান করছে সে!

এ কি যক্ষী, না রাক্ষসী? ডাইনী, না প্রেতিনী! আতঙ্কে শিহরিত রাজা। দ্রুত সম্মুখে গিয়ে উচ্চকণ্ঠে তিনি ডাকলেন, ‘সুনীথা!’

সুনীথা তখন এ রাজ্যে নেই, যেন সে চলে গিয়েছে ভূত-প্রেত-পিশাচের জগতে। রাজার আহ্বানে অর্ধজাগরিতের মত তার সঙ্ঘিত ফিরে এল। উৎকট, বিভ্রান্ত, অর্থহীন, দৃষ্টি মেলে তাকাল অন্ধরাজের প্রতি। রাজার মনে হল দেহ যেন বিগুঞ্চ হয়ে যাচ্ছে! সভয়ে চিৎকার করে তিনি বললেন, ‘এ কি করছ সুনীথা!’

উদ্ভ্রান্তের মত অটুহাস্য করে উঠল ভয়া, যেন অন্ধকারের অন্ধগর্ভে পিশাচীর অটুহাস, যেন মহাতামিস্র নরকে নরকদূতের খলখল উচ্চরোল। ভয়ে কম্পিতপদে দ্রুত বেরিয়ে এলেন অন্ধরাজ।

পরদিন থেকে রাজ্যে ঘোর দুর্নিমিত্ত সূচিত হল। দিনমাণে অন্ধকার দিগ্বাণুল, ধূলিপটলে আচ্ছন্ন গগন। কোথাও উদ্ধামুখী শিবির ধ্বনি, কোথাও অস্থি-করকা, কোথাও অকারণ শোণিতবৃষ্টি। সীমান্ত থেকে এল শস্যহানির সংবাদ, অকালমৃত্যু দেখা দিল রাজ্যে।

আতঙ্কগ্রস্ত প্রজা, আতঙ্কিত অন্ধরাজ। ঋষিদের আহ্বান করলেন তিনি, আহ্বান করলেন কুলপুরোহিতকে। একে একে সমবেত হলেন অধিরা, কশ্যপ, ভৃগু, ক্রতু। অমঙ্গল শাস্তির জন্তু স্বস্ত্যয়ন হোমের নির্দেশ দিলেন তাঁরা।

রাজ্যোচিত আড়ম্বরে হোমের আয়োজন হল। দেশবিদেশ থেকে সমাহৃত হল যজ্ঞদ্রব্য। নানাস্থান থেকে এলেন বেদবিদ ঋত্বিক, অধ্বর্যু, উদগাতা,

হোতা। সূত, ভাট, মাগধে পূর্ণ হল যজ্ঞস্থল। কৃত সঙ্কল্প হয়ে রাজা বসলেন যজ্ঞমানের আসনে, বামপার্শ্বে বসল, ভাষা সুনীধা। উদাত্তকণ্ঠে সামগান গীত হল, পদানুক্রমে সুস্পষ্ট মন্ত্র উচ্চারণ করে হোতা যজ্ঞাগ্নিতে হবি আহুতি দিলেন।

কিন্তু কি দুর্দৈব! বেদমন্ত্রেব আকর্ষণে কর্মসাক্ষী দেবতা আবির্ভূত হলেন না। বিমুখ দেবমুখ অগ্নিদেব। যজ্ঞের হবি কুণ্ড বেয়ে ভূমিতে গড়িয়ে পড়ল। সোমপাত্র যেমন পূর্ণ, তেমনি পূর্ণ রইল। বিস্মিত পুরোহিতবর্গ, বিস্মিত সমাগত ঋষিবৃন্দ। যজ্ঞমান অঙ্গরাজের অন্তরে আশঙ্কা—এ কি বিঘ্ন!

গম্ভীর কণ্ঠে বললেন পুরোহিত, ‘রাজা অপুত্রক—এইজন্মই হবিগ্রহণে পরাভুত হয়েছেন দেবতা।’

উৎকট উল্লাসে জ্বলজ্বল করে উঠল ভয়ার উগ্র চক্ষু। লজ্জায় আরক্ত হল রাজার বদন, সঙ্কোচে তিনি মস্তক আনত করলেন। তাঁর নয়ন সম্মুখে ভেসে উঠল, প্রত্যাখ্যাতা রতিকাম নারীর কুটিল মুখ, ভেসে উঠল—অঙ্ককার নিশীথে বঞ্চিতা সুনীধার প্রাজলি-পানের বিকট দৃশ্য! কেমন কবে তিনি শুদ্ধ, সরল ঋষিদের বোঝাবেন, কেন তিনি অপুত্রক! পুত্রকামনা কি তাঁরও ছিল না? জীব-প্রকৃতির মজ্জাগত বংশরক্ষার আকৃতি।—কিন্তু তিনি শঙ্কিত হয়েছেন, পুত্রার্থে গৃহীতা ভাষার স্বরূপ দেখে। লজ্জায়, ঘৃণায়, অন্ততাপে নীরব রইলেন অঙ্গরাজ।

ঋষিগণ নির্দেশ দিলেন, ‘পুত্রকামনা করে আপনি যজ্ঞ করুন, নিশ্চয় মনস্কামনা সিদ্ধ হবে। যজ্ঞেশ্বর অনপত্যকে অবশ্যই অপত্যবান করবেন।’

সুনীধার কটা চোখে উল্লাসের পৈশাচিক দীপ্তি। শেষ পর্যন্ত অঙ্গরাজ সম্মত হলেন। যজ্ঞে যদি সুনীধার অন্তর শুদ্ধ হয়, হয়তো সুপুত্রও লাভ করতে পারেন তিনি!

স্বস্ত্যয়ন হোমের হোমস্থলীতেই পুত্রোষ্টি যজ্ঞের সূচনা হল। যান্ত্রিক ঋষিগণ যজ্ঞেশ্বরের উদ্দেশ্যে হবি নিবেদন করতেই পরিতৃপ্ত দেবতার আশীর্বাদস্বরূপ যজ্ঞে আবির্ভূত হলেন এক দীপ্ত হিরণ্য পুরুষ—স্বর্ণকাস্ত কাশ্মি, কণ্ঠে কাঞ্চনমালা, হস্তে সিদ্ধ পায়সায়। ব্রাহ্মণগণের নির্দেশে অঙ্গরাজ অঞ্জলিপুটে সেই পায়স গ্রহণ করলেন, যজ্ঞেশ্বরকে স্মরণ করে প্রথমে নিজেকে আত্মাণ করলেন সেই পরমায়—তারপর অন্নপাত্র দিলেন রাজ্ঞী সুনীধার হস্তে।

নির্লজ্জা সুনীধা, তার রসনায় বহিত্বা। ঋষি, ঋত্বিক ও সদস্তুগণের সম্মুখেই সে এক নিখাসে অন্নপাত্র নিঃশেষ করে ফেলল। হতবাক অঙ্গরাজ, স্তম্ভিত জনগণ! কামনার এ কী কদর্ঘ নগ্ন মূর্তি!

যজ্ঞ শেষ হল। ভূরি দক্ষিণা গ্রহণ করে বিদায় হলেন ব্রাহ্মণগণ। আশীর্বাদ করে প্রস্থান করলেন রাজ্যের মঙ্গলকামী ঋষিবৃন্দ। চিন্তিত অন্তরে রাজা প্রবেশ করলেন অস্তঃপুরে।

তখন আসন্ন সন্ধ্যা, প্রদোষের ছায়ায় প্রায়াক্ষকার জগৎ। লোকে একে বলে আশুরী মুহূর্ত। অশুরের মত্ততা প্রকাশ পায় সন্ধ্যার রহস্যঘন আধআলো, আধঅন্ধকারে। ক্ষুধার্ত কামনার বীজ সৃষ্টিকে আকুল করে তোলে, এমন কি স্বয়ং ব্রহ্মা পর্যন্ত বিভ্রান্ত হন সন্ধ্যায়। যতি, সন্ন্যাসী, ধৃতব্রত গৃহী তাই এ সময়ে নিযুক্ত হন সন্ধ্যা-বন্দনায়। ‘যদহা পাপমকার্ষম্’ মন্ত্রে কলুষের বীজানু বিনষ্ট হয়ে যায়, হৃদয়ে জাগে অমেয় প্রশান্তি! কিন্তু কলুষ-চিত্ত-জীব সন্ধ্যাক্ষণেই পীড়িত হয় কামবাণে। রুদ্রাধিকারভুক্ত সন্ধ্যায় যজ্ঞক্রিয়াহীন অশুর-বৃত্ত জীব উদ্দাম হয়ে ওঠে আশুরিক মত্ততায়।

কালকণ্ঠা ভয়ার অন্তরেও আসন্ন সন্ধ্যায় মন্থণের মত্ত সঞ্চরণ। রাজা অস্তঃপুরে প্রবেশ করতেই বিহ্বলার মত ছুটে আসে সে, যেন ছুটে আসে বিষমুখ একটা অব্যর্থ তীক্ষ্ণ তীর। বৃকে পাশব উত্তেজনা, মুখে আদিমতম আরণ্য প্রবৃত্তির বীভৎসতা! ধর্মশীল অঙ্গরাজ আতঙ্কিত হন, অনুনয়ে-উপদেশে শাস্ত করতে চেষ্টা করেন অশাস্ত তরঙ্গ। অশুভ মুহূর্তের বিভীষিকার কথা স্মরণ করিয়ে পুরাণ-ইতিহাস থেকে উদ্ধৃত করেন অসংযত কামনার ভীষণ পরিণামের উদাহরণ। কিন্তু সূত্কর যেমন বায়ু, অনিয়ত যেমন প্রলয়কালের উল্লা, প্রমত্তা যেমন মদশ্রাবী করিণী—তেমনি উদ্দাম ভয়া। বিচারহীন প্রচণ্ড ক্ষুধা, কামাক্ষের নিকট ব্যর্থ শাস্ত্রের অমুশাসন। অসহায়, উপায়হীন অঙ্গরাজ।

ফলও ফলল প্রত্যক্ষ। ভয়ার দুর্বিনীতি বাসন-ভাগের বাসনায় জন্মগ্রহণ করল অধর্মাংশপ্রভব পুত্র ‘বেণ’। মাতামহের মত দুর্ভিতক্রমণীয়, মাতুলদের মত অতি কুটিল, মাতৃস্বসাদের মতই মহাভয়ঙ্কর। সে নির্দয়, নিষ্ঠুর, নির্মম। শিশু হলেও বালভূজঙ্ঘের মত বিষধর, ক্ষুদ্র হলেও সর্বগ্রাসী অগ্নি-স্ফুলিঙ্ঘের মত কষ্টকর। মূর্তিমান অধর্ম, হিংস্রতা, দুঃসহ, মহামদ আবির্ভূত হল ধর্মপরায়ণ স্বায়ম্ভুব মনুর গোত্রে।

কিন্তু এই দুর্ভয় শিশু হল জননী ভয়ার নয়নানন্দ দ্বিতীয় আত্মা। আত্মা বৈ জায়তে পুত্রঃ। নন্দন-দর্পণে আত্মরূপের প্রতিবিম্ব দেখে পরিতৃপ্ত হল সে। কি অপূর্ব শিশুর শৈশব-লীলা! দেখে দেখে সাধ মেটে না মায়ের। শিশু বেণ অটুহাস্ত করে পক্ষি-শাবকের কণ্ঠ দ্বিধণ্ডিত করে, ফিন্‌কি দিয়ে ছোট্টে রক্তধারা—ভয়ার

অস্তরে পৈশাচিক তৃপ্তি! বেণ ক্রীড়াছিলে অন্ত্যাত্ম শিশুদের কণ্ঠ চেপে ধরে,
 পীড়নে করুণ আর্তনাদ করে ওঠে ক্রীড়া-সঙ্গী—মুহূর্তে দেহ নীল হয়ে যায়, মৃত্যুতে
 নিশ্চুপ হয় দুঃখপোষ্য বালক। উৎকট উল্লাসে নৃত্য করতে থাকে ভয়ার হৃদয়।
 ভয়ার বক্রস্বভাবের অবিকল প্রতিক্রম দুষ্ট বেণ। জঘন্য পুত্রগর্বে গবিতা কালকন্ঠা।
 বেণ তার নয়নের আনন্দ, প্রাণের প্রাণ। চোখের আড়াল হলে সে পলকে
 পাগল হয়।

কিন্তু ক্ষুণ্ণ হন, খিন্ন হন ধর্মভীরু অঙ্গরাজ। বংশে এ কি অভিশাপ! এই
 আশঙ্কাই পূর্বে করেছিলেন তিনি—কুমাতার স্বভাবদোষে জন্ম নেবে কুসন্তান,
 কুটিল কামনার বিষবীজে অঙ্কুরিত হবে লোকত্রাস বিষবৃক্ষ। সন্তানের দুঃক্রিয়া
 তাঁকে চিন্তাকুল করে তোলে—‘এর চেয়ে কি নিঃসন্তান হওয়া ভাল নয়?’
 সংক্রামক ব্যাধির বিভীষিকায় ব্যাকুল অস্তরে রাজ্য গৃহ, পুত্র—সবই অসার মনে
 হয়, মনে হয়—অর্থহীন প্রপঞ্চসার সংসার। অস্তরে বিরক্তি, গৃহধর্মে নৈরাশ্য,
 রাজকাৰ্যে নিরাসক্তি—নির্বিলম্ব মহারাজ ক্ষুণ্ণ। একদিন নিশিযোগে নিদ্রিতা
 দুর্বিনীতা ভাষা ও দুর্বিনীত পুত্রকে পরিত্যাগ করে নিবেদপ্রাপ্ত অঙ্গরাজ বহির্গত
 হলেন নিরুদ্দেশ যাত্রায়। পশ্চাতে পড়ে রইল সবসম্পত্তিপূর্ণ রাজত্ব!

প্রজাবর্গ পিতৃহীন অনাথের মত হাহাকার করে উঠল। চতুর্দিকে চলল অশ্রু-
 সঙ্কান। ব্যর্থ চেষ্টা। অনন্ত অমৃত পথের পথিক ধর্মশীল অঙ্গরাজ। মরুজগতের
 মানুষ সে সাবিত্রী-পথের সঙ্কান পাবে কোথা থেকে?

প্রথমে ক্রোধে গর্জন করে উঠল স্বামিপরিত্যক্তা দুর্মুখা, যেন অভিত্যক্তা কাল-
 নাগিনী। অকথ্য দুর্কৃত্তির অসংখ্য দ্বিকৃত্তি—স্বামী বলে ক্ষমা নেই, গুরুজন বলে
 দ্বিধা নেই। তারপর আকুল স্নেহে সে বুকে তুলে নিল শিশু বেণকে—পত্নীর
 ক্ষোভ উত্তাল হল মাতৃত্বের অঙ্ক স্নেহোল্লাসে। স্বামী গিয়েছে যাক—ধর্মভীরু
 দুর্বল স্বামীকে সে কামনা করে না—সে চায় না শাস্তিব নিঃসীম নিজীবতা।
 বেঁচে থাক তার পুত্র। হৃদয়ের ধন এই পুত্রই হবে রাজ্যের সর্বস্ব, প্রজার
 দণ্ডধর রাজা। অস্তরের দুঃশীলতার নির্যাস ঢেলে দিল সে পুত্রের ওপর। তার
 মাতৃত্ব বর্ধিত হল দুঃশীল কালের মতই মহাভয়ঙ্কর বেণ, যেন অতি দুষ্ট এক
 কালসর্প। একে ঘোর কৃষ্ণবর্ণ দেহ, অঙ্ক স্নেহের প্রশ্রয়ে এই কৃষ্ণতা বিস্তৃত
 হল অস্তরে ও আচরণে—যেন বিস্তৃত হল সর্বধ্বংসী, বজ্রসূচি কালান্তের
 নীললোহিত মেঘ।

নিরুপায় অমাত্যবর্গ ও প্রজা। সম্রাজ্ঞী স্নানীধার নির্দেশে দুঃশীল বেণকেই

তারা অন্ধরাজ্যে অভিযুক্ত করতে বাধ্য হল। অগ্নিস্ফুলিঙ্গ লোলহান শিখা বিস্তার করল এবার। মাতৃস্বভাবে বেণের পিতৃস্বভাব বিনষ্ট হয়ে গিয়েছিল। ভীষণ ক্রোধ, মহাদম্ভ, নির্মম নিষ্ঠুরতা—তার সঙ্গে যুক্ত হল দণ্ডনীতি, ঐশ্বর্য-মত্তত ও আত্মাদরপরায়ণতা। নিরঙ্কুশ গজেন্দ্রের মত দুর্বিনীতি, মত্তোক্ত বেণ প্রচণ্ড দণ্ড—তার পীড়নে ও যথেষ্টাচারে তটস্থ ত্রিভুবন। বেদ-ব্রাহ্মণ কাউকেই সে গ্রাহ্য করে না। বৈদিক ক্রিয়ার মূর্ত প্রতিবাদ, ব্রাহ্মণ-সজ্জনের বৈরী, অধর্মের পরম মিত্র বেণ। সমাজ-শৃঙ্খলার মূলে সে কঠিন আঘাত হানল। বর্ণাশ্রমধর্মকে উপেক্ষা করে রাজ্যে প্রতিষ্ঠিত করল অবৈধ অনুলোম, প্রতিলোম মিলন; সে মিলন বিবাহ নয়, ব্যভিচার—দাম্পত্যবন্ধন নয়, স্বৈরাচার। প্রতুষ্ঠা স্ত্রীজাতি থেকে ক্রমে উৎপন্ন হল কুলঘ্ন বর্ণসঙ্কর। আত্মদম্ভে শৃঙ্খলার সমস্ত সীমা অতিক্রম করে বজ্রমাদে ঘোষণা করল ভয়ানন্দন—তার রাজ্যে নিষিদ্ধ দেব-আরাধনা, নিষিদ্ধ যজ্ঞক্রিয়া একমাত্র রাজাই সাক্ষাৎ ঈশ্বর—এই প্রত্যক্ষ পরমেশ্বরেরই পূজা করতে হবে বেণ-রাজত্বে।

ঘোষণা শুনে পরম পরিতৃপ্তির হাসি হাসল ভয়া। স্বামীর প্রতি প্রচ্ছন্ন ছিল যে আক্রোশ—এ ঘোষণা যেন তারই প্রতিশোধ। ধর্মকে যোগ্য আঘাত হেনেছে তার উপযুক্ত সন্তান! কটা চোখে কুটিল প্রসন্ন দৃষ্টি।

কিন্তু অসম্মান-ভয়ে ভীত হলেন অমাত্যবর্গ, ক্রিয়ালোপে প্রমাদ গণলেন নিরীহ পুরোহিত, দণ্ডভয়ে সন্ত্রস্ত হল প্রজাকুল। পঞ্চযজ্ঞে প্রতিষ্ঠিত গৃহমেধী আতঙ্কগ্রস্ত হলেন। এ কি বিপর্ষয়!

ধর্মহীন রাজ্য, প্রজা ক্রিয়াহীন। মহাদুর্দৈব আসন্ন ভেবে চিন্তিত হলেন রাজ্যের হিতার্থী তপোঋদ্ধ ঋষিবৃন্দ। তপস্ত্যার যষ্ঠভাগ তাঁরা কররূপে রাজাকে অর্পণ করেন। সেই কব অশেষ কল্যাণের আকর। সেই করেই স্মৃথে ও সমৃদ্ধিতে পূর্ণ হয় রাজ্য-শ্রী। কিন্তু অন্ন, ঐশ্বর্য, শ্রী—সবই যজ্ঞ-সমুদ্ভূত। অধর্মাচারী রাজ্য সেই যজ্ঞ বন্ধ করতে নির্দেশ দিয়েছে। ক্ষুণ্ণ হলেন আহিতাগ্নি ঋষিসভ্য। অস্তুরের বিক্ষোভ বহি অস্তুরে প্রচ্ছন্ন রেখে ভৃগু প্রমুখ প্রজাপতি বিনীতভাবে উপস্থিত হলেন বেণসকাশে।

চণ্ড-শাসন ভয়া-নন্দন তখন দম্ভভরে বসেছিল রাজসভায়। সে সভায় মন্ত্রী—কুমন্ত্রী, কোটিল্য-নীতি-বিশারদ পণ্ডিত বিতণ্ডাবাদী চার্বাক পন্থী। কবি কামশাস্ত্র পারঙ্গম। বিচারমূঢ় ভূপতির বিচারহীন সভা।

মহামাণ্ড মুনিগণ উপস্থিত হলেও উদ্ধত রাজা আসন থেকে উঠে প্রত্যাগমন

করল না তাদের। মহা ঔদ্ধত্যে মুখ থেকে কেবল উচ্চারিত হল মদম্বলিত বজ্রস্বর, কি প্রয়োজন !

বিনয়ভাবে দাঁড়িয়েই বললেন মুনিগণ, 'যজ্ঞ থেকেই পর্জন্য, পর্জন্য থেকে অন্ন। ঋদ্ধি ও সিদ্ধির মূল যজ্ঞ। যজ্ঞ নিষিদ্ধ হওয়া উচিত নয়।'

'কার যজ্ঞ? কে যজ্ঞেশ্বর?'—ক্রকুটি-কুটিল নয়নে গর্জন কবে উঠল দাস্তিক বেণ। মহাদস্তে আশ্ফালন করে সে বলল, 'রাজাই যজ্ঞেশ্বর, মতোব প্রতাপ দেবতা : রাজ-দেহেই বর্তমান কাল্পনিক ব্রহ্মা-বিষ্ণু-মহেশ্বর, ইন্দ্র-মিত্রাকরণ। রাজার পূজাই দেবপূজা, যজ্ঞের হবি-সোমে রাজারই অধিকার।'

দৃষ্টবুদ্ধি ভর করেছে বেণের রসনায়। বিনষ্ট সত্তাব সদবৃত্তি। ঋষিগণ বুঝলেন, মাতৃদোষে দৃষ্ট সম্ভান। যে কাম-মত্তা নারীর শোণিতে পুষ্ট এই পুত্রদেহ, এ দস্তোক্তিও সেই দুর্মুখা জননীর প্রকৃতি-সম্ভব। প্রতিকার প্রয়োজন। দীপ্তকণ্ঠে বর্ণন, মর্ষি ভণ্ড, 'বাক্সা দ্বিতীয় ঈশ্বর, কিন্তু তাঁর ওপরে বয়েছেন পবনেশ্বর—তিনি সর্ব-নিয়ন্তা, বেদে-পুবাণে নানাছন্দে তাঁর মহিমা কীর্তিত।'

ক্রোধে কুঞ্চিত ক্রয়ুগ, মদঘূর্ণিত আবকু লোচন—বজ্রনির্ঘোষে বলল মদোদ্ধত বেণ, 'মিথ্যা কথা। মিথ্যা বেদ, মিথ্যা যজ্ঞক্রিয়া। এ সকল ধূর্ত, লোভী ব্রাহ্মণের রচনা। রাজাই সর্বদেব, রাজদণ্ডই সর্ব-নিয়ন্তা, নৃপতিই একমাত্র প্রভু, স্বামী। শৈবচাচারিণী বাবাকনার মত তোমাদের পর-পুরুষে আসক্তি। যা ও, স্বীয় পতিরূপ নৃপতির নিমিত্ত ভোগ্য সামগ্রী আহরণ কর।'

বারবার যজ্ঞেশ্বরের নিন্দায় রুষ্ট হয়েই ছিলেন সাগ্নিক ঋষিবৃন্দ, অন্তরে গূঢ় ছিল প্রচণ্ড ক্রোধ। সেই ক্রোধ দীপ্ত শিখা বিস্তার করে বাইরে প্রজ্জ্বলিত হল। তপ্ত তাম্রের মত আরকু হল আনন। তাঁরা অভিশাপ বাণী উচ্চারণ করলেন, 'দক্ষ হও, ধরংস হও !'

বাক্য সমাপ্ত হতে না হতেই ভীষণ পরিণাম সূচিত হল। ক্রুদ্ধ ঋষিদের বাক্যই অগ্নিগর্ভ বজ্র। সেই বাগবজ্রে নিমেষে গতজীবন হল বেদনিন্দক, দুর্ধর্ষ ভয়ানন্দন।

ক্ষণেকের ভরে নিস্তব্ধ সভাকক্ষ। পর-মুহূর্তেই সেখানে উঠল ভয়ানক ক্রন্দনরোল। চিরকালের ভীক, দৃষ্ট অধর্মাচারী—তাদের নিকট অতি ভয়ঙ্কর মৃত্যুভয়। কু-মন্ত্রী, কুতর্কিক পণ্ডিত, স্তাবক-দলের ত্রস্ত হাহাকার সভা অতিক্রম করে প্রবেশ করল রাজ-অস্তঃপুরে।

পাগলিনীর মত ছুটে এল বেণ-জননী ভয়া। কক্ষ, ধূসর, আলুলায়িত

কেশ—বিশুদ্ধ বদন—শুদ্ধ পিঙ্গল নয়ন। শোকাতুর হিংস্রতা—অতি করুণ, কিন্তু অতিশয় ভীষণ ! হাহাকার করে সে লুটিয়ে পড়ল পুত্রের প্রাণহীন দেহের ওপর, যেন বিধ্বস্ত বৃক্ষের ওপর সবেগে প্রবাহিত হল শোকের ঝড়। মুখে বুকভাঙ্গা গভীর, স্থলিত, আর্তনাদ, ‘বেণ ! আমার দুলাল !’—মর্মবিদারী সে পুত্রশোক।

জননী এই শোকমূর্তি দেখে বেদনাতুর হলেন করুণাঘন ঋষিগণ। স্বভাব-শাস্ত তাঁরা—চির দয়াদ্র হৃদয়। রুদ্ধ কারণেই তাঁদের রুদ্ধতেজ প্রকাশিত হয়। বেণের উদ্ধত আচরণে নিষ্ফিষ্ট হয়েছিল বাগবজ্র, শোকার্তা জননীর অরুস্তদ ক্রন্দনে সে বজ্র বিগলিত হল। তাঁরা দেখলেন, সকল জননীই শোকে একাকার। মাতা কুরা হন, পিশাচী হন, হন পাপীয়সী—সন্তান-শোকে বিশেষ নেই। পুত্রশোকাতুরা জননী যেন খড়্গাঘাতে ছিন্নমুণ্ড জীব ! দ্রবীভূত হৃদয়ে তাঁরা দেখলেন—প্রাণহীন নৃপতির দেহ, দেখলেন জননীর মর্মান্তিক শোক-করুণ মূর্তি, দেখলেন হীনসত্ত্ব প্রকৃতিপুঞ্জের অসহায় মুখ। তাঁদের মনে একে একে জেগে উঠল স্বায়ত্ত্ব মনুবংশের ধর্মশীল, কীর্তিমান নৃপতিবর্গের চিত্র। মহানুভব ‘বৎসব’, বিনীত ‘পুষ্পার্ণ’, ‘সর্বতেজা ‘চক্ষু’, ‘নড্বলা-পতি মনু’—সর্বোপরি ধর্মপরায়ণ ‘ক্ষুত’ এমন বংশ নির্মূল হবে ?—কিন্তু কি উপায় ? তপোবল তাঁদের আছে, ইচ্ছা করলে তপঃশক্তি প্রভাবে এই মৃত বেণ-দেহেই তাঁরা প্রাণ সঞ্চার করতে পারেন। কিন্তু পাপে পূর্ণ দুঃশীল বেণ। এ পাপদেহ পুনর্জীবিত করলে পাপেবই পুনরাবির্ভাব ঘটবে। যদি কেউ শোষণ করে নিতে পারত বেণ-দেহের দুষ্কৃতি !

চকিতে উপায় উদ্ভাবিত হল। কলেবরপায়ী সুনীধা—একমাত্র সেই-ই পুত্রের দুঃশীলতা পান করতে পারে। কিন্তু সে কি সম্মত হবে ?—তাকে সম্মত করাতেই হবে।

গভীর কণ্ঠে ডাকলেন ঋষিবৃদ্ধ ভৃগু, ‘সম্রাজ্ঞি সুনীধা !’

মূর্ছাহতা ভয়ার কর্ণে দূরাগত বজ্রধ্বনির মত ধ্বনিত হল সেই রব। সে যেন চলে গিয়েছিল এমন এক লোকে, যেখানে কেবল মূর্ছা আর নিদ্রা। নিদারুণ শোকের আশ্রয় সে লোক। ঋষির আহ্বানে সুপ্তোখিতের মত জেগে উঠল ভয়া। স্মৃতি ও বিশ্বতির মোহময় ঘোর। বিমূঢ় দৃষ্টি, বিধৃত ওষ্ঠাধর। সভয়ে সে মুখ তুলে তাকাল। শুধু চোখে গভীর বেদনার ছায়া।

‘বংশরক্ষা করতে হবে। রাজ্ঞীকেই অগ্রণী হতে হবে এ কাজে।’— বললেন ভৃগু।

নিরাশায় আশার আলো! কোথায় ভয়ার বক্রকুটিল প্রকৃতি? কিসের আঘাতে যেন বক্র হয়েছে ঋজু! সোৎকণ্ঠ মাতৃ-হৃদয়, সোৎসুক প্রতীক্ষা।

ঋষি বললেন, 'তামসী বিদ্যায় পারদর্শিনী তুমি, কলেবর-পানে অধিতীয়া। তোমাকে পান করতে হবে পুত্রের কলেবর।'

আতঙ্ক শিউরে উঠল ভয়া। ভয়ঙ্করী সে, ভীষণা। কিন্তু তার চেয়েও ভয়াবহ এই নির্দেশ! মাতা হয়ে পুত্রের কলেবর পান? পিশাচী হোক, রাক্ষসী হোক—কোনও জননী এ কাজ কবে নি কোনদিন। জননী কি সন্তানের দেহভুক হতে পারে? কর্কশভাবে প্রতিবাদ করে ভয়া, 'এ অসম্ভব! মাতা সন্তানের দেহ পান করতে পারে না।'

'মাতাই চিরকাল সন্তানের দেহ পান কবে'—কঠিন কণ্ঠে বলেন মহর্ষি ভৃগু, তাঁর নয়নে রোষ-দীপ্তি: 'কুমাতার কৃশিকাট শোষণ করে সন্তানের সদগুণ, সদবৃত্তি। তার দৃষ্টান্ত তুমি।'

'আমি!'—শুদ্ধকণ্ঠে বলে ভয়া। দেহ যেন হিম হয়ে আসছে। বজ্রমস্ত্রে বলেন ঋষি, 'ই্যা তুমি! ধার্মিক স্বায়ম্ভুব মনুব বংশে এ পাপ ছড়িয়ে দিয়েছে কে?—তুমি! তুমিই পান কবেছ ধর্মপুত্রের ধর্ম, ক্ষান্তি, উদারতা।'

প্রতিবাদ করতে পারে না, দুর্গম। একে শোকে বিদীর্ণ হৃদয়, তাব ওপর এই কঠিন অভিযোগ। উদ্যম শোক ও দুর্জয় ক্রোধে স্তব্ধ কণ্ঠ। কেবল কম্পিত হয় তার নয়ন, মুহূর্মুহ কম্পিত হয় ওষ্ঠ। বজ্র স্বরেই বলেন ভৃগু, 'মাতা একদিকে যেমন সন্তানের ভক্ষক, তেমনি তার রক্ষক। মাতাই বংশে নবজীবন সঞ্চার করতে পারে। এতদিন তুমি পান করেছ সন্তানের সদগুণ, এবার তার দুর্গুণ শোষণ করে বংশ রক্ষা কর।'

দারুণ ভয়ে কাঁপতে থাকে ভয়ার দেহ। নির্বাপিত যেন আশায় ক্ষীণ দীপ—সন্মুখে মৃত্যুর বিভীষিকাময় অঙ্ককার! রসপায়ী কালের কণ্ঠা সে, কলেবরভুক। কিন্তু চিরকাল তামসী বিদ্যাবলে সে পান করে এসেছে কলেবরের সদগুণ। জীবদেহের দয়া, ক্ষমা, করুণা ধর্মবৃদ্ধিই তার পানীয়—দুঃশীলতা নয়। একে সন্তানের দেহ পান তত্পরি এই দুপ্পাচ্য পানীয়। কঠিন হয়ে ওঠে ভয়া, মুখে দেখা দেয় সেই পূর্ব কুটিলতা। কটা চোখে বাঘিনীর হিংস্রতা, কুটিল কেশে কোটি কাল নাগিনীর ফণা। ক্রোধে ছলতে থাকে তার দেহ।

বজ্রমস্ত্রে ধ্বনিত হয় সুগম্ভীর ঋষিকণ্ঠ, 'ঋষি-রোষ পুনরায় উদ্দীপ্ত করো

না সম্রাজ্ঞি ! পাপমতি তুমি, পাপকে পান করে বংশ রক্ষা কর। নইলে বাগ্‌বজ্রে তোমাকেও বরণ করতে হবে পুত্রের মত শোচনীয় পরিণাম।

সম্মুখে মৃত্যু, পশ্চাতে মৃত্যু ! কোন কথা বলতে পারে না ভয়া ! একে শোকে বিদৌর্গ বক্ষ, তার ওপর এই কঠিন বাগ্‌বজ্রের ভীতি ! বিমূঢ়া বিষধর ভূজঙ্গিনী। সম্মুখে নিশ্চিত মৃত্যু, তবু কোথা থেকে যেন ক্ষত বক্ষে ক্ষরিত হচ্ছে মধু-স্নেহ—কে যেন কঠিন অমৃতপদ স্থাপন করেছে তার ফণায় !

কম্পিত দেহে নীরবে উঠে দাঁড়াল ভয়া। মন্ত্রমুগ্ধার মত তার পরাধীনতা। স্তম্ভিত বিদ্রোহিনীর শক্তি। উঠে দাঁড়াল—কিন্তু শোকে টলমল করে অঙ্গ—যেন কতকালের একখানি বিগুপ্ত, শোকাকর্তা জননীমূর্তি। তারপর মন্ত্রচালিতের মত দুই হাঁটু ভূমিস্পর্শ কবে বসল সে, জোড় পা ঠেলে দিল পশ্চাৎভাগে। বিশীর্ণ দেহ ঝুঁকে পড়ল সামনের দিকে। শুষ্ক দুইখানি হাত একত্র করে প্রাঞ্জলি পানের মুদ্রা ধারণ করে ঔষ্ঠাধরের নিকট নিয়ে এল সেই অঞ্জলি। বিকট মুখ, বীভৎস দৃষ্টি ! সমস্ত শক্তি সঞ্চয় করে স্থলিতকণ্ঠে কি যেন সে উচ্চারণ করল। তারপর অগস্ত্য যেমন করে সমুদ্র শোষণ করেছিলেন, তেমনি করে উগ্রগ্রাসে শোষণ করতে লাগল প্রিয়তম পুত্রের কলেবর। এবারকার পানীয় দেহের সদগুণাবলী নয়, অতি দুস্পাচ্য পৈশুন, দন্ত, কাম, ক্রোধ, নির্মমতা।

দেখতে দেখতে উদর ফুঁত হল, বক্ষে সঘন শ্বাস। চক্ষুতারকা প্রথমে বিস্ফারিত হল, তারপর নিশ্চল। নিশ্বাস রুদ্ধ হয়ে গেল, দেহ পাষণের মত শব্দ, হিম-শীতল তার স্পর্শ। সস্তানের পাপ পান করে প্রাণহীন দেহে ভূমিতে লুটিয়ে পড়ল কালকণ্ঠা, বেণ-জননী ভয়া। এতক্ষণ তার চোখে চিকচিক করছিল এককণা করুণা, এখন কুটিল চোখের কোণ বেয়ে গড়িয়ে পড়ল শুষ্ক বক্ষ-নিংড়ানো দু ফোঁটা অশ্রু। কালকণ্ঠা ভয়ার বৃকে কোথায় গোপন ছিল এই মুক্তার মত নয়নজল ?

তখন মৃত বেণের দক্ষিণ-বাহু মন্থন করছিলেন তপোঋদ্ধ ঋষিবৃন্দ। তার মলধৌত স্পন্দিত বাহু থেকেই জন্ম নিয়েছিলেন দিব্যলক্ষণযুক্ত ধর্মপরায়ণ প্রজাবৎসল 'পৃথু'। স্বায়ম্ভুব মনুর গোত্রে অমিতপ্রভ নৃপতি এই পৃথু—তার নামেই সাগর-মেথলা বসুন্ধরার নাম হয়েছে 'পৃথিবী'। তিনি কালকণ্ঠা ভয়ার পৌত্র। *

* (১) শ্রীমদ্ভাগবত—৪র্থ স্কন্ধ, ১৩-১৪ অধ্যায়।

(২) বামনপুরাণ—৪৭ অধ্যায়।

॥ পিঙ্গলা ॥

বিদেহ নগরের বিখ্যাত পণ্যাঙ্গনা 'পিঙ্গলা' রূপোপজীবিনী—রূপের বড়াই সে করতে পারে। মধ্যাহ্ন-সূর্যের মত প্রদীপ্ত তার দেহকান্তি। সু-সম অবয়ব যেন কামদেবের শর-সজ্জা। কৃষ্ণ মেঘের নিকষ-কৃষ্ণ সাগরজলের মত তার কেশপাশ, সাগরজলের মতই উর্মিল। আকর্ষণবিধারী নয়ন—তরঙ্গের মত চঞ্চল, অপাঙ্গে বড়বা কটাঙ্ক। তার তাম্বুল-রাগরঞ্জিত অধবে হিজুলের তরলতা তাজা রক্তকে লজ্জা দেয়, উত্তাল করে তোলে হৃদয়রক্ত। তার নয়ন, তার কটাঙ্ক, তার অধর, তার হাসি যে কোন মানুষের রক্তে আশ্রয় ধরিয়ে দেয়। বহুবিকল্প পাতঞ্জের মত পাগল মানুষ রূপোপজীবিনী পিঙ্গলার চরণতলে লুটিয়ে পড়ে।

পিঙ্গলার রূপমুগ্ধ নাগরের সংখ্যাও অসংখ্য। বিদেহ নগরের যাবতীয় পুরুষ তাব পদানত। তার খ্যাতি অঙ্গ, পাঞ্চাল রাজ্য পর্যন্ত বিস্তৃত। কে তার রূপে মুগ্ধ হয়েছে, কে হয় নি? কামাগ্নির অরণি তার দেহ, মূর্খের মানস-বিভ্রম তার হাব-ভাব বিলাস। পুরুষমাত্রই তাব প্রণয়ী, পুরুষ মাত্রই তার স্তাবক।

পিঙ্গলার রূপোন্নত স্তাবকদেব মুখে তার রূপের যে স্তুতি ছন্দিত হয়, ভক্তের দেব-স্তুতিও তার কাছে পবান্বিত মানে। তারা বলে, 'পিঙ্গলা ভাস্কর্যমতী সূর্যপ্রিয়া। স্বর্গসম্ভবা স্বর্গের দেবতাকে পাগল করে তুলেছিল। স্বরঙ্গরীষ বৃষ্টি নাশ হয় দেখে, অঙ্গরীদের ষড়যন্ত্রে, বিধাতার বাক্যে স্বর্গত্রাণ হয়েছিল সে। উর্বশী-রস্তার প্রতিদ্বন্দ্বিনী, তাই এসে পতিত হয়েছে মর্ত্যের বিদেহনগরে।'

হয়তো মিথ্যা স্তাবকদেব স্তুতিবাদ, হয়তো সম্পূর্ণ মিথ্যাও নয়। ভালবাসার ধনকে মানুষ বলে 'আকাশের টাঁদ', 'সাত রাজার ধন মানিক'। স্তুতি সামান্য সত্যেরই অতিরঞ্জিত অতিশয়োক্তি। তাকে মিথ্যা বলে উড়িয়ে দেওয়া যায় না। তাহলে যে মিথ্যা হয় মানুষের কল্পনা, মিথ্যা হয় কবি-প্রণীত প্রেমের প্রশস্তি।

সত্য হোক, মিথ্যা হোক—স্তুতি শুনে গর্বে পিঙ্গলার বুক ভরে ওঠে। অপরিমিত তার আশা, দুর্দমনীয় লোভ, উৎকট কামনা। কামোন্নত মানুষ পাগলের মত তার পায়ের তলায় লুটিয়ে পড়ে, শিকারীর মত পিঙ্গলা তাদের বিবশতা দেখে উল্লাসেব হাসি হাসে। মানুষকে সে মাতাল করে ছাড়ে। কামধেনুর স্বতঃকরিত

ক্ষীরধারার মত ঐশ্বর্য বৃষ্টি হয় পিজলার চরণে—তবু তৃপ্তি হয় না পিজলার।
অধিক শুষ্ক লাভের আশায় সে আরও কৌশল বিস্তার করে, মোহিনী—ভুবন-মোহন
রূপ ধবে গায়ার ফাঁদ পাতে। শ্রুতনে, মোহনে, উন্মাদনে ও আকর্ষণে সে
অদ্বিতীয়া।

লোকে বলে, পিজলা যাত্ জানে। অভিচার বিজ্ঞা নাকি তার নখদর্পণে।
বাইরে রূপসী, অন্তরে কুটীলা। রূপে মোহমুগ্ধ করে আশ্বর্ষন ঋষিদের মস্ত্র সে
আত্মসাৎ করেছে। মোহিনী না হলে এমন মোহকর প্রভাব কি কেউ বিস্তার
করতে পারে ?

বিদেশ নগরে দূর-দূবাস্ত বিস্তৃত তার অধিকার। নগরের দক্ষিণ দিক জুড়ে তার
এলাকা। বামদিকের অধিকার সে চেড়ে দিয়েছে ভগ্নী 'ইডা'কে। চন্দ্রপ্রভাকরপিণী
ইডা, সূর্যপ্রভাবস্করপিণী পিজলার যোগা সতোদবা। নগরের দুইদিকে দুই
বিভ্রমবতী বিলাসবতী, মধ্যে পুবক্ষী নারীর অন্তঃপুর। পুবক্ষীপুবে ভোগ সংযমের
সহিত নিয়মিত, সেখানে বাসনা নয় উচ্ছৃঙ্খল। সে পুরীর পুবে পুরে প্রশান্ত
আনন্দ, শান্তির পুণ্য জ্যোতি। কিন্তু ইডা-পিজলার মোহময় আকর্ষণে পুবক্ষীপুরীর
শান্তিভঙ্গ হয়, পুরুষ অস্থির হয়ে ওঠে। সাধকী সাধ্য কি—স্মেরিণীর প্রভাবকে
প্রতিহত করে ? অসংযত ভোগেই মানুষের আসক্তি, পরম আনন্দ বন্ধনহীন
প্রমোদে। বিরাট পুরুষের পৃষ্ঠসম্ভব অধর্মের প্রভাব মানুষের প্রতি রক্তকণায়,
শয়তানিতেই সকলের উল্লাস। তাই বিদেশ নগরে রাজরাজেশ্বরীর মত অক্ষুণ্ণ
প্রভাব পণ্যাকনা পিজলার।

পুংচলী পিজলার ভোগায়তনও বহুবিস্তৃত। একটি নয়, দুটি নয়—পাঁচ
পাঁচটি তার প্রমোদশালা। প্রত্যেকটি ভোগবতী-সদৃশ স্তম্ভর। এ ভোগবতীর
কাছে কি ইন্দ্রের অমরাবতী ? একটির নাম 'সৌরভাগার'। সুগন্ধি কুমুমের
নন্দন-কানন—বহুবর্ণ পুষ্পের বিচিত্র সৌরভ। কস্তুরী, কুমুমনির্ধাসের সুগন্ধে
আমোদিত বিলাস-ভবন। ভ্রামর-বৃত্ত পুরুষ বিহ্বল হয়ে ছুটে আসে এখানে।
গন্ধ-প্রসাদ বিতরণ করে কুরা পিজলা তাদের পিজরাবদ্ধ করে রাখে।

দ্বিতীয়টি, 'বারুণী ভবন'। সেখানে সঞ্চিত দেশ-বিদেশের শুক্র-সঞ্জীবনী সুরা।
ভাঙে ভাঙে গোড়ী, মাধ্বী, পৈষ্টি, জ্রাক্ষারস। মধুর লোভে মাতাল মধুমক্ষিকার
মত, মধু-লোভী পুরুষ প্রবেশ করে এখানে। মদম্বলিত বচনের ছকার মদবিহ্বল
কণ্ঠের প্রণয়-ভাষণে পূর্ণ বারুণী-ভবন—চুষকের মত তার আকর্ষণ।

পিজলার তৃতীয় পুরী ঐশ্বর্ষের বিলাস-পুরী। অমূল্য মণিমানিক্য-বৈচুর্ষ-

বিজ্রমখচিত্রিত ধাম, নাম তার 'মণিপুর' ! কেউ কেউ একে বলে 'অগ্নিভবন' ।
 প্রজ্জলিত বাসনার বহ্নিজ্বালা এই ভবনে পুরুষকে কামজ্জ্বল করি করে তোলে । সে
 যে কি স্মৃতির উন্মাদনা, একমাত্র ভোগী ব্যতীত কেউ ধারণাও করতে পারে না ।
 রূপ ও ঐশ্বর্যের প্রমত্ত লীলাস্থল 'মণিপুর'—কামাগ্নি-তরঙ্গে চিব-তরঙ্গায়িত ।

ষাটশ পদ্যের ধ্বজাসম্বিত চতুর্থ পুরী—চির-সমীরিত, চিবঝঙ্কার-মুখর ।
 এর নাম 'মধ্যমা' । নাতিশীতোষ্ণ বায়ুগুণ, কক্ষে কক্ষে বাসন্ত মলয়ের মৃদু
 সঞ্চরণ । কোথা থেকে মধ্য লয়ে ঝঙ্কত হয় সুমধুর অনাহত এক ধ্বনি । পিঙ্গলার
 অতি প্রিয় এই প্রমোদ-ভবন, বিলাস-ভবনের মধ্যমণি । অনেক মূনি-স্বাক্ষকে
 পিঙ্গলা বিভোর করে রাখে এই পুরীতে । ওপনীর তপোবিষ্ণু সাধনে অমোঘ
 এই সঙ্কত স্থান । কতদিন, কত রাতে অঙ্গ ও পাঞ্চালরাজের বধ এই 'মধ্যমা'র
 ভবন-দ্বারে ঠায় দাঁড়িয়ে থাকে, প্রমোদকক্ষ থেকে ভেসে আসে মত্তালির মত
 অক্ষুট গদ গদ গুঞ্জন ! কুহকিনী পিঙ্গলার কুহকে, কুহ্যামিনী মধুর হয়ে ওঠে ।

নগরের দক্ষিণায়নের শেষ সীমায় আব এক প্রমোদভবন—নাম তার
 'শূন্যসদ্য' । আকাশবাণী মুখর এই ভোগশালা শূন্যে নির্মিত । শূন্য থেকে
 আশ্চর্য সোপান নেমে এসেছে মাটিতে । মাটির কলকোলাহল এখানে শাস্ত । এখানে
 কিল্লর-গন্ধর্বের মধুর সঙ্গীত ধ্বনিত হয়, রহস্যময় পদ্যগন্ধে কক্ষ মাতোয়ারা পাকে ।
 পিঙ্গলা এই কক্ষে বতিক্লাস্ত নাগবন্দের ঘুমে বিভোর করে রাখে । শাস্ত নাগর,
 মুগ্ধ নাগর, স্বর্গীয় সঙ্গীতের মধুর তানে ধীরে নয়ন নিমীলিত করে । পিঙ্গলারও
 বিশ্রামাগার এই পুরী । এখান থেকে স্পষ্ট দেখা যায়, ওপরের নিঃসীম আকাশ ।

রূপের গোববে, ঐশ্বর্যের প্রমত্ততায় মদবিহ্বলা পিঙ্গলা । শূন্যসদ্যের বিশ্রাম-
 কক্ষে এলেই কল্পনার দুয়াব খুলে যায় তার । কত অদ্ভুত চিন্তা, কত অভূতপূর্ব
 ভাব । কামমুগ্ধ স্তাবকের স্তুতি কল্পনায় তার কর্ণে স্খলিবর্ষণ করতে থাকে, মন চলে
 যায় স্তূদুর কল্পলোকে ।

আজও এই অলস মধ্যাহ্নে অনেক কথা ভাবছে পিঙ্গলা । ভাবছে—হয়তো
 মিথ্যা নয় স্তাবকের স্তুতি, হয়তো সত্যিই সে স্বর্ষসনাথা ভানুমতী, স্বর্গত্রিষ্ট স্বদ্যুতি ।
 আনমনে স্বচ্ছ আরশির সম্মুখে দাঁড়ায় সে, দর্পণে দেখে তার প্রতিবিম্ব । আশ্চর্য
 রূপ । স্মৃঠাম অবয়ব, ঘোঁবনভারে চল চল অঙ্গ, চারু আননে মদিরস্রাবী নয়ন ।
 নিজের মোহিনী কটাক্ষে নিজেই মোহিত হয় পিঙ্গলা, নিজের অঙ্গেই খেলে যায়
 বিদ্যুৎ-শিহরণ ! নিজের রূপে কে মুগ্ধ নয় ? বিশেষত রূপোপজীবিনী ।

নির্জন মধ্যাহ্ন । দূর থেকে ভেসে আসছে আকাশবাণীতে মৃদু-সঙ্গীত । অধিক

রাত্রি জাগরণের শ্রান্তি পিঙ্গলার দেহে, ক্লান্তি পিঙ্গলার নয়নে। ধীরে পালকের দিকে অগ্রসর হয় সে, ধীরে উঠে বসে দুগ্ধসিত শয্যায়। অবৈণীবন্ধ-মুক্ত কেশের রাশি, হাত দিয়ে ঈষৎ তুলে, মাথাটা এলিয়ে দেয় উপাধানে। শুভ্র উপাধানটিকে ঘিরে ছড়ানো কৃষ্ণ কেশরাজি যেন চন্দ্র-মণ্ডলগ্রাসী কালো মেঘ। নিদ্রাকাতর নয়ন আবেশে মুদ্রিত হয়ে আসে, রূপসীব মনে নিজ রূপের সানালী স্বপ্ন! স্তাবকের খণ্ড খণ্ড স্ততির ছিন্নাংশ জুড়ে জুড়ে যেন একটি স্বপ্নমালার সৃষ্টি হয়। পিঙ্গলা স্বপ্ন দেখে :

সৃষ্টির কোন অনাদিযুগে যেন জন্মেছিল সে। বিধাতার অতুল সৃষ্টি—তিল তিল রূপের সমুচ্চয়ে এক তিলোত্তমা। প্রদীপ্ত ভানুর মত অঙ্গপ্রভা, সূর্যের মতই তেজ। যোগ্যং যোগ্যেন যোজ্যেৎ ভেবে কমলযোনি ব্রহ্মা তাকে করেছিলেন সূর্য-সনাথা।

সূর্যের জীবনই গড়ে উঠেছিল তার। দেবচক্ষু দেবজ্যোতি তার পতি। তিনি ত্রিবিক্রম। ত্রিলোকের হৃৎহবিত্তে তার অধিকার। পতিসোহাগিনী পিঙ্গলা—সূর্যপ্রিয়া সে, গরবিনী। দেবতার মত সম্মান। ধর্মে প্রতিষ্ঠিত তার হৃদয়, সত্যে প্রতিষ্ঠিত তার পাতিব্রত। সে সূর্য স্বরূপিণী।

কিন্তু সুখী কি হয়েছিল পিঙ্গলা? তার হৃদয়ে সুপ্ত ছিল অপরিমিত আশা, প্রচ্ছন্ন ছিল পুষ্পকেশরে কীটের মত কামনা। দুবার লালসা মাঝে মাঝে চঞ্চল করে তুলত তাকে। বিহ্বলার মত দর্পণে দেখত তার নিজের রূপ। এ রূপ কি দিকে দিকে অগ্নিদাহ সৃষ্টি করতে পারে না?—কিন্তু পরমুহূর্তেই, প্রাণপণে আত্ম-দমন করত সে। ছি ছি, এ কি কুটিল পিপাসা! অন্তরের নিভৃততম প্রকোষ্ঠের কদম্ব আকৃতি অন্তঃকর্ণে শুনে সে নিজেই শিউরে উঠত, ভাবত, না—না—এ পাপ! বিধাতার নিয়মের রাজত্বে সৌভাগ্যবতী সে, সে সৌভাগ্যবতী সূর্যপ্রিয়া। স্বামী তার নিয়মের নিয়ামক ত্রিবিক্রম।

কিন্তু হৃদয়ের প্রচ্ছন্ন কামনাই কাল হল তার, রূপ হল কামনার ইন্ধন। অধর্ম-পুত্র কাম। ভুবনসুন্দর তার রূপ, মুখে মোহন হাসি, চোখে মোহের মদিরা। একদিন সে দেখা দিল পিঙ্গলার বহির্দ্বারে। বিহ্বল হল পিঙ্গলা। প্রথমে লক্ষ্য করে নি, হঠাৎ লক্ষ্য করল—তৃষাতুর দৃষ্টি মেলে 'কাম' দেখছে তাকে, খুটিয়ে খুটিয়ে দেখছে যেন অঙ্গের প্রতিটি রেখা। লালসার দৃষ্টি লহমায় বঝতে পারে নারী। মুহূর্তে লজ্জায় রক্তিম হয়ে উঠল পিঙ্গলা। সর্বাঙ্গে শিহরণ, শিরায় শিরায় অদ্ভুত কম্পন। ক্রত পালিয়ে এল পিঙ্গলা, পালিয়ে যেন মুক্তির নিশ্বাস ছাড়ল সে! বৃকে তখনও ঘনশ্বাস, দেহময় অদ্ভুত উত্তেজনা!

শরমে মরে গেল পিঙ্গলা । পতিমতী নারী সে, ধৰ্মে ও সত্যে প্রতিষ্ঠিত তার
পাতিব্রত । সে কি ব্রতভঙ হতে পারে ? সতীত্বের দৰ্পে দৃঢ় প্রতিজ্ঞা করে
পিঙ্গলা—সে ব্রতভঙা হবে না । ‘পতিহি দেবতা নায্যাঃ’—পতিই সতীর দেবতা,
পতিই ধ্যান, পতিই স্বৰ্গ ।

—পিঙ্গলার বহির্দুয়ার বন্ধ হয়ে যায়, অন্তরে স্নকঠিন তপশ্চয়া ।

কিন্তু স্নকঠর মন । কোন্ ফাঁকে কন্দৰ্প কামের মুখখানি মানসপটে ভেসে
ওঠে । যেন উগ্র দৃষ্টিতে পিঙ্গলার রূপসুধা পান করেছে । এত রূপ তার ?
এত শক্তি পিঙ্গলার ? নিজের রূপ সম্পর্কে পিঙ্গলা সচেতন হয়ে ওঠে, নিজের
শক্তির কথা চিন্তা করে আত্মপ্রসাদ জন্মে মনে । ব্রত ভেঙ্গে যায়, নবম হয়ে আসে
মন । তার রূপ দেখে যদি তৃপ্ত হয় কেউ, ক্ষতি কি ? দৃষ্টিভোগে দেহ কি অন্তর্ভুক্ত
হয় ?

এমনি করেই উন্মুক্ত হয় কামনার অর্গল । মনের অতলে কোথায় সুপ্ন থাকে
কামনা, মানুষ জানতেও পারে না । ধৰ্মে, কর্মে প্রচ্ছন্ন প্রবৃত্তি । সহসা একদিন
সেই কামনা সৃষ্টি ভেঙ্গে জেগে ওঠে । শিউবে ওঠে মানুষ ! চলে প্রাণপণ
আত্মসংযম । ক্রমে দন্দ, ক্রমে শৈথিল্য—শম পযন্ত আত্মসমর্পণ । প্রবল
জোয়ারে তখন ভেসে যায় বিবেক, ধর্মবুদ্ধি—তরঙ্গে উদ্ভাল দেহ, অশ্রুত ।

এই অবস্থাই হল পিঙ্গলার । সতী নারী হল কামের অবৈধ কামিনী ।
ভোগেচ্ছা স্বীয় যুক্তিতে আত্ম সমর্গন করল—পৃথিবীতে কে কামনার দাগ নয় ?
কামনা নব রোমাঞ্চ, কামনা সৃষ্টির পুলক । ‘সোইকামবত’—তাই জেগেছে সৃষ্টির
সুর । ভোগতন্ময় মিথুনসমাজ, সন্তোগী সহস্রাংগ শূন্য । সহস্রমুখে রসসন্তোগ
করেন তিনি । উদ্দাম, উদ্ভতা পিঙ্গলা ।

কিন্তু পিঙ্গলা তখনও বোঝে নি, ‘ন জাতু কামঃ কামান্ উপভোগেন শাম্যতি’
—ভোগে নিবৃত্তি নেই কামের । দুর্দমনীয় কামনা সর্বগ্রাসী বহি । বহির মত তার
অনন্ত ক্ষুধা । প্রমুক্ত, প্রমত্ত দিগ্গজ—নির্বাধ তাব গতি । অপরিমিত আশার
শেষ নেই, অত্যাগ্র লোভের নেই শাস্তি ।

অপরিমেয় ভোগেচ্ছা তাকে টেনে আনল স্বৈরাচারের পথে । একে তৃপ্তি
নেই, বহুতে আসক্তি । কেন সে হবে না বহুবল্লভা ? সৃষ্টি ভোগময় । ভোগা-
কাজ্যকে কেন সঙ্কীর্ণ গণ্ডিতে বেঁধে রাখবে সে ? রূপের দীপ্তি সে ছড়িয়ে দেবে
বহুর মধ্যে, স্বৈচ্ছাচারিণী হয়ে সে বিহার করবে বিশ্বলোকে । কি আনন্দ মক্তির !
কি আনন্দ ওই মুক্ত নীলাকাশে ! সৃষ্টির পাত্র মধুময়—পুষ্পে মধু, ধূলিকণায় মধু !

মধুর অম্বর, মধুর সাগর ! চল, পাত্র থেকে পাত্রান্তরে, মাধুকরী বৃত্তি অবলম্বন
কর, আকণ্ঠ পান কর বিশ্বমধু ।

পাগল হয়ে পিঙ্গলা রূপের বাগুড়া বিস্তার করল দেবসভ্যে । প্রমত্তা প্রমদা ।
দেহে তার রূপের আগুন, নয়নে বিষের বিশিখ । স্থির যৌবন, রূপবান দেবতা :
ইন্দ্র, সোম, নাসত্য ও দশ । ভোগ যদি করতে হয়, ভোগ কর সুন্দরকে. বিজয়ের
তপ্ত উল্লাস অজ্ঞেয়কে জয় করেই সার্থক হয় । অত্যাকাঙ্ক্ষায় অধীরা পিঙ্গলা ।

ক্রুদ্ধ হলেন বিধাতা পুরুষ । বজ্রের মত নেমে এল কঠিন অভিশাপ : ‘দৃষ্টা
তুমি, মৃতিমতী ব্যভিচার । অপরিমিত তোমার আশা, অদম্য ভোগলালসা ।
স্বর্গ থেকে পতন হক তোমার । বহু গান্ধুঘেরই ভোগ্যা হও তুমি—স্বর্গে নয়,
মর্ত্যে ।’

লালসায় অন্ধ পিঙ্গলা, ভাবতে পারে নি, কি হতে পাবে উগ্র লালসার
পরিণাম । বিধাতার বাক্যে চোখে যেন অন্ধকার দেখল সে । সূর্যপ্রিয়া সে,
স্বর্গের বন্দনীয়া, তাকে আশ্রয় করতে হবে মর্ত্যের ভোগদেহ ? আর্তনাদ করে
উঠল পিঙ্গলা, লুটিয়ে পড়ল বিধাতার চরণমূলে, অতি করুণকণ্ঠে মিনতি করল,
‘ক্ষমা করুন, ক্ষমা করুন । দারুণ অভিশাপ ফিরিয়ে নিন ।

কামিনীর করুণ ক্রন্দনে কোমল হলেন করুণাঘন কমলমোচি । বিহ্ব বস্তুচ্যুত
ধূমকেতুর মত অপ্রতিহার্য বিধাতার বাক্য । যথাসম্ভব কোমল স্বরে বললেন
তিনি, ‘স্বর্গভ্রষ্ট তোমাকে হতেই হবে । অপরিমিত আশা, অতি লালসার ফল
ভোগ করতেই হবে তোমাকে !’

‘এ অভিশাপ থেকে কি কোনদিন মুক্ত হব না আমি ?’—পিঙ্গলার চোখে
অশ্রু, কাতর কণ্ঠস্বর ।

করুণাময় বিধাতার নয়ন ছলছল করে । দণ্ডের আঘাত দণ্ডদাতার হৃদয়েও
গভীর হয়ে বাজে । পাপী কি শাপমুক্ত হবে না ? কামনার অনলে পূর্ণাহুতি
দিয়ে কামিনী কি শান্তি লাভ করবে না ? ধীরে ধীরে প্রসন্ন হয় বিধাতার বদন
মণ্ডল, অভয়বাণী উচ্চারিত হয় তাঁর কণ্ঠে : ‘অতি আশা দুঃখের মূল । অত্যাকাঙ্ক্ষার
নিবৃত্তি না হলে সুখ সুদূরপর্যায় । স্বর্গের দ্বার নিশ্চয়ই খোলা থাকবে তোমার
জন্য । যদি কোনদিন আশার নিবৃত্তি হয়, যদি কোনদিন সুখাবহ নির্বেদ লাভ
কর তুমি, সেই দিন আবার স্বর্গে ফিরতে পারবে । কামনার মোক্ষধাম স্বর্গে
সেদিন আবার প্রতিষ্ঠিত হবে সূর্যপ্রিয়ার আসন ।’

অস্তহিত হলেন বিধাতা পুরুষ । দেখতে দেখতে জ্যোতির্ময় স্বর্গলোক থেকে

পতন হল পিঙ্গলার। তার আশ্রয় হল বিদেহ নগরের তামসলোক। নগরের দক্ষিণ দিকে অধিকার বিস্তার করে পিঙ্গলা হল পুংশলী। তার বৃত্তি সাক্ষেতবৃত্তি। স্বর্গের সূর্যপ্রিয়া হল মর্তোব লোভাতুর, কামার্তা পথিকবধু। লোভ, লালসা ও আশার শেষ নেই তার।

স্বপ্ন ভেঙে যায়। এ যেন এক মোহকর নেশার ঘোর। পিঙ্গলা ভাবে, এ স্বপ্ন কি সত্য? পরক্ষণেই ভুল ব্যাভে পাবে পিঙ্গলা—এ স্তম্ভিত মোহিনী মায়া। স্বপ্ন মিথ্যাকেও এমনি করে সাজায়, যেন মনে হয়, সত্য—অতি সত্য। মিথ্যাই হোক স্বপ্ন, সে আশা ত্যাগ করবে না। কি তৃপ্তি জন্মের গোবদে। কি আনন্দ সম্ভোগ-সুখে! মিথ্যার সৃষ্টি কল্পনার স্বর্গ। পিঙ্গলা সে স্বর্গ কামনা করে না। মর্তোর ভোগবস্তীর চেয়ে বড় অমবাবতী আছে কি?

নিদ্রার জড়তা ভেঙে উঠে বসে পিঙ্গলা। ঘুরে ফিরে স্বপ্নের কথাই মনে হয়। বলভোগ্যা সে। ক্ষতি কি? অমিতাচারী কে নয়? ব্রহ্মা, বিষ্ণু, শিব—কে একনিষ্ঠ? সকাম ইন্দ্র, সকাম সোম। ভোগের আকাঙ্ক্ষা কি কেবল পিঙ্গলার? কামনায় আকর্ষণ মগ্ন ত্রিভুবন। দেহের পুংশলীবৃত্তি নয়নগোচর—কিন্তু মনের স্বৈরাচার? লোকে দেখে না, কিন্তু মানসিক স্বৈচ্ছাচারের কি সীমা আছে? কে জানে, তোমার মনে মনে জাগছে কি কুংসিত কামনার তবঙ্গ!

উত্তেজিত হয়ে শয্যা ত্যাগ করে উঠে দাঁড়ায় পিঙ্গলা। শূন্যগাবের গবাক্ষপথে দেখা যাচ্ছে অপরাহ্নের রঞ্জিত আকাশ, যেন সহস্র কামনার বর্ণিত ছবি। একটা বাজপাখি উঠছে উৎসর্গ, শূন্যে। সে উঠছে। আশার শেষ নেই, শেষ নেই। আশার শেষ তো সবশেষের নিঃসীম নিস্তরঙ্গতা। জীবনে কে চায় সেই নিস্তরঙ্গতা? কল্পনায় করতে করতে তার দ্বারে আসে বিশ্বের শ্রীমান, রূপবান, শক্তিমান, গুণবান। ওই দেবদত্ত, ওই ধনঞ্জয়, ওই কুকরকেতু—পিঙ্গলার কটাক্ষের দাস। এত গৌরব কার? কোন্ বিজয়িনী নারী অজ্ঞাধিপাত, পাঞ্চালাধিপতিকে আকর্ষণ করতে পেরেছে?—পেরেছে সে—বিশ্বের মনোমোহিনী পিঙ্গলা। সগর্ভ পদক্ষেপে সে গবাক্ষের দিকে অগ্রসর হয়।

বেলা শেষ হয়ে আসছে, কর্মকালান্ত বিশ্ব। বিশ্বের মন বিশ্বামুখী। শুধু মন নয়, দেহও। পূর্বদিগন্তের দিগ্‌বধু মেঘকাজল মেঘান্বরী পরিধান করেছে। পথিকবধুর অঙ্গসজ্জা সমাপনের এই-সময়। চঞ্চলা হয় পিঙ্গলা। তাকেও সজ্জিত হতে হবে। সঙ্কেতোপজীবিনীর সঙ্কেত কেবল অজ্ঞলাবণ্য নয়, অজ্ঞের অঙ্গসজ্জাও। কৃত্রিম প্রসাধনে আরও সুন্দর হয়ে ওঠে স্বভাবসৌন্দর্য।

স্বপ্নের দাগ মোছে নি মন থেকে। আজ সে সজ্জিত হবে, সজ্জিত হবে স্বরঙ্গরী উর্বশীর মত। সে আকর্ষণ করবে সবচেয়ে বেশি শুদ্ধপ্রদ নাগরকে। ঐশ্বর্য তার আছে, রাজরাজেশ্বরীর মত ঐশ্বর্য। তবু আরও চাই। বিধাতা বলবেন, 'এ লোভ, অর্থ অনর্থের মূল।' হোক লোভ—অর্থ অনর্থের মূল নয়। পিঙ্গলা বুঝেছে, অর্থেই প্রতিপত্তি, অর্থেই প্রতিষ্ঠা : অর্থই রূপ, অর্থই গুণ, অর্থই আকর্ষণ। প্রশংসা, খ্যাতি—সে তো তারই, যার আছে অর্থ। অধিক কি—কাম্য চতুর্বর্গের এক বর্গ অর্থ। অর্থের অর্থী কে নয় ?

মনোমোহিনীর বেশে সজ্জিত হল পিঙ্গলা। নয়নে নীলাঞ্জন—ক্রদয়ে সূক্ষ্ম কাজলরেখা। বদনে লোভুরেণু, কপালে সসিন্দূর গোরোচনা ফোঁটা, কপোলে বিচিত্র পত্রলেখা। কর্ণে মণিময় কুণ্ডল, কণ্ঠে রত্নহার, হস্তে স্বর্ণবলয়। সে পরিধান করল বাসন্তীবর্ণের চীনাংগুক, কটিতে মোহন মেথলা। নয়ন-বিভ্রম সে অঙ্গসজ্জা। মঞ্জীরে যত্ন ঝঙ্কার তুলে রতিদর্পহারিণী ধীরে এসে দাঁড়াল সৌরভাগারের বহির্দ্বারে।

আজ পিঙ্গলার হৃদয়-সাগরে লোভের প্রমত্ত হিল্লোলে আশার তুঙ্গ তরঙ্গ। আজ সে আকর্ষণ করবে সর্বাপেক্ষা শুদ্ধপ্রদ নাগরকে। আজ রাজরাজেশ্বরীর হৃদয়ে রাজরাজেশ্বর-সন্তোগের উগ্র কামনা।

সূর্য অস্ত গেছে ; কিন্তু সজ্জা হয় নি এখনো। গোধূলির অপস্রয়মান আলোকে রঙিন ধরণী যেন রূপোপজীবিনী পিঙ্গলা। আকাশ তার কটাক্ষ, সঙ্কতে কাকে যেন আহ্বান করছে। সঙ্কতে যেন চলেছে গৃহে, অরণ্যে। অস্তঃপুরের নীল উৎসুক নয়ন আকর্ষণ করছে কর্মকান্ত পুরুষকে, বৃক্ষনীড় আকর্ষণ করছে চরন্-শ্রান্ত বিহঙ্গকে। পিঙ্গলার প্রমোদভবনের আকর্ষণও কম নয়। রূপের আকর্ষণ চুষকের মত। কুসুম-নির্ধাসের মিষ্ট গন্ধে সুরভিত সৌরভাগার, পিঙ্গলার অঙ্গকস্তুরীর সুবাসে প্রমোদিত রাজপথ। সোৎকণ্ঠে সে তাকিয়ে থাকে পথিকের প্রতীক্ষায়, কটাক্ষে মোহিনী যায়।

ওই যে দূরে দেখা যাচ্ছে নাগানন্দকে। দ্রুত এগিয়ে আসছে সে। নাগর নাগানন্দ। কি বিপুল দেহ ! মুখে সঘন উদগার। ঘিনঘিন করতে থাকে পিঙ্গলার সর্বাঙ্গ। ঘুণায় সে মুখ ফিরিয়ে নেয়। উৎসাহী নাগানন্দ থমকে দাঁড়ায়, মুখখানা গম্ভীর করে উদগার ছাড়ে। পিঙ্গলা ওর দিকে ফিরেও তাকায় না। নাগানন্দ একটু প্রতীক্ষা করে, তারপর গভীর নৈরাশ্রে ধীরে ধীরে চলে যায় সন্মুখপথে।

একে একে আসেন কূর্মরাজ, কুকরকেতু । ওদের দেখে পিঙ্গলা হস্ত সংবরণ করতে পারে না । কূর্মরাজের স্থলদেহ, সারাঙ্গণ মিটামিট করছে চক্ষু । দেহকে এই স্ফীত করছে, পরমুহূর্তে করছে সঙ্কুচিত । কুকরকেতু আরও চমৎকার । উদরে চিরক্ষুধা, কণ্ঠে অনন্ত তৃষ্ণা । ত্রিবক্র দেহ, নাসায় নিরন্তর ক্ষুৎকার । কী আছে ওদের ? শুদ্ধই বা কী দেবে ওরা ? রূপ ?—আহা মরি ! পিঙ্গলা কোন সঙ্কেতই করে না ওদের । উপেক্ষার হাসিতে নিরাশ হয়ে ওবা ফিরে যায় ।

নাঃ—সৌরভাগারের দিকে আর আসছে না কেউ । সঙ্ঘার ছায়া ঘোর হয়ে আসছে । মনে আশার সহস্র দীপ জ্বলে পিঙ্গলা এসে উপস্থিত হয় বারুণী ভবনে । নিশ্চয় ধনী নাগব মিলবে এখানে । ত্রস্ত অঙ্গবাস স্রবিগ্নস্ত কবে সে দাঁড়ায় দেহলীর ওপরে—নয়নে সঙ্কানী দৃষ্টি ।

কে ও ? দেবদত্ত ?—হ্যাঁ, দেবদত্ত । বণিক দেবদত্ত অর্থবান । সাত সাতটি তার বাণিজ্য-তবণী, কিন্তু ভারি অলস । দেহে আলস্তের বিজ্ঞপ্তি । নিদর্শনে দেবদত্তের জুড়ি নেই । চিব নিদ্রাকাতব—জাগলেও নেত্র অর্ধ-নিমীলিত, যেন শিবনেত্র, যেন মদের নেশায় বিহ্বল । কি শুদ্ধ দেবে দেবদত্ত ? 'বাণিজ্যে বসতে লক্ষ্মী :—এ উক্তি মিথ্যা নয় । কিন্তু চিব অলস যে, চকলা তার বাণিজ্যালক্ষ্মী । নিদ্রাকাতব সিংহও আহায থেকে বঞ্চিত হয় । পিঙ্গলা দেবদত্তকে সংকেত করে না । বিরস বদন দেবদত্ত তুলতে তুলতে চলে যায় । উদ্গ্রীব দৃষ্টি মেলে পিঙ্গলা আবার প্রতীক্ষা করে ।

অঙ্ককারে গা ঢাকা দিয়ে আসছে নাগব ধনঞ্জয় । ধনপতি ধনঞ্জয়—অনন্ত তার পিপাসা । স্তূদখোর পোদার—অর্থশোষণে ওর জুড়ি নেই । টাকায় আড়াই আনা স্তূদ—অনাদায়ে স্তূদের ওপর চক্রবৃদ্ধি । ওর বৃকে যেন মরুতৃষ্ণা । শুষ্ক চোখ, শুষ্ক মুখ । অনবত হাই তুলছে, আর মুখে বলছে কালী কি দুর্গার নাম । হাই তুলতে তুলতে ধনঞ্জয় বারবার হাতে তুড়ি দেয় । হাসি পায় পিঙ্গলার । অর্থবান ধনঞ্জয়, কিন্তু হাড়-রূপণ । পিঙ্গলার আশানুরূপ পণ্য দিতে ওর মুখ শুকিয়ে যায়, হাই তোলে, তুড়ি দেয় । তারপর বলে, 'রূপের জন্ম এত রূপা !' চোখ দুটো ওর এত বড় হয়ে ওঠে । পিঙ্গলা ধনঞ্জয়কে সঙ্কেত করে না । ধনঞ্জয়ের শুষ্ক মুখ আরও শুষ্ক হয় । পিঙ্গলা কি পাওনা টাকার চক্রবৃদ্ধি কষেছে ? আপন গরজেই অঙ্ককারে মিলিয়ে যায় ধনঞ্জয় । পিঙ্গলা নূতন নাগরের আশায় আবার সম্মুখপথে দৃষ্টি নিক্ষেপ করে ।

নিবিড় হয়ে এসেছে সঙ্ঘার অঙ্ককার । তমঃপ্রচ্ছাদিতা ধরণী । রাজপথে

জলে উঠেছে দীপাবলী। আঁধারের বুকের আলো ওই দীপ যেন অন্ধকারের পণ্যাঙ্গনা। কৃত্রিম রূপের সজ্জায় অন্ধকারের মন ভোলায়। পিঙ্গলাও বুঝি ওই দীপের মত। মূঢ়ের মন ভোলাবার জন্তু দেহলীতে দাঁড়িয়ে আছে সে।

কই, কেউ তো আসছে না? পিঙ্গলা বারুণীভবন ত্যাগ করে আসে মণিময় পুরে। মণিমানিক্যে খচিত মণিপুর। দীপালোকে জ্বলজ্বল করে জ্বলছে স্ফটিক, নীলা, গোমেদ। কে যেন ফুলঝুরিতে আগুন দিয়েছে। পিঙ্গলার নয়নে আশার মণিছাতি, কল্পনায় রত্নের ফুলঝুরি। অংস-স্থলিত দুকূল সংবৃত করে সে মণিপুরের অলিন্দে দাঁড়ায়।

পুরদ্বারে ক্রমে এসে উপস্থিত হন বণিক 'অপান' দত্ত, শ্রেষ্ঠী 'সমান' শেঠ। অঙ্গরাজের রপ্তানিদ্রব্যের পরিদর্শক অপান দত্ত। অতিশয় কর্মদক্ষ। বহির্বাণিজ্যে তাঁর অপারিসীম কুশলতা। মন তার বহিমুখী। কিন্তু অঙ্গরাজের অনুবোধে বাইরে বহু দূরে যেতে পারেন না তিনি। রাজার সঙ্গে কি যেন একটা গোপন এবং ঘনিষ্ঠ সম্পর্ক আছে তাঁর। রজ্জুবদ্ধ শোনপাথির মত তাঁরা পরস্পর পরস্পরের প্রতি আসক্ত। শ্রেষ্ঠী সমান শেঠও অতুল সম্পদ ও শক্তির অধীশ্বর। লোকে বলে, অঙ্গরাজের পুষ্টি সমান শেঠ, তারই প্রযত্নে রাজ্যের শ্রীবৃদ্ধি। তাঁরই এসেছেন পিঙ্গলার রতার্থী হয়ে। কত রত্ন, কত কাঞ্চন, কত উপঢৌকন। কিঞ্চনের আকিঞ্চন।

তবু মন ওঠে না পিঙ্গলার। এঁরা প্রজামাত্র। রাজার ঐশ্বর্য এঁদের চেয়ে অনেক বেশি। হয়তো রাজা স্বয়ং আসতে পারেন আজ। পণ্যজীবিনী পিঙ্গলা ক্ষতিগ্রস্ত হবে কেন? চোখে তার আলেয়ার আলো। অপান দত্ত, সমান শেঠকে সে প্রত্যাখ্যান করে, ফিরিয়ে দেয় ঐশ্বর্যের উপহার। আশার সীমা কোথায়? দীপালোকে কি দেখা যায় দিগন্তের চক্রবাল? তীক্ষ্ণ দৃষ্টি মেলে পিঙ্গলা দেখতে চেষ্টা করে, তার চোখে আজ বসুমান বসুপতির স্বপ্ন।

কিন্তু আসছে না তো আর কেউ! আসবে, নিশ্চয় আসবে—ভাবে পিঙ্গলা। এখন তো মাত্র সঙ্ক্যা। পশ্চিমাকাশে শুক্লা চতুর্থীর চাঁদ এখনও অস্ত যায়নি। চতুষ্কল বাঁকা চাঁদ, মুখে স্মিত হাসি। সে-ও যেন প্রতীক্ষা ব্যাকুল। সমুদ্র-প্রিয়া চাঁদ, তার হৃদয়ে রত্নাকর সাগরের স্বপ্ন। পিঙ্গলার আশার রত্নাকর কে? চাঁদের দিকে চেয়ে বিদ্রূপহাসি হাসে পিঙ্গলা, সগর্বে তাকায় নিজের প্রতি। অপূর্ণ চাঁদ, ক্ষীণকল—কিন্তু সে পূর্ণ, ষোড়শ কলার পরিপূর্ণ তার

ঘোঁসন, নিখুঁত তার অঙ্গশ্রী। মণিপুরের অসংখ্য মণি লোলুপ দৃষ্টিতে তার প্রসাধিত পূর্ণ দেহের স্পর্শ কামনা করছে।

শুক্রা চতুর্দশীর চাঁদ অস্ত গেল, অস্ত গেল অতৃপ্ত কামনা বুকে নিয়ে। দুর্কদুর্ক কেঁপে উঠল পিঙ্গলার হৃদয়। মণিপুরের মানিকাত্যাতি যেন অসহ্য বোধ হচ্ছে। ওর কি উপহাস করছে পিঙ্গলাকে? ক্রোধদৃষ্টি নিক্ষেপ করে পিঙ্গলা ত্রস্তে অগ্রসর হল চতুর্থ পুরীর দিকে।

চিরসমীরিত অনাহতপুর মধ্যমা। পাঞ্চালরাজ, অঙ্গরাজের অতি প্রিয় প্রমোদাগার। দ্বাদশদল পদ্মের ধ্বজায় শোভিত ভবনশীর্ষ। মকরকোতল সদৃশ সে ধ্বজা মূনের মানসবিভ্রম সৃষ্টি করে। এই ভবনে কত রাত্রে কত তাপসের তপোভঙ্গ করেছে পিঙ্গলা, নিজেকে অবতীর্ণ হয়েছে উবশী, রম্ভা, মেনকা, বিদ্যাৎপণাব ভূমিকায়। তপোভঙ্গে তাপসের নয়নে সে বহি দেখে নি কোনদিন, দেখেছে কামনার আলো, অনুরাগের দীপ্তি। রিক্ত অবধূতকে জয় করে বিজয়ের উল্লাস অনুভব করেছে পিঙ্গলা। কিন্তু আজ ভিগারী, রিক্ত অবধূতকে সে কামনা করে না, তার লক্ষ্য আজ ধনকুবের অঙ্গরাজ, 'প্রাণেশ'কে সে আজ চায় প্রাণপতিরূপে।

স্বীয় অঙ্গে অপাঙ্গে দৃষ্টি বুলিয়ে নেয় পিঙ্গলা। কণ্ঠহার, কাঞ্চী যথা সন্নিবিষ্ট। সাতনরী হারের দুটি লহর যেন স্বচ্ছ ঝরনার মত উন্নত পাহাড় ভেদ করে নামছে। হস্তদর্পণে সে চকিতে নিজের মুখ, কেশপাশ দেখে নেয়। একটু নিখিল হয়েছে কবরী, চূর্ণ কুস্তল ছড়িয়ে পড়েছে কর্ণাস্তে। নিমেষে কেশবিদ্যাস করে নেয়। অধরের তাম্বলরাগ একটু ম্লান। করক হতে একটি সুবাসিত তাম্বল মুখে দেয় পিঙ্গলা। মুহূর্তে রক্তরাগ ছড়িয়ে পড়ে অধরে, গণ্ডে। বন্ধিম ক্রয়ুগল অনঙ্গের উত্তম ধনু, কটাক্ষ কুসুমশর। অনাহতপুরের বহির্দ্বারে দাঁড়ায় অনঙ্গমোহিনী।

মনোজব পঞ্চাশের রথারুঢ় হয়ে কেউ আসছে না?—হ্যাঁ, পঞ্চ অশ্বযোজিত রথ। পিঙ্গলারই সামনে এসে ধমকে দাঁড়াল, একটা চঞ্চল গতি যেন শুক্ন হয়ে গেল চোখের পলকে। রথ থেকে নামছেন পাঞ্চালরাজ 'মানস'। সর্বাঙ্গে চঞ্চল বিদ্যাৎতরঙ্গ—চপলমতি পাঞ্চালপতি, সঙ্কলে-বিকলে চির-অস্থির। বদনে, নয়নে, বক্ষে, চরণে সেই চাঞ্চল্যের তরঙ্গ। বহুবিস্তৃত তাঁর রাজ্য, বহুবিস্তৃত ক্ষমতা। পঞ্চ চর, পঞ্চ কর্মাধ্যক্ষ—পঞ্চ পঞ্চীকৃত পাঞ্চালরাজ্য। 'চারৈঃ পশ্যাস্তি রাজানঃ'—পাঞ্চালরাজ তার প্রত্যক্ষ দৃষ্টান্ত। অতি ধূর্ত ছয়জন মন্ত্রী, কিন্তু অতি বিশ্বস্ত। রাজ্য হয়েও পাঞ্চালরাজ এই ষড়মন্ত্রীর অধীন। মর্ত্যের ইন্দ্র যেন

পাঞ্চালেশ্বর। ইন্দ্রের মতই ভোগী, ইন্দ্রের মতই প্রতাপশালী। অসীম তাঁর ক্ষমতা। ইচ্ছা করলে সৃষ্টিকে তিনি নরকে পরিণত করতে পারেন, আবার ইচ্ছা করলে স্বর্গও করে তুলতে পারেন নরকে। সবই নির্ভর করে তাঁর ইচ্ছার ওপর। সৃষ্টির অমৃত ও গরল—দুই-তাঁর করায়ত্ত।

নাগরবৃত্তিতেও নিপুণ পাঞ্চালরাজ। চতুঃষষ্ঠী কলার তিনি অধীশ্বর। অসম্ভব জল্পনা ও অঘটনঘটনপটীয়সী কল্পনা তাঁর ইচ্ছিতের দাসী। সুদক্ষ শিল্পীর মত তিনি বাক্চতুর। কল্পনা করে এমন গল্প রচনা করেন যে, তাকে মিথ্যা বলার উপায় নেই। মানুষের মনস্তত্ত্ব তাঁর নখদর্পণে। লোকে বলে, সত্যযুগে উনিই নাকি ছিলেন আদি ‘কবির্মনীষী’।

পাঞ্চালরাজ মানসের এই কবিত্ব পিজলা উপভোগ করেছে অনেকদিন। অনেক উতলা মাধবী রাতে পাঞ্চালরাজের সরস প্রণয়ভাষণে মোহিত পুলকিত হয়েছে পিজলা। লুক্ক চিত্তে বাক্যসুধা পান করেও তৃপ্তি হয় নি। কিন্তু আজ কবিত্বে পিজলার প্রয়োজন নেই। যত অপ্রয়োজনের বোঝা স্তূপীকৃত করে কবি। মিথ্যার ফানুস রচনায় ওরা অদ্বিতীয়। বস্তু নয়, অবস্তু নিয়ে ওদের কারবার। পণ্যাঙ্গনা পিজলা, পিজলার কাম্য পণ্য। বাণীর বরপুত্র নয়, আজ লক্ষ্মীর বরপুত্রে তার আসক্তি। ঐশ্বর্য পাঞ্চালরাজেরও আছে, কিন্তু অঙ্গরাজের তুলনায় তা নগণ্য। পাঞ্চাল তো অঙ্গের করদ রাজ্য। পিজলা ইচ্ছা করে কোন সঙ্কেত করে না, নিশ্চুপ দাঁড়িয়ে থাকে।

প্রগলভ পাঞ্চালরাজ এসে সম্মুখে দাঁড়ান। একগাল হেসে বলেন, ‘কি গো, আজ যে রাজরাজেশ্বরীর বেশ। কোন্ কন্দর্পের দর্প হরণ করবে? বন্দর্প তো ভস্ম হয়েছে অনেক দিন। অনঙ্গ আজ ভর করেছেন আমাদের অঙ্গে। এই দিকেই দৃষ্টি ফেরাও সজ্ঞানী!’

পিজলা উত্তর দেয় না। দুরাশার নিঃসীম সাগরে দোল খাচ্ছে তার মন। হয়তো কানেই যায় না মানসের কথা। সে ভাবে, বাঁকা চাঁদটা কোথায়? নয়নে কি এখনো তার রত্নাকরের স্বপ্ন? অন্ত সীমায় রত্নাকর কি বৃকে টেনে নিয়েছে তাকে?

অপ্রস্তুত পাঞ্চালরাজের রত্নকুণ্ডল গণ্ডে দোল খেতে থাকে। কণ্ঠের রত্নহার অর্ঘ্যের মত হস্তে ধারণ করে তিনি বলেন, ‘এষ অর্ঘ্যঃ’—

বাক্য শেষ হয় না। সঙ্কোচে সরে দাঁড়ায় পিজলা। আরও মহার্ঘ অর্ঘ্য আজ তার কাম্য। শুধু রত্নহার আজ তুচ্ছ। অমরাবতীর ইন্দ্রমায়া তার অন্তরে।

অক্ষপণ্যে আজ ইন্দ্রাগার জয় করবে সে। বারাকনা অলুকা নয় কোনদিনই—
আজ অন্তহীন লোভ, আজ অপরিমেয় আশা।

উপেক্ষায় ক্ষুব্ধ হন পাঞ্চালরাজ। কিন্তু সে মুহূর্তের জ্ঞান। চন্দ্রবংশে তাঁর
জন্ম। রসাধার যেমন সোম, তেমনি রসে পূর্ণ তাঁর মন। সরস একটা ব্যঙ্গ
সোচ্চার হয় তাঁর কণ্ঠে, ‘পতিব্রতা সূর্যপ্রিয়ার আজ বৃষ্টি পতি-প্রসাদন ব্রত ?
পতিতার এত পতিপ্রাণতা ! জানতুম না তো এতদিন !’

বিদগ্ধা বারাকনা পিঙ্গলা। বাগবৈদগ্ধ্য তারও অসামান্য। প্রত্যুত্তর দিতে
বিলম্ব হয় না তিলার্ধও, সে বলে, ‘পতিপ্রাণতাই তো বহুপতিক পতিতার ধর্ম।
সে তো একবীরা নয়, বহুবীরা।’

—কোন ভাগ্যবান বীর আজ বীরবধূকে ব্রতচারিণী করেছে, তাই তো প্রশ্ন !

—সে যিনিই হন, অন্তত আজকের রাতে তিনি চন্দ্রবংশজ নন।

—ঠিকই ধরেছি। সূর্যমুখীর অন্তরে আজ সূর্যের ধ্যান। কিন্তু ওগো তপন-
প্রিয়া, নিশীথে যে নিশাকরেরই একাধিকার।

—নিশাকরের সে একাধিকার জেনো দিবাকরেরই রূপায়। করদ পাঞ্চাল—
সে কথা কি ভুলে গেলে ?

আহত পাঞ্চালরাজ মুহূর্তে বৃষতে পারেন কটাক্ষ। কামাঙ্ক ক্রোধাঙ্কও যে না
হন, তা নয়। কিন্তু কামমোহিতের ক্রোধ কাপুরুষের মতই—নিজের অঙ্গলয় হয়ে
অন্ধেই নির্বাণলাভ করে। তবু শেষ চেষ্টা করেন পাঞ্চালরাজ :

—পণ্যে ক্রেয় পণ্যাকনা : সে যে-কোন পণিকের ভোগ্যা। স্বৈরিণী-সরোবরে
অবগাহন করার অধিকার সকলেরই—হোক সে রাজা, হোক সে প্রজা কিংবা
করদরাজ।

—কিন্তু মানস-সরোবরে অবগাহন করার অধিকার রাজহংসেরই। পুষ্পিত
সহকারকে পরিত্যাগ করে কোন্ মধুকরী অপুষ্প বৃক্ষকে ভজনা করে ?

—ওগো সূর্যপ্রিয়া, আজ যে বড় বড় কথা শুনিছ তোমার মুখে !

—সে তো তোমাদেরই দেওয়া দান। আলো-হাওয়া দিয়ে আশার মুকুলকে
পূর্ণ প্রস্ফুটিত করেছ তোমরাই। অশেষ বস্তুবাদ তোমাদের।

পিঙ্গলার কণ্ঠস্বর যেন কাঁপছে। পাঞ্চালরাজ বোঝেন, গতিক আজ সুবিধের
নয়। হয়তো পিঙ্গলা আজ বাগদত্তা। তাতে দুঃখই বা কি ? চঞ্চল পুরুষ
চিরস্বাধীন, স্বৈচ্ছাচারিণী নারীর চেয়েও স্বাধীন। তাদের নিমন্ত্রণ অনেক রূপের
রূপমহলে। পিঙ্গলা প্রত্যাখ্যান করেছে, তিনি ইড়াকে বরণ করবেন।

ইড়া না হয়, আছে গাছারী, কুহু, শম্বিনী, বারুণী, অলম্বুযা। নারীর অভাব কি ?
বিদেহনগরে, অঙ্গে, পাঞ্চালে 'সার্থ লক্ষত্রয়' সঙ্কেতোপজীবিনী। সকলেই
পিঙ্গলার মত দুরাশা পোষণ করে না।

পাঞ্চালরাজ ক্ষত পঞ্চ অশ্ববাহিত মনোজব রথে অরোহণ করেন। চক্ষের
পলকে রথ অদৃশ্য হয়ে যায়।

কেমন যেন হয়ে যায় পিঙ্গলা। অত্যন্ত অস্বস্তি। পাঞ্চালরাজ মানস।
কতদিন পিঙ্গলা ওকে কামনা করেছে। যেদিন সে কাছে এসেছে, পিঙ্গলা অগ্নি
নাগরকে বিদায় করেছে সঙ্কেতবাক্যে। ওর স্পর্শে উন্মাদ হয়ে উঠেছে পিঙ্গলা,
রক্তকণায় যেন মাতাল ঢেউ। ওর কবিত্বে স্বপ্নে বিভোর হয়েছে সে—নয়নে
রূপলোকের মোহ। চঞ্চলকে বশ করে গভীর আত্মপ্রসাদ লাভ করেছে পিঙ্গলা।
আজ অতিলোভের বশবর্তী হয়ে পিঙ্গলা একি করল ! আনমনা হয় বিশ্বমোহিনী।

রাত্রির প্রথম প্রহর অতীত হয়ে গেছে। রাজপথে বিরল জনসমাগম।
মাঝে মাঝে আসছে দু-একজন, সঙ্কেত করার মত পথিক তারা নয়। আজ
পিঙ্গলা কামনা করে অঙ্গরাজকে। কোথায় তিনি, তার কামনার স্বপ্ন ? পিঙ্গলার
আশা চঞ্চল হয়ে কাঁপছে রাজপথের দীপালোকের মত। ওরাও প্রতীক্ষাব্যাকুল
উৎকণ্ঠিতা নারিকা। কার ধ্যান ওদের বুকে ?—পতঙ্গ ? কামোন্মত্ত হয়ে যে
দৃষ্টি হয় রূপের আঙুনে ? পিঙ্গলার মনে হয়, প্রদীপ পতঙ্গ-প্রিয় নয়, প্রদীপের
অস্তরে দূরাকাশের চন্দ্রতারকার ধ্যান। সেই চন্দ্রতারকা কি বাস্তব মূর্তি ধরে
নেমে এসেছে কোনদিন ?—আসে নি। তবু তো আশাহত হয় নি প্রদীপ।
অনন্তকাল ধরে যেন প্রতীক্ষা করছে ওরা।

পিঙ্গলার সঙ্কানী দৃষ্টি আরো তীব্রতর হয়। প্রদীপের সারি ছাড়িয়ে দৃষ্টি
গিয়ে পড়ে দূর অঙ্ককারে। অঙ্ককার—সৃষ্টিকর্তা বিধাতার তামসী তনু। সিস্কু
বিধাতা নাকি বহুবীর তনু ত্যাগ করেছেন। অবুদ্ধিপূর্বক যখন সৃষ্টিতে
উত্তম হয়েছেন তিনি, তখনই হয়েছে ঘোরা তামসী সৃষ্টি। সে সৃষ্টি সৃষ্টির ব্যভিচার,
অমঙ্গলের নিদান। ক্ষুব্ধ হয়েছেন বিধাতা, ত্যাগ করেছেন অশুচি তনু।
বিধাতার এই পরিত্যক্ত তনুই সঙ্ক্যা, দোষা, নিহারময় তমঃ। অঙ্ককার সেই
তামসী তনুর আর এক প্রতিক্রম। পুংশলী তমসা—প্রেত-পিশাচের ভোগ্যা।
বুকে ওর রাক্ষসী ক্ষুধা। বিকট গ্রাস যেন মেলে ধরেছে পৃথিবীর দিকে।
লোভের বিশ্বগ্রাসী রূপ দেখে নিজের অস্তরে নিজেই শিউরে ওঠে পিঙ্গলা।
তার আশাও কি অমনি কদর্ঘ, অমনি সর্বগ্রাসী !

মধ্যমা পুরী আর ভাল লাগছে না পিজলার। প্রমোদভবনের একটানা অনাহত মূর্ছনা অত্যন্ত অস্বস্তিকর। দ্বাদশদল কমলের সুউচ্চ ধ্বজাটা যেন দৈত্যের মত দেখাচ্ছে। আকাশকে যেন স্পর্শ করতে উত্তত হয়েছে সে। কি স্পর্শ! কোথায় আকাশ, আর কোথায় এই পতাকা! নাঃ, পাঞ্চালরাজ মানসকে উপেক্ষা করা উচিত হয় নি পিজলার। এত আশা কি ভাল? যদি অন্ধরাজ প্রাণেশ আজ না আসেন? বিদেহনগরে রূপজীবিনী সে তো একা নয়। গান্ধারী, শঙ্খিনী, কুহু—সর্বোপরি রয়েছে ইড়া, তারই সহোদরা। আশঙ্কায় দুর্দুরূপে পিজলার হৃদয়।

রাত্রির দ্বিতীয় প্রহর। এই প্রহর ভোগীর সম্ভোগকাল। শিশু সন্ধ্যাতেই ঘুমিয়ে পড়ে। বৃদ্ধ দ্বিতীয় শিশু—ভোগে বীতস্পৃহ। শিশুর মতই সন্ধ্যায় শয্যায় আশ্রয় গ্রহণ করে জরাতুর। তার তন্দ্রাচ্ছন্ন নয়নে অন্ধকারের দুঃস্বপ্ন, ভোগ-প্রহরে সে কালের ঘণ্টা শুনে চমকে ওঠে। কিন্তু ভোগী অতন্দ্র হয়ে জেগে থাকে রাত্রির এই দ্বিতীয় প্রহরে। বরাজনা কিংবা বারাজনা কারও চোখে ঘুম নেই। ভোগপ্রমত্তের দেহে উত্তেজনা, অন্তরে কামনার নৃত্য, নয়নে রঙের মশাল। বাইরে অন্ধকার—ভিতরে উল্লাসের দীপ্তি। মধুকণ সদৃশ কাম, মাধবিক মধুর মতই মোহকর। হৃদয়ে আশ্লিষ্ট হৃদয়, বিস্মিষ্ট বহির্জগৎ।

দারুণ অস্বস্তি বোধ করে পিজলা। সে ভাবতে চেষ্টা করে, গান্ধারী অলম্বুবা, কুহু—আজকের রাতে তারাও কি পিজলার মত নিঃসঙ্গ। নিঃসঙ্গ কেন হবে। আসক্তকামনায় তারা হয়তো এতক্ষণ বরণ করে নিয়েছে দেবদত্ত কিংবা ধনঞ্জয়কে। তাদের প্রমোদকক্ষে এখন উল্লাসের কলরোল। কুকরকেতুর হাঁচি হয়তো শাস্ত হয়েছে শঙ্খিনীর বাহুবেষ্টনে। ইড়া?—পিজলার প্রতিশঙ্খিনী সহোদরা? হয়তো পাঞ্চালরাজ মানসের পঞ্চাশ্বাহিত আজ্ঞানৈয় রথ তার দুয়ারে গিয়েই থেমেছে আজ। লোকে বলে, অসাধারণ গুণবতী ইড়া। তার তুলনায় পিজলা নাকি কুরা, ছলনাময়ী। উপেক্ষিত শক্ররা বলে, পিজলা মায়াবিনী—বশীকরণে, আকর্ষণে, এমন কি মারণকর্মেও সে নাকি ষাটুবিদ্যা প্রয়োগ করে।

অন্তঃকর্মে পিজলা শুনতে পায় শত্রুর দুর্কল্প। ঈর্ষায় উন্মাদ হয়ে ওঠে সে। অতৃপ্ত কামনা বুলুফু পিশাচীর মত চোখে জ্বলজ্বল করে—হৃদয়ে গর্জন করে ক্ষুধাতুর বাঘিনী। দুর্দুরূপ আক্রোশে ওষ্ঠাধর দংশন করতে থাকে সে। অন্ধরাজ কি আসবেন না তাহলে? রাত্রির ভোগপ্রহর অতীত হয়ে গেল যে! হতাশার বিক্ষোভে কণ্ঠ, তালু শুষ্ক মনে হয়।

এবার পিঙ্গলা সত্যিই ভয় পেয়ে যায়। পণ্যাকনার অমিত পণ্যালিপ্সা তার মধ্যে একটা ব্যর্থতার হাহাকার জাগিয়ে তোলে। ব্যর্থ তাহলে এই রূপ? ব্যর্থ অঙ্গসজ্জা। উন্নত পীনবন্ধ যেন পিঙ্গলাকে ব্যঙ্গ করে, কটিদেশে কাঞ্চীর নিকণ যেন উপহাস করে তাকে। নৃপুর-শিঞ্জিনীতে গুঞ্জরিত কি বক্রশ্লেষ? পিঙ্গলার মস্তিষ্কে আগুন জ্বলে।

আর ভাবতে পারে না সে। অদূরে পুরস্কী পুরী—লোকে আদর করে তাকে বলে ‘স্বপ্না’ পুরী। শাস্তির গুভ্রালোকে উদ্ভাসিত সর্বগুণা পুণ্যময়ী পুরা প্রশান্ত, সদানন্দ। অঙ্ককারেও দেখা যাচ্ছে গৃহপ্রদীপের শাস্ত শিখা। কি স্নিগ্ধ, কি শীতল! পুণ্যবতী পুরস্কী। তার অন্তরে দুরাশা নেই, জ্বালা নেই। পুণ্যবান গৃহমেধীর একনিষ্ঠ প্রেমে পূর্ণ তাঁর হৃদয়। সীমন্তে সৌভাগ্যরেখা—সতী নারীর বিজয় কেতু। অম্লান তার দীপ্তি। কি গভীর শাস্তি। কি সুগভীর তৃপ্তি। পুরস্কী পুরীর দিকে তাকিয়ে স্মেরিণী পিঙ্গলার নয়ন চিকচিক করতে থাকে। চোখে কি জল নামে?

রাত্রির তৃতীয় প্রহরে পিঙ্গলা ধীর চরণে এসে উপস্থিত হয় ‘শূন্যসদ্যে।’ সোৎকর্ষ অভিসারিকার উন্মাদনা স্তিমিত হয়ে এসেছে। আর সে উৎসাহ নেই। আশা আছে, সে যেন ভগ্নাংশের শেষ আশা, অতিক্ষীণ তার দীপ্তি। সোপান শ্রেণী অতিক্রম করে ধীরে ধীরে নির্জন দেহলীর ওপর এসে সে দাঁড়ায়।

নিম্নে জনহীন পথ, চলে চলে শ্রান্ত হয়ে যেন ঘুমিয়ে পড়েছে এবার। পথের দীপাবলীতে একটা নিশ্চল প্রশান্তি। রাত্রির তৃতীয় প্রহরে ঘুমন্ত পৃথিবী। লোভী পৃথিবী, আশাতুর পৃথিবী—যেন আশাহত হয়েই শান্ত হয়েছে। পুরস্কী পুরী গভীর নিদ্রামগ্ন। সংঘত কামনার পবিত্র হোমোগ্নিতে পূর্ণাহুতি দিয়ে, পুরোহিত যেন শাস্তিমন্ত্র উচ্চারণ করে শাস্তির জ্বলে অভিষিক্ত করে দিয়েছেন গৃহস্থের অন্তর। এখনও যেন শেষ রাগিণীর মত জাগছে তার অনুরণন—ওঁ শাস্তি! জ্যো শাস্তি! পৃথিবী শাস্তি! অন্তরীক্ষ শাস্তি!

নিরাশ হলেও ঈর্ষা হয় না পিঙ্গলার। উদার-দৃষ্টি পৃথিবী ছেড়ে বিস্তৃত হয় উর্ধ্ব। নির্জনতা এমনি করেই মানুষের মনকে উর্ধ্বগামী করে তোলে। নিঃসীম কালো আকাশ। কী বিরাট! আকাশের বুকে অগণিত আশার আলো। ওরা তো উদ্দাম নয়, উদ্ধত নয়। স্নিগ্ধ, শান্ত! ওই চন্দ্রপত্নী সপ্তবিংশ নক্ষত্র—অশ্বিনী, ভরণী, কৃত্তিকাদি ষট্‌মাতৃকা। কি গভীর তৃপ্তির হাসি ওদের মুখে। সপত্নীবিষেয় ভুলে গেছে তারা। শূন্যায় অভিজিৎ নক্ষত্র কোন্টি? নয়ন বিস্ফারিত করে দেখতে চেষ্টা করে পিঙ্গলা।

ওই দূরে সপ্তর্ষিমণ্ডল—স্থির, শান্ত। সতী অরুঙ্কতীর নয়ন কি মিথোজ্জল তাকে নিয়ে সপ্তর্ষিমণ্ডল একটা বিরাট প্রশ্নবোধক চিহ্নের মত দাঁড়িয়ে আছে। কি তাদের প্রশ্ন? পিঙ্গলার অপরিমিত আশার শেষ কোথায়—এই কি তাঁদের জিজ্ঞাসা?—কি উত্তর দেবে পিঙ্গলা? কি উত্তর দেবে আশার সমুদ্রে নিমগ্না পিঙ্গলা? সাধ্বী অরুঙ্কতীর দিকে তাকিয়ে পিঙ্গলার বুক কাঁপতে থাকে! তিনি যদি প্রশ্ন করেন, ভানুমতী তুমি, সূর্যপ্রিয়া; কেন পতন হল তোমার?—লজ্জায় মুখ ফিরিয়ে নেয় পিঙ্গলা। অস্তরে অনুশোচনার দংশন। স্বর্গসম্ভবাসে, সূর্যস্বরূপিণী—কিন্তু সে স্বর্গভ্রষ্টা! বৃকের অতলে জাগে অশ্রু-উচ্ছ্বাস।

সপ্তর্ষিমণ্ডলের পুচ্ছরেখায় অদূরে, ঠিক উত্তরে উজ্জ্বল ধ্রুবনক্ষত্র। ধ্রুবজ্যোতি ধ্রুব নক্ষত্র। একটি শিশু-হৃদয়ের ভক্তিবলে স্বর্গীয় রূপা লাভ করেছে। জ্যোতিশ্চক্রে অক্ষয় তাঁর আসন। শান্ত শান্তির প্রতীক ওই ধ্রুবতারা। সংসারতরঙ্গের দিকে অনিমেষ তাকিয়ে আছে, করুণার দৃষ্টিতে দেখছে যেন সংসারের অশান্ত তরঙ্গভঙ্গ, যেন মৌন ইঙ্গিতে বলছে আশাপ্রমত্ত মানুষকে, ‘ত্যাগ কর অধ্রুব চঞ্চল আশা, দমন কর লোভ। দেখ এই ধ্রুবজ্যোতি। অনিবাণ আমার দীপ্তি। আমিই আশার আশা। আমিই অনাদি, অনন্ত। অশান্তিতে আমি শান্তি, লোভের পরমা নিবৃত্তি। চঞ্চল গ্রহ, চঞ্চল নক্ষত্র—কল্পান্তে তাদের প্রলয় হয়, আমিই শুধু স্থির থাকি। আমি অব্যয়, অক্ষয়, ধ্রুব। আমি বিষ্ণুর পরমপদ—পরমা শান্তি। আমাকে দেখ, আমাকে ভাল করে দেখ।’

নির্নিমেষ নয়নে তাকিয়ে থাকে পিঙ্গলা। স্থির দৃষ্টিতে বেদনার অশ্রু চিক-চিক করে। মনের অতলে তবু কোথা থেকে নামে যেন সুখের জোয়ার! আসবে না, কেউ আসবে না আজ। শুকের আশায় আজ নিরাশা। পণ্য-জীবিনী পিঙ্গলার সমূহ ক্ষতি। তবু একি সুখের নৈরাশ্য! ওই পূর্বদিগন্তে উদ্ভিত হয়েছে শুকতারা—ত্রিযামার শেষ ঘোষণা, ওই দিক্চক্রবালে উষার শুভ্র জ্যোতিরেকা—শুভ ব্রাহ্ম মুহূর্তের চিহ্ন। যোগীদের জেগে ওঠার সময় এখন, ভোগীরা ঘুমিয়েছে অনেকক্ষণ।

পিঙ্গলার দুচোখ আচ্ছন্ন হয়ে আসছে। ধীরে শূন্যসদৃশ কক্ষাভ্যন্তরে প্রবেশ করে সে। শান্তির ঘুম যেন ডাকছে তাকে, ডাকছে শূন্য শয্যা। বিনিদ্র রজনীর শ্রান্তি, তবু শান্তি অনুভব করে পিঙ্গলা। বিরহিনী বিপ্রলঙ্কার বিরহকুঞ্জে আজ বৃষ্টি ভাবসম্মিলন। কোথায় যেন কিসের উৎসব শুরু হয়েছে মধুর সুরে বাজল কি ভোরের সানাই!

শাস্তিভরে পিঙ্গলা শয্যা দেহ এলিয়ে দেয়, মুদ্রিত নয়নে ভাবে, 'কি সুখের এই নৈরাশ্য! কি আনন্দ এই নিরাশায়! দূরাশার তাড়নায়, কি দুঃসহ দুঃখ, অশাস্তি ভোগ করেছি এতক্ষণ! সন্ধ্যা থেকে শেষরাত্রি—স্বপ্ন ছিল না, ছিল না শাস্তি। লোভ, দূরাশা উন্মাদ করে তুলেছিল আমাকে। এখন কি আরাম! কত মধুর এই লোভের অবসান, কত গভীর নিরাশার প্রসাদ!'

পরম নিশ্চিন্তে চক্ষু মুদ্রিত করে পিঙ্গলা। দূর থেকে ভেসে আসছে গন্ধর্বকণ্ঠের সুমধুর সঙ্গীত, মধুর লয়ে ঝঙ্কত কিয়রীর গান। গবাক্ষপথে প্রবেশ করছে যুতুমন্দ সমীরণ। রজনী প্রভাতকম্পা। মধুর নিশান্তে স্বপ্ন দেখে পিঙ্গলা, অতি মধুর স্বপ্ন :

সুদূর দেবযানলোক থেকে সুশুভ্র ছায়াপথের ওপর দিয়ে কে যেন নেমে আসছেন। হিরণ্যবর্ণ জ্যোতির্ময় বিরাট তনু। সমুজ্জ্বল, অথচ শাস্তিঘন স্নিগ্ধ কাস্তি। সুপ্রসন্ন বদন, সুপ্রসন্ন নয়ন। চতুর্দিকে নিঃসীম প্রশাস্তি।

পিঙ্গলা যেন চেনে এই বিরাট পুরুষকে। হ্যা, সেই কমলঘোনি বেদগর্ভ ব্রহ্মা। তিনিই এসে দাঁড়িয়েছেন পতিতা পিঙ্গলার সম্মুখে। নাম ধরে ডাকছেন তাকে, কথায় অমৃতের ধারা, 'পিঙ্গলা!'


বিস্মিত, সচকিত পিঙ্গলা। ত্রস্তে সে উঠে দাঁড়ায়। তার ছুটি কর আপনাই যুক্ত হয়। করজোড়ে সে আদেশ প্রতীক্ষা করে। বুকে কিসের যেন কম্পন!

বিধাতাপুরুষ বলেন, তিনি অভয়ের অধীশ্বর, বাণী তাঁর মধুকরা : 'পিঙ্গলা, আজ তুমি শাপমুক্ত। অপরিমিত আশায় তুমি অভিশপ্ত হয়ে স্বর্গভ্রষ্ট হয়েছিলে। সেদিন তুমি ছিলে কামার্তা, ভ্রষ্টা। আমি বলেছিলাম, যেদিন এই আশা ত্যাগ করবে, সেদিন আবার স্বর্গের প্রবেশপথ উন্মুক্ত হবে তোমার তরে। আজ তুমি নিরাশ হয়ে দূরাশা পরিত্যাগ করেছ, শাস্ত হয়ে বিসর্জন দিয়েছ আমায় লোভ। আজ তোমার অশাস্তির অবসান। সুখাবহ নির্বেদ তোমাকে আবার স্বর্গে প্রতিষ্ঠিত করেছে। আর তুমি মর্ত্যের শ্বেরিণী, সঙ্কতোপজীবিনী নও, তুমি সেই সূর্যসনাথা সূর্যপ্রিয়া। ওই দেখ, বিশ্বচক্ৰ বিবস্বান সাগ্রহে তোমার আলিঙ্গন প্রতীক্ষা করছেন। স্বর্গের বধু সূর্যস্বরূপিণী তুমি, এস, স্বর্গে আবার তোমার আসন গ্রহণ কর।'

পিঙ্গলা কথা বলতে পারে না। আনন্দে তার কণ্ঠ রুদ্ধ হয়ে আসে। আবেশে কম্পিত সর্বদেহ, দেহে পুলক রোমাঞ্চ, নয়নে অশ্রুর প্রবাহ। কি অনির্বচনীয় শাস্তি। শাস্তির অফুরন্ত নিব্বার যেন অব্যাহত হয়েছে কতদিন

পরে। এত সুখ, এত আনন্দ কার? পিঙ্গলার ছুচোখ আবেশে নিমীলিত হয়ে আসে, মুছিতের মত সে বিধাতা পুরুষের পদপ্রান্তে লুটিয়ে পড়ে। অমৃত ও অভয়ের অধীশ্বর বিরাট পুরুষ তার অঙ্গে তাঁর আরক্ত করকমলের স্পর্শ বুলিয়ে দেন। তপ্ত দেহ যেন জুড়িয়ে যায় পিঙ্গলার।

অস্তর্ধান করেন বিধাতা পুরুষ। জেগে ওঠে পিঙ্গলা। অবাক বিশ্বয়ে সে দেখে, প্রভাতের অরুণ সূর্য সহস্ররশ্মি দিয়ে তাকে আলিঙ্গন করছেন। পিঙ্গলার বুকে সুধাক্ষরণ করছে যেন সুধাসমুদ্র, মধুবর্ষণ করছে যেন প্রভাতের অম্বর। সে সুধাধারার শেষ নেই। *



* পিঙ্গলার উপাখ্যান রয়েছে শ্রীমদ্ভাগবতে (১১ স্কঃ, ৭ অঃ)। এখানে যোগেশ্বরের পিঙ্গলা ষাড়ীর রূপক গ্রহণ করা হয়েছে। সৌরভাগাদি পঞ্চ প্রমোদাঙ্গার আধারাদি পঞ্চ কমলঃ প্রাণেশ প্রভৃতি নাগর প্রাণাদি বায়ু। যোগেশ্বরে মতে প্রাণবায়ু বহুতরুণ পিঙ্গলার প্রবাহিত হয়, ততরুণ সাধক চকল—পিঙ্গলা নিরাশ হলেই মন, প্রাণ শান্ত হয় এবং তখনই সাধক সৎসিদ্ধি-শান্তির স্তরে উন্নীত হন।

